




MONUMENTA  
MATTHAEIANA

АТИМУОМ  
АИЛАНТАМ














STANISLAO . AVGVSTO  
REGI . POLONIAE  
ET . MAGNO . DVCI . LITVANIAE

QVI  
SINCERAE . MAGNAEQVE . GLORIAE  
CVPIDITATE . INCENSVS  
ITA . LITERARVM . ET . HONESTARVM . ARTIVM  
TVM . SVBLIMIORM . OMNIVM . SCIENTIARVM  
STVDIA . COMPLEXVS . EST  
VT . ILSDM  
CVM . IMPERII . DIGNITATE  
REL . PVBLICAE . VTILITATIBVS  
REGNANDIVM . ARTIBVS  
ARCTISSIMO . VINCULO . CONSOCIATIS  
SE . REGIO . HONORE . DIGNISSIMVM . PRODIDERIT  
INDEQVE  
LEGVM . MAIESTATE . VINDICATA  
ASSERTA . POPVLORVM . FELICITATE  
VTRAQVE . SVPERATA . FORTVNA  
POLONAE . GENTIS . CONSENSVM  
OMNI . EVROPAE . TOTIQVE . POSTERITATI  
ABVNDE . COMPROBAVERIT  
IOSEPHVS . ANTONIVS . MONALDINVS  
BIBLIOPOLA . ROMANVS  
TRIA . VOLVMINA . VETERVM . MONVMENTORVM  
ADAEDES . ET . HORTOS . MATTHAEIORVM . SPECTANTIVM  
DEVOTVS . NOMINI . MAIESTATIQVE . EIVS  
LIBENTI . MVNERE . OFFERT







## APPROBATIONES.

**T**UM veterum Monumentorum copia, varietate, praestantia, tum luculentis planeque eruditis VV. CC. Venutii, & Amadutii explanationibus quam maxime commendatur opus inscriptum: *Vetera Monumenta &c.* Nihil praeterea Catholicae Fidei, ac severiori morum disciplinae adversum continet. Itaque luce publica dignissimum cenfeo.

Ex Bibliotheca de Comitibus idibus Decembris MDCCLXXVIII.

*Ioseph-Ant. Canonicus Reggi Praefectus,  
& in Rom. Collegio S. Script. P. Prof.*

---

**I**Ussu Reverendissimi Patris Ricchinii S. P. A. Magistri perlegi librum vetera monumenta exponentem, in Hortis Caelimontanis, & in Aedibus Matthaeiorum adservata, celebris decessoris mei *Rodulphini Venutii* studiis, ac praesertim multiplici eruditione, nec vulgari, nec a solis lexicis petita, *Iohannis Christophori Amadutii* V. Clarissimi illustrata. Quamobrem quum ab iniuria Religionis, ac Principum longe absit, typis edendum iudico litterariae Reipublicae & commercii commodo, & incremento.

Dabam Romae ex aedibus meis idibus Decembris MDCCLXXVIII.

*Ioh. Baptista Vicecomes Roman. Antiq. Praefectus.*

---

**D**Emandante Reverendissimo P. Thoma Augustino Ricchinio S. Palatii Apostolici Magistro, legi perlibenter librum, cui titulus: *Vetera Monumenta &c.* a doctissimo Ioh. Christophoro Amadutio in Romano Archilycae Graecae Linguae Professore elaboratum, nihilque in eo, quod Catholicae Fidei, aut bonis moribus opponatur, inveni; immo quum a capite ad calcem totus omnigena eruditione sit refertus, perutilem Antiquitatum scrutatori-  
bus fore existimo, si typis committatur; quare &c.

Romae ex Aedibus in Collegio Sapientiae idibus Decembris MDCCLXXVIII.

*Prosper Petronius Bibliothecae Sapientiae Praefectus.*

*I M P R I M A T U R,*

Si videbitur Reverendissimo Patri Magistro Sacri Palatii Apostolici.

*F. A. Episcopus Montis Alti, ac Vicesgerens.*



*I M P R I M A T U R.*

Fr. Thomas Augustinus Ricchinus Ordinis Praedicatorum Sacri Palatii Apostolici Magister.





## IOHANNIS CHRISTOPHORI AMADUTII P R A E F A T I O

I.



A est temporis edacitas, ut cuncta paulatim dissolvat, nullaue res sit vel pretio, vel soliditate, vel quocumque alio nomine praestans, quae eius imperium detrectare se posse confidat. Si Romanorum monumenta ad aeternitatem constructa perpendamus, quae nunc vel diruta, vel male consistentia oculis nostris obversantur, intimo quodam dolore percellimur, & aegre licet, indubie tamen fluxam rerum humanarum conditionem agnoscimus. Ceterum is est de animi nostri immortalitate nobis inditus sensus, atque ita alte defixus, ut veluti tacite ab eo profectum intelligamus tum desiderium, quo tangimur, veterum monumentorum anxie perquirendorum, tum solertiam; quam in iisdem vel reipsa conservandis, vel in longius duratura materia excipiendis impendimus. Haec peragentes videmur quodammodo inanimatis rebus nostram tribuere immortalitatem, qui & easdem posteritati commendemus, & earundem praesidio veluti nos ipsos ad transactas remotissimas aetates, ad quas pertinent, transferamus, atque

atque ita exiguam nimis vitae nostrae brevitatem vel producendo, vel compensando nobis libentissime blandiamur. Quae ergo veterum artes, & professiones condiderunt, Signa, Protomas, Hermas, Anaglypha, Sarcophagos, Titulos, ceteraque monumenta colligere tum primum fategit Franciscus Petrarcha, quem suae aetatis perpauca, plures sequiorum temporum imitati, tum Musea, & Villas iisdem lucupletantes a situ, squallore, quin & interitu providissime vindicarunt. Sed in irritum cessisset haec ipsa sollicitudo, nisi typorum etiam accessisset succenturiata sedulitas. Quot enim distracta Musea, quot iam Villae labefactatae, & quot vel avulsa, vel rursus obruta, atque etiam foede disrupta, quae ibidem exsistebant, monumenta veluti ab oculis nostris aufugerunt! Quare laetandum nobis est, eo pervenisse humanae mentis acumen, ut ipsis temporum, & rerum vicissitudinibus obistere, & vim inferre non dubitaverit, & curas curis addendo nova excogitaverit praesidia, quibus diuturniori huiusmodi monumentorum conservationi prospiceret. Hinc ergo est, ut quae in unum collecta monumenta perierunt, perenniter vivant in eruditorum Voluminibus vel typis aeneis consignata, vel doctis illustrata adnotationibus, quibus nunc autographorum desiderium nobis reparari quodammodo videatur. Quare non aliam ob causam, neque etiam absimili ratione quae olim laudabili providentia Cyriaci, & Afrubalis ex Matthaecia gente Procerum, & Iovii Marchionum tum in Hortis Caelimontanis, tum in Aedibus ad Circum Flaminium coacta, & collocata fuerunt omnis generis monumenta, nunc primum aereis formis insculpta, nostris illustrationibus ditata, in unum collecta, rite disposita, ac tribus comprehensa Voluminibus preli beneficio in publicam lucem emittuntur. Licet enim, ut suo loco monuimus, & deinceps etiam monebimus, multa eorum a prioribus hisce domiciliis

pro-



profecta in celeberrimum illud Musarum Sacrarium, Museum nempe Clementinum Vaticanum, concesserint aevo quam longissimo fruitura, tamen non omnia illuc se receperunt, multa quinimmo procul iam abiere, ac multa etiam in dies fatiscunt. Videt, credo, porro unusquisque, e re omnino fuisse, ut quae olim fuerit tanta monumentorum congeries, uno oculi ictu perlustretur, tum domi, & foris, tum praesenti, ac futuro tempore innotescat. Desiderandum quidem erat, Hortos, & Aedes Matthaeiorum tantis conspicuas monumentis litteratorum obtutibus exhiberi, ne tot aliis, numquam cum iis comparandis, quae hoc beneficium naetae fuerant, veluti quodammodo inferiores & haberentur, & essent.

II. Postquam litterarum, & veterum scriptorum, monumentorumque studium adolevit, tum artes ipsae, quibus ab honestate nomen est, barbariem a Gothis, Langobardis, ceterisque septentrionalibus populis inauspicato invectam Italia exfulare iusserunt, homines conformare se urbanitati, cultui, & magnificentiae Romanorum veluti quadam concertatione facta coeperunt. Inter cetera Romanae magnificentiae opera, quibus luxus impensius excreverat, & ipse Persarum fastus, & opulentia obscurata omnium iudicio censebatur, Villae profecto fuerunt, quibus nihil pulchrius, nihil amoenius, nihil praestantius & spatii amplitudine, & structurae excellentia, & aedificii decore, & operum copia haberi poterat. Exstant nunc etiam Tibure Hadrianae Villae vestigia, quae supra reliquas plane excellebat, & ex qua tam insignia & Graecorum, & Aegyptiorum monumenta prodierunt, ut iis Museum Capitolinum tamquam cimeliis omnino singularibus, omniumque praestantissimis inclaruerit <sup>(1)</sup>. Scatebat porro Tiburtinus

ager

(1) *Pyrrii Ligorii Descriptio Villae Tiburtinae Hadriani Caesaris. Romae 1551. in fol. cum figuris. Vide Iosephum Roccum Vulpium Vet. Lat.*

*Tom. X., & omnes Tiburtinos Historicos, Ioh. Franc. Martium, & Antoninum Regium, tum Idyllium Fabii Crucii, inferius citandum. Omnium*

ager multis aliis privatorum civium secessibus longe elegantissimis, inter quos omnium deliciarum genere conferta eminebat Maecenatis Villa, aderantque aliae, quae ad Manlium Vopiscum <sup>(1)</sup>, Munatium Plancum, Sallustium Crispum, C. Cassium, Quintilium Varum, Marcum Lepidum, & Cynthiam Propertii amicam, aliosque pertinebant. Praetereo Ciceronis Tusculanum <sup>(2)</sup>, quod fuerat antea Syllae, tum Formianum, Cumanum, Puteolanum, & quod omnibus celebrius, porticu, & nemore insigne, atque Academicis quaestionibus sacrum, Pompeianum. Celebre & Horatii diverforium in Sabinis <sup>(3)</sup>, Catulli extra Portam Valeriam ad ripam Anienis <sup>(4)</sup>, Senecae in via Nomentana <sup>(5)</sup>, Martialis ibidem <sup>(6)</sup>, & *longo laniculi iugo* <sup>(7)</sup>, aliorumque.

III. Horum igitur imitati exempla saeculi XVI. magnates opulentia, luxu, & litteris praestantes suburbana condere coeperunt amoenissima, quorum primum illud est, quod in oppido Bagnariae anno MDLXI. inchoatum tandem perfecit Ioh. Franciscus Gambara Card., & Viterbiensis Ecclesiae Episcopus, cuius fata & Franciscus Marianus <sup>(8)</sup>, & Felicianus Buffius <sup>(9)</sup> late pro-

alienigenarum frequentia celebratur haec Villa, nec caruit praesentia IOSEPHI II. Imp. Pii Felicis Aug., cuius rei memoria marmore insculpta haec est:

Imp. Caes. Iosepho . II  
Petro . Leopoldo . M. Etruriae . Duci  
Archiducibus . Austriae . Germanis . Fratribus  
PP. FF. AA  
Quum . Roma . Tibur . divertissent  
Hadrianae . Villae . vestigia  
In . hoc . fundo . ac . vicina . conspicua  
Huius . Villae . Dominus . demonstravit  
Iosephus . Eques . de . Fide  
Aulae . Caesarum . Consiliarius  
XIII. Kal. Apr. A. MDCCCLXIX

(1) Vid. Statium *Silv.* Lib. I. 3.

(2) Vid. Ioh. Lucam Zuzzerium ( *D'una antica Villa scoperta sul desso del Tuscolo*; Venezia 1747. ) qui Ruffinellae delictum locum fuisse Tul-

lianarum Villae existimat; tum Gregorium Placentinum de *Tusculano Ciceronis, nunc Crypta Ferata*; Romae 1758.

(3) Vide *Dissertazione di Domenico de Sanctis tra gli Arcadi Falcisco Cariglio sopra la Villa di Orazio Flacco*; Roma per Salomoni 1761., & *Decoverte de la Maison de Campagne d'Horace par l'Abbé Bertrand Cap Martin-Chaupy*; à Rome 1769. vol. III.

(4) *Hendecasyll.* XLII.

(5) *Epist.* 104., & 110.

(6) *Lib. I. Epig.* 106.

(7) *Lib. IV. Epig.* 64.

(8) In *Parego de Episcop. Viterbien. post Dissertationem de Etruria Metropoli*; Romae 1728.

(9) *Istoria della Città di Viterbo; in fine della Cronologia de' Vescovi*; Roma 1742. Conditorum nomina hisce versibus Petri Magni ibidem exaratis innuuntur:

Nec



prosequuntur . Tum prodierunt , ac longe lateque inclaruerunt Horti Tiburtini , quos post Card. Bartholomaeum Quevam , qui a Iulio III. obtinuerat , Card. Hippolytus Estensis exstruxit , permagnifico praetorio auxit , & antiquis statuis , picturis , regiaeque prorsus supellectile locupletavit . Hi dein in Card. Aloysium Estensem translati sunt , quo vita functo , ex Hippolyti testamentaria voluntate , & iudiciali sententia , eorundem usura XII. annorum spatio cessit Sacri Collegii Decano , donec purpura donato Alexandro Estensi , eorundem ius in ipsa familia instauratum est , novasque a legitimis dominis & additiones , & reparationes postea habuerunt <sup>(1)</sup> . Tiburtinum hoc delictum carminibus celebravit M. Ant. Muretus , ac praedicarunt insuper Ubertus Folietius <sup>(2)</sup> , Ioh. Franciscus Martius <sup>(3)</sup> , Antoninus Regius <sup>(4)</sup> , Fabius Crucius <sup>(5)</sup> , Ferdinandus Ughellius <sup>(6)</sup> , Franciscus Scottius <sup>(7)</sup> , Rodolphinus Venutius

Nec placuisse tibi laus ultima , magne Riari ,

A quo primus honos , nobilitasque loci .

Quod si longa tuae nevisset stamina vitae

Invida Parca , nihil quod quereremur erat .

Saltem magnanimi virtus praeclara Rodulphi

Serius ad superos hinc abiisset heros .

Nunc , o Dive loci praefes , tibi Gambara post hos

Contigit haud opibus , sed pietate pari .

(1) Testes sunt sequentes Inscriptiones :

I.

Regios . Estensium . Principum

Hortos . immenso . Card. Hippolyti

Sumptu . praeruptae . rupis

Asperimis . cautibus

In . mollissimè . clivi . pensiles

Ambulationes . conversis

Ac . terebrati . per . montis . viscera

Ductis . ex . Anniene . innumeris

Fontibus . admirandos . ab . Aloysio

Et . Alexandro . Cardinalibus

Magna . splendidè . cultus

Accessione . nobilitatos

II.

Serenissimi . Francisci . II. Mutinae . Regii . &c. Ducis

Vel . absentis . munificentia

Fontes . isti . temporis . iniuria . collabentes

Magnificentiori . forma . constructi

Et . venustati . quam . vides

Restituti

Anno . Salutis . MDCLXXXV

(2) *Tyburinum Hippolyti Card. Ferrarieu. ad Flavium Ursinum Card. ampliss. ; inter Opera subsciva Uberti Folietti Genuen. Romae apud Franc. Zanettum 1579. ; & in Tom. I. Part. II. Thesaur. antiq. & histor. Italic. Ioh. Georg. Graevii. Lugd. Batav. 1704.*

(3) *Histor. Tiburt. Lib. V. num. 174. Thes. Graev. Vol. III. pag. 4.*

(4) *Antichità di Tivoli di Antonino del Re ; Tom. eod. Thes. Graev.*

(5) *Ville di Tivoli descritte dall' Arciprete Fabio Croce di detta Città ; Idilio diviso in due racconti , nei quali fedelmente si narrano non meno le Ville , che anticamente v' ebbero , e frequentarono gl' Imperatori , Re con altri insigni personaggi , e celebri virtuosi , ma la medesima della Serenissima Casa d' Este &c. In Roma per il Mancini 1664. in 8.*

(6) *In additionibus ad Alphonsum Ciaconium de Pontiff. Rom. , & S.R.E. Cardd. , ad ann. 1539. ubi de Hippolyto Card. Estensi.*

(7) *In Itinerario Italiae Lib. III. pag. 681.*

nutius <sup>(1)</sup>, Iohannes Petroskius <sup>(2)</sup>, Iosephus Roccus Vulp-  
pius <sup>(3)</sup>, Ioh. Andreas Barottius <sup>(4)</sup>, aliique. Picturam vero ae-  
neis typis Romae publicavit Corona Pighius. In hos oculos  
suos potissimum intendit, & horum exemplo incensus est Cy-  
riacus Matthaeius, quo dein suos in Caelimontio excitaret,  
quos late describeremus, postquam ceteros, qui dein Romae,  
vel in eius vicinia conditi sunt, levi calamo attigerimus.

IV. Fere eodem tempore excitari coepit ab Alexandro  
Farnesio Card., Paulli III. patris filio, Caprarolae delictum,  
insigni praesertim architectura Iacobi Barotii a Vignola, &  
praeclaris Thaddaei, Friderici, & Octaviani fratrum Zucca-  
riorum, Antoniique Tempestii picturis celebratissimum <sup>(5)</sup>.  
Hic etiam laudandi nunc veniunt Horti, qui primum ex iussu  
Card. Iulii Medicei, qui fuit postea Clemens VII. P. M., for-  
mam praebente Raphaele Sanctio, constructi sunt ad Clivum  
Cinnae (nunc Montem Marium dicunt), picturisque Iulii Ro-  
mani, & Ioh. Utinensis ornati sunt, ac tandem in Farnesiam  
gentem, quae cultu splendidiores, & opere ampliores fecit,  
devenerunt <sup>(6)</sup>. Recensenda insuper est Villa Philonardia, quam  
Ennius Philonardius S. R. E. Card. Tibure sibi comparavit,  
quaeque nunc squallet, & rimarum plena undique fatiscit,  
atque dilabitur <sup>(7)</sup>. Quid vero memorem Hortos a Iulio III.  
extra Portam Flaminiam dein mire constructos, a Fausto Sa-  
bac-

(1) *Descrizione topografica, ed istorica di Roma moderna* Tom. II. pag. 925.

(2) *Trigonometrica Dioecesis, & Agri Tiburtini Topographia, veteribus viis, villis, ceterisque antiquis monumentis exculsa* &c. Romae typis Genesii Salamonii, pag. XIII.

(3) *Vet. Lat.* Tom. V.

(4) *Memorie Istoriche de' Letterati Ferraresi; opera postuma. In Ferrara nella Stamperia Camerale* 1777. Vol. I. pag. 336.

(5) Vide *Studio d'Architettura civile sopra varie Chiese, Cappelle di Roma, e Palazzo da Ca-*

*prarola* &c. *Opera de' più celebri Architetti, disegnatà da diversi. Libro in 83. fol. e mezzi fol. Imper. Parte III. Tum Descrizione, e relazione istorica del nobilissimo real palazzo di Caprarola* &c. da Leopoldo Sebastiani; Roma per gli eredi del Ferri 1741. in 8. Vide Epigramma Aurelii Ursii Romani *de Caprarolae descriptione ad Card. Farnesium* Lib. III. Epigr. 21. pag. 73. utriusque editionis Parmen. 1589., & Bonon. 1594.

(6) Nunc *Villa Madama* vulgo audit.

(7) Vid. Iosephum Roccum Vulpium *Vet. Lat.* Tom. X. Lib. XVIII. Cap. X. pag. 379.



baeio<sup>(1)</sup>, & Francisco Commendonio<sup>(2)</sup> carminibus laudatos, tum a Scottio<sup>(3)</sup>, Boissardio<sup>(4)</sup>, Ciacconio<sup>(5)</sup>, Panvinio<sup>(6)</sup>, aliisque fuscè descriptos? Ii namque a Clemente XIV., & PIO VI. Summis Pontificibus nuper reparati eruditorum omnium oculos in se converterunt, & aeneis formis expressi, nostrisque illustrationibus aucti in publicam lucem ad Architectonicae artis praefertim adiumentum propediem prodibunt. Laudari vero iure postulant Horti Medicei in Colle Hortulorum existentes, a Card. Ioh. Puccio Politiano inchoati, & dein ab altero, eoque eximio Romanae purpurae ornamento, tum Magno Etruriae Duce Ferdinando Mediceo multis eruditae vetustatis praeclaris reliquiis, & exoticarum linguarum typographia longe celeberrima magnificentissime amplificati. Commemoratio saltem desiderium replet Hortorum Carpensium, quos in Quirinali olim aedificaverat, atque adeo praeclaris ornamentis insigniverat Rodolphus Pius S. R. E. Card., ut CXXXVI. amplius statuæ in iis numerarentur, quarum praestantiores recenset Ulysses Aldrovandus<sup>(7)</sup>, eas insuper referens, quas & ipsius Palatium in Campo Martio servabat. His iungantur & Horti illi, qui olim in Suburra prope Amphitheatrum Flavium, & Templum Pacis a Card. Lanfranco conditi, Carpensēs dein facti sunt. Prodierunt & hoc tempore Horti Farnesiani Transiberini<sup>(8)</sup>, aliique Palatini<sup>(9)</sup>, ubi nunc vineae, & vepres. Nec reticendi sunt modo

ma-

(1) *Epigrammatum* Lib. I. pag. 65., 67., 135., 138., 144., 148., 151., 156., 157., 159., & 161.

(2) Ex Ms. Cod. Epistolar. Cornelii Mussii Episc. Bituntini apud Cl. Praefulem Stephanum Borgiam a Secretis Sac. Congr. de Propaganda Fide.

(3) *Itiner. Ital.* pag. 483.

(4) *Topographia Urbis Romae* Tom. I. pag. 50. & seqq.

(5) *In vitis Pontiff.*, ubi de Iulio III.

(6) *In vita Iulii III.* post vitas Barth. Platinae.

(7) *Delle Statue antiche, che per tutta Roma si veggono*, pag. 295. Vid. superius pag. 201. De

Hortis Carpensibus legendus Boissardius loc. cit. pag. 46., Scottius loc. cit. Lib. II. Cap. VIII. pag. 476., Franciscus Swertius Lib. II. *Itiner. Italiae*, Andreas Victorellius, ac Ferdinandus Ughellius apud Ciacconium in Rodulphi Pii Card. vita, & Floravantes Martinellius *Roma ex ethnica sacra* pag. 39. Vide Portae cœtypum inter opera Architectonica Iacobi Barotii a Vignola Tab. XXXV.

(8) Vid. Scottium loc. cit. pag. 416., Boissardium loc. cit. pag. 11., & Ursium Lib. I. epigr. 12. pag. 52.

(9) Vid. Scottium pag. 444.

magnificentissimi Horti Quirinales Card. Guidonis Bentivoli Ferrarientis, quibus nulli Romae erant arboribus splendiores, ut & silvae speciem praeberent, & labyrinthi <sup>(1)</sup>. Succedant dein Horti Caesii, qui, describente Ioh. Baptista Fonteio <sup>(2)</sup>, *ad dexteram Ianiculum habent, ad laevam Vaticanos montes, ante se Tiberim, Sancti Spiritus Fanum, & Xenodochium, post se Prata Neroniana, & fornaces lateribus excoquendis instructas, edito in colle, secundum aedes Caesias refertissimas ipsas antiquitatibus*. Horum Hortorum Inscriptiones multas refert ipse Fonteius, Iulius Iacobonius, ceterique, ac nonnulla eorundem vetera monumenta iamdiu inde avulsa ad augendam Capitolii maiestatem praecipue emigrarunt <sup>(3)</sup>. Nonnullis antiquitatis exuviis ditati quoque erant Horti Aventini Maximorum <sup>(4)</sup>. Nec sua careat laude Blossianae Villae <sup>(5)</sup> amoenitas, & Hortorum Coloccianorum apud veteres Sallustianos <sup>(6)</sup> tum ob veterum monumentorum copiam, tum ob litteratorum conventum celebritas. Insuper memoretur Augustini Chisii Suburbanum Transiberinum, in Farnesiam gentem translatum, magni Raphaelis picturis, multisque antiquitatibus spectatissimum <sup>(7)</sup>, Marcelli Cervinii Card., & dein Pontificis Max. Villula elegantissima <sup>(8)</sup>, ac Petri Melinii altera <sup>(9)</sup>, in qua

Poe-

(1) Vid. Scottium pag. 479., & Boissardium. pag. 47.

(2) *De prisca Caesorum gente* Lib. II. Cap. XIII. pag. 154. Vid. Ursium Epigr. 19. Lib. III. pag. 72., ubi de simulacro Vestae in Hortos Octavii Caesii translato.

(3) In Capitolio:

Clemens. XI. P. M.  
Romae. de. Dacia. Triumphantis  
Captivorumq. Numidarum. Regum. Statuas  
Ex. Hortis. Caesiis  
Addito. Aegyptiorum. Signorum. ornatu  
Porticue. a. fundamentis. excitata  
Ad. augendam. Capitolii. maiestatem  
Transfuit

Anno. Salut. M. D. CC. XX

(4) Vid. Iulium Iacobonium appendice ad Fontesium *de prisca Caesorum gente* Cap. XIX. pag. 229.

(5) Vid. Faustum Sabacium Lib. III. *Epigram.* pag. 523., 524., & 525. edit. Romae 1556.

(6) Vid. Virum Cl. Ioh. Francisc. Lancellotium in vita Angeli Coloccii praemissa operi, cui titulus: *Poesie Italiane, e Latine di Mess. Angelo Colocci &c. Iesi 1772.* Plures inscriptiones Coloccianae migrarunt in Palatium Card. Carpinei, teste Smetio in Praef. Infer.

(7) *Suburbanum Augustini Chisii per Blossum Palladium. Romae per Iacobum Mazoechium Roman. Academiae Bioliopolam 1512.*

(8) Vid. Sabacium loc. cit. pag. 568.

(9) Vid. Benedicti Lampridii Cremon. *Odem in Deliciis Poetar. Italor.* Tom. I. pag. 1311.



Poetas de more familiae coena excipere ipse solebat. Accedat Villa Lantia in Ianiculensi colle sita, quam Iulii Romani architectura, & picturae celebrem praesertim fecerunt. Accipe nunc & veteres Hortos Vaticanos <sup>(1)</sup>, quibus Hortus Botanicus quinetiam Nicolai V. iussu olim conditus adnectebatur <sup>(2)</sup>, quosque amoeniores fecit hoc tempore Pius IV., exstructo ibidem delicio sane elegantissimo, usus opere Pyrrhi Ligorii, qui formam dedit, & perficiendam curavit. Huc etiam revocanda Villa amplissima, quam ad Tusculanum aedificavit Card. Marcus Sitticus Altempsius Pii IV. sororis filius, quae Mondragonis dicta est, quaeque dein facta est Card. Scipionis Burghefii, a quo multa etiam habuit incrementa. Sed iam properemus ad celebres Hortos Viminales, sive Exquilinos, quos Sixtus V. condidit, insignibusque ornavit veterum monumentis, qui proinde & Perettii, & Montaltini dicti sunt, quos Aurelius Ursus Romanus <sup>(3)</sup> praesertim carminibus celebravit, quosque dein suos fecit Ioh. Franciscus Nigronius Genuensis S. R. E. Cardinalis <sup>(4)</sup>. Tum his iungantur proximitate, & eiusdem Pontificis beneficentia, & auspiciis affines Horti Viminales Martii Frangipanii <sup>(5)</sup>, qui nunc ad Strotiam gentem pertinent; atque ita finis imponatur praecipuis, quae tulit ruralia delicia saeculum XVI.

IV. Nec minori celebritate, magnificentia, ac veterum monumentorum congerie praestiterunt huiusmodi Suburbana, quae

(1) *Belvedere* vulgo audiunt. Vid. *Delic. Poetar. Italor.* Iani Gruteri Tom. I. pag. 638.

(2) Vid. *Horti Romani brevem Historiam* Georgii Bonellii Cl. Medicinae Professoris in Archigymnasio Romanae Sapientiae ad Tom. I. *Horti Botanici Romani* pag. 1.

(3) *Carminum* Lib. II. pag. 18. *Perettina*, sive *Sixti V. Pontif. M. Horti Exquilini*, & Lib. III. Epigr. 24. pag. 73. de *Perettina Sixti V. P. M. Villa carmine descripta*; mittit nempe versus superius indicatos.

(4) In muro Hortor. prope Basilicam Liberianam:

Sub . praesidio . Deiparae

I. F. tit. S. M. in . Ara . Caeli . Card. Nigronus

Se . suos . suaque . constituit

Die . V. Aug. ann. Domini . MDCCVII

(5) In fronte Aedium:

Sixto . V. Pont. Max

Ob . collata

In . se . beneficia

Hortosque . Viminales

Auctos

Martius . Frangipanius

Grati . animi . ergo

quae dein saeculo XVII. exstructa sunt. Tusculum quidem amoenitate loci multos ad se rapuit, & ad deliciarum secessus ibidem aedificandos invitavit. Talis est, quem Petrus Aldobrandinius Clementis VIII. fratris filius regiis prorsus impensis, & apparatus exstruxit <sup>(1)</sup>, & cui ab ipso grato prospectu nomen inditum est. Eidem etiam accepti referendi sunt, qui in Quirinali colle eius Aedibus iunguntur, & veterum nuptiarum picturis, ex Titi thermis adductis, Horti potissimum celebrantur. Romae in Ianiculi vertice prope Portam Aureliam delictum sibi comparavit Innocentius Malvasia <sup>(2)</sup> Annonae Praefectus, eum locum occupans, quem ibi Horti Martialis olim obtinuerant <sup>(3)</sup>. Quis vero pro dignitate referat Hortos Pincianos splendidissimos, quos condidit Card. Scipio Caffarellius in Burghesiam gentem adscitus, quosque tot, ac tantis elegantioris antiquitatis cimeliis, tum & picturis locupletavit? Mannilius, Montelaticus, Leporeus, Brigentius, alique <sup>(4)</sup> fatis superque eosdem celebrarunt. Nec ipse Paullus V. Burghe-

fius,

(1) Inscriptio ibi legitur:

Petrus . Aldobrandinius  
Clem. VIII. Fratris . Filius

Redacta . in . potestatem . Sanctae . Sedis . Ferraria  
Reipublicae . Christianae . salute . restituta  
Villam . hanc

Deducta . ex . Algido . aqua . extruxit  
Vid. *Villa Aldobrandina Tusculana, & varii illius Hortorum, & Fontium prospectus*; in fol. E. didit Dominicus Barriere ann. 1647. Tabulis XV., & dicavit Ludovico XIV. Galliarum Regi.

(2) Perfecit anno 1604., ut docet Inscriptio, quae sic se habet:

In . hoc . Colle . Iani . Bifrontis . memoria  
Et . Martialis . Poetae . Hortis . celebri  
Suburbanum . hunc . secessum  
Domo . claustro . statuis . picturis  
Fonte . aviario . pomario . vinea  
Instructum . ornatum  
Innocentius . Malvasia . Cam. Apost. Clericus  
Annonae . Praefectus . sibi . amicis  
Animi . causa . comparavit  
Anno . Sal. MDCCIII

(3) Vid. Epigr. LXIV. Lib. IV:

*Hinc septem dominos videre montes,  
Et totam licet aestimare Romam.*

(4) *Villa Borgheze fuori di Porta Pinciana di Giacomo Manilli Romano. In Roma per Lodovico Grignani 1650., in 8. Villa Borgheze fuori di Porta Pinciana con l'ornamenti, che si osservano nel di lei palazzo, e con le figure delle Statue più singolari. In Roma per Gio. Francesco Ruagni in 8., Auctorem habet Dominicum Montelaticum. Descrizione della Villa di Borgheze di Lodovico Leporeo in 4. Vide *Apes Uréunas* Leonis Allatii pag. 185. *Poetica descriptio Villae Borghesiae vulgo Pincinae Andreae Brigentii. Romae 1716., in 8. Deorum Concilium in Pinciis Burghefianis Hortis ab Eq. Iob. Lanfranco imaginibus, monocromatibus, & ornamentis expressum. Delineavit, & insculpsit Petrus Aquila, fol. IX. imper. Epistola Francisci Blanchini de nobilissimo hospite Comitissae de Trausnitz nomen professio, & in Villa Pinciana Burghefiorum Principum excepto die 27. Maii 1716. Romae 1716.**



fius, qui Quirinale Mutatorium Pontificum excitavit, Hortos ibidem desiderari, neque eosdem & veterum monumentis, & ceteris honestae voluptatis deliciis carere voluit. Celebres, & antiquis monumentis referti sunt Horti Ludovisiani, quibus locus cum vetustis Sallustianis Hortis communis aliqua in parte est, quique Cardinem Ludovicum Ludovisium praecipuum auctorem habent. His nectantur Horti alii Ludovisiani iucundissimi, quos dein suos fecit gens nobilissima de Comitibus, in Tusculo positi. Non elegantia solum, sed etiam Ioh. Tomci Marnaviti Bosnensis Episcopi descriptio celebrem fecit Villam Sacchetti Ostiensis (1). Quis omnes recenscat Barberinae gentis delicias & in Vaticano, ubi olim Horti Neronis, & in Ianiculensi, & in Quirinali colle (2), & ad Castrum Candulphi etiam magnifice conditas? En Rufina Villa in vertice Tusculi, ubi Tusculanum Ciceronis aliqui statuerunt, ut & superius inuimus, quam Alexander Rufinus Romanus Melphiensis Episcopus exstruxit. Prodeat & nunc Ianiculensis Nobilia Villa, cui nunc Spadiae a gente, quae eam postea obtinuit, nomen est, quamque inter Aureliam Portam, & Hortum publicum Botanicum Vincentius Nobilius excitavit (3). Sed Ianiculensem collem nulla magis conspicuum fecit, quam Pamphilia Villa, cuius prospectum, delineationem, & praestantiora monumenta typis aeneis per Ioh. Bapt. Faldam insculptis exhibuit Ioh. Iacobus Rubeus, qui opus inscribens Principi Ioh. Bapt. Pamphilio perperam Alexandri Algardi archi-

(1) *Villa Sacchetta Ostiensis cosmographicis tabulis, & notis illustrata, rusticis legibus, officinarumque inscriptionibus adnotata* &c. Romae apud Ludov. Grignanum 1630., in 4. Vid. Leonem Allatum in *Apib. Urban.* pag. 166.

(2) Vid. Tetium in *Aedib. Barberin.* p. 37, & seqq.

(3) Haec ibidem legitur Inscriptio:

Villa . Nobilia

Viator

Hic . ubi . Aedes . ad . animos

Inter . amoena . exhilarandos

A . Vincentio . Nobilio . excitatas

Adspicias

Aug. Caesarem . aquae . de . suo . nomine . vocitatas

Ex . Lacu . Alfiatino . milliario . XIV

Conceptae

Et . in . Transiberinam . Regionem . perductae

Emissarium . exstruxisse . ne . sis . nescius

Dixi . abi . felix . & . vale

An . Sal . MDCXXXIX

architecturam fecit, cum ad Ioh. Franc. Grimaldium Bononiensem pertineat <sup>(1)</sup>. Exquilinum vero collem tenet, atque ornat Villa Alteria, in qua Statuae, Protomae, Inscriptiones, & sepulcri Nasonum Picturae nonnullae veteres adfervantur. Iustiniana Villa, quae extra Portam Flaminiam & veterum cimeliis, & recenti cultu conspicua olim erat, nunc omnino squallet, eiusque ornamenta praecipua iam ad alteram iuxta Lateranum sitam amplificandam processerunt <sup>(2)</sup>. Dies me deficeret, si ceteras minores Villas, Coſtagutiam, Carpineam, Caſeriniam, Urfiniam ad Arcus Neronianos, Gilliam via Portuensi, Caſaliam in Caelimontio, Gymnaſiam in Aventino, Sannefiam via Flaminia, Nariam via Salaria, Cinquiniam via Nomentana, aliaſque ſingillatim percenſere, ac deſcribere nunc vellem.

V. Quare memorentur nunc tandem Villae praeſtantiores, quas tulit noſtra aetas. Praeſtat extra Portam Nomentanam ſplendide exſtructa Patritia Villa <sup>(3)</sup>, quam immortalis memoriae Pontifex Clemens XIV. honeſtum oblectamentum capturus quotidie fere adire conſueverat. Tranſtiberinas Aedes Corſiniaſis gentis, olim Riariae, ubi iam degerat Chriſtina Suecorum Regina, ornatiores facit Viridarium amplum, amoenumque, quod iſdem coniungitur. Huic proximum eſt aliud eiufdem Corſiniaſis gentis Delicium extra Portam Aureliam, ex Simonis Salvii architectura conſtructum, Iosephi Paſſerii picturis inſignitum, pomario auctum, & veterum columbariis, quae Petrus Sanctes Bartholius illuſtravit <sup>(4)</sup>, & quorum

(1) *Villa Pamphilia, eiufque Palatium cum ſuis proſpectibus, ſtatuſ, fontes, vivaria, theatra, areolae, plantarum, quarumque ordines cum eiufdem abſoluta delineatione. Romae formis Iob. Iacobi de Rubeis in fol. Dicitur haec Villa Belreſpiro.*

(2) Anno 1715.

(3) In fronte Aedium haec leguntur:

Ioannes

Card

Patritius

Anno

MDCCXVII

(4) Vid. Praef. ad librum, cui titulus *de' Sepolcri degli antichi*; & opus alterum eiufdem poſtuum editum Pariſiis a Cll. Viris Cayluſio, & Marietteſto, quod inſcribitur *Peintures antiques*.



rum unum est libertorum Verginae gentis, nostra aetate detectum<sup>(1)</sup>, refertissimum; quod licet exacto saeculo ortum, nostro tamen maxima ex parte est amplificatum. Ad Portam, Nomentanam, contra Costagutiam Villam, novam excitavit Colbertii aemulus Silvius Valentius Gonzaga Mantuanus, S. R. E. Cardinalis, & sapientissimi Pontificis Benedicti XIV. a secretioribus consiliis, quam doctis omnibus patere iubebat, & antiquis inscriptionibus, exoticis plantis, pluribusque ex India, & America advectis cimeliis abunde ditaverat<sup>(2)</sup>, quaeque dein a Card. Prospero Columna Sciarra comparata Barberinae genti nunc accessit. Extra eandem Portam aliam sibi paravit Villam, nonnullis antiquis monumentis ornatam, Cardinalis Hieronymus Columna Aerarii Pontificii Quaestor, Camerarius vulgo nuncupatus. Secessum quoque via Aurelia sibi fecit iucundissimum Card. Iosephus M. Feronius Florentinus, qui primus docuit hortos topiario opere ex malis medicis instruere, ne voluptas, & magnificentia solo sumptu, & sterilitate distingueretur, quin potius ex ipso luxu, & oblectamento non mediocris gigneretur proventus. Deliciis, & elegantia spectatissimam Villam insuper aedificavit extra Portam Salariam non longe ab Aniene, & ponte Narsætis Flavius Chisius Iunior S. R. E. Cardinalis, quem mox dira fati fors peremit. Verum ceteris supereminet, & iam omnium maxime fama celebratur splendidissima Villa, quam extra Portam Salariam aedificavit, & quotidie etiam amplificat Eminentissimus S. R. E. Cardinalis Alexander Albanus, qui regio plane cultu, & exquisita elegantia ipsam perfecit. Aegyptiaca, Graeca, & Romana eruditae antiquitatis monumenta ubique se produnt, quorum pleraque anecdota typis aeneis expressit, doctisque illustravit ex-

(1) Vid. *Ephemerides litterarias Florentinas* Cl. Ioh. Lamii anni 1763. n. 21., & seqq. col. 321., & seqq.

(2) Vid. *Elogio del Card. Silvio Valenti Gonzaga* (del Ch. Monsig. Claudio Todeschi). In *Roma dalle stampe del Salomon* 1776. pag. 34.

plicationibus Vir Cl., idemque infelicissimus Iohannes Winckelmannius Saxo, olim Nethnicii in Agro Dresdensi Bunaviana Bibliothecae, quae in Electoralem postea migravit, Custos alter, tum Romanae Ecclesiae sacra professus, Romanarum antiquitatum praefectura ornatus, Bibliothecae Vaticanae Scriptor Graecus renunciatus, & Albaniae ipsius Bibliothecae curandae praepositus<sup>(1)</sup>. Cetera, quae ipse intacta reliquit, eadem plane ratione exposuit Vir alter eruditissimus Stephanus Raffeius<sup>(2)</sup>; ut ceteros praeteream, qui sparsim ipsa vel explanantes, vel laudantes celebratissimam hanc Villam undique praestiterunt. Tanto apparatus respondet & picturae, quae auctorem habent Antonium Raphaelem Mengsium, cuius praestantia eo pervenit, ut Urbinatensis virtuti proxime accessisse omnium iudicio existimetur. Vere quidem dixeris & Gratias, & Musas heic habere domicilium, ac veterum Consulium, & Augustorum tamquam redivivam exsurgere maiestatem. Non igitur mirum, si splendidissimum huius Villae atrium patuerit Camoenis Dardani Aluntini, Iosephi II. Caesaris<sup>(3)</sup>, & Hermelindae Thalaee, Mariae Antoniae Walburgae Bavarensis, Saxonicae Electricis viduae<sup>(4)</sup> laudes concinentibus, ipsumque Augustissimum Principem, & Romanorum Imp. electum, Romae degentem, anno MDCCCLXIX. a. d. XIV., & V. Kal. Aprilis & invisentem, & admirantem tantarum rerum copiam, & praec-

(1) *Monumenti antichi inediti spiegati, ed illustrati da Gio. Winckelmann Sc. Tomi II. Roma 1767. in fol.*

(2) *Ricerche sopra un Apolline della Villa dell'Emo Sig. Card. Alessandro Albani. In Roma 1772. Saggio di osservazioni sopra un Bassorilievo della Villa suddetta (esprimente il voto di Berenice) In Roma 1773. Osservazioni sopra un altro Bassorilievo della medesima Villa Albani (esprimente Ercole domatore d'Echidna Scitica). Dissertazione sopra un singolar combattimento espresso in Bassorilievo, esistente nella Villa suddetta, (cioè la monomachia di Menzone con Achille).*

*Filottete addolorato, altro Bassorilievo nella Villa stessa; in fol.*

(3) *Adunanza tenuta dagli Arcadi per l'elezione della Sacra Real Maestà di Giuseppe II. Re de' Romani. In Roma 1764.*, cui adnectitur Tabula aenea exprimens frontem Aedium, & Atrii ornatissimi.

(4) *Adunanza tenuta dagli Arcadi nella Villa Albani ad onore di S. A. R. Maria Antonia Walburga di Baviera Elettrice Vedova di Sassonia, fra le Pastorelle acclamate Hermelinda Talca. In Roma 1772.*



& praestantiam, ibidem mire coactam, & concinne dispositam conspexerimus (1).

VI. Recensitis Hortis omnibus, aut saltem celebrioribus, qui vel praecefferunt, vel subsequuti sunt Matthaeianos nostros, restat modo, ut de ipsis pressius, & latius dicamus. Locum nunc perpendimus. Iidem siti sunt in ea Pomoerii parte, quam Aurelianus intra Urbem complexus est (2), quaeque in Regione II. Caelimontana comprehendebatur. Mansiones Albanas antiquitus hunc locum potissimum tenuisse, censuerunt Boissardius (3), Marlianius (4), & Donatius (5), sed nullam, qua niterentur, rationem attulerunt. Quare incertus, si Nardinio (6) credimus, adhuc est harum Mansionum locus, neque nos quidquam etiam hac de re statuere ausimus alibi de iisdem loquentes (7). Proxima huic Caelimontii parti fuisse, immo ipsam occupasse aliquando Castra Peregrinorum ab Augusto instituta, alii censuerunt, atque inter ceteros Panvinus (8), & Vignolius (9), innixi potissimum veterum inscriptionibus, in quibus eorum mentio, quaeque vel in area Aediculae Sanctae Mariae in Domnica, vel prope Aedem rotundam S. Stephani inventae sunt; ut nunc praeteream, quae etiam in laudata area erutae fuerunt Benedicti Aegii Spoletini aetate, quas ipse edidit (10), quibusque adductus & eadem Castra ibidem agnovit, & eos, qui ponunt ad Templum SS. IV. Coronato-

(1) Huius rei accipe monumentum ibidem positum:

Iosepho. II  
Pio. Felici. Augusto  
Quod. has. Aedes. praesentia. sua  
Maximus. hospes. impleverit  
Alexander. Card. Albanus  
M. P

(2) Vid. Fabrettium *de aquis, & aquaeductibus* n. 45. ad 53.

(3) *Topograph. Urb. Romae* Tom. I. pag. 34.

(4) *Topograph. Urb. Romae* Lib. IV. cap. 9.

(5) Lib. III. cap. XII.

(6) *Rom. vet.* Lib. III. cap. 7.

(7) *Append. ad Fragmenta vestigii veteris Romae* Iob. Petri Bellorii Tab. XXVI, pag. 95.

(8) *Descr. Urbis Romae, Thes. Antiq. Roman.* Graevii Tom. III. pag. 286.

(9) *Inscript. select. post Dissert. de Columna Imp. Antonini Pii* pag. 183., e seq.

(10) In adnotationibus ad Apollodori Athenien. *Biblioth.*, sive *de Deor. origine &c. Romae in aedibus Antonii Bladi* 1555. Vid. apud Gruter. pag. 22. n. 3. & pag. 393. n. 2., & 3.

natorum <sup>(1)</sup>, impugnavit. Muri pars septentrionalis, qua Horti Matthæiani cinguntur, licet ad vetus Monasterium, de quo mox dicemus, potissimum spectet, pertinebat olim ad ductum aquae Claudiae, cuius ibidem divortia erant; pars enim in Antoninianas Thermas, ut testantur litterae adhuc conspicuae ... ANTONIANA, magnis laterum tabulis e muro paullulum prominentibus confectae <sup>(2)</sup>; pars in Palatium Caesarum tendebat, ut produnt vestigia aquaeductus interdum occurrentia. His adnectitur arcus adhuc exstans ex lapide Tiburtino, super quo aqua ad Aventinum procedebat, & in quo legitur inscriptio satis nota <sup>(3)</sup>:

P. CORNELIVS . P. F. DOLABELIA  
C. IVNIVS . C. F. SILANVS . FLAMEN . MARTIALIS COS  
EX . S. C  
FACIENDVM . CVRAVERVNT . IDEMQVE . PROBAVERVNT

Via, quae ad Clivum Scauri per Curiam Hostiliam ante Hortos nostros procedit, ea censetur, qua olim per Tabernolam, antiquae Urbis vicum, ascendebatur in Caelium <sup>(4)</sup>. Prope etiam aderat rotundum Templum vel Fauni <sup>(5)</sup>, vel Bacchi, vel Claudii, aut etiam Vespasiani Impp., ut alii censuerunt, quod nunc Nicolai Circiniani, vulgo Pomerancii, & Antonii Tempestii picturis, veterum Martyrum diros cruciatus ex-

(1) Inter ceteros Boissard. *Topograph. Urb. Rom.* Tom. I. pag. 35. His nunc accedit Horatius Orlandius *Ragionamento sopra un' Ara antica* (dedicata a Vulcano). Roma 1772. art. ult. pag. 95.

(2) Vid: Epistolam Flaminii Vaccae latinitate donatam a Montfauconio in *Diario Italico* Cap. X. pag. 148. Gudius pag. 81. n. 10. refert tabulas inventas e regione vineae S. Sixti, & Thermarum Antoninianarum ad radicem Montis Aventini versus regionem dictam Piscinam publicam, in quibus haec legebantur:

AQVA . CLAVDIA . ANTONIANA . NOVA  
VIRIAE . ALCESTE . ET . L. VIRII . ANTIQ  
FORTVNATI

(3) Refert Gruterius pag. 176. n. 2., Panvinus de *Civ. Rom.* Cap. XXIV. col. 217. Tom. I.

*Antiq. Rom. Graevii*, Marliani *Topograph. Urb. Rom.* Lib. IV. Cap. XI., Ficononius *Vestigia di Roma antica* Lib. I. pag. 83., Donatius Tom. I. *Supplem. ad Nvo. Thes. Muratorii* pag. 80. n. 5., sed mutilam, alique. Fornicis typum habes apud Ioh. Bapt. Piranesium Tom. I. *Antiq. Roman.* Tabula XXV. Fig. I.

(4) Nardin. *Rom. veter.* Lib. III. cap. V., Borrichius de *antiqua Urbis facie* Cap. IV., Rondinini de *SS. Ioh. & Paullo, eorumq. Basilica in Urbe Roma vetera monumenta* Cap. VI. §. I. pag. 59., & 60.

(5) In inscriptione hoc loco detecta, quam refert Iulius Iacobonius Append. ad Fonticium de *prisca Caesarum gente* Cap. IV. pag. 38., memoratur AEDICVLA GENIO AGRESTI dicata.



primentibus <sup>(1)</sup>, ornatum, duplicique columnarum ordine sustentatum Divo Stephano Martyri sacrum est <sup>(2)</sup>. Heic etiamnum conspicui sunt arcus Neroniani aquae Claudiae, quibus aqua ipsa ad Palatinum deferebatur. Proxima etiam erat Curia Hostilia, a Tullo Hostilio III. Romanorum Rege magnifice aedificata, cuius adhuc haberi reliquias, hasque censendas esse ingentes arcus ex Tiburtino lapide, quibus superstat nunc turris campanaria, longa insuper substructione in hortum porrectos, recentiores plures, praeunte Flavio Blondio <sup>(3)</sup>, confenserunt; idque eo magis, quod ibidem quatuor Pulvinaria marmorea eruta fuerint, quae dein ad scalas Aedium Matthaeiarum in Circo Flaminio translata fuerunt, quaeque nos suo loco <sup>(4)</sup> adduximus. Ceterum Pompeius Ugonius <sup>(5)</sup>, aliique aedificium aliquod Caesarum aetate excitatum in hisce ruderibus agnoscendum potius existimant, quod parum credibile videatur post tot saeculorum lapsum, post tot Urbis excidia, atque post tot imperii vicissitudines hactenus antiquissimi aedificii reliquias, annorum edacitatis, & direptionum furoris victrices, superesse potuisse. Montfauconius <sup>(6)</sup> hac de re etiam dubitavit, quod aegre in animum sibi induceret, immanem illam aedificii molem, castrorum more munitam, unicam fuisse Curiam; quin potius hinc coniecisset nonnullos refert, existitisse hoc loco Castra Peregrinorum. Heic quidem fuisse aedes Sanctorum fratrum Iohannis, & Paulli, in quorum honorem dicata est proxima Basilica, ambigi non potest; quarum quidem vestigia haberi putat Philippus Rondinini-

(1) *Ecclesiae militantis triumphi, sive Deo amabilium Martyrum gloriosa pro Christi fide certamina, prout in Ecclesia S. Stephani Rotundi Romae visuntur depicta, a Vincentio Billy aeneis Tab. expressa. Romae 1714.*

(2) Interioris huius Templi prospectum habes apud Ioh. Bapt. Piranesium Tom. I. Antiq. Roman. Tab. XXV. Fig. II.

(3) *Romae instaur.* Lib. I.

(4) Vol. II. horum Monumentor. Class. X. Tab. LXXII. Fig. I., & II., Tab. LXXIII. Fig. I., & II., & Tab. LXXIV. Fig. I., & II. pag. 93., & seqq. Vid. Ficoronium *Vestigia di Roma antica* Lib. I. cap. XIV. pag. 87.

(5) *Libro de Stationibus Urbis.*

(6) *Cit. Diar. Ital. Cap. X. pag. 148.*

# XVIII

ninius<sup>(1)</sup> in quibusdam arcubus, & ruderibus prope laudatam Basilicam existentibus, quorum nemo Scriptorum meminit. Sub Hortis nostris vetus aliquod etiam fuisse aedificium, arguere licet ex marmore reperto eo loci, quod refert Fabretius<sup>(2)</sup>, & in quo habetur simulacrum Vestae, & artis pistoriae instrumenta, modium, spicae, & mola versatilis, cum hac epigraphe:

VESTAE. SACRVM  
C. PVPIVS. FIRMINVS. ET  
MVDASENA. TROPHIME

VII. Veterum aedificiis, Hortos Matthaeianos ambientibus, usque dum recensitis, accedant Christiana Tempia, quae iisdem ita adhaerent, ut ipsorum pars esse videantur. Nihil amplius dicemus de Templo S. Stephani, & de Basilica SS. Ioh., & Paulli, quae titulus Pammachii dicitur, cum de his, utpote paullo remotioribus, satis iam actum videri possit. Omnium quidem proximior Matthaeianis Hortis est Ecclesia S. Mariae *in Cyriaca*, sive *in Dominica*, quae & *in Domnica*, & *in Navicula*<sup>(3)</sup>, a navicula marmorea, caussa voti locata, quae ante Templum cernitur, dicta est. Haec navis insignita est rostro apri caput referente, quam ex voto Marti, vel alio Numini positam aliqui putant a milite in Castris peregrinis degente. At Ficoronius<sup>(4)</sup> Cybeli potius dicatam, suspicatur, quod aliud viderit anaglyphum, ab ipso etiam vulgatum<sup>(5)</sup>, & in Museum Veronense profectum, ubi navis cernitur, in qua vehitur Dea Cybele, quamque Matrona velata, funis ope, cui adligata est, extra aquas ad se trahere dextera manu nititur, hac subiecta inscriptione:

MA-

(1) De SS. Martyribus Iohanne, & Paulo, eorumque Basilica in Urbe Roma vetera monumenta &c. Romae 1707. Cap. VII. §. I. pag. 69.

(2) Ad Tabulam Iliadis post Columnam Traian. pag. 339. & Inscr. Cap. VIII. n. 277. pag. 632. Attulimus & nos Tom. III. Clafs. X. Syllog. Inscr.

Secl. I. n. 3. pag. 94.

(3) Vulgo *Navicella*.

(4) *Le vestigia, e rarità di Roma antica* Lib. I. Cap. XIV. pag. 90.

(5) Ibid. Cap. XXII. pag. 148.



MATRI . DEVM . ET . NAVI . SALVIAE  
 SALVIAE . VOTO . SVSCEPTO  
 CLAVDIA . SYNTHYCHE  
 D . D

Nomen Cyriacae, vel Dominicae Ecclesiae inditum videtur a celebri Matrona Romana, quae ibidem aedes habuerit <sup>(1)</sup>, ut & praedium habuit in Agro Verano. Forte sanctae huius Matronae imaginem habes in antiqua pictura ex ipsius Coemeterio ad S. Laurentii extra muros iam eruta, quam Cl. Ioh. Bottarius <sup>(2)</sup> ex Arringhio adduxit. Ceterum Sanctae Domnicae nomen, & natale Bollandius affert <sup>(3)</sup> ex Menaeis Graecorum ad d. VIII. Ianuarii; sed haec Virgo Africana, quae floruit sub Theodosio M. usque ad Leonem, & Zenonem Augg., a nostra differt. Vualafri di Strabonis <sup>(4)</sup> sententiam, a Domino, cui cultus in illa aede redditur, nomen repetentem, quia omnibus aedibus sacris communem, ac ceteras etiam huic quidem non absimiles sententias haud morabimur. Ecclesia haec a Paschale I. a fundamentis ampliata, & renovata fuit, cuius exstat vermiculata absis a duabus porphyreticis columnis sustentata <sup>(5)</sup>; quibus accedunt XVIII. insuper ex Graeco marmore, nigro, & viridi, columnae aliae nihilo inferiores. Sanctae Balbinae corpus ibidem reconditur, atque heic Sixtum I. per Levitam Laurentium ecclesiae thesauros pauperibus distribui mandasse, sunt qui tradant. Vetustissima quidem haberi debet haec Ecclesia, cuius mentio est in veteri *Descriptione Regionum Urbis*, edita a Mabillonio <sup>(6)</sup>, ubi agens *de septem viis usque, porta Asinaria*, statim subditur *Sancta Maria Dominica*. Ad saeculum saltem XI. pertinere videtur *Archipresbyter Benedictus Diaconus Sanctae Mariae, quae Dominica dicitur*,

cu-

(1) *Roma sotterranea* Tom. II. Tav. CXXX. pag. 178.

(2) *Act. Sancti. Ianuar.* pag. 483.

(3) *Vid. Franc. Victorii Dissert. Philolog.* pag. 31.

(4) *De rebus ecclesiasticis.* Cap. VII.

(5) *Vid. Floravantem Martinellium Roma ex ethnica sacra* pag. 214.

(6) *Vetera Analeceta* pag. 365. secund. edit. Paris. 1725.

cuius monumentum in Divi Stephani in Monte situm, & a Donio <sup>(1)</sup> adductum heic sistimus:

HIC . REQVIESCIT . CORPVS . DEVOTVS . XPI ☩  
 FAMVLVS . ARCHIPBR . BENEDICTVS . DIAC . SCI . MA  
 RIE . QA . DOMICA . Q . OMS . Q . AD . HANC . BASILICA . IN  
 GREDITIS . DIGNEMINI . ORARE . PRO . ME . PECCA\*  
 TORE . AC . P . XPI . NOMEN . OMS . CONIVRANS . VT  
 NVLLVS . HOC . TVMVLO . VIOLARE . AVDEAT . 3 SI . QVIS ☩  
 AVTEM . VIOLARE . P : SVPSERIT : A . PATRE . ET . FILIO . E . SPS  
 SCI . ANATHEMATE . IM . P . P . DANATVS . EXISTAT

Certe quidem, ut innumeris exemplis ostendi posset, ab VIII. usque saeculo ad XI. usus obtinuit has malas preces, a Christiana pietate, & mansuetudine alienas, & a sola temporum barbarie, & incitia quoquomodo excusatas adhibere <sup>(2)</sup>; quidquid contra Reinesium <sup>(3)</sup> Fabrettius <sup>(4)</sup> reponat. Cum Benedictus dicatur Diaconus huius Ecclesiae, apparet nondum ad Archidiaconum pertinuisse, ut dein factum videbimus. Iam in nostra Dissertatione in tit. Canonicum *de officio Archidiaconi* <sup>(5)</sup> adduximus Chartam anecdotam anni DCCCCLXXXII., in qua memoratum cernimus *Iohannem Archidiaconum summæ Sanctæ Apostolicæ Sedis, & praepositum venerabili Diaconiae Sanctæ Dei Genitricis Mariae, quae appellatur Noba*; in cuius nimirum Archivo haec ipsa Charta servatur. Quare arguere licet, posteriori tempore hoc factum esse; nec sane documenta, quae id adstruant, occurrunt saeculo XII. maiora. Commode in Chronico Ricardi Cluniacensis, quod ab anno Christi DCCC. usque ad annum MCLXII. pertingit, quod-

que

(1) *Inscrip. antiq.* Class. XX. n. 71. pag. 539. ex schedis Nic. Alemanni.

(2) Vid. Hieron. Fabrium *Ravenna antiqua*, pag. 116., Mabillonius *de re Diplomat.* Lib. II. Cap. VIII. §. XVII. pag. 101., Arringhium *Rom. subterr.* Lib. IV. Cap. XXVII., aliosque.

(3) *Syntag. veter. Inscript.* Class. XX. n. 440.

(4) *Inscript.* Cap. II. pag. 110.

(5) *Dissertazione Canonico-Filologica sopra il titolo delle Istituzioni Canoniche de Officio Archidiaconi*, recitata dall' Abate Giovanni Cristofano Amaduzzi la sera de' 17. d' Agosto dell' anno 1767. in Roma nell' Accademia dell' Emin. & Rev. Sig. Cardinale Gaetano Fantuzzi &c. adnot. 3. pag. 37. Tom. XVII. *Nova Raccolta d' Opuscoli scientifici, e filologici.* In Venezia 1768.



que a Muratorio relatum est <sup>(1)</sup>, recensentur *Diaconiae* Cardinalium S.R.E. *decem*, & *octo*, quarum princeps *Sanctae Mariae in Domnica*, ubi est *Archidiaconus*. Huic accedit testimonium Petri Manlii apud Mabillonium <sup>(2)</sup>, ubi legitur: *S. Maria in Domnica*, ubi debet esse *Archidiaconus*; & Leonis Urbevetani apud Cl. Ioh. Lamium <sup>(3)</sup>, ubi haec habentur: *S. Maria in Domnica*, & ipse est *Archidiaconus aliorum*; quorum primus ad saeculum XII., alter ad XIV. pertinet. At vero hanc Ecclesiam haud Cardinali Archidiacono adsignatam, nisi labente ipso saeculo XII., credere licet, cum certum sit, triginta, vel viginti ad summum annos ante eius exitum ipsam Diaconum, non Archidiaconum obtinuisse. Docet id Bulla Innocentii II. anni MCLXII. apud Harduinum <sup>(4)</sup>, cui subscripsit *Gerardus Diaconus Card. S. Mariae in Dominica*. Id etiam adstrueret *D. Iacobus tit. S. Mariae in Navicella*, qui a Bollandistis <sup>(5)</sup> recensetur ex Marchesio inter eos Cardinales, qui interfuerunt canonizationi S. Brunonis Episcopi Signini, quam Signiae anno MCLXXXI. peregit Lucius III. Summus Pontifex, nisi critices regulae obsisterent, Bollandistae ipsi hanc Cardinalium recensioem assumentum iudicarunt, & iure merito; neque enim si sincera subnotatio fuisset, Ecclesia ipsa titulus dicta esset, quo vocabulo numquam Diaconias appellatas aut antiquitus, aut recenter inueniemus. Quo tempore vero haec esse desierit iuris Archidiaconi Cardinalis, incertum; verosimile tamen est, id accidisse, cum, translata Avenionem Apostolica Sede, Romanae dignitates mutationem aliquam subierunt, & Gallicos mores induerunt, & ipsa Archidiaconi iurisdicção, & munus magna ex parte ad Camerarium delata est. Honorii III. aetate Ecclesiam hanc pertinuisse ad Ec-

(1) *Antiq. med. aevi* Tom. IV. col. 1113.

(2) *Ord. Roman.* XII. n. II. pag. 567.

(3) *Delic. erudit.* Tom. II. pag. 28.

(4) *Concil.* Tom. VI. Par. II. col. 1170.

(5) In Comment. praevio ad Acta S. Brunonis Episc. Signini die XVIII. Iulii num. 24.

Ecclesiam alteram S. Thomae, & S. Michaelis Archangeli de de Formis ( de qua mox dicemus ), innuit laudati Pontificis Bulla anni MCCXVII., qua inter ceteras possessiones, quas eidem confirmat, refert *absidam, & inclaustrum Ecclesiae B. Mariae in Donnica* <sup>(1)</sup>. Parochialem vero curam eidem adnexam etiam fuisse, docent Litterae Apostolicae Sixti IV. <sup>(2)</sup>, quibus Apollonius de Valentinis & Canonicatibus Lateranensis Ecclesiae, & S. Mariae in Via lata, & Parochia S. Mariae Navicellae interdicitur. Honor, quo, Archidiaconali dignitate deleta, Ecclesia haec decidit, integratus quodammodo visus est, cum Card. Iohannes Mediceus Pontifex Max. Leonis X. nomine renunciatus est. Ipse enim instaurari illam iussit, atque ut id pro dignitate fieret, Raphaelis Sanctii opera usus est quoad Architectonicae artis concinnitatem, Iulium vero Romanum, & Perinum Bonacursium Vagae discipulum pro picturae ornameto adhibuit. Tum eadem obtigit Card. Iulio Mediceo, Leonis X. patrueli, Archiepiscopo Florentino, & S. R. E. Vice-Cancellario, qui postea fuit Clemens VII., licet & Ecclesiam S. Clementis, & alteram S. Laurentii in Damaso dein sibi adsciverit. Eadem Diaconia potitus est postea Iohannes Mediceus Cosmi I. Magni Florentiae Ducis filius, qui a Pio IV. Cardinalis est renunciatus, & cuius exstant tres epistolae de ipsius Ecclesiae cultu, & famulatu <sup>(3)</sup>, quem appri-

me

(1) *Collect. Bullar. Sacrosanctae Basilicae Vaticanae &c.* Romae 1747. Tom. I. pag. 100.

(2) Ex Tom. 96. Regest. Brev. Sixti IV. pag. 74. in Archivo secr. Vaticano.

(3) *Lettere del Card. Gio. de' Medici figlio di Cosimo I. Gran Duca di Toscana, estrate da un ms. Roma 1752. Lib. III. pag. 505.* Lettera scritta dal Poggio 25. Settemb. 1561. al Podestà di Grosseto, a cui dice di voler parlare a M. Porzio Fanuzio Canonico della Navicella, che capitava colà, o a Monte Fano. Ivi pag. 506. Lettera scritta dal Poggio 26. Settemb. 1561. al Vescovo Cesarino, a cui dice, che manda D. Gio. suo fami-

gliare, perchè riseda in la Chiesa della Navicella a uffiziare, & di più, perchè fatto veder le cose, che di presente occorrono farsi per riparazioni di quel luogo, me lo avvisi particolarmente, acciò si possa dar opportuno riparo &c. Ho mandato per quel medesimo Porzio Fanuzio per aver da lui informazione di quel, che sarà a sua notizia delle cose di quella Chiesa. Ivi pag. 507. Lettera scritta dal Poggio a dì detto al Babbì in Roma: Noi mandiamo il presente D. Gio. nostro famigliare, perchè riseda a uffiziare nella Chiesa della Navicella, non volendo noi stia senza un Cappellano, sino a tanto, che si verranno ritrovando, e riordinando



me curasse constat. Huic vita functo in eandem successit Cardinalis Ferdinandus Mediceus, marmoribusque ornavit, ac refecit, antequam amplissima dignitate abdicaret, & Magni Ducis Etruriae, denato Francisco eius fratre, insignia reciperet. Habuit & Card. Carolus Mediceus, cuius memoria marmorea ibidem cernitur supra sacrarii portam. Tandem initio huius saeculi tenuit etiam ex eadem regia domo Card. Franciscus M., de quo nihil est aliud, quod moneamus. Presbyterum Beneficiatum, qui Ecclesiae inserviret, sacrumque faceret diebus festis, Paullus V. instituit <sup>(1)</sup>, idque muneris primus obivit Vir Cl. Leo Allatius, antequam ad maiora sibi viam faceret in Urbe officia. Ex Diaconia in titulum presbyteralem convertit Benedictus XIII <sup>(2)</sup>; ac tandem Monachis Graeco-Melchitis Congregationis S. Ioh. Baptistae in Soairo Ordinis S. Basilii Magni, postulante Sacra Congregatione de Propaganda Fide, Templum custodiendum, & aedes incolendas Benedictus XIV. concessit.

VIII. Huic proxime succedit Templum S. Thomae in Caelio, quod & S. Thomae, & S. Michaelis in Formis dictum est, cuique hospitale adnexum erat. Ductus aquae Claudiae, qui eidem adhaerebant, nomen *de Formis* induxerunt <sup>(3)</sup>. Ecclesia haec fuit olim Abbatia in Urbe non ignobilis; cum eius Antistes, teste Panvinio <sup>(4)</sup>, inter viginti Abbates, qui Romano Pontifici celebranti adesse consueverant, decimus tertius accenseretur. Eandem postea Innocentius III. concessit Fratribus Ordinis Sanctiss. Trinitatis Redemptionis captivorum, quam proinde, dum vixit, incolatu, corporis vero exuviis post obitum insignivit S. Iohannes de Matha, licet

do le altre cose. Vedrete, che abbia qualche poco di stanza, se ve n'è alcuna pertinente alla Chiesa, che ci pare impossibile, che non ve ne sia.

(1) Vid. Martinellium loc. cit. pag. 215.

(2) Vid. Equitem Hieronymum Lunadorium Sta-

to presente, o sia relazione della Corte di Roma &c. In Roma 1765. Tom. I. Cap. I. pag. 8.

(3) Fabrett. de aquis, & aquaeduct. Dissert. II.

(4) Lib. de VII. Urbis Eccles. pag. 142.

licet dein in Hispanias translatae fuerint. Interea Honorius III. Bullam emisit <sup>(1)</sup>, qua Ordinem praedictum commendat, Ecclesiam eidem concessam sub Apostolicae Sedis tutela suscipit, privilegiis ornat, sacras aedes, ac bona quamplurima eidem subdita recenset, & confirmat. Quare ibidem memorat *formam*, scilicet aquae Claudiaee ductum, *super dicta Ecclesia S. Thomae cum aedificiis, cimiterio, crucibus, & aliis pertinentiis suis: montem cum formis, & aliis aedificiis positum inter clausuram Clodei* (Castellum nempe aquae Claudiaee, quod forma quadratum, & magna ex parte integrum Fabricius <sup>(2)</sup> vidit), *& inter duas vias, unam videlicet, qua a praedicta Ecclesia S. Thomae itur ad Coliseum, & aliam, qua itur ad SS. Iohannem, & Paulum &c.* Exstat adhuc supra fores hospitalis, five coenobii sigillum ex musivo Ordinis, quem diximus, Redemptionis captivorum, & arcui marmoreo forium haec inscripta leguntur:

MAGISTER . IACOBVS . CVM . FILIO . SVO . COSMATO . FECIT . HOC . OPVS

Dein Poncellio Urfinio Cardinali commendatam Ecclesiam ipsam fuisse insuper patet, donec Urbano VI. iubente anno MCCCXXXVII. mensae capitulari Vaticanae Basilicae adnexa fuit, ipsaque unio ex Bonifacii IX. Diplomate dat. V. Idus Novembris confirmata est. Ceteras Apostolicas Bullas Iohannis XXI., five XXII. <sup>(3)</sup>, Bonifacii IX. <sup>(4)</sup>, & Eugenii IV. <sup>(5)</sup> iam editas in Bullario Vaticano, & ad hanc Ecclesiam pertinentes sciens praetereo.

IX. Descripsimus locum, quem tenent nunc Horti Matthaeciani, tum edificia & vetera, & subsequencia, quae ipsis obiacent. Restat modo, ut de eorum auctore, forma, & praestantia dicamus. Ii siquidem auctorem habent nobilissimum, & ma-

(1) Ann. 1217. Vid. *Collect. Bullar. Sacrosanct. Basil. Vatic. &c. Romae* 1747. Tom. I. pag. 106.

(2) *Descript. Urb. Romae* cap. 17.

(3) Cit. *Collect. Bullar. Basil. Vatic.* Tom. I. p. 285.

(4) Ibid. Tom. II. pag. 31.

(5) Ibid. Tom. II. pag. 89.



& magnificentissimum Virum Cyriacum Matthaeium, Alexandri filium, Cyriaci nepotem, qui sane avitam gentis suae amplitudinem hoc opere explicandam suscepisse visus est. Non nostrum heic est, Matthaeiae gentis originem a Papareschia, quae genuit Gregorium, postea Innocentium II., deducere, quod visum inprimis est Onuphrio Panvinio <sup>(1)</sup>, Alberto Casio <sup>(2)</sup>, Felici M. Nerino <sup>(3)</sup>, aliisque; non enim id ipsius vel vetustati, vel nobilitati accessionis plurimum faceret. Monumentum siquidem saeculi XIII., quod continet Senatus consultum habitum in Templo S. Mariae de Capitolio, quodque ex apographo Perusino edidit Cl. Praeful Iosephus Garampus nunc apud Aulam Vindobonensem Apostolicus Nuntius meritisissimus <sup>(4)</sup>, gentis huius praestantiam satis prodit, cum inter ceteros nobiles Romanos viros recensetur etiam ibidem *Iohannes Matthaei*, quem Garampus ipse nostris adscribere non dubitat <sup>(5)</sup>. Ceteros ex hac gente illustres viros recensere quinetiam non iuvat, quorum monumenta praesertim consulere facile quisque possit apud Casimirum Romanum, Franciscanae familiae Alumnum, ubi de Templo Aracaelitano <sup>(6)</sup>. Quare circa annum MDLXXI. Villae huius constructionem aggressus est Cyriacus noster, & ad annum MDLXXXVI. perfecit, ut docent monumenta, quae ibidem marmore insculpenda curavit, quaeque nemo adhuc edidit. Siquidem supra portam Villae parte interiori haec leguntur:

## CY-

(1) Cod. Mf. de Gente Matthaeia in Bibliotheca Frangipania.

(2) *Memorie istoriche della vita di S. Silvia &c.* Cap. XIII. §. I. pag. 89.

(3) *De templo, & coenobio SS. Bonifacii, & Alexii historica monumenta* in Append. n. VIII. pag. 394. adnot. 34.

(4) *Memorie ecclesiastiche appartenenti all'isto-*

*ria, & al culto della B. Chiara di Rimini &c. In Roma 1755. Dissert. VIII. pag. 244. & segg.*

(5) Vid. Indicem voc. *Mattei* pag. 525.

(6) *Memorie istoriche della chiesa, & convento di S. Maria in Araceli di Roma &c. In Roma 1736. Cap. IV. pag. 29., Cap. V. pag. 43., 44., 71., & 72., & Cap. XVII. pag. 451.*

XXVI

CYRIACVS . MATTHAEIVS . HORTOS  
GENTILICIOS . CVLTV . AEDIFICIO  
VETERVM . SIGNORVM . COPIA  
INLVSTRIORES . ET . AMOENIORES  
REDDIDIT  
A . S . M . D . LXXXI

Tum inferne :

CYRIACVS . MATTHAEIVS  
HORTOS . CAELIMONTANOS  
A . IACOBO . MATTHAEIO . SOCERO . SVO  
SIBI . POSTERISQ . SVIS . DONO . DATOS . MVLTIS . ORNAMENTIS  
MAGNIFICENTIVS . EXCVLTOS . SVAE . ET . AMICORVM  
OBLECTATIONI . DICAVIT  
M . D . LXXXVI

Quae ille praestiterit , ut amplissimos undequaque Hortos hof-  
ce efficeret , prodit etiam epigraphe , quam affixit parieti  
Aedium ad meridiem , quae ita se habet :

CYRIACVS . MATTHAEIVS  
ALEX . F . CYRIACI . NEP  
HORTOS . CAELIOS  
GENTILICIOS . POMARIIS  
AVIARIIS . NEMORIBVS  
OBELISCO . AEDIFICIIS  
IAM . INSTRVCTOS  
AD . MAIOREM . POSTEROR  
SVORVM . AMICORVMQ  
OBLECTATIONEM  
VETERIBVS  
ETIAM . SIGNIS  
EXORNAVIT

Huic etiam inscriptioni consona est altera , quam edidit Petrus  
Leo Casella <sup>(1)</sup> , quae forte Hortorum domini , & conditoris  
suffragium non tulit , cum nullibi ipsam insculptam viderim.  
En ipsam :

CY-

(1) *Elogia illustrium Artificum, Epigrammata, Ionis, de Tuscorum origine, & Republica Florentina*, pag. 186. edit. Lugdun. 1606.



CYRIACVS . MATTHAEIVS . ALEXANDRI . F

CYRIACI . N

GENIO . CAELIMONTANAE . SALVBRIORIS . AMOENITATIS

HORTOS . GENTILICIOS . SIBI . ET . SVIS . AEDIBVS . ET

AQVIS . IRRIGVIS . EXCOLVIT . FONTANIS . EXHILARAVIT

QVAE . PRO . GRADVVM . CORONA . EX . EPISTYLIIS . ALTE

SVBSILIENTES . FLORVM . IN . CIRCIS . FLORVM

LVDVNT . LVDICRA

TVM . ET . AREAM . ET . AREOLAS

TOPIARIIS . SEPSIT . POMARIIS

VALLAVIT

AMBITVM . MVRO . CINUXIT

VETVSTEIS . MONVMEN

TEIS . SIGNIS . DISPOSITIS

ET . MVNIFICENTISSIMA . S . P . Q . R

INDVLGENTIA

OBELISCO . EXORNAVIT

X. Quare Hortos nostros vel hisce inscriptionibus ita iam amplos, excultos, elegantes, & locupletes descriptos habes, ut vix nobis, quae insuper adnotentur, relinquuntur. Innuemus tamen, Aedes, quae in medio Hortorum adsurgunt, ex Iacobi Ducae architectura conditas fuisse, quarum vestibulum porticu ornatur, columnis, signis, ac protomis insignita; quemadmodum aula, & cetera, quae sequuntur, cubicula undique & signis, & protomis, & columnis, & anaglyphis, & cippis, & aliis rarissimis cimeliis, inter quae mensa ex viridi porphyretico marmore, mirum in modum prae-cellunt. Porticum enim in primis ornant Statuae ex alabastro Pomonae, & Midae Phrygiae Regis, aliaeque Bacchi, Faunorum, & Caracallae. Tum aula distinguebatur praesertim Simulacro colosso M. Aurelii Antonini, & Statua equestri L. Aurelii Commodi, qui Antoninus alter, vel Hadrianus antea censebatur, quae dein in Museum Clementinum Vaticanum translata est. In adiacentibus cubiculis reconde-

batur

## XXVIII

batur inter cetera caput Ciceronis, quod nunc in Aedibus ad Circum Flaminium, caput alterum Iovis Serapidis ex bafalte, tum caput Plotinae Traiani uxoris, & Signa Dianae, & Herculis, Graeci fculptoris opera, aliaque, quae iam Vaticano Muſeo, ut infra dicemus, infuper acceſſerunt, Fauni cum utre iacentis, & alterius a Satyri pede ſpinam extrahentis, ac tandem Statua Amicitiae, opus Petri Paulli Oliverii, quam Cyriaco Matthaëio dono dederat Virginius Urſinius, ut patet ex epigraphe, quam exhibet lamella aenea ibidem appoſita:

VIRGINIVS . VRSINIVS  
CYRIACO . MATTHAEIO  
AMICITIAE . MONVMENTVM  
STATVERE  
ILLVSTRIVS . ME . IPSA . AMICITIA  
NON . POTVIT  
MDCV

Aditus ex foribus Hortorum recta ad Aedes ducit per ambulacrum, utraque parte ornatum urnulis ſepulcralibus elegantiffimis, ut nuſquam tot ullibi ſe vidiffè affirmaverit Montfauconius<sup>(1)</sup>. Aedium vero externus paries meridionalis multis etiam diſtinguitur Signis, ac praefertim Impp. Iulii Caefaris, Octaviani Aug., Cl. Domitii Neronis ſacrificantis habitu, Liviae Aug. Coniugis, tum etiam Cereris, ac Bacchantum. In medio autem pariete tollitur ſtemma Matthaëiae gentis, pileo ornatum, cui haec ſubſcribuntur:

HIERONYMO . CARD  
MATTHAEIO

Hic enim fuit Card. tituli S. Pancratii, Cyriaci, & Afdrubalis frater, cui iidem titulum etiam poſuerunt in Templo Ara-caelitano<sup>(2)</sup>. Area dein panditur, in qua celebris Urna IX.

Mu-

(1) *Diar. Italic.* Cap. X. pag. 148.

(2) Vid. *Memorie iſtoriche della chieſa, e convento di S. Maria in Araceli di Roma raccolte*

*dal P. F. Caſimiro Romano &c.* Cap. V. pag. 72.

Vid. aliud monumentum ibid. Cap. XVII. pag. 451.



Musarum prostat, & in cuius medio cernitur Obeliscus Aegyptius variis inscriptus hieroglyphicis litteris, quas haud moramur, cum neque Hermapionis personam geramus, qui Obeliscorum inscriptiones olim interpretatus Augustum decepit; neque etiam Kircherium imitari lubeat, qui eandem provinciam ornans decepit se ipsum. Ceterum Marchio Scipio Maffei<sup>(1)</sup> in ea fuit sententia, ut putaret, sculpturas Obeliscorum nullam scripturam praeferre, notasque illas nullius generis esse litteras. Quare id dumtaxat innuemus, Matthaeianum Obeliscum altum esse XXXVI. palmos, latum vero ad basim palmos IV. Caret vero litteris, sive notis X. a basi palmis, sive quod ille data opera sectus fuerit, sive igne casu consumptus. Verumtamen novem primae, quae in cuspide conspicuae sunt notae ad quatuor singula latera, omnino conveniunt cum iis, quas exhibet Obeliscus, olim spiniae impositus Circi Florae in vico Patricio inter Viminalem collem, & Exquiliis, nunc in Hortis Mediceis erectus. Noster vero exstabat olim ante fores minores Templi Aracaelitani, e quibus in plateam Capitolinam descendebatur, sive in eius Caemeterio, ut placet Boissardio<sup>(2)</sup>, in cuius base, teste Iacobo Mazochio<sup>(3)</sup>, haec legebatur inscriptio, quam Gruterius<sup>(4)</sup> ipse adducit:

DEO . CAVTE  
FLAVIVS . ANTISTIANVS  
V . E . DE . DECEM . PRIMIS  
PATER . PATRVM

Tandem petenti Cyriaco Matthaeio ex Senatus consulto a. d. III. Idus Septembris anni MDLXXXII. concessus est Obeliscus, quem suis in Hortis collocavit, ac dein duplex monumentum in eius  
ba-

(1) *Art. crit. lapid.* Lib. I. col. 3.

(2) *Topograph. Urb. Romae* Tom. I. pag. 24.

(3) *Epigramm. Urb.* pag. 21. a. ter.

(4) *Inscript.* pag. 99. n. 4.

bafē inſcripſit , quo ſuum gratum animum Populo Romano largitori teſtaretur . Primum , quod meridiem reſpicit , hoc eſt :

CYRIACVS . MATTHAEIVS  
OBELISCVM . HVNC . A . POPVLO  
ROMANO . SIBI . DATVM . A  
CAPITOLIO . IN . HORTOS  
SVOS . CAELIMONTANOS  
TRANSTVLIT . VT . PVBLICAE  
ERGA . SE . BENEVOLENTIAE  
MONVMENTVM . EXSTARET  
ANNO . M . D . LXXXII

Alterum vero boream verſus ita ſe habet :

S . P . Q . R  
CYRIACO . MATTHAEIO  
OBELISCVM . HVNC . SVMMO  
CONSENSV . DARI . DECREVIT  
VT . HORTORVM . EIVS  
PVLCHRITVDO . PVBLICO  
ETIAM . ORNAMENTO  
AVGERETVR

Huius Obeliſci typum non dedimus , quod aere incifus olim non fuerit , neque id nunc Librario luberet , neque nos etiam apprime neceſſarium cenſeremus . Si quis velit eumdem conſulere , facile comperiet apud Montfauconium <sup>(1)</sup> , Iohannem Barbaultium <sup>(2)</sup> , ac Bonaventuram , & Michaelem Overbekeios <sup>(3)</sup> . Ipſum etiam deſcripſerunt , ac laudarunt Scottius <sup>(4)</sup> ,  
Ca-

(1) *Antiq. explic.* Tom. II. Par. II. Lib. II. Cap. VII. Tab. CXLIII. n. 5. pag. 352.

(2) *Les plus beaux Monuments de Rome ancienne, ou Recueil des plus beaux morceaux de l'antiquité Romaine qui exiſtent encore, deſſinés par Monſieur Barbault Peintre ancien Penſionnaire du Roy à Rome, & gravés en 128. planches avec leur explication; fol. max. à Rome chez Bouchard de l'imprimerie de Komarek 1761. Pl. 30. n. 1. p. 47.*

(3) *Les reſtes de l'ancienne Rome recherchez &c. & gravez par ſeu Bonaventura d'Overbeke &c., imprimés aux dépens de Michel d'Overbeke. A la Haye chez Pierre Goffe 1763. Tom. II. Pl. 14. pag. 21. Vide etiam Degli avanzi dell'antica Roma, opera poſtuma di Bonaventura Overbeke Pittore Ingleſe &c., accreſciuta da Paolo Rolli Patrizio Todino. In Londra 1739. §. LVIII. pag. 177.*

(4) *Itiner. Ital.* Lib. II. Cap. VII. pag. 401.



Casimirus Romanus <sup>(1)</sup>, Marangonius, qui singulos etiam Romanos Obeliscos enumerat <sup>(2)</sup>, tum Ficoronius, Venutius, Titius, ceterique, qui Romanas antiquitates, & magnificencias describendas sumpserunt. Restat nunc caput colossale Alexandri Magni, quod plateam hanc ornat parte meridionali, quoque nullum in Urbe maius. Siquidem a mento ad radicem capillorum mensura est sex pedum parisiorum, totum vero caput octo pedum, ut proinde sexagintaquatuor pedibus constaret eius Statua, si integra supereffet. Sane caput marmoreum Domitiani in impluvio Aedium Capitolinarum est quinque pedum, ac proinde integra Statua quadraginta dumtaxat pedum fuisset; nec aliter suadent pes, & alia membrorum frustra, quae ibidem exstant. Tum in Villa Ludovisia est caput colossale quatuor circiter pedum; & in Iustiniana extra Portam Flaminiam habebatur olim colossus Iustiniani Imp., nec desunt in aliis villis, ac aedibus Romae Statuae aliae proceritate vulgari duplo, aut triplo maiores. Caput vero nostrum, quod Alexandro M. tribuitur, quodque nos suo loco <sup>(3)</sup> illustravimus, ex Aventini ruinis erutum fuit, ut prodit inscriptio, quae ibidem legitur:

CYRIACVS. MATTHAEIVS  
ALEXANDRI. MAGNI. CAPVT. EX. AVENTINI  
RVINIS. EFFOSSVM. INIVRIA. TEMPORVM  
NONNIHIL. CORRVP TVM. ANTIQVAE  
FORMAE. ET. NITORI. RESTITVIT  
VETVSTATIS. AMATORIBVS  
SPECTANDVM. PROPOSVIT

Ipsum vero accurate descripsit Montfauconius <sup>(4)</sup>, ast ad quem pertineat, incertum esse asseruit. Hinc Ficoronius <sup>(5)</sup>  
mul-

(1) Cit. *Memor. istoriche della chiesa, e convento di S. Maria in Araceli &c.* Cap. V. §. V. pag. 71.

(2) *Delle cose gentilesche, e profane trasportate ad uso, ed ornamento delle Chiese*, dalla pag. 359.

fino alla pag. 365.

(3) Tom. II. Class. II. Tab. VII. pag. 9.

(4) *Diar. Ital.* Cap. X. pag. 143.

(5) *Osservazioni contro il Diario del P. Montfaucon* pag. 31.

multas eidem gemmas, & numismata obiecit, quibus ex formae similitudine fidem huic etiam monumento conciliaret. Sed contra reposuit Romualdus Riccobaldus <sup>(1)</sup>, qui Plutarchi <sup>(2)</sup> testimonium urgens, incertam Alexandri M. effigiem etiam tunc temporis exstitisse contendit, ac magis dubiam factam fuisse deinceps, cum Caracallam lubido incescit adscribendi sibi Alexandri nomen, praecipiendique quinetiam, ut ipsius vultum quisque sibi pararet, fervaretque.

XI. Praestat vero haec leviter attingere, ut ceteras Hortorum Matthaeiorum partes perlustrando describamus. Areola hinc occurrit, cui ab amoeno aspectu <sup>(3)</sup> quaesitum nomen est, & ex qua moenia ab Aureliano producta usque ad Portam Capenam, & Latinam, & Thermanum Antoninianarum ingentia rudera intueri praesertim licet. Statuae, & inscriptiones heic ordine dispositae habebantur, quarum priores referebant Apollinem Citharoedum, Martem, Mercurium, Dianam, Herculem, Poetam cum cycno, Feminam velatam cum puero, Gladiatorem, & Pudicitiam. Ambulacris hinc inde recurrentibus ad oppositam partem area altera occurrit, in qua praesertim Hermae conspiciuntur, quibus Platonem, Heraclitum, Aristotelem, Isocratem, Epicurum, Diogenem, Aristomachum, Pindarum, Anacreontem, Euripidem, Aristophanem, Hesiodum, Apollonium Tyanaeum, Posidonium, Apuleium, L. Iunium Rusticum, Archimedes, aliosque referre vulgo censetur. Quid iuvat conclavia, quae sex praesertim numerantur, nemora, topiaria, aliaeque loculamenta singillatim describere, eaque signis, anaglyphis, aliisque monumentis fere undique distincta? Labyrinthum tamen innuemus, licet vix nunc investigandum, e cuius regione assurgit  
pro-

(1) *Apologia del Diario suddetto* Cap. LX. pag. 48.

(2) *In vita Alexand. M.*

(3) *Belvedere* vulgo audit.



procera columna porphyretica viridis coloris, quae ob minutissimas, ex quibus coalescit, materiae partes singularis merito censetur. Nec aliae defunt hinc, & illinc dispersae columnae, quarum pleraeque multi aestimandae sunt, quaeque XXVII. summatim numerantur. Nostrium vero non est fontes, pomaria, viridaria, ceterasque Hortorum partes villicis commendatas descriptione prosequi. Innuemus tamen sub Aedibus haberi hortulum malis aureis confitum, ac supra eius ostium hoc distichon legi:

HAVRI . OCVLIS . ET . NARE . LICET . TIBI . VIVA . VOLVPTAS  
HIC . ALITVR . TANTVM . CARPERE . PARCE . MANV

Plures sunt in Hortos ingressus; sed duo insigniores, quorum unum, idque princeps, prope Templum S. Mariae in Domnica; alterum vero ad Curiam Hostiliam, qui conditoris nomen gerit, cum longa linea inscriptum habeatur:

HIER . MATTHAEIVS . DVX . IOVII . AN . IVBILAEI . MDCL

XII. Habes, quae fuerit Hortorum Matthaeiorum amplitudo, amoenitas, & praestantia. Hinc nil mirum, si advenas omnes in sui admirationem rapuerint, tum cives ad se ipsos sive describendos, sive illustrandos invitaverint. Quare Scottius <sup>(1)</sup>, Mabillonius <sup>(2)</sup>, Montfauconius <sup>(3)</sup>, Addisonius <sup>(4)</sup>, Richardius <sup>(5)</sup>, alique inter externos tum ipsos expendunt, tum in suis hodoeporicis praestantiores eorumdem partes describere satagerunt. Inter nostros vero illos potissimum quoquo modo illustrarunt Pinarolius <sup>(6)</sup>, Ficoronius <sup>(7)</sup>,  
Ve-

(1) *Itin. Ital.* Lib. II. Cap. VII. pag. 401.

(2) *Itin. Ital.* pag. 38.

(3) *Diar. Ital.* Cap. X. pag. 148.

(4) *The Works of the right honourable Ieseph Addison Esq., Being remarks on several parts of Italy &c. in the Years 1701., 1702., 1703.* Dublin 1735. Vol. III. pag. 163.

(5) *Description historique, & critique de l'Ita-*

*lie; a Dijon 1766.* Tom. VI. Par. II. Cap. 17. pag. 169.

(6) *Trattato delle cose più memorabili di Roma;* opera di Gio. P. Pinaroli; Roma 1725. Tom. II. pag. 274., e segg.

(7) *Le vestigia, e rarità di Roma antica; Roma 1744.* Lib. I. Cap. XIV. pag. 90., e Lib. II. *Le singolarità di Roma moderna* Cap. VIII. pag. 68.

Venutius<sup>(1)</sup>, Vafius<sup>(2)</sup>, & Titius<sup>(3)</sup>: Celebrarunt vero inter Poetas Aurelius Ursus Romanus<sup>(4)</sup>, & Ludovicus Leporeus<sup>(5)</sup>. Tum monumenta ipsa, quae in illis adfervantur, nacta sunt qui & typis exprefferint, & explanaverint, ut suo loco monuimus. Si Signa species, eorum praestantiora adducta habes a Paulo Alexandro Maffeo, & Bernardo Montfauconio. Si Anaglypha, eorum pleraque edita videre licet apud Sponium, Bellorium, & ipsum Montfauconium. Si Inscriptiones, nostris pleni sunt celebres thesauri, sive collectiones iam editae ab Apiano, Mazochio, Smetio, Urfinio, Gruterio, Reinesio, Sponio, Malvasia, Gudio, Donio, Fabrettio, Muratorio, Maffeo, Donatio, aliisque. At, quae sane est rerum humanarum infelix conditio, ita paucis ab heinc annis immutata est Hortorum nostrorum facies, ut qui eos intueatur praestantioribus monumentis spoliatos, atque undique collabentes, dicere similiter possit: *Iam seges est, ubi Troia fuit*. Sane nonnullas marmoreas Inscriptiones in Caeliis Hortis exstantes concesserat iam Alexander Matthaeus Iovii Dux Cl. Praefuli Raphaeli Fabrettio, ut ipse grati animi causa saepe commemorat, in sua domesticarum Inscriptionum sylloge, & nos quinetiam suis locis advertimus. Tum ex iis profectum est in Museum Capitolinum, postulante Benedicto XIV. Pontifice Max., marmor Aebutianum, iam a nobis adductum<sup>(6)</sup>, & antiqui Romani pedis, aliorumque Archite-

cto-

(1) *Accurata, e succinta descrizione topografica, e istorica di Roma moderna, opera postuma di Ridolfino Venuti &c. Roma 1766. presso Carlo Barbellini Tom. I. pag. 4.*

(2) *Itinerario istruttivo diviso in otto stazioni, o giornate per ritrovare con facilità tutte le antiche, e moderne magnificenze di Roma, di Giuseppe Vasi; In Roma 1763. n. 58. pag. 62.*

(3) *Descrizione delle pitture, sculture, e architetture esposte al pubblico in Roma, opera cominciata dall' Abate Filippo Titi da Città di Castello, con l'aggiunta di quanto è stato fatto di*

*nuovo fino all'anno presente. In Roma 1763. pag. 208., e 473.*

(4) *Carminum Lib. III. Epigr. 32. pag. 74. edit. Parmen., & Bonon., ubi haec habentur:*

*In Hortos Matthaeiorum:*

*Romae sepulchrae hinc intueri imaginem,  
Arcus, theatra, & imperii vires licet,  
Urbis, & Orbis lumina, & miracula.*

(5) *Poesie; In Roma 1682. pag. 38. Sonetto.*

(6) *Tom. III. Class. X. Sect. VI. n. 9. Tab. LXII. Fig. 1. pag. 118.*



ctonicae artis instrumentorum forma insculptum; cuius rei memoria exstat in titulo marmoreo, qui ibidem appositus est <sup>(1)</sup>. Sed nostra aetate maximum passi sunt detrimentum, cum novi Vaticani Musei condendi necessitatem peperit erumpens quotidie veterum monumentorum copia, & eorumdem asportationis impediendae providentia. Postquam igitur Sanctissimus, ac sapientissimus Pontifex Clemens XIV., quem utpote primum litterariae meae fortunae parentem, & publicae tranquillitatis, qua fruimur, fundatorem semper grato animi sensu, & laudum praeconiis prosequar, Ambulacrum Vaticani Palatii, quo iter est ad Bibliothecam, veteribus Inscriptionibus in classes naviter distinctis <sup>(2)</sup> ornandum suscepit; tum Christianum Museum, quod aeternae memoriae Pontifex Benedictus XIV. iam excitaverat, & gemma affabre sculpta, Mo-

(1) Editus est a Cl. Praefule Ioh. Bottario in opusculo, cui titulus: *Indice delle antichità, che si custodiscono nel Palazzo di Campidoglio* &c. pag. 8., post Philippi Titii librum de Picturis, Sculpturis, & Architecturis Romanis ab eo amplificatum, quod dein seorsum bis etiam editum fuit:

- Marmora . omnia . antiqui . pedis  
Modulo . insculpta  
Scriptorumq. testimoniiis . commendata  
Benedictus . XIV. P. O. M  
In . Museum . Capitol. transfuit  
Anno . Pontif. III  
Statilianum  
In . Ianiculo . alias . effossum  
(a) Ex . Hortis . Vaticanis  
(b) Cossutianum . seu . Collotianum  
Ex . Marii . Delphini . Aedibus  
Dono . Hieronymi . Principis . Alterii  
(c) Aebutianum  
Ex . Matthaeiorum . Villa  
Dono . Hieronymi . Ducis . Matthaei  
Capponianum  
Non . ita . pridem . Via . Aurelia . reper  
Ex . Aedibus . Capponianis  
Dono . Alexandri . Gregorii  
Marchion . Capponi  
Eiusdem . Musei . Curatores . perpetui  
(a) Aldrovand. pag. 121.

(b) Grut. Tom. II. pag. 1673.

(c) Fabrett. de Aquis, & aquaeductib. Dissert. II. pag. 73., & 74. n. 129., & seqq.

(2) Huc confluxerunt praeter Matthaeianas, veteres Inscriptiones domus Porciorum, tum plures Passioneii Eremitae apud Camaldulenses in Tusculo. Ceterum vide varias antiquas Inscriptiones ex iis, quae pro hac ingenti collectione coactae fuerunt, vel memoratas, vel adductas in Epistola nostra, edita in Ephemeridibus litterariis Florentinis anni 1772. n. 10. col. 143., & n. seq. col. 170., tum in aliis n. 43., & seqq. col. 677., & seqq., dein n. 48. col. 753., ac tandem n. 1. earumdem Ephemeridum anni 1773. col. 4., tum n. 2. col. 10. Consule etiam Opusculum, cui titulus: *Ad Inscriptionem M. Iunii Pudenti hoc ipso anno Romae detectam adversus anonymi convicia curae posteriores* (Caietani Melioris). Romae 1773. Vid. Ephemerides Romanas eiusdem anni, ubi de eadem Inscriptione Epistola Cl. viri Matthiae Zarillii n. XXI. pag. 161. Habes etiam aliquas Inscriptiones Vaticanas editas a Cl. Viro Caietano Marinio Tom. IX., & seq. Diarii Pisani Litteratorum, & in *Sylloge veter. Inscr.*, qua clausimus III. Volumina *Anecdotorum* nostrorum. De Feriis Latinis huc adductis vid. quae adnotavimus hoc I. Vol. Class. VII. pag. 73.

Mosaici serpentis emblemata referente <sup>(1)</sup>, & Carfagnanae sigillo <sup>(2)</sup>, testimonio sane luculentissimo antiquae eiusdem fidelitatis erga Beatum Petrum, & Romanam Ecclesiam, provide ditavit, novique cubiculi elegantissime picti a temporum nostrorum Apelle, Antonio Raphael Mengio, accessione auxit, ut Papyris omnibus per Bibliothecam, & secretum Tabularium olim dispersis, in unum collectis, aliisque Victoriae gentis comparatis certus locus esset <sup>(3)</sup>; ac insuper Etruscorum Vasculorum, quibus Bibliothecae Vaticanae scrinia ornantur, supellectilem mire amplificavit <sup>(4)</sup>; ipsumque tandem aeneorum monumentorum Museum a Clemente XIII. splendide exstructum, praeter recentia ad se dono missa Vindobonensis, Parisiensis, Taurinensis, Palatinae, aliarumque regaliū familiarum aurea numismata, argenteis nummis quinetiam Ferettiae <sup>(5)</sup>, & Passioneiae <sup>(6)</sup> gentis, tum & Ballarinii Musei <sup>(7)</sup> sane rarissimis, Herodis Antipae <sup>(8)</sup> singulari aeneo num-

(1) Osservazioni di varia erudizione sopra un caneo antico rappresentante il serpente di bronzo, esposte da Orazio Orlandi Romano &c. In Roma 1773. per Arcangelo Cusaletti. Vide censuram nostram in Ephemerid. Litter. Romanis eiusdem anni num. XLI., & XLII.

(2) Vid. Ephemerides litterar. Florentinas anni 1771. n. 13. col. 194., & seqq. Articulus nos ipsi suppeditavimus. Donum Cl. Praefulis Stephanii Borgiae. Illustratum pridem fuerat a Cl. alio Praefule Iosepho Garampio edito opere, cui titulus: *Illustrazione di un antico Sigillo della Garfagnana. In Roma 1759. per Niccolò, e Marco Pagliarini.* Anonymi Lucensis censuris responso nunc paratur.

(3) Vid. in cit. Ephem. Flor. ann. 1771. n. 1. col. 5., ubi alter articulus noster de huiusmodi Papyris. Adde Papyrum alteram dono datam ab Equite Marchione Carlo Musca Bartio Pisarense, de qua consule Epistolam nostram insertam Ephemeridibus Florent. anni 1773., & praesertim n. 49. col. 774., & n. 51. col. 811. Vid. & Praefationem nostram ad *Fragmentum Papyri saeculi V., vel VI. &c.* in Tom. II. *Anecdotor. litterar.* p. 437.

(4) Iohannis Bapt. Passerii Pisarenfis Nob. Eu-

gubini de tribus Vasculis Etruscis encaustice pictis a Clemente XIV. P. O. M. in *Museum Vaticanum inlatis Dissertatio.* Florentiae 1772. in *Typographia Monckiana.* Ex Museo Ansideiano Perusino. Alia plura Vascula in Vaticanam Bibliothecam migrarunt ex munere Antonii Raphaelis Mengii eximii Pictoris, & Raphaelis Simonettii Patritii Auximatis, Canonici Basilicae Vaticanae, & SS. D. N. a cubiculo.

(5) Vid. articulus nostrum in Ephem. litter. Flor. anni 1771. n. 14. col. 210.

(6) Vid. ibid. n. 31. col. 432.

(7) Nempe Simonis Ballarinii Praefecti Bibliothecae Barberinae, & a cubiculo Pontificio, qui obiit V. Idus Martii anni 1772. Hic donavit aliquot rariora, & vetustiora numismata Pontificia, seu potius nummos; cetera empta post eius obitum.

(8) *Problema de anno nativitatibus Christi, ubi occasionem offerente vetere Herodis Antipae nummo, in Nummophylacio Clementis XIV. P. O. M. assertum, demonstratur, Christum natum esse anno VIII. ante aevam vulgarem contra veteres omnes, & recentiores Chronologos, auctore P. Dominico Magnan Ord. Minim. Presb. &c. Romae 1772. typis Archangeli Cusaletti.* Vid. & Episto-



nummo, aerae Christianae inchoandae documento, Bruti, & Numoniae confularis familiae aureis nummis Plancani Musei <sup>(1)</sup>, quorum unus pretiosissimus, alter anecdotus, Titi, & Traiani argenteis Graecis nummis rarioribus maximi moduli, viginti duobus in M. Antonii nummis legionibus, & binis ineditis Lucretiae, & Minutiae gentis, a Traiano restitutis numismatibus Musei Zarilliani <sup>(2)</sup>, veterum Beneventi Ducum ab Arigisio ad Georgium Patricium aureis, argenteisque nummis bene multis <sup>(3)</sup>, Etrusci pueri in Tarquinienfi agro eruti praeclarissimo simulacro ex aere <sup>(4)</sup>, Tabulis aeneis Ostranorum, & Sentinatium veterum Umbriae populorum <sup>(5)</sup>, tum pateris <sup>(6)</sup>, fistris <sup>(7)</sup>, inauribus <sup>(8)</sup>, vitris vetustissimis <sup>(9)</sup>, ac ceteris huiusmodi monumentis munificentissime locupletavit; id insuper consilii cepit, ut novum omnino Museum in ipsis Innocentii VIII. cubiculis, insigni porticu, adytisque ornatissimum ad excipiendum signa, protomas, anaglypha, ceteraque marmorea monumenta excitaret. Inlatum fuit quapropter in ipsum, ut primum licuit, Iovis Verospiae gentis marmoreum Signum praeclarissimum <sup>(10)</sup>, tum aliud omnino integrum, rum-

Jam nostram in Ephem. litter. Florent. anni 1771. n. 33. col. 517., & seqq. Donavit Henricus Sanclementius Monachus Camaldulensis, nunc Gregoriano Coenobii ad Clivum Sauri Abbas.

(1) De his vid. Epistolae nostrae partem, quae est in Ephem. litter. Florent. anni 1773. n. 47. col. 745., & n. 49. col. 772., & seqq. De nummo Bruti vide etiam, quae adnotavimus Tom. II. horum Monumentor. Class. II. Tab. XII. Fig. I. pag. 29.

(2) Vid. Epistolam nostram in cit. Ephemerid. ann. 1774. n. 43. col. 678. & seq.

(3) Vid. eandem ibid. col. 681. Donum Cl. Praef. Steph. Borgiae.

(4) Vid. articulum nostrum in cit. Ephemer. anni 1771. n. 49. col. 774., & Praefationem nostram ad *Alphabetum veterum Etruscorum* pag. 29. Videnda etiam *Iob. Bapt. Passerii Pisaur. Nob. Eugubini de pueri Etrusci aeneo simulacro a Clemente XIV. P. O. M. in Museum Vaticanum inlato Dissertatio. Romae in Aedibus Palladis* 1771. Con-

fule tandem, quae nos adnotavimus hoc I. Vol. Class. X. pag. 108. Donum praeclarissimi Praefulis Francisci Carrarii Bergomatis, qui etiam pateras, & numismata aliquot argentea donavit, de quibus vide Epistolae nostrae partem, quae est ad n. 40. col. 628. Ephem. Flor. ann. 1771.

(5) Vid. articulum nostrum in laud. Ephem. eiusdem anni n. 1. col. 4. Retulit Muratorius *Thef. Inscr.* pag. 563. n. 2., & pag. 164. n. 1.

(6) Vid. Epistolae nostrae partem in Ephem. Flor. ann. 1773. n. 47. col. 743. Adde pateras Carrianas, de quibus superius adnot. 4.

(7) Vid. ibidem.

(8) Vid. eiusdem Epistolae partem, quae est ibid. n. 49. col. 772., & seqq.

(9) Vid. Ephemerides litter. Romanas anni 1774. n. VI. pag. 41. Donum Cl. Praefulis Marii Guarnaccii Volaterrani.

(10) Vid. articulum nostrum in Ephem. Flor. anni 1771. n. 49. col. 777., quaeque adnotavimus

hoc

rumque Octaviani Augusti <sup>(1)</sup>, Meleagri alterum longe celeberrimum Aedium Pighinianarum <sup>(2)</sup>, Iunonis, & Narcissi <sup>(3)</sup> non deterioris artis, & famae gentis Barberiniae, Sardanapali suo nomine inscripti <sup>(4)</sup>, Paridis Aedium Altempfiarum <sup>(5)</sup>, Dianae stolatae <sup>(6)</sup>, & servi balneatoris <sup>(7)</sup> Hortorum Pamphiliorum, Discobuli laudatissimi in agro Romano non ita pridem eruti, aliorumque; Tum Borgiae gentis Helvii Pertinacis rarissima Protome <sup>(8)</sup>, aliaque Antinoum referens, Card. Friderici Marcelli Lantis munus <sup>(9)</sup>, Antisthenis Atheniensis Philosophi Herma Tiburtinus <sup>(10)</sup>, Ara Vulcani Hortorum Cafalium <sup>(11)</sup>, Biga circensis ad Divi Marci Basilicam iacens <sup>(12)</sup>, Can-

hoc Tom. I. ad Tab. I. pag. 2. Vid. typum apud Eq. Paullum Alexand. Maffei in Collectione veterum Signorum Romae Tab. CXXXV. pag. 127.

(1) Vid. quae adnotavimus hoc Tom. I. Class. VIII. Tab. LXXVI. pag. 77.

(2) Vid. Epistolae nostrae fragmentum in Ephemer. Flor. anni 1770. n. 15. col. 231., quaeque adnotavimus Tom. III. horum Monument. Class. V. Tab. XXX. pag. 59. Vid. apud eundem Maffei ibid. Tab. CXLI. pag. 131.

(3) Laudantur haec Signa ab omnibus Romanarum Antiquitatum scriptoribus, alterum vero adducitur a Hier. Tetio in *Aedib. Barbarinis* litt. N. pag. 219. Adde Biremem Praenestinam, adductam a Cl. Ioh. Winckelmannio Monum. antiqu. inedit. Vol. I. n. 207., Protomen porphyreticam Philippi Imp., & duos Sarcophagos, de quibus omnibus vide Epistolae nostrae partem in Ephemer. Flor. ann. 1772. n. 45. col. 711.

(4) Vid. eius typum apud Winckelmannium loc. cit. Vol. I. n. 163., cuius illustrationem habes Vol. II. Par. III. Cap. I. pag. 219.

(5) Apud Maffei cit. Collect. Tab. CXXIV. pag. 116.

(6) De Dianae Signo Winckelmannius loc. cit. Vol. II. Par. I. Cap. VII. n. III. pag. 27. Vid. typum Tab. 53. in *Villa Pamphilia, eiusque palatio cum suis prospectibus, statuis, fontibus &c. Romae formis Iacobi de Rubeis*.

(7) De Servi balneatoris Signo, quod Senecae falso tribuitur, vide eundem Winckelmannium ibid. Par. IV. Cap. IX. n. II. litt. C. pag. 256.

Vid. typum Tab. 36. cit. *Villae Pamphiliae*.

(8) Typum aeneum habes apud Ios. Roccum Vulpium *Vet. Lat. profum.* Tom. IV. Cap. VI. Tab. VII. Vid. Epistolae nostrae fragmentum in Ephemer. Flor. anni 1773. n. 34. col. 531., quaeque adnotavimus Tom. II. horum Monument. Class. III. Tab. XXVI. Fig. II. pag. 42.

(9) Meminius hoc ipso Vol. Class. VIII. Tab. LXXXVIII. pag. 83.

(10) Vid. Epistolam nostram in laud. Ephemer. eiusd. anni num. 45. col. 715., & n. 47. col. 742.

(11) *Ragionamento di Orazio Orlandi Romano sopra un'Ara antica posseduta da Monsig. Antonio Cafali Governatore di Roma. In Roma per Arcangelo Casaletti 1772.* Vide, quae nos adnotavimus Tom. III. horum Monument. Class. VII. Tab. XXXVII. Fig. II. pag. 73. Adde vas cinerarium elegantissimum, quod simul dono datum est, & ab Orlandio illustratum. Praecesserat antea donum Capitis aenei Balbini Imp., de quo nos in iudicio, quod de hoc Opusculo emisimus in Ephemerid. Roman. anni 1772. n. XXXV. pag. 276., & in Epistolae fragmento, inserto Ephemerid. Florent. anni 1771. col. 821.

(12) Eius schema exhibuit Tab. III. sub n. XLVIII. ad Cap. XXIII. col. 2111. Valerius Chimentellius illustrans *Marmor Pisana de honore Bisselli* (Tom. VII. *Antiq. Rom. Graevii*) qui balnearum fellam putat, & rursus asserit Cap. XXVII. col. 2130. Vid. quae adnotavimus Tom. III. Class. VIII. Tab. XLVII. Fig. II. pag. 87.



Candelabra Barberinia<sup>(1)</sup>, Zeladianum<sup>(2)</sup>, aliaque ad Divae Agnetis extra Portam Nomentanam adfervata<sup>(3)</sup>, Sarcophagus Veliternus quantivis pretii Sex. Varii Marcelli<sup>(4)</sup>, Urna Tudertina<sup>(5)</sup> egregii Etrusci operis, & altera Perusina<sup>(6)</sup> arcanis ethnicorum sculpturis insignita, aliaque permulta, quae sciens praetereo, quaeque iam eruditorum scriptis longe, lateque inclaruerunt. His omnibus accedunt praestantiora Hortorum Matthaеiorum Signa, quorum pleraque superius etiam pro re nata designavimus, Cereris nempe sedentis<sup>(7)</sup>, & stantis<sup>(8)</sup>, Fauni dormientis<sup>(9)</sup>, & a Satyri pede spinam extrahentis<sup>(10)</sup>, armatae Amazonis<sup>(11)</sup>, velatae Pudicitiae<sup>(12)</sup>, Octaviani sacrificantis<sup>(13)</sup>, Traiani sedentis<sup>(14)</sup>, Commodi equo vecti<sup>(15)</sup>, duo Histriionum sigilla

(1) Vid. Epistolae nostrae fragmentum in Ephem. Flor. anni 1770. n. 15. col. 230. Alterius ex his Candelabris schema habet Winckelmannius loc. cit. Vol. I. n. 30., agitur de eo Vol. II. Par. I. Cap. XII. n. 1. pag. 36., & alibi. Vid. adnot. seq.

(2) Vid. articulum nostrum in Ephem. Florent. eiusd. anni n. 45. col. 715., & seqq. Vid. Opusculum, cui titulus: *Discurso dell' Abate Gaetano Marini sopra tre Candelabri acquistati dal S. P. Clemente XIV. in Pisa 1771. presso Agostino Pizzorno*. Tab. III. aeneae. Ex Diarii Pisani Tom. III. art. V. pag. 177.

(3) Ex V., quae exstabant, IV. in Museum Clementinum Vaticanum adsportata, quintum suo loco relictum est. De his multi Romanarum antiquitatum Scriptores verba faciunt.

(4) De hoc Sarcophago, qui a pluribus editus, & illustratus est, vide Ephemerides Romanas ann. 1773. n. III. pag. 17.

(5) Vid. Epistolam nostram in Ephem. Flor. anni 1773. n. 45. col. 712., & seqq. De hac Urna verba fecimus etiam in hoc I. Vol. Class. X. adnot. ad Tab. CII. pag. 107., & Vol. III. Class. V. Tab. XXIV. Fig. I. pag. 57.

(6) Vid. eandem Epistolam nostram in cit. Ephem. Flor. n. 47. col. 741., & seqq., tum ea, quae innuimus Tom. III. horum Monum. Class. II. Tab. XII. Fig. II. pag. 22. Exstant etiam *De marmoreo sepulchrali Cinerario Perusiae effosso, arcanis ethnico-*

*rum sculpturis insignito, in quibus symbolice sacra quaedam revelatae Religionis mysteria adumbrantur*, & Clementi XIV. P. O. M., ac sapientissimo ad incrementum Musei Pontificii Vaticani ab Emerico Bolognino Perusiae, & Umbriae Praefide humillime oblato Coniecturae Iob. Bapt. Passerii Pisaur. Regiae Academiae Londinensis, & Instituti Bononiensis Socii. Romae 1773. apud Benedictum Francesium.

(7) Matthaеiana monumenta ad Musaeum Vaticanum ornandum comparata innuimus in Epistolae nostrae articulo, inserto Ephem. Flor. anni 1771. n. 1. col. 6. Singula vero in his Voluminibus designavimus. Vide ergo Signum Cereris sedentis Tom. I. Class. II. Tab. Tab. XXXVI. pag. 21.

(8) Vid. ibid. Tab. XXX. pag. 24., & seqq., & apud Maffaeum Tab. CVIII. col. 100.

(9) Ibid. Class. III. Tab. XXXIV. pag. 28.

(10) Ibid. Tab. XI. pag. 32.

(11) Ibid. Class. IV. Tab. LX. pag. 53., apud Maffaeum Tab. CIX. pag. 202., & apud Montfauconium *Antiq. explic.* Tom. IV. Par. I. Tab. XIV. n. 2. pag. 2.

(12) Ibid. Class. V. Tab. LXII. pag. 56., & apud Maffaeum Tab. CVII. pag. 99.

(13) Ibid. Class. VIII. Tab. LXXXVII. pag. 77.

(14) Ibid. Tab. LXXXV. pag. 84.

(15) Ibid. Tab. XCIII. pag. 92., & apud Maffaeum Tab. CIV. pag. 96. Notae sunt Ficoronii ex-

la <sup>(1)</sup>, ac truncus militis gladio cincti, galeamque pede dextero prementis <sup>(2)</sup>; tum Protomae Iovis Serapidis <sup>(3)</sup>, Sileni <sup>(4)</sup>, Plotinae <sup>(5)</sup>, & L. Veri <sup>(6)</sup>; insuper aenea capita Neronis <sup>(7)</sup>, & Treboniani <sup>(8)</sup>, symplegma vel Ariae, & Poeti, vel Portiae, & Bruti <sup>(9)</sup>, & animalium collectioni accensiti Aries arae impositus <sup>(10)</sup>, Leo, & Aquila <sup>(11)</sup>; praeterea bases pompam Iliacam referentes <sup>(12)</sup>, & anaglypha Coniuges Iliidi sacrificantes <sup>(13)</sup>, Veturiam alloquentem Coriolanum <sup>(14)</sup>, natale Romuli, & Remi <sup>(15)</sup>, & Nymphas fontium praefides <sup>(16)</sup> exhibentia; ac tandem Cippi, Urnae, & Inscriptiones bene multae, quas suis locis designare fategimus <sup>(17)</sup>. Cetera vero aliter distracta, & praesertim Marci Aur. Antonini praetextati Protomen a Gavino Hamiltonio Anglo comparatam <sup>(18)</sup> haud persequi vacat, quum iam tantus Vaticanarum divitiarum splendor in sui nos modo rapuerit admirationem. Quare si tantae rerum antiquarum suppellectili ibidem coactae addas celeberrima, iam tum ibidem adservata, marmorea Signa iacentia Cleopatrae, five Nymphae ad fontem dormientis <sup>(19)</sup>, Nili <sup>(20)</sup>, & Tiberis amnium, tum cete-

ra

postulationes adversus Maffeiū, & Montfauconium, quod hoc Signum Hadriano tribuerint.

(1) Ibid. Class. X. Tab. XCIX. pag. 100., & apud Sponium *Miscell. erud. antiq.* Sect. IX. n. 1. pag. 312.

(2) Nunc restauratur, ut in integrum Signum evadat. Quare mirum videri non debet apud nos desiderari.

(3) Tom. II. Class. I. Tab. I. Fig. II. pag. 3.

(4) Ibid. Tab. VI. Fig. II. pag. 8.

(5) Ibid. Class. III. Tab. XV. Fig. II. pag. 34.

(6) Ibid. Tab. XXIV. Fig. I. pag. 40.

(7) Ibid. Tab. XIII. Fig. II. pag. 32.

(8) Ibid. Tab. XXXI. Fig. I. pag. 46. Vid. Epistolae nostrae fragmentum in *Ephem. Flor.* 1771. n. 52. col. 822.

(9) Ibid. Class. V. Tab. XXXIV. Fig. I. pag. 43.

(10) Ibid. Class. X. Tab. LXXIX. pag. 92., & apud Montfauconium *Antiq. explic.* Tom. II. Lib. III. Cap. I. n. 2. pag. 49. Tab. IX. n. 1.

(11) Leo, & Aquila desiderantur in nostra hac collectione.

(12) Tom. III. Class. IV. Tab. XXV. Fig. I., & II. pag. 44.

(13) Ibid. Tab. XXIV. pag. 41.

(14) Ibid. Class. VII. Tab. XXXVII. Fig. I. pag. 71.

(15) Ibid. Tab. ead. Fig. II. pag. 73.

(16) Ibid. Class. X. Sect. I. Tab. LIII. Fig. I. pag. 95.

(17) Adde Inscript. 10. Sect. VI. pag. 119., & 16. eiusd. Sect. pag. 121., quarum migrationem in Vaticanum adnotare omisimus.

(18) Vid. Tom. II. Class. III. Tab. XXII. Fig. I. pag. 39.

(19) Vid. Ioh. Winckelmannium Tractatu praeliminari ad Monumenta antiqua anecdota Cap. IV. pag. XC. Vol. I.

(20) Vid. Epistolam nostram in *Ephemeridibus litter. Florent.* anni 1775. n. 2. col. 22., & seqq., ubi de huius Statuae restauratione, & lingua perperam crocodilo afficta.

ra longe praeclarissima Apollinis Pythii, Laocoontis, Antinoi, Herculis cum Aiace <sup>(1)</sup>, Antinoi, & Veneris, truncus Herculeus, quod opus erat Apollonii Atheniensis, & Michaelis Angeli Bonarotii spectaculum, ac tandem vas ingens porphyreticum, larvas scenicas, aras sacrificiales ab Agrippae Pantheo avectas, aliaque nonnulla, nae tu dixeris, erudite Lector, praestantiora quaeque artis miracula heic Graecae, & Romanae magnificentiae Genio templum parasse, sibiue aeternam asseruisse incolumitatem. Sed quid non insuper sperandum a PIO VI. Pont. Opt. Max., cuius providentia nunc regimur, & cuius ductu, consilioque, dum Aerario Pontificio praeesset, tantum opus inchoatum, ac perfectum est? Ipse enim liberalium artium amore incensus iam tantum opus amplificandum regio plane animo, & magnifico sumptu suscepit, iamque multa plane egregia antiquitatis cimelia, quae in lucem auspicato nunc e terrae sinu prodierunt, sedulo conquisivit, atque paravit, quibus augustum hoc Musarum domicilium pro dignitate exornet. Huc nimirum confluet Fauni Signum celeberrimum ex rubro Aegyptio marmore, Hermae Bacchantium, & Herculis sane elaboratissimi, Antisthenis alter haud vulgaris, tum Domitiae Augustae non obvia Protome, olim Comitis Iosephi Fedii deliciae, ac peritorum omnium admiratio. Huc item migrabit Musarum chorus, & Graeciae sapientum Hermae, ipsorum nominibus, & sententiis inscripti, aliiue veterum tum Poetarum, tum Philosophorum plane similes, quos Tiburtinus ager nuper eduxit <sup>(2)</sup>. Huc etiam procedet Aspasiae Herma alter hoc ipso anno detectus, aliaque e Castris novi ruderibus simul erumpentia monumenta <sup>(3)</sup>. Huc se

reci-

(1) Vid. quae ex Winckelmannio adnotavimus & ad Tom. II. Class. III. Tab. XXV. Fig. I. pag. 41., & ad Tom. III. Class. V. Tab. XXXI. pag. 60.

(2) Vide Anthologiam Romanam Tom. I. num. XXXIV. pag. 269., quaeque nos etiam adnotavi-

mus Tom. II. Class. VII. Tab. LII. Fig. I. pag. 69.

(3) Vide Epistolas Caietani Torracae Centumcellensis Medici clarissimi relatas in Tom. III. Anthologiae Romanae n. XXXIII. p. 257., n. XXXVIII. pag. 297., n. XLI. pag. 327., & n. LII. pag. 409.



recipient & vas ex basalte elegantissimum in Quirinali effossum, & alterum ex alabaastro pretiosissimum ad Augusti Mausoleum recens erutum, ceterique ibidem detecti & Livillae Germanici Caesaris filiae <sup>(1)</sup>, & Tiberii Caesaris Drusi Caesaris filii <sup>(2)</sup>, & Caii Caesaris, Tiberiique Caesaris, tum & alterius anonymi, Germanici Caesaris filiorum emortuales tituli, & Augustae domus nova indubia monumenta <sup>(3)</sup>. Huc insuper adducentur quatuor symplegmata, Herculis facinora exprimentia, nempe Geryonem Hispaniae Regem tricorpo-  
reum ab ipso bello superatum, Diomedem Thracem quadrigis devictum, tripodem ab Apollinis Sacerdotis manibus vi ereptum, & Cerberum canem tricipitem triplici catena ad superos retractum, quae nimirum inter Ostiae rudera non ita pridem reperta sunt. Huc tandem accedet & Protome Perusina Antonini Caracallae <sup>(4)</sup>, & altera Lavinatium Sabinæ Hadriani uxoris, & Anaglyphum bubulum Oriculanum, & Picena Falarientia Monumenta <sup>(5)</sup>, & Musivum Tusculanum Medusæ caput referens <sup>(6)</sup>, & alia sexcenta tum ad Hortos Carpenfes, tum in Quirinali, tum ad Curiam Innocentianam, tum alibi detecta, quibus enarrandis diem perderem. Nec deerunt altero aeneorum monumentorum Museo perrara, atque selecta cimelia, præsertimque effossa exacto anno ad Aventinum Clunienfis Senatus consulti aenea tabula, Graecaque numismata anecdota Tigranis Armeniae Regis cum Eratonis sororis vultu <sup>(7)</sup>, Octaviae Augusti sororis cum anadyomenes Veneris ty-

po

Vid. & quae nos adnotavimus nostro Tom. III. Class. X. Sect. XIII. n. 66. pag. 171.

(1) Vide Epist. anonymam Cl. Viri Ioh. Ludov. Blanconii, Saxonici Electoris a consiliis, & Romae Oratoris laud. Tom. III. Anthol. Rom. n. LI. p. 401.

(2) Vid. Epistolam alteram eiusdem Tom. IV. Anthol. Rom. n. I. pag. 2.

(3) Vid. Epist. tertiam eiusdem loc. cit. n. II. p. 9.

(4) Vid. quae nos adnotavimus Tom. II. horum Monum. Class. III. Tab. XXX. Fig. II. pag. 46.

(5) Vide Opusculum, cui titulus: *Sulle Città Picene Falera, e Tignio Dissertazione epistolare dell' Abate Giuseppe Colacci ai Signori di Falerone. Fermo 1777. in 8.*

(6) Vid. Card. Ios. Alexand. Fusiectian *de Musivis* Cap. IV. pag. 58.

(7) Vid. Tacitum *Annal.* Lib. II. initio. Parte anter. legitur: ΒΑΣΙΛΕΥΣ. ΒΑΣΙΛΕΩΝ. ΤΙΓΡΑΝΗΣ. averfa vero parte: ΕΡΑΤΩ. ΒΑΣΙΛΕΩΣ. ΤΙΓΡΑΝΟΣ. ΑΔΕΛΦΗ.

po<sup>(1)</sup>, Silani Syriae Praefidis post Quirinum, ubi inscripta anni nota novum ad coniectandum aerae Christianae principium lumen afferret<sup>(2)</sup>, Titi, & Domitiani cum peculiari Laodicensium epocha, Philippi senioris, iuniorisque in Stectoris urbe percussa, cetera huiusmodi Graecis Coloniis accensenda. Sed quo me abripit tantarum lautitiarum ingens prorsus, ac mira congeries? Quapropter iam e diverticulo in viam.

XIII. Singula huiusmodi exposuimus, quae ad Hortos Caelimontanos Matthaearum pertinent; nec quidem de Hortis Palatinis, quae ad ipsos olim spectabant, ac postea Spadiae, dein Magnaniae gentis iuribus cesserunt, iuvat quidquam attingere<sup>(3)</sup>. Nunc vero de eorum Aedibus urbanis verba nobis facienda sunt. Huius gentis maiores avitas aedes habuerunt in regione Transfiterina ad pontem Caestium, qui Insulam Lycaoniam Ianiculo iungit, quae adhuc exstant, quibusque fidem conciliant gentilitia stemmata hinc inde appicta, & ipsa pontis custodia Matthaearum Ducibus etiamnum concredita, Pontificia Sede vacante. Multis inscriptionibus ornatas fuisse has aedes, patet praesertim ex Gruterio<sup>(4)</sup>, Reinesio<sup>(5)</sup>, Seldenio<sup>(6)</sup>, & Kirchmannio<sup>(7)</sup>, qui earum nonnullas, addita huius loci designatione, adducunt. Excitatis aedibus urbanis, Transfiterinas deseruisse verosimile est. Certe quidem tam laxo solo potiti sunt, ut Insulam condiderint, quae ex variis, iisque amplis, & elegantibus domibus coalescit. De iis singillatim dicemus, at primum vetera aedificia, quae hunc locum tenuerunt, ceterasque vicinias perpendemus. Circus Flaminius quidem in regione Urbis nona situs praesertim de-

fcri-

(1) Cum epigraphe OKTAOTIA; & averfa parte ΚΩΜΩΝ.

(2) Cum epigraphe: ANTIOXEΩΝ. ΕΠΙ. ΣΙΑΑ-ΝΟΥ. ΑΜ.

(3) *Venuti Roma moderna* Tom. II. pag. 395.

(4) *Inscript. Roman.* pag. 22. n. 3., & 6., pag.

31. n. 11.; pag. 32. n. 12.; & pag. 86. n. 4., & 5.

(5) *Syntagma Inscr. antiquar.* Cl. IX. n. 67. pag. 577., & *Class.* XI. n. 105., & seqq. pag. 645.

(6) *De Diis Syris Syntagm.* II. Cap. I. pag. 220.

(7) *De funeribus Romanor.* Lib. III. pag. 355. edit. Lugd. Batav. apud Hackios 1672.

scribendus venit, quem, si Festum, Liviique epitomato-rem <sup>(1)</sup> audiamus, extruxit Flaminius Censor, qui etiam viam Flaminiam Roma Ariminum usque, sive potius ad Rubiconem amnem munivit, vel Flaminius alter antiquior, Plutarcho teste <sup>(2)</sup>, qui populo Romano campum legavit pro certaminibus equestribus obeundis. Celebratos hoc loco etiam ludos Tauricos Diis Inferis sacros, vel ludos Apollinares post Cannensem cladem institutos vulgo fertur <sup>(3)</sup>, ac nundinas quinetiam habitas testatur Tullius <sup>(4)</sup>. Diu huius Circi reliquiae conservatae sunt, & multae adhuc exstant. Habetur Bulla Caelestini III. Rom. Pont., qua enumerantur, & confirmantur bona Ecclesiarum Sanctae Mariae Domnae Rosae, & S. Laurentii in Castello aureo, quaeque data est Laterani anno cixcxii. a. d. IV. nonas Octobris indictione X., atque ibidem ita describuntur Circi Flaminii vestigia tunc existentia: *Idem Castellum aureum cum utilitatibus suis, videlicet parietibus altis, & antiquis in circuitu positis, cum domibus, & caminatis, eisdemque parietibus de foris undique copulatis; Hortum, qui est iuxta idem Castellum cum utilibus suis, & superioribus Criptarum; Populum foras portam iam dicti Castellum a parte Campitelli, & regionis Sancti Angeli usque in Burgum &c. Castellum enim aureum medio aevo, & Palatium quoque dictus fuit Circus Flaminius, ut cetera etiam vetera ingentia aedificia a rudioribus infimae latinitatis scriptoribus vocata saepe fuerunt. Hinc Ecclesiae Sancti Laurentii, quae in eius ambitu comprehendebatur, nomen in Castello aureo, tum etiam in Palatinis, corrupte vero Pallacini, ac tandem in clausura adhaesit, ut inter alios animadvertit Ioh. Vignolius <sup>(5)</sup>. Hoc etiam adnotavit Iacobus Grimal-*

(1) Lib. X.

(2) Problem. 65.

(3) Liv. XXX. 38.

(4) Epist. ad Attic. 14. Lib. I.

(5) Adnot. 5. ad S. Leonis III. Tom. II. Libri Pontificalis.



maldius<sup>(1)</sup>, qui agens de Monasterio S. Laurentii in Palatinis, dicebatur, inquit, in *Palatinis propter Circum* (Flaminium), quem ignare *Palatium vocabant*. Ita *Circum Neronis Palatium appellant*, & *Montem S. Michaelis hac de causa Palatiolum*. De Ecclesia S. Michaelis in *Palatiolo* vide Franciscum M. Turrigium<sup>(2)</sup> latius differentem. Etiam apud Anastasium Bibliothecarium in vita S. Petri *Palatium Neronianum* memoratur; quemadmodum in Codice Vaticano<sup>(3)</sup>, ubi quaedam ad Basilicam Sanctorum XII. Apostolorum spectantia habentur, Forum Traianum *Traiani Palatium* dicitur, ac alibi *Palatium Antonianum* dictae etiam sunt Thermae Caracallae. Quare Templum nostrum S. Laurentii in *Palatinis*, ac monasterium noviter restauravit Hadrianus I., & coniunxit cum alio monasterio S. Stephani iuxta ipsum posito, & in *Baganda* dicto, ibique Monachos ad pfallendum in titulo Sancti Marci ordinavit<sup>(4)</sup>. Nec aliud insuper, quam nostrum putandum forte est Templum S. Laurentii *Palatini*, cuius mentio est in Bulla S. Leonis IX.<sup>(5)</sup>, licet Bullarii Vaticani editores<sup>(6)</sup> ad S. Laurentii in *Piscibus* revocaverint, ac de eo dubius haeserit Eques Franciscus Victorius, dum IX. Tempia S. Laurentio sacra in Urbe recenseret<sup>(7)</sup>. Heic etiam situm erat Templum S. Mariae Domnae Rosae, cuius mentio supra occurrit, & habetur insuper in Ordine Romano, quodque cum ceteris in constructione Monasterii S. Catharinae de *Funariis*<sup>(8)</sup> dirutum est. Andreas Fulvius<sup>(9)</sup> aetate sua, Clemente scilicet VII. regnante, existisse etiamnum huius Circi formam, & veterum sedilium signa tradit, atque in  
eius

(1) In Lib. Ms. de *Canonicis Basilicae S. Petri* sacra pag. 364.  
Cap. II.

(2) *Della Chiesa di S. Michele Archangelo, e di San Magno* Cap. VII. pag. 20.

(3) Sub n. 5560.

(4) Vid. Florav. Martinellium *Roma ex ethnica*

(5) Tom. I. *Bullar. Basil. Vatican.* pag. 26.

(6) Ibid. adnot. (c).

(7) *Dissert. Philolog.* pag. 85.

(8) Ibid. pag. 371., & 374.

(9) *Urbis antiquit.* Vid. infer. p. XLVIII. adn. 2.

eius cavea erectum laudatum Templum S. Catharinae cognomento *de Funariis*, quod ibi ob loci commoditatem, & areae longitudinem funes intorqueri consueverint. Eiusdem Circi formam saeculo XVI. depictam, quam tamen multa ex parte ingenium suppleverit, affert Montfauconius <sup>(1)</sup> ex Lauro. Porro iuxta Fulvii, aliorumque sententiam Circi latitudo spatium occupavit, quod inter officinas, sive apothecas obscuras, forumque Iudaeorum est interiectum. Huiusmodi quidem apothecae olim iunctae erant non Circo solum Flaminio, sed aliis etiam Circis. *Numularium*, nummorum scilicet permutatorem, vel eorundem aestimatorem, *de Circo Flaminio* habes in veteri inscriptione a Vignolio adducta <sup>(2)</sup>, Vitri officinam inibi etiam fuisse docet Martialis <sup>(3)</sup> dicens:

*Accipe de Circo pocula Flaminio.*

Habetur *Pomarius de Circo Maximo ante pulvinar* apud Reinesium <sup>(4)</sup>, & Sponium <sup>(5)</sup>, qui nempe inter negotiantes minutos, & ῥωποῶλας olera vendebat, non autem viridaria colebat, ut placuit Sponio. Siquidem saepe occurrit in veterum inscriptionibus designatus locus, ubi opifices officinas suas aperiebant, ut in nostra Inscriptionum sylloge observavimus <sup>(6)</sup>. Ad eas autem officinas, cum Card. Dominicus Gymnasium exacto saeculo Templum S. Luciae a fundamentis una cum adiunctis aedibus, & monasterio renovaret, effossae sunt ingentes columnarum spirae, & scapi e Tiburtino lapide, ac quadratae eximiae magnitudinis. Quare summus Circus in hemicyclum curvabatur ad plateam Marganam vulgo dictam non longe a Capitolio, ac flectebatur ad Aedem S. Angeli in Foro Piscario; eius autem ima pars, ubi Circi carceres habeban-

(1) *Antiq. explic.* Tom. III. Par. II. Lib. III. Cap. III. Tab. CLIX. pag. 278.

(2) *Inscript. select.* pag. 141. post Dissertat. de Columna Imp. Antonini Pii.

(3) *Epigram.* 75. Lib. XII.

(4) *Syntagma. Inscript. antiq.* Class. XI. n. 79.

(5) *Miscell. erud. antiq.* Sect. VI. pag. 230.

(6) Tom. III. Class. X. Sect. VI. n. 11. pag. 119., & seq.

bantur, pertingebat ad Aedem S. Nicolai *ad Calcarias* dicti, & ad palatium Ducum Caesariniorum. Certe quidem Templum Apollinis <sup>(1)</sup>, quod alii Musis, vel Herculi Custodi sacrum dixerunt, Circo Flaminio adhaerebat; nec aliud spatium obtinuisse, quam quod nunc tenet Aedes S. Nicolai, & adiunctum Collegium Clericorum Reg. de Somascha, docent vestigia sphaericae parietis, cui adnectuntur Ionicae columnae incendio corruptae, & ex veteri marmurato concinne restructae, quorum singula adhuc in Cavaedio eiusdem Collegii conspicua sunt. De Aede altera Neptuno dicata, quae erat *in Circo Flaminio*, & cuius *Aedituus* erat *Abascantius Aug. Lib.* <sup>(2)</sup>, cum nullae sint reliquiae praeter antiquae inscriptionis memoriam, haud praestat pluribus differere. Ceterum constat, in ea fuisse multa tum Signa, tum Anaglypha, quorum nonnulla Neptunum, Thetim, Achillem, Nymphasque marinas delphinis vestas referebant, & tamquam Scopae opera praedicabantur <sup>(3)</sup>. Anaglypha quidem nonnulla affixa etiam nunc sunt parietibus Aedium Matthaeiarum, Nymphas marinas <sup>(4)</sup>, & Pelei, & Thetidis nuptias <sup>(5)</sup> exprimentia, quae forte ad hoc Templum pertinuerunt, & in hac vicinia erui potuerunt. In ipso Circo Flaminio exstitisse etiam Signum Achillis, Cephissodori opus, tradit Plinius <sup>(6)</sup>: verum hoc, ceteraque huiusmodi vel absumpsit temporum iniuria, vel adhuc celat invida tellus. Quid memorem insuper Circo Flaminio propinquas Aedes Martis, Vulcani, Bellonae, Castoris, Pietatis, ipsiusque Iovis Statoris, quas Onuphrius Panvinus <sup>(7)</sup> studiose recensuit? Quapropter designata Circi Flaminii

(1) *Le antichità Romane, opera di Gio. Battista Piranesi; Roma 1756. Tom. I. n. 94. pag. 13.*

(2) Inscriptionem, quae exstabat in pratis Quintiis in vinea quadam, refert Onuphrius Panvinus de *Ludis Circensibus* Cap. XVIII., ubi de Circo Flaminio, pag. 133. edit. Paris. ann. 1601. & ex eo etiam ceteri.

(3) Plin. *Natural. Hist.* Lib. XXXVI. Cap. V.

(4) Vid. Tom. III. Class. II. Tab. XII. Fig. I. pag. 21., & Tab. ead. Fig. II. pag. 22.

(5) Ibid. Class. VIII. Tab. XXXII. pag. 61., & Tab. XXXIII. pag. 64.

(6) Loc. cit.

(7) Loc. cit.



minii longitudine, a platea nempe Margana ad Aedes Caefarinas, ceterisque eidem adiacentibus aedificiis, apparet Aedes Matthaecianas id loci nunc tenere, quod media fere pars Circi olim tenere debuerat. Testis quidem est Pyrrhus Ligorius<sup>(1)</sup>, atque etiam laudatus Panvinus<sup>(2)</sup>, paucos annos ante harum Aedium constructionem, multam Circi partem adhuc integram exstitisse, praesertim eo loci, ubi etiamnum erigitur domus a Ludovico Matthaecio excitata, de qua inferius latius dicendum erit; cum ibidem, utroque etiam scriptore afferente, multa marmora effossa fuerint, ac potissimum Anaglyphum Circensibus ludis insignitum, quod non aliud, quam nostrum suo loco adductum<sup>(3)</sup>, existimamus. Nec illud praetereundum in Cavaedio Matthaecianae nostrae domus parietibus affixos cerni quatuor arcus semicirculares, foliis, rosisque distinctos, quorum duo integri adhuc sunt, duo vero dimidia fere parte secti (fragmentis hinc inde sparsis) quosque supra Circi Flaminii carcerum fores olim exstitisse existimat

(1) Nel Libro de' Cerchi: *Cominciava questo (il Flaminio) dalla piazza de' Morgani, e finiva appunto al fonte di Calcarara, abbracciando tutte le case de' Mattei, e stendendosi fino alla nuova via Capitolina, ripigliando in tutto quel giro molte altre case. Da questo lato de' Mattei il Circo pochi anni sono era in gran parte in piedi; la parte più intiera stava nel sito della casa di Lodovico Mattei, il quale ha cavato una quantità di travertini del Circo in quel luogo, e trovatori tra l'altre cose un fregio in un gran pezzo intagliato de' patti, che sopra de' carri facevano i giuochi Circensi, e nella cantina trovaronsi altri travertini, e videsi alquanto del canale, per dove passava l'acqua, la quale ora chiamasi il fonte di Calcarara, forse per la calce, che ivi si macerava.*

(2) Loc. cit. pag. 129: *Porta Carmentalis, secundo murorum Urbis ambitu, quos T. Tutius cum Romulo regnans exstruxit, in radicibus Capitolii condita fuit, a qua haud procul Circus Flaminius erat, ad eam partem vergens, ubi nunc est Urbs Roma. Cuius longitudo protendebatur ab area do-*

*mus Margariae, ubi in hemicycli formam desinebat, usque ad novam viam Capitolinam, ubi carceres, & XIII. ostia erant: latitudo vero fuit ab Aedibus Ludovici Matthaeci usque ad Calcariae fontem, ubi est officina tinctoris ambiens eo circuitu apothecas obscuras Matthaeciorum, & multas diversorum privatas domus. Cuius fundamentis e Tiburtino lapide, quae Matthaeciorum, & vicinis aedibus supposita sunt, ante aliquot annis eratis, marmorea tabula pueros curvilia ludica agentes incisos continens reperta fuit. Adhuc vero exstat antiquus Circi euripus limpidissimus tinctoris officinae praeterfluens, qui fons Calcariae a vicinis (quae ibidem coquebantur calcis fornacibus) dicitur. Eius Circi arena lateribus minutissimis transverse stratis opus tessellatum suprapositum habebat. Vide & Fulvium Lib. IV. cap. de Circo Flaminio, ubi ait: Longitudo eius Circi ab Aedibus nunc D. Petri Margani, & S. Salvatore in Pensili usque ad Aedes D. Ludovici Matthaeci iuxta Calcaranum, ubi caput Circi.*

(3) Tom. III. Class. VIII. Tab. XLVII. Fig. II. pag. 87.

mat Carolus Blanconius liberalium artium cultor eximius, idemque scientissimus, & Ludovici Saxonicae Aulae a consiliis, & Romae Oratoris, a quo Circi Caracallae formam, & universam illustrationem praestolamur, meritissimus frater; ratus scilicet hoc loci, vel non longe effodi eosdem iam potuisse, & dein fedem hanc, atque usum nactos fuisse. Quae insuper ad hunc Circum simul pertineat, restat adhuc decurrens aquae vena, quae habetur in crypta vinaria cuiusdam domus Matthaeanis Aedibus propinquae <sup>(1)</sup>. Abundare enim aquae copia Circum opus erat, si XXXVI. crocodilorum spectaculum ibidem edidit Augustus <sup>(2)</sup>. Nec nisi ad Circum spectasse verosimile est aliquam quoque aquae partem, quae etiamnum decurrit iuxta proximam, cui ab ulmo nomen est, cloacam.

XIV. Iam monuimus Matthaearum Insulam in plures disparti Aedes, quae tamen ad unam, eandemque gentem olim pertinebant. Antiquiores eae esse videntur, quae meridionalem plagam, & plateam testudinum, quod eae fontis crateri insculptae, respiciunt; in qua nimirum aquae Saloniae, Gregorio XIII. Romano Pontifice, in Urbem Mutii Matthaeci curis deductae fons cernitur, quatuor vasibus, conchiliorum instar, ex Africano marmore, totidemque aeneis delphinatorum simulacris a Thadaeo Landinio Florentino anno MDCLXXXV. conflatis insigniter ornatus <sup>(3)</sup>. Hae quidem Aedes auctorem habent Iacobum Matthaesium, qui pro iisdem condendis architectonica opera usus est Nanni Bigii, earumque parietes distingui voluit Thadaei Zuccherii picturis, quibus Furii Camilli facinora exprimebantur, licet quae in fronte erant, obducta calce paucis ab hinc annis inepte oblitteratae

(1) Vid. Venutium *antica Roma* Par. II. Cap. III. pag. 87.

(2) Dio Lib. LV.

(3) Vid. Barthol. Marlianum *Urbis Romae Topo-*

*pographia* Lib. VII. pag. 161. a ter. edit. Venet. 1588., & Andream Fulvium *Antichità di Roma* Lib. V. pag. 321. a ter. Venezia 1588.

## L

tae iam fuerint, iis, quae sunt ad latus, dumtaxat reservatis. Duo etiam interiora cubicula eiusdem pennicillo exornata insuper fuerunt. Ante Templum SS. Valentino, & Sebastiano dicatum surgunt Aedes, quas Iacobi Barotii a Vignola opera condidit

LVD. MATTHAEIVS. PETR

ANT. FILIVS. LVD. NEPOS

ut supra fores stat epigraphe conditorem ciens, quaeque ad Matthaeios Paganicae Duces iam spectabant, multisque veterum monumentis instructae erant. Nec alia, quam quae heic servabantur Signa, censenda sunt, quae sub Caesaris Augusti<sup>(1)</sup>, & Aurelii Caesaris<sup>(2)</sup> nomine in Aedibus Ludovici Matthaeii haberi ait, ac etiam edidit Iacobus Marcuccius; quorum alterum habetur etiam inter Icones a Heronymo Franzinio editas<sup>(3)</sup>. Hisce Aedibus aliae adhaerent prope ulmi cloacam, quae Bartholomaeum Brecciolum architectum agnoscunt. Hinc sequuntur aliae a Ludovico Matthaeio ( si Philippo Titio credimus ) aedificatae anno MDCLXIV. ante Divae Luciae Templum, sed ab Alexandro Matthaeio exstructae, si earum foribus inscriptum lemma attendamus, ut revera attendi debet<sup>(4)</sup>, Bartholomaeo Amannatio, ut nonnullis placet, vel Claudio Lippio, ut alii censent, formam aedificii praebente. Earum interiora cubicula Francisci Castellii picturis distinguuntur. Has vero nunc tenent Caietani Duces, qui sibi ipsis compararunt, quemadmodum & Nigronios, & Duratios, & Serbellonios dominos pro diversis temporibus eadem antea agnoverant<sup>(5)</sup>.

## XV. Ve-

(1) *Antiquar. Statuar. Urbis Romae Libri III. Romae 1623.*, edidit Iacobus Marchuccius in fol. Lib. III. Tab. 93.

(2) *Ibid.* Tab. 94.

(3) *Icones Statuar. antiquar. Urbis Romae Hieronymi Franzini Bibliopolae ad Signum Fontis opera. Romae 1589.* in 12.

(4) Quare hoc loco correctam volumus, quae a Titio decepti temere diximus Tom. III. Class. VIII. Tab. XLVII. Fig. 1. pag. 87.

(5) Vid. *Descrizione delle pitture, sculture, e architetture esposte al pubblico in Roma, opera cominciata dall' Abate Filippo Titi &c.* pag. 86. fino a 90., tum etiam *Itinerario istruttivo diviso in ot-*



XV. Verum non id nos nunc agimus, ut has veluti appendices Aedium Matthaeiarum describamus; Potiori namque iure ad se nos avocant, quae & magnificentiores, & splendidiore sunt iuxta dextrum latus Ecclesiae, & Monasterii S. Catharinae de Funariis, quaeque Asdrubalem Matthaeium Cyriaci fratrem auctorem habent. Id docet inscriptio in cavaedio existens, quae ita se habet:

ASDRVBAL . MATTHAEIVS . MARCHIO . IOVII  
 VETERVM . SIGNIS . TAMQVAM . SPOLIIS  
 EX . ANTIQVITATE . OMNIVM . VICTRICE . DETRACTIS  
 DOMVM . ORNAVIT . ET . PRISCAE . VIRTVTIS . INCITAMENTVM  
 POSTERIS . RELIQVIT . ANNO . DOMINI . CIDIICXVI

Carolus Madernius architectonicum opus rexit, & interiora cubicula suis pennicillis exornarunt Franciscus Albanus, Iohannes Lanfranchius, & Dominicus Zampierius. Pictae vero tabulae etiam exstant hinc inde dispositae, quae Casparis Caelii, Christophori Roncallii, Iacobi Trigae, Caroli Saraceni, Hieronymi Mutiani, Michaelis Angeli Morigii, Guidonis Renii, Ioh. Francisci Barbierii, Petri Paulli Gobbii, Petri Berettinii, Michaelis Angeli Bonarotii, Valentini Galli, aliorumque opera praedicantur. Ast nulla res & celebriores, & praestantiores fecit has Aedes, quam veterum monumentorum undique disperforum praeclara congeries. In cavaedio namque, scalis, ac peristylis signa, protomae, anaglyphae, cippi, aliaeque huiusmodi occurrunt, quae summatim innuere sat erit. Cavaedium habet praesertim Signa Apollinis Sagittarii, & Herculis, tum Romanorum Impp. Iulii Caesaris, Caligulae, Claudii, Neronis, Domitiani, aliaeque Gladiatorum. Inter Anaglypha spectandum praecipue venit sacrificium Capitolinum, & Militum Praetorianorum seditio.

Hinc

*ro stazioni, o giornate per ritrovare con facilità ma &c. di Giuseppe Vasi n. 193. pag. 198.  
 tutte le antiche, e moderne magnificenze di Ro-*

Hinc si exitum quaeras versus Divae Catharinae Templum, habebis Nymphas marinas a delphinis, ac tritonibus veſtas, Bacchi, & Ariadnae nuptias, & Muſas deſuncto Poetae famulantes, quas marmore inſculptas cernas. Si vero meridiem verſus egredi lubeat, occurrent Amores Deorum viſtores, Polyphemus, & Galathea, Sphinx ſcopulo inſidens, & Oedipum aenigma ſolventem auſcultans <sup>(1)</sup>, tum Bacchi, & Herculis uterque thronus marmoreis tabulis expreſſi. Si ad porticum retrocedas, & ibidem conſiſtas, & Deum Mithram, & Hylam a Nymphis raptum anaglyptico opere exhiberi intueberis. Si ſcalas aſcendas, Bacchans occurret, dein Fortuna, tum Iuppiter Signis expreſſi; hinc parietes ornatos conſpicias Anaglyphis referentibus utramque venationem Commodi, & Philippi Impp., ac Pelei, & Thetidis nuptias; ac tandem ipſos ſcalarum gradus identidem diſtinctos offeſdes pulvinariſus, quae quaternario numero inventa ad Curiam Hoſtiliam & ſuperius, & ſuo loco monuimus. Iam ventum ad peristylium, quod aulam reſpicit, atque heic pedem figens ſuper aulae poſtes cerne viri incogniti Protomem, tum ſeorſim Aeſculapii Signum ad laevam, quod medium habent columnae duae marmoreae, quibus Cybelis duo Sigilla ſuperſtant, tum aliae ſimiles e regione adſtant duo pariter Cybelis Sigilla ſuſtinentes. Hinc duae aliae columnae ad poſtes diſpoſitae, totidemque contra ſtantes capitulis caniſtriſormibus inſtructae; tum iacens inferne ante Aeſculapii Signum Sarcophagus vindemiali opere inſignitus, ac muris appicta Anaglypha, quae referunt tabulam Heliacam, Priami occiſionem, & ſacrificium taurile Iovi, & quatuor anni tempeſtates. Ex hoc loco ſpectare licet cavaedii parietibus inhaerentia hinc inde cetera praeclara Anaglypha, quae nimirum rurfus exhi-

(1) Hoc Anaglyphum ab operis noſtris omiſſum eſt, caruitque aeneo typo, quo ipſum Lectoriſus noſtris exhiberemus.

hibent Pelei, & Thetidis nuptias, & Proserpinae raptum, tum Venerem concha vectam, pompam Iliacam, aliam Bacchicam, Orpheum cantu mulcentem animantia, Meleagri, & Atalantae fabulam, Bacchi, & Ariadnae nuptias, sacrificium Iovi, & Iunoni, Antilochum Patrocli mortem Achilli nunciantem, tabulam votivam Aesculapio, Hygiae, Fortunae, & Baccho, aliaque bene multa, quibus scientes parcimus. Quare etiam memorare singillatim negligemus plures praecipue cippos, aliaque marmorea monumenta, quae in ambulacro subdiali, quo cavaedium veluti bipartitum cernitur, adservantur. Aesculapii, & Hygiae, aliaque iacentia Sileni, Fluminis, ac Somni Signa heic sparsim disposita tantum indicasse fit satis. Si celebrem, ac singularem prorsus M. Tullii Ciceronis Protomen innuerimus in Aedium pinacotheca existentem, nil erit reliqui, quod exponamus; siquidem interiora cubicula omni carent antiquitatis ornamento.

XVI. Neque etiam haec ipsa tam egregia vetustatis monumenta & illustratoribus, & laudatoribus caruerunt. Videas siquidem praestantiora Anaglypha adducta a Sponio, Montfauconio, Bellorio, Aleandrio, Spenceio, Winckelmannio, aliisque; multasque veteres Inscriptiones fere ab iis omnibus editas, qui eas in unum collegerunt, quosque superius citavimus, cum de Hortorum Caeliorum monumentis sermonem haberemus. Nec tacuerunt exteri Scriptores, nostrique etiam Topographi, praesertimque Ficoronius <sup>(1)</sup>, Venutius <sup>(2)</sup>, Vafius <sup>(3)</sup>, & Titius <sup>(4)</sup> coactam heic tantam & monumentorum, & elegantiarum congeriem. At desiderandum insuper erat, has Aedes, utpote quae seorsim ab Hortis Museum referant locupletissimum, illustratore, ac tantae suppellectilis editore haud carere. Iam porro hanc fortem tulerant & Iustina-

(1) *Le singolarità di Roma moderna* Cap. VII. p. 63.

(2) *Roma moderna* Tom. II. pag. 358.

(3) Loc. cit. n. 193. pag. 198.

(4) Loc. cit. pag. 86., e 461.



nianearum Aedium Tablinum <sup>(1)</sup>, & Museum gentis Odescalchiae <sup>(2)</sup>, & Antiquitates, ac ornamenta alia Aedium Barberinorum <sup>(3)</sup>, nec qualemcumque etiam desideraverat descriptionem ipsum Strotianae domus Museum <sup>(4)</sup>; quibus nunc haud inferiores erunt Aedes Matthaecianae, eisque adnexa venerandae vetustatis cimelia.

XVII. Ast utinam & Horti, & Aedes Matthaeciorum, eisque adiuncta monumenta eum nata fuissent illustratorem, & editorem, qui eorundem praestantiae, ac dignitati par esset. Si exiguum quidem ingenium nostrum, cui eadem concredita, perpendatur, dolendum inprimis est eorundem exornationem, promulgationemque nobis potissimum obtigisse, tum in ea incidisse tempora, in quibus variis distrahebamur studiis, & occupationibus longe quidem inter se diffitis, ut edita interim per nos opera satis ostendunt. His accesserunt multarum morarum interiecta impedimenta, ob quae nobis in medio veluti cursu distentis tum mentis alacritas, tum propositi nostri unitas, quae ab assidua systematis, & methodi recordatione, & executione pendet, identidem minui, turbarique videbatur. Fluxerunt iam XII., & amplius anni, ex quibus hanc provinciam suscepimus, quam quidem per hoc tempus tot vicibus & assumpsimus, & intermisimus, ut saepe iam exantlatos labores instaurare, & multos mox in irritum cessuros absumere cogeremur. Non hoc tamen nostra culpa factum quis credat, quibus operis ardor, & sedulitas fit

(1) *Galleria Giustiniana del Marchese Vincenzo Giustiniani* Par. I. *Tavole* CLII., & Par. II. *Tavole* CLXVII. 1631. in fol.

(2) *Marmi, Statue, Camei, ed altro esistenti negli Appartamenti, e Gallerie dell'Eccell. Sig. D. Livio Odescalchi Duca di Bracciano, e Nipote d'Innocenzo PP. XI. in fol.* 1702. (Trasportati in gran parte in Aranzuez). Hinc prodit *Museum Odescalchum, sive Thesaurus antiquarum Gemmarum* &c. Accesserunt aerea Deorum, ac Dearum

idola, marmorea item anaglypha, monumentaque alia plura &c. (Illustratore Henrico Brulæio, & Nicolao Galeottio) Tom. II. *Romae* 1751. in fol.

(3) *Dominici Paxaroli Museum Barberinum. Romae* 1656. in 4. Hieronymi Tetii *Aedes Barberinae ad Quirivalem. Romae* typis Mascardi 1642. in fol. A pag. 197. incipit recensio veterum Protomarum, & Signorum usque ad pag. 220.

(4) *Descrizione del Museo Strozzi, di Gio. M. Crescimbeni, fra le Prose degli Arcadi.*

fit maxime in deliciis, quosque properatio ad finem tamquam ex naturae incitamento urgeat vel in ipsa rerum auspicatione. Non hinc tamen excusationem petere nobis mens est aut oscitantiae, aut negligentiae nostrae; sed id potissimum nunc monitum volumus, ut diversorum temporum, quibus nostrae per universum opus disseminatae assertiones respondent, quae omnino necessaria esset, ratio haberetur. Quare Lectorum nostrorum humanitate confisi non aliud nunc exponere satagemus, quam totius nostri operis texturam, vel prospectum, quem quidem paucis expediemus.

XVIII. Illustrandae ingenti huic veterum monumentorum collectioni manum iam admoverat Rodolphinus Venutius Patritius, & Academicus Etruscus Cortonensis, Nicolai Marcelli Marchionis, & Philippi Praepositi Liburnensis Virorum Cll. frater, Benvenuti Iosephi Marchionis, a cubiculo Petri Leopoldi Magni Ducis Etruriae, Socii, & Amici nostri ob suam virtutem, ac suavitatem spectatissimi patruus, Romanarum antiquitatum Praefes, ac Vir denique multis eruditus, doctisque editis Voluminibus longe notissimus. At vix opus hoc aggressus fuerat, cum ecce mors ipsum peremit a. d. III. Kal. Aprilis anni MDCCCLXIII., nec ultra primi Voluminis Tabularum, quae Statuas comprehendunt, illustrationem processit. Factum interim est, ut onus in nos conlatum fuerit adornandae quartae Belloriana editionis *Vestigii veteris Romae*, & sex Tabularum anecdotarum elaborandae Appendicis <sup>(1)</sup>; quae licet ab imperita, ac iuvenili prorsus manu profectae tunc forent, cum tamen aliquod approbationis suffragium a doctis viris obtinuissent, in causa fuerunt, cur oculi in nos coniicerentur, & digni, qui in Venutiani ope-

(1) Haec omnia paraverat etiam ante nos Ioh. Bapt. Piranesius initio Tom. I. Antiq. Roman. usque ab anno 1756., sed ut Opus omne absolveret,

& una ederet universum, priorum Voluminum publicationem retardavit, & nostrae editioni temporis principatum reliquit.

operis complementum succederemus, insuper haberemur. Quare ipsius apographum, quod & emandatum, & aliqua etiam sui parte reformatum fuerat a Contuccio, olim Kircheriani Musei Praefecto, & deletae Loyolitarum Societatis Alumno, mox vita functo, traditum nobis fuit, quod antequam iterum expenderemus, universos archetypos monumentorum, quae tum in Hortis Caelimontanis, tum in Aedibus urbanis Matthaeiorum adservabantur, singillatim invisendos, ac pene contractandos a nobis esse censuimus. Verum ut id ea sedulitate, ac fere securitate absolveremus, quae nos vel ab oscitantia, vel ab ingenii licentia immunes faceret, socios nobis adiunximus Ioh. Baptistam Vicecomitem Romanarum Antiquitatum Praefidem meritissimum, eundemque doctissimum, atque ipsius filium Ennium Quirinum vix ex ephebis egressum, ob miram veteris eruditionis peritiam, qua inter cetera disciplinarum ornamenta praecellebat, plurimi aestimandum, nunc vero in dies & scientia, & fama magis inclarescentem, & PII VI. P. O. M. a secretiori cubiculo, qui mihi scilicet praesto essent, quaeque forent vel adnotanda, vel constabilienda, discussis sententiis, & omnibus naviter expensis, una mecum decernerent. Multa sane Venutius statuerat, multaque etiam publica voce invaluerant, quae typis expressa iam apud vulgum fidem omnem obtinuerant. At nos veritatis unice solliciti, & symbola omnia, & vultuum lineamenta iuxta critices regulas, & ope ceterorum monumentorum expendentes, multa immutanda, atque aliter exponenda censuimus. Hinc factum est, ut multae Statuarum illustrationes, quas I. Volumen complecti debebat, expunctae fuerint, eisque nostras subrogandas curaverimus. Hinc etiam factum, ut ceteras five inscriptiones, five nomenclaturas, quas nonnullis Tabulis, ex quibus reliqua Volumina compingi debebant, iam ipse adle-



adleverat, eidem etiam censurae, ac reformationi subiecerimus. Quid hac in re a nobis gestum fuerit, supervacaneum erit nunc exponere, cum haec quidem illustrationes, & adnotationes nostras legentibus patere facile possint. Ac sane multa etiam ex Venutii explicationibus superflua, vel nimis nota amputavimus, Graecum textum adductis ex Latina versione Graecorum Scriptorum locis adiunximus, & omnia in eum ordinem, quem nobis proposuimus, accurate redegimus. Nec etiam minorem insumpsimus diligentiam, ut Sculptorum erratis, quae commodè licebat, medicina aliqua per nos fieret. Multae sane Tabulae non omnino eleganter caelatae occurrunt, quum non omnes vel immutare, vel expolire in nostra esset potestate. Ceterum id saltem curavimus, ut Caesarum, ceterorumque imagines satis cognitae ad veram vultus, quae in autographo haberetur, formam redigerentur, ceteraque omnia suis prototypis apprimè responderent. Nec alia sane post opus a Sculptoribus omnino absolutum, antequam nos hanc provinciam susciperemus, sollicitudo nobis relinquebatur.

XIX. Sed iam qui ordo a nobis servatus fuerit, innuamus. Numina quidem praecedere aequum erat, tum ut Divinitati, quae his etiam indiciis a gentilitate petitis adstruatur, in primis litaremus, tum ut veterum ethnicorum, quorum monumenta tractamus, sacro inhaereremus systemati. Quare Numina ipsa, quae Statuis expressa habebamus, cum alia maiorum gentium, eademque selecta, insignia, & eximia censerentur, alia vero minorum gentium, eademque adscriptitia, minuscularia, & putatitia dicerentur, in suas classes distribuere studuimus, ut proinde suis cuique honor olim etiam redditus fervaretur. Hinc Caelestes Deos primae Classi assignavimus, Terrestres secundae, Silvestres tertiae, Semideos,

five

five Indigetes quartae, ac quintae demum Deas Virtutes. Tum Diis eorum Ministros, & Sacerdotes subiunximus, quibus in Classe sexta factus est locus. Sacerdotibus succedunt Magistratus, ac proinde ex temporum ratione Consules septimam Classẽ obtinuerunt. His subnectuntur Imperatores Romani, quibus Classis octava occupanda obtigit. Barbari Reges nonnisi pone eorumdem domitores collocandi erant, atque hinc Classẽ nona ipsos comprehendi opus fuit. Decima Miscellanea continet; undecima Statuas iacentes. Atque haec est totius I. Voluminis, quod CVI. Tabulis constat, dispositio. Non absimili ratione secundum digestum est, quod XC. Tabulas continet, quodque in Protomis, Hermis, Clypeis, & nonnullis Anaglyphis simplicioribus referendis versatur. Hinc Protomarum Deos exprimentium Classis prima; tum Protomarum Heroas, & Viros illustres praefferentium Classis secunda; dein earumdem Imperatores, & Augustas repraesentantium Classis tertia; ac tandem Imperatores Germanicos saeculi XV., & XVI. exhibentium Classis quarta. Sequitur Classis quinta, quae Capita incognita; sexta, quae Hermas, seu Terminos; septima, quae imagines quadratis, & rotundis figuris inclusas; octava, quae Anaglypha cum variis hominum, & mulierum imaginibus; nona, quae figuras anaglypticas singulares; decima, quae trophaea, pulvinaria, capitula, bases, truncos, & candelabra; ac tandem duodecima, quae larvas scenicas, & cetera monumenta miscella continet. Sed iam tertium Volumen procedit, quod Anaglypha, Sarcophagos, Cippos, & Inscriptiones complectitur, ac ex Tabulis aeneis LXXIV. coalescit. Ordo Classium etiam in hoc ipso Volumine servatus est, ut proinde prima comprehendat Deorum imagines; secunda Fabulas ad Deos pertinentes; tertia Bacchanalia; quarta Monumenta Aegyptiaca; quinta Mo-  
numen-

numenta Graeca ante bellum Troianum; sexta eadem post ipsum bellum; septima Monumenta Romana historica; octava ritus, mores, & artes veterum; nona Sarcophagos, & Urnas sepulcrales; ac decima tandem veteres Inscriptiones, quae insuper ordine, quem Gruterius, ceterique invexerunt, dispositae a nobis sunt; ac proinde in XIV. Sectiones digestae conspiciuntur. Eaedem CCCXXXII. plus minus numerantur, & earum fere omnes ab aliis editae iam fuerant. Neque nos eas dumtaxat, quas in Hortis, & Aedibus Matthaeiorum deprehendimus, proferre studuimus, sed insuper eas omnes huc revocavimus, quas olim ibidem exstitisse vel nos ipsi cognoveramus, vel ex earumdem collectoribus constabat; ne in hac nostra Monumentorum congerie quidquam deesset, quod olim & celebres, & praestantes Hortos nostros potissimum effecerat. Indices etiam Inscriptionibus subiecimus, quorum primus Scaliger exemplar proposuit in Gruteriano thesauro. His tandem subiunximus generalem etiam omnium potiorum, quae III. hisce Voluminibus continentur, rerum Indicem, cuius praesidio, quodcumque opus esset, a Lectoribus nostris inveniri posset.

XX. Haec est universa Operis nostri compages. An vero singula pro dignitate praestiterimus, non nostrum est iudicare. Id tantum affirmare possumus, omnes tum animi, tum sedulitatis nervos nos intendisse, ne vel aliquam muneris nostri partem neglexisse, vel a ratione, ac luce, quae peculiare habentur saeculi XVIII. dotes, ac notae, quaeque singulas facultates attingere aequum est, quidquam absconum admisisse videremur. Quapropter id nobis proposuimus, ne in re plerumque dubia, & ancipiti vel somnia, vel commenta in scenam produceremus. Qui enim vel natura duce, vel cogitandi arte magistra veritatem consecrari, & rerum eviden-

tiae



tiae insistere didicit, aegre sane fertur vel ad incerta, vel ad cerebrosa. Saepe igitur contenti fuimus varias Antiquariorum sententias proferre, & intactum simul argumentum relinquere, ne videremur novam tantum opinionem in ceterarum acervum inducere, vel coniecturas coniecturis addere. Quid enim insuper congesta vel vacillans opinio, vel levis coniectura, aut etiam audax paradoxum litterarum incremento conducit? Pabulis hisce quidem suavissimis fruuntur, quibus in re quaque levissima sibi plaudere, etymologiis abstrusiora quaeque definire, remotiorum aetatum aenigmata solvere, sequiorum temporum ruditates ingerere, nugarum series ostentare, umbras pro corporibus amplexari, carbones pro unionibus vendere (qui est antiquariae facultatis abusus longe eliminandus) volupe est. Nos certe, qui animi causa, & ultro delatae occupationis occasione, huiusmodi studio vacavimus, haud sane operae nostrae poenituit, qui nimirum solidas historiae, chronologiae, veterum linguarum, artium, ac rituum utilitates unice spectantes aliquam videmur & nostris notionibus, & famae quinetiam accessionem fecisse, tum amplissima huius Urbis, veterum elegantiarum undique feracissima, incolatum gratiorem nobis, & iucundiorem praestitisse. Quare ab omni ingenii licentia, quae vel veritatis criterio adversaretur, vel quae nullo tum rationis, tum auctoritatis valido fundamento niteretur, semper abhorrere nobis solemne fuit; ac quidquid, vel omnibus tacentibus, vel omni deficiente exemplo, a nobis proferendum fuit, nonnisi modeste, & fere cum trepidatione proposuimus. Rati insuper ex monumentorum inter se collatione, quae vel rerum affinitate, vel quacumque alia ratione sibi invicem responderent, veram plerumque prodire posse significationem, vel receptis scriptorum sententiis maius etiam posse robur accedere,

dere, id praesertim curavimus, ut quae similia in ceteris Museis, & in ipsis Antiquariorum libris exstant monumenta, tamquam constantis, & indubiae veritatis vadimonia proponeremus. Nihil enim magis valet ad iudicium de re aliquatū ob vetustatem, tum ob obscuritatem incerta quoquo modo iuste, recteque ferendum, quam constans monumentorum conformatio, & eorundem accurata comparatio. Haec fuit instituti nostri ratio, cuius sane ope si quid dignum hac luce elicimus, id totum veritatis, & certitudinis, quam gerimus, notioni acceptum est referendum; sin minus, haud fateri nos pudebit, impares nos huiusmodi studio fuisse, quod aliorum gratia, non nostro Marte excoluisse ingenue profitentes aliquam saltem veniam hoc ipso nomine consecuturos confidimus. Qui legis, feliciter vale.



*v. Bact Natali*

# INDEX TABULARUM

*Quae in hoc I. Statuarum Volumine continentur.*

## CLASSIS I.

*Quae continet*

### DEOS CAELESTES.

- Tab. I. Iuppiter. pag. 1.
- Tab. II. Apollo Citharoedus. pag. 3.
- Tab. III. Apollo Citharoedus. pag. ead.
- Tab. IV. Apollo. pag. 4.
- Tab. V. Apollo Pythius. pag. 5.
- Tab. VI. Apollo Sagittarius. pag. ead.
- Tab. VII. Apollo. pag. 6.
- Tab. VIII. Apollo. pag. 7.
- Tab. IX. Apollo, & Marfyas. pag. 8.
- Tab. X. Mars. pag. ead.
- Tab. XI. Mercurius. pag. 9.
- Tab. XII. Bacchus. pag. 10.
- Tab. XIII. Bacchus afino infidens. pag. ead.
- Tab. XIV. Bacchus. pag. 11.
- Tab. XV. Amor. pag. 12.
- Tab. XVI. Amor cum Herculis symbolis. pag. ead.
- Tab. XVII. Amor canens. pag. 13.
- Tab. XVIII. Venus. pag. 14.
- Tab. XIX. Amicitia. pag. 15.
- Tab. XX. Minerva. pag. ead.

## CLASSIS II.

*Quae continet*

### DEOS TERRESTRES.

- Tab. XXI. Cybele. pag. 17.
- Tab. XXII. Cybele. pag. 18.
- Tab. XXIII. Cybele. pag. 19.
- Tab. XXIV. Cybele. pag. ead.
- Tab. XXV. Ceres. pag. 20.
- Tab. XXVI. Ceres. pag. ead.
- Tab. XXVII. Ceres. pag. 21.
- Tab. XXVIII. Ceres. pag. 23.
- Tab. XXIX. Ceres. pag. 24.
- Tab. XXX. Ceres. pag. ead.
- Tab. XXXI. Ceres. pag. 25.
- Tab. XXXII. Urania. pag. 26.

## CLASSIS III.

*Quae continet*

### DEOS SILVESTRES.

- Tab. XXXIII. Faunus. pag. 27.
- Tab. XXXIV. Faunus. pag. 28.
- Tab. XXXV. Faunus. pag. 29.

- Tab. XXXVI. Faunus. pag. ead.
- Tab. XXXVII. Faunus. pag. 30.
- Tab. XXXVIII. Faunus. pag. 32.
- Tab. XXXIX. Faunus. pag. ead.
- Tab. XL. Faunus, & Satyrus. pag. ead.
- Tab. XLI. Silenus. pag. 33.
- Tab. XLII. Silenus. pag. 34.
- Tab. XLIII. Silenus. pag. ead.
- Tab. XLIV. Diana. pag. 35.
- Tab. XLV. Diana. pag. 36.
- Tab. XLVI. Diana. pag. 37.
- Tab. XLVII. Flora. pag. ead.
- Tab. XLVIII. Pomona. pag. 38.
- Tab. XLIX. Pomona. pag. 39.
- Tab. L. Pomona. pag. ead.
- Tab. LI. Nais. pag. 40.

## CLASSIS IV.

*Quae continet*

### DEOS INDIGETES.

- Tab. LII. Hercules. pag. 41.
- Tab. LIII. Hercules. pag. 42.
- Tab. LIV. Hercules. pag. 43.
- Tab. LV. Bellerophon. pag. 44.
- Tab. LVI. Aesculapius. pag. 47.
- Tab. LVII. Aesculapius. pag. 49.
- Tab. LVIII. Hygia. pag. ead.
- Tab. LIX. Hygia. pag. 51.
- Tab. LX. Amazon. pag. 53.

## CLASSIS V.

*Quae continet*

### VIRTUTES DEAS.

- Tab. LXI. Pudicitia. pag. 56.
- Tab. LXII. Pudicitia. pag. ead.
- Tab. LXIII. Fortuna. pag. 58.
- Tab. LXIV. Fortuna. pag. 59.
- Tab. LXV. Abundantia. pag. 60.

## CLASSIS VI.

*Quae continet*

### DEORUM SACERDOTES ET MINISTROS.

- Tab. LXVI. Camillus puer. pag. 62.
- Tab. LXVII. Bacchans. pag. 63.
- Tab. LXVIII. Bacchans. pag. 65.
- Tab. LXIX. Bacchans. pag. ead.
- Tab. LXX. Bacchans. pag. 66.

Tab.



## LXIII

Tab. LXXI. Sacerdos Cereris sacrificans .  
pag. 67.

### CLASSIS VII.

*Quae continet*

### CONSULES.

Tab. LXXII. L. Iunius Brutus . pag. 69.

Tab. LXXIII. Conful . pag. 71.

### CLASSIS VIII.

*Quae continet*

### IMPERATORES ET AUGUSTAS.

Tab. LXXIV. C. Iulius Caesar . pag. 74.

Tab. LXXV. C. Iulius Caesar . pag. 75.

Tab. LXXVI. Octavianus Augustus . pag. 76.

Tab. LXXVII. Octavianus Augustus . pag. 77.

Tab. LXXVIII. Octavianus Augustus . pag. 78.

Tab. LXXIX. Livia . pag. 79.

Tab. LXXX. Caius Caligula . pag. 80.

Tab. LXXXI. Tiberius Claudius . pag. 81.

Tab. LXXXII. Claudius Domitius Nero . p. 82.

Tab. LXXXIII. Claudius Domitius Nero . p. 83.

Tab. LXXXIV. Flavius Domitianus . pag. 84.

Tab. LXXXV. Nerva Traianus Ulpius . p. ead.

Tab. LXXXVI. Marciana Augusta . pag. 85.

Tab. LXXXVII. Sabina Augusta . pag. 86.

Tab. LXXXVIII. Antoninus . pag. 87.

Tab. LXXXIX. Antoninus Pius . pag. 89.

Tab. XC. M. Aurelius Antoninus . pag. 90.

Tab. XCI. Annia Faustina . pag. 91.

Tab. XCII. L. Aurelius Commodus . pag. 92.

Tab. XCIII. L. Aurelius Commodus . pag. ead.

Tab. XCIV. M. Aur. Bassianus Antoninus

Caracalla . pag. 94.

Tab. XCV. P. Licinius Gallienus . pag. 95.

### CLASSIS IX.

*Quae continet*

### REGES BARBAROS.

Tab. XCVI. Mida Rex Phrygiae . pag. 96.

Tab. XCVII. Ptolemaeus Rex Aegypti . p. 97.

### CLASSIS X.

*Quae continet*

### MISCELLANEA.

Tab. XCVIII. Poeta . pag. 98.

Tab. XCIX. Hiltio . pag. 100.

Tab. C. Gladiator . pag. 102.

Tab. CI. Gladiator . pag. 104.

Tab. CII. Femina velata cum puero . p. ead.

Tab. CIII. Femina stolata . pag. 109.

### CLASSIS XI.

*Quae continet*

### STATUAS IACENTES.

Tab. CIV. Fig. I. Silenus . pag. 111.

Tab. ead. Fig. II. Flumen . pag. 112.

Tab. CV. Fig. I., & II. Amores quiescentes . pag. 113.

Tab. CVI. Fig. I., II., & III. Somni, & Mortis Genii . pag. 114.

## ERRATA

pag. xxxii. referre .

pag. 42. TAB. XLIII.

pag. 45. Florentia .

ibid. Sebastianus Blanchius .

pag. 63. Franc. Ant. Gorium .

pag. 79. *ferre* .

ibid. not. 2. *cap.* 102.

pag. 88. Tubere .

pag. 107. col. I. quos Etruscis in manibus sunt .

ibid. Enomao .

ibid. col. 2. onorabant .

pag. 109. PALLIATA .

## CORRIGE.

referri .

TAB. LIII.

Florentiae .

Iosephus Blanchius .

Ant. Franc. Gorium .

*ferre* .

*cap.* 101.

Tibure .

qui Etruscis in manibus sunt .

Oenomao .

honorabant .

STOLATA .

ROMAE . SEPULTAE . HINC . INTVERI . IMAGINEM  
ARCVS . THEATRA . ET . IMPERII . VIRES . LICET  
VRBIS . ET . ORBIS . LVMINA . ET . MIRACVLA

Aurel. Ursius Carm. Lib. III.

Epig. 32. p. 74. in Hortos  
Matthaeiorum .



# STATUARUM CLASSIS I. QUAE CONTINET DEOS CAELESTES.



## TAB. I. IUPPITER.



IUPPITER stans, pallio ad talos demisso: Dexterâ fulmen ostentat; sed placatus vultus, & serena frons Jovem Milichium, & Hicesium <sup>(1)</sup>, idest *placabilem*, & *supplicibus praesidem* innuunt. Aristoteles, seu quisquis fuit Auctor Libri de Mundo <sup>(2)</sup>, inter multa Jovis cognomina haec etiam enumerat. Hoc nomine Signum illi e candido marmore Polycleti celeberrimi Statuarii opus <sup>(3)</sup> Argis in Templo Apollinis Lycii fuit dedicatum; Item Ara trans Cephissum amnem consecrata, ad quam Theseus per Phithadi posteros a caede purgatus dicitur <sup>(4)</sup>. Plures veteres nummi Hicesium hunc Iovem exhibent,

VENUTUS

(1) Μαλ' ἤτοι, καὶ Ἰκίστιον.

(2) Cap. 7. pag. 615. Aristotel. Oper. T. I. Edit. Tarif. 1609.

(3) Pausan. in Corinthiac. Lib. XX. pag. 119.

(4) Id. in Artic., seu Lib. I. pag. 69.



bent, inter quos argenteus Neronis, in quo tamen legitur *Juppiter Custos* <sup>(1)</sup>. Eiusdem oris habitum, faciemque, ac proinde huius Statuae formam eleganter descripsit Homerus <sup>(2)</sup>:

Ἡ, καὶ κυανέῃσιν ἐπ' ὀφρύσιν νεῦσε Κρονίων.

Ἀμβρόσιαι δ' ἄρα χεῖται ἐπερρώσαντο ἄνακτος

Κρατὸς ἀπ' ἀθανάτοιο.

*Dixit, & nigris superciliis annuit Juppiter,*

*Immortales vero capilli vibrati sunt Regis*

*Capite ab immortalī.*

Ex quibus versibus Statuam Jovis Olympici formam accepisse, confessus est Pausanias <sup>(3)</sup>. Vestem Juppiter noster eleganter demittit in genua, quae immutabilem eius soliditatem exprimit, eiusque virtutem Caelestibus tantum, ac intellectualibus partibus patentem; Reliquo corpore contecto, ut iudicaretur occultari nobis mortalibus humi degentibus, uti ex Eusebio <sup>(4)</sup> advertit Fabrettius <sup>(5)</sup>.

#### I. C. AMADUTII ADNOTATIO

(\*) Habeo, quid reponam Venutio. Cum fulmen semper irato Jovi, & criminum ultori tribuatur, sceptrum vero placido Jovi, & Patri Deum, & hominum, non video, quomodo heic Venutius Jovem fulmine instructum Milichium, & Hicesium inscribat. Hinc recte observat Schottius *Homer. Apoth. Explic.* pag. 312. Tom. II. Polenii, Jovem, qui cernitur in Apotheosi Homerica, pro Heliconio, aut Milichio habendum esse, quod nimirum careat fulmine, & sceptro donetur. Vide Tom. IV. Picturarum Herculaneensium Tab. I., & Academicorum adnotationem <sup>(4)</sup>. Apud Gruterium pag. 21. n. 6. habetur In-

scriptio IOVI. FVLMIN. FVLG. TONANTII. Aliam habes apud Donatium pagin. 1. n. 8., quae sacra est I. O. M. FVLM. FVL. In nummo Seleucense Sept. Severi in The-saur. Britan. Tab. XXXVIII. n. 5. legitur: ZEYC. KEPAYNIOC. *Juppiter Ceraunius*, idest *Fulgurator*. Ibi mensa, in qua fulmen cum laurea. Ceterum nullum Jovis praeclarus Signum, quam quod Graeco artifice elaboratum exstabat in Cavaedio Verospiorum, quod nuper pro Museo Vaticano comparavit CLEMENS XIV. Pontifex Optim. Max. studiosissimus veterum Monumentorum Confer-vator.

(1) *Apud Aen. Vicumpag.* 48. Edit. Rom. 1730.

(2) *Homer. Iliad.* a. v. 528.

(3) *Vid. Politian. Tractation. in Homer.*

(4) *Euseb. Praepar. Evang. Lib. III.*

(5) *Fabrett. ad Column. Traian. pag. 319. in supplement.*

## TAB. II.

## APOLLO CITHAROEDUS.

**E**legantissimo artificio sculptum est hoc Apollinis Signum. Sedet Deus in trunco, dextera manu capiti superimposita, sinistra Lyrae innixus. Quidam Apollinem Lyrae repertorem aiunt<sup>(1)</sup>, alii Mercurium<sup>(2)</sup>. Septicordem fuisse Lyram Orphei, canit Virgilius<sup>(3)</sup>. Mercurius testudinem adiecit, quam posteriores aetates usurpavere. Vidimus in antiqua Bellorii lucerna<sup>(4)</sup> Apollinem hoc Lyrae genere ludentem, quae potius Cithara dici potest. In hac Statua Lyra immutata videtur, vix retenta testudine, & contractis cornibus in manubrium, quod recipit magades quampaucos ad sonos eiusdem chordae variandos. Fere simile exemplar est in veteri Anaglypho Nofocomii Lateranensis, quod hodie servatur in Aedibus Justinianeis<sup>(5)</sup>, Lyra plectro, & digitis tangebatur ad triplicem modum harmoniae, Doricum, Lydium, & Phrygium<sup>(6)</sup>. Septem tantummodo chordae in usu erant, quibus omnes modulos respondere, compertum est. Id tam religiose apud Atticos servabatur, ut quae ultra hunc numerum essent, tolli necesse esset Magistratum Edicto. Quamquam hendecachordem Lyram a Timotheo adinventam memorat Scaliger<sup>(7)</sup>, cui tamen par ignominia, ac Phrynidi contigit ex Ephorum decreto, quod idem recitat acceptum a Boethio<sup>(8)</sup>: Productus scilicet in Comitium iussus est manibus propriis quatuor superfluas chordas amputare, ut septem priscae tantum eadem in Lyra superessent.

VENUTIUS

## TAB. III.

## APOLLO CITHAROEDUS.

**L**Yra, quam trunco appositam Apollo sustinet in hac Tabula, ex eo genere est, quae Tetrachordis dicitur. Hanc Apollini Clathrae Sponius<sup>(9)</sup> tribuit in Anaglypho, quod refert. Eadem a Polluce vocatur Panduria<sup>(10)</sup>. Huiusmodi esse Lyram Amphionis

VENUTIUS

(1) Macrob. Saturn. Lib. I., Alexander in Exposit. Anaglyphi Solis pag. 36.

(2) Scaliger ex Higyn. in Comment ad Sphaeram Manil. pag. 380.

(3) Lib VI. Aeneid.

(4) Pag. 2. num. 14.

(5) Boissard. T. II. pag. 145., & apud Gruter. pag. 819.

(6) Scaliger ad Manil. pag. 383.

(7) Id. pag. 384. loc. cit.

(8) In I. de Musica.

(9) Spon. Miscell. pag. 87.

(10) Vid. Gloss. med., & inf. Latin. Du-Cangii.

nis, videmus, licet chordae defint, in praeclaro Dirces Symplegmate, quod apud Aedes Farnesianas Romae servatur. Hanc Aegyptii <sup>(1)</sup> Mercurii propriam faciunt, contradicente Macrobio <sup>(2)</sup>, qui tetrachordon ei tribuit. Quatuor certe chordarum Lyram Phoeniciam fuisse, narrant Scriptores, quos Caesius refert in Caelo Astronomico-Poetico, & Caelius Rhodiginus <sup>(3)</sup>, alique. Mercurii quoque tetrachordum affirmat Nicomachus Zerasenus usque ad Orphei tempora retentum fuisse. Orpheum quidem cum hac quatuor chordarum Lyra observavimus in antiqua Pictura Coenatorii Sancti Callisti Pontificis ab Arringhio edita <sup>(4)</sup>; quamvis in altero monumento idem cum pentachordo exhibeatur <sup>(5)</sup>. Veterem hanc Mercurii, & Orphei Lyram auctam deinde fuisse, narrant Mithologi, & a quatuor chordis ad septem excrevisse. Quintam igitur addidit Choraebus Lydiae Regis Filius; Sextam Hyagnis Phryx <sup>(6)</sup>; Septimae auctor, qui fuerit, incertum est. Ex anaglypho Villae Matthaeiorum, quod suo loco exhibebitur, Pentachordi exemplar dabimus. Sed inspicienda collectio Lyrarum est, quas Eques Petrus Leo Ghetius in suo Museo eleganter descripsit.

## TAB. IV.

## A P O L L O .

VENUTUS



Pollinis Imago praeclarissima hic exhibetur concinno crine, ac feminarum more discriminato: Huic enim Deo mulieris facies, aequae ac vestitus etiam tribuitur ad imitandam Solis formositatem; Namque <sup>(7)</sup>.

*aeterna est Phoebus, Bacchoque iuventa,*

*Et decet intonsus crinis utrumque Deum.*

Inter Apollinis insignia Lyra ponitur, quae caelestis harmoniae imaginem praefert, uti Auctor est Servius <sup>(8)</sup>, & Aleander <sup>(9)</sup>; Hinc Lyram inter sidera quoque Astronomi collocarunt, & in nummis Apollinis imagini iungitur <sup>(10)</sup>.

TAB.

(1) Caesius in Caelo Astronom. pag. 187., & Diodor. Sic. Lib. I.

(2) Saturnal. Lib. I. cap. 19.

(3) Caelius Rhodiginus Lib. IX. cap. 4., Bochart. de Litt., & sermon. Phoenic. Lib. II. cap. 7.

(4) Rom. subter. Tom. I. pag. 563.

(5) Eod. loc. pag. 547.

(6) Caesius pag. 186.

(7) Tibull. Lib. I. Eleg. 4. v. 33.

(8) Servius ad Virgil. Eclog. V.

(9) Tab. Heliae, explic. apud Graev. Thes. Antiquit. Roman. Tom. V.

(10) Numm. Veron. ap. Aen. Vic. edit. a Bellor., Vailant., Num. Graec. in numm. ΔΑΠΑΝΔΕΩΝ.



## TAB. V.

## APOLLO PYTHIUS.



Pollo Pythius in hac elegantissima Statua repraesentatur imberbis, ac praeter coronam lauream, qua crinis intonsus adstringitur, & praeclaros calceos, omnino nudus. Sinistra arcum fortasse olim tenuit: Dextera placide protenditur. Pharetra pendet e proximo trunco, per quem Serpens adrepat. Sagittae Apollini tribuuntur, quod nimio aestu (Sol enim ipse est) magna mortalibus inferat damna, nempe pestem, aut alia morborum genera. Quia vero temperatus Solis calor plurimum nobis affert utilitatis, Graeci finxerunt <sup>(1)</sup>, Apollinem dextera Gratias gestasse, quemadmodum sinistrae arcum, & sagittas aptabant. Ad haec laurea corona, calcei, pellis aliquando pastoritia, ad arboris truncum apposita pharetra, & arcus Pastorem etiam Apollinem fuisse innuunt. Maximus Tyrus praeterea testatur <sup>(2)</sup>, a Pictoribus, & Artificibus eum exhibitum fuisse Iuvenem nudum ἐν χλαμυδίου τοξότην in parva chlamyde sagittarium: Artemque iaculandi cum Musica, cursu, Medicina, & Divinatione eundem invenisse, docet brevium Auctor Scholiorum in Homeri Iliadem. Quid si calcei ad Apollinis velocitatem ostendendam sunt pedibus appositi? Laurus Apollini tribuitur vel ad fabulam Daphnidis, quam is adamavit, in Laurum conversae significandam, vel quod Laurus, & Serpens divini nescio quid in se continere putabantur ad futura praefagienda. Haec cum nota sint, fatis fuerit obiter attigisse.

VENUTIUS

## TAB. VI.

## APOLLO SAGITTARIUS.



Pollo arcum tendens sagittis in hoc marmoreo Signo exprimi videtur, vultu tamen hominis alicuius fortasse, cuius nomen divinare non audeo. Nota est Fabula, qua Apollo Matris honorem propugnans foecundae Niobes liberos sagittis confecisse traditur. Horatius ad Apollinem <sup>(3)</sup>:

*Dive, quem proles Niobaea magnae  
Vindicem linguae, Tityosque raptor  
Sensit, & Troiae prope victor aliae  
Phibys Achilles.*

Credo

VENUTIUS

(1) Pausan. Arcad. Lib. III. (2) Dissert. 26. Vid. Aleandr. Tab. Heliac. (3) Od. 6. Lib. IV. v. 1.

Credo Apollini Sagittifero maxime a Principibus honorem habitum, ut contra pestilentiam eius praefidio uterentur, cum eam ipse & immittere iratus, & propulsare placatus putaretur: Quin & Triboniani Galli numismata profert Occo, quibus inscriptum: APOLLINI SALV-TARI; & alterum Volussiani cum Epigraphe: APOLLINI. CONSERVATORI. De peste ab Apolline immissa celebris est locus Homeri in primo Iliadis Libro; De ea propulsanda ita Horatius <sup>(1)</sup>:

*Vos Tempe totidem tollite laudibus,*

*Natalemque, mares, Delon Apollinis,*

*Insignemque pharetra,*

*Fraternaue humerum Lyra.*

*Hic bellum lachrimosum, miseram famem,*

*Pestemque a populo, & Principe Caesare in*

*Persas, atque Britannos*

*Vestra motus aget prece.*

## TAB. VII.

### A P O L L O.

VENUTIUS



Pollo a Latinis Arcitenens, Sagittarius, Vulnificus, aliisque cognominibus eodem recidentibus vocatus est, quod arcu insignis, iaculandi peritia, & radiantibus sagittis esset celebratissimus <sup>(2)</sup>; apud Sycionios vero absolute  $\alpha\delta\epsilon\iota\sigma\tau\epsilon\varsigma$  appellatus videtur <sup>(3)</sup>, sicut etiam  $\tau\omicron\delta\delta\phi\omicron\varsigma$  apud Graecos audivit. In Aleandri Tabula Heliaca Sol radiatus exhibetur arcu, atque pharetra post tergum reiectis <sup>(4)</sup>; In Gallieni autem nummo est Centaurus Sagittarius cum Inscriptione APOLLINI. CONS. AVG <sup>(5)</sup>, quia signum illud caeleste Soli consecratum est. Apollo in quadam gemma a nobis alias exposita  $\sigma\alpha\iota\omega\varsigma$  appellatur, aut, ut nos legimus,  $\sigma\alpha\iota\omega\varsigma$ , quod quidam *sanctum*, quidam *iustum* interpretantur: recte quidem utrumque; Occurrit enim in inscriptionibus <sup>(6)</sup>, & numismatibus (inter quae illud est Pescennii Nigri non reticendum) Apollo, qui *sanctus* dicitur, quemque quasi *paciferum* videmus ramusculum dextera protendentem. Iustus enim dictus Apollo, quod

(1) Carm. Lib. I. 21. 9.

(2) Gyrard. Synt. Deor. Cap. VII. pag. 247.

(3) Pausan. in Phoc. Lib. X.

(4) Loc. cit. Thesaur. Antiq. Romanar. Graev. Tom. V. pag. 729.

(5) Ap. Trifan. Histor. Aug., & Morell. Specim. Rei numm.

(6) In Gruter. Inscript., & passim in aliis Collectionibus.

quod mortes subitas immitteret <sup>(1)</sup>, & delicta hominum puniret <sup>(2)</sup>, eo-  
que sensu Homerus videtur ἀγανά βέλλει bis ei tribuere <sup>(3)</sup>, idest *mitia*  
*tela*. Ita explicandum puto Gazae Palatinae nummum <sup>(4)</sup>, cuius in una  
area cernitur ΑΠΟΛΛΩΝ ΣΩΤΗΡ sagittis, pharetra, & arcu armatus; in  
altera vero Lyra, quam Lauri corona ambit, & Epigraphe ΑΛΠΙΘΩΝ.  
Sic Lyram tenet cum SALVTARIS nomine in nummo Triboniani Gal-  
li apud Trifstanum <sup>(5)</sup>.

## TAB. VIII.

## A P O L L O.

**I**mberbis Apollo, intonsusque apparet in hac Statua, crine con-  
cinno, & exornato. Constat enim, ut ait Lactantius <sup>(6)</sup>, *Libe-*  
*rum, & Apollinem esse, & Solem; ideo iuvenes omnes imberbes,*  
*quia ignis non senescit.* Hinc Ovidius <sup>(7)</sup>:

*Tibi enim inconsumpta iuventus,*  
*Tu puer aeternus, tu formosissimus alto*  
*Conspicere Caelo, Tibi, cum sine crinibus adstas,*  
*Virgineum caput est.*

Adstat sinistrorsum ad pedes Columella, sive Ara, si quis ita velit  
eam dicere. Erant hae plerumque marmoreae, forma aut quadrata,  
aut rotunda, aut etiam triangulari, instar Tripodum. Quamquam Tri-  
podes quidem vasa fuerunt aerea, tribus suffulta pedibus, ut videre est  
in Museo Capponiano Collegii Romani, & in Capitolino. Duplex ge-  
nus Tripodum distinguunt Scriptores, & varios eorum usus recensent,  
nec tamen omnes inter se consentiunt. Verum ad rem nostram suffi-  
cit, quod Tripus dicta fuerit mensa marmorea in Templo Apollinis Del-  
phici, cui superimposita Phoebas vaticinabatur Apollineo spiritu afflata <sup>(8)</sup>.

VENUTIUS

(1) Homer. Iliad. a. v. 43., Strab. Lib. XIV.

(2) Cuper. de Harpocr. pag. 113.

(3) Iliad. ζ. v. 205.

(4) Beger. in Thesaur. Palat.

(5) Hist. August., &amp; Patin. Thesaur.

(6) Lib. IV. 696.

(7) Lib. IV. Metamor. ver. 17.

(8) Pausan. in Delphic.



## TAB. IX.

## APOLLO, ET MARSYAS.

VENUTIUS

**E** Marmore sane elegantissimo insculptos a Paulo Oliverio non postremo ex Berninii Discipulis Apollinem, & Marfyam Hyagnidis e Phrygia Tibicinis Filium inspiciendos praebemus. Hunc veste ad pedes prolapsa, aegroque vultu, e manibus tamen licet post tergum adductis fistulam non demittentem Apollo vincere tentat, & e sinistri brachii vulnere prius inflicto pellem deducere. Jacet humi Lyra, & cultrum, fortasse etiam capistrum, quo Tibicines os sibi substringebant, de quo Scholiastes Aristophanis, & alii. Nonnulla alia. Marfyae Signa adservantur Romae in Gazis Virorum Principum, praecipue in Aedibus Barberiniorum, & Farnesianorum <sup>(1)</sup>, aliorumque. Hoc, de quo loquimur, quamvis elegantissimo artificio, a nemine publici iuris est factum. Fabellam Marfyae habes apud Ovidium <sup>(2)</sup>, ceterosque Mythologos. Marfyae Statua olim Romae erat prope Puteal Scribonis <sup>(3)</sup>, caussarumque Victores eam coronabant <sup>(4)</sup>; Quod & Julia Augusta fecit, cum in luxuria palmam tulisset <sup>(5)</sup>. Eadem Statua manum attollens in Civitatibus iudicium libertatis fuit, uti ex Plinio, ac Servio <sup>(6)</sup> accepit Caelius Rhodiginus <sup>(7)</sup>.

## TAB. X.

## M A R S.

AMADUJUS

**S** Ignum hoc Venutius inter Augustos locaverat, ac pro L. Vero Imp. exposuerat. Verum cum nonnullis haud omnino eius facies in hoc Signo exerta videretur, ac Mars in eo potius censeretur expressus, heic nos ipsum proinde nunc sistere, ac illustrare statui-  
mus; quamquam saepe Augustos sub Deorum speciebus, ac symbolis latuisse compertum sit. Stat igitur Mars fere nudus antrorsum, pallio a pectore ad humeros reiecto, qui insuper sinistrum brachium elevat, & ensis capulum dextera manu tenet. Ensis namque tribuitur Marti ab Hefio-

(1) Vid. in Vol. delle Statue di Roma in Chal. post. Pontif.

(2) Lib. VI. Fastor., & Metamor. VI., Diodor. Lib. III. pag. 134.

(3) Horat. Lib. I. Satir. 6.

(4) Senec. de Benefic. Lib. VI. cap. 32., Tlin. Lib. XXXI. cap. 3.

(5) Sveton. in Aug.

(6) In IV. Aeneid.

(7) Var. Lektion. Lib. XXVII. cap. 12.

Hesiodo <sup>(1)</sup>, tamquam Deo militiae. In nummis quin etiam cernitur Mars cum hasta, & gladio, ut & in Gemma apud Begerium <sup>(2)</sup>; Quemadmodum cum parazonio insuper, quod ensi Laconicae simile erat, spectandus venit apud Causseum, & Montfauconium <sup>(3)</sup>. Ad dexterum femur Torax habetur, qui inter militaria munimenta censetur. Ad pedes vero Cassis cernitur, quam una cum clypeo, & hasta Ovidius <sup>(4)</sup> Marti attribuit:

*Bellica depositis clypeo paulisper, & hasta,*

*Huc ades, & nitidas Casside solve comas.*

Sic etiam Homerus <sup>(5)</sup> de Minerva, quae Martem armis exuit:

Τοῦ δ' ἀπὸ μέν κεφαλῆς κόρυς ἔλθο, καὶ σάκε' ὤμων,

Ἐγχεῖ δ' ἔσσης σιβαρῆς ἐν χερσὶ ἐλοῦσα

κάλκεον.

*Huius quidem a capite galeam dempsit, & scutum ab humeris,*

*Hastam autem seposuit erectam robusta e manu ablatam*

*Aercam.*

## TAB. XI.

## M E R C U R I U S .

**E** Loquentiae Deus nudus cernitur, palliolo dumtaxat ab humero dextero in sinistrum reiecto, & circa laevum brachium contorto. In capite petasum alatum gerit, dextera crumenam, sinistra virgam, seu caduceum. Mercurio pennae tribuuntur, tamquam eloquentiae Numini; Unde Homerus <sup>(6)</sup> πτερόεσσα solet eum appellare, idest *verba alata habentem*. Quod ad caduceum pertinet, sciendum ab Apolline ipsum illi fuisse traditum remunerationis gratia, quandoquidem Mercurius Apollini Lyram prius donaverat. Huic caduceo vis inerat admiranda prorsus quasvis controversias dirimendi, quod primum patuit in duobus anguibus; in quos ex itinere cum incidisset Mercurius, virga interposita, conciliavit illico; hique mutuo nexu implicati haesere deinceps eidem virgae, seu caduceo implexi. Mercurius primus est habitus, qui lucrandi modos ostenderit; ideoque Mercatorum erat Deus. Hac ratione factum fuisse, scribit Suidas, ut crumena eius simulacro apponeretur.

(1) *Scut. Hercul. vers. 193., & 456.*

(2) *Theaur. Brand. pag. 48.*

(3) *Antiq. Expliq. Tom. I. Tab. LXVI.*

(4) *Fast. Lib. IV.*

(5) *Iliad. O. v. 125.*

(6) *Homer. Hymn. in Mercuri. v. 434.*

VENUTIUS

TAB.

## TAB. XII.

## B A C C H U S.

VENUTIUS

**B**acchus fingi aliquando nudus, imberbis, iuvenis, ac formæ muliebri confuevit, ut in hoc Simulacro potissimum licet intueri. In eo enim forma muliebris est, crinis intonsus, & mulierum more depexus. Addit Nonnus<sup>(1)</sup> eum a Nutricibus puellari amictu indutum, ut Iunonem lateret:

Πῇ δὲ γυναικῆν Φορέων Ψευδήμοια μορφήν  
Μιμνήῃ προκόπεπλθ' ἐν ἡμασι Φαίετο κόρυνη  
Ἀντιφαῖης· Φθονεῖς δὲ παραπλάζων νόον Ἡῖρος  
Χάλασεν ἀΐτιτύποισιν ἀήγυγε Ἰλῶν ἱαήν.

*Saepe videbatur vultu fallente puella,  
Cum croceum indutus pepalum, pressisque labellis  
Leniter arridens ipsissima virgo ferocem  
Iunonem elusit, muliebri voce locutus.*

## I. C. AMADUTII ADNOTATIO

Bacchus insuper in hoc Signo innixus cernitur trunco, cui dexterum cubitum aptat, quique racemis, & pampinis ex circum serpente vite prodeuntibus exornatur. Ad sinistrum femur alterum quoque racemum ipse

manu sustentat. Nemo ignorat, haec Baccho vini Deo, & ebriosorum Patrono convenire, quaeque a Venutio attingenda videbantur, ne quid huius Signi descriptioni deesset.

## TAB. XIII.

## BACCHUS ASINO INSIDENS.

VENUTIUS



Odem modo, quo Bacchae solent, etiam Bacchus ipse aliquando videtur expressus, ut apud Claudianum<sup>(2)</sup> habemus:

*Laetusque simul procedit Iacchus,  
Crinali florens hedera, quem Parthica Tigris  
Velat, & auratos in nodum colligit ungues,  
Ebria Maeoniis figit vestigia thyrsis.*

Bacchus in hoc elegantissimo Signo nudus, atque aspectu iuvenili cernitur, & hedera, vittisque redimitus. Sedet ore supinus super Afellum instratum Tigridis pelle non sine habenis, ac tintinabulo; sinistra utrem tenens,

(1) In Dionysiac. Lib. XIV. vers. 159.

(2) Lib. I. de Rapt. Proserp.



tenens, dextera pedum, vel thyrsum, aut ferulam, quae est admodum arundini similis: Eius vero folia Asinis gratissima, ideo Asinus Baccho aequae, ac Sileno proprius secundum Plinium <sup>(1)</sup>, eo magis, quod vini cupidus habetur <sup>(2)</sup>. Aelianus ad Bacchi currum non Centauros, sed Onocentauros adiungit <sup>(3)</sup>. Bonarotius in Anaglypho aereo Faunum profert cum fistula, Asello instrato, & tintinabulo ad collum appenso insidentem <sup>(4)</sup>. Habenis itidem vinctus cistas uvis plenas ferens observatur apud eundem <sup>(5)</sup>. Tintinabula ut plurimum collo Aselli apponebantur, veluti nunc etiam est mos; cuius rei Bonarotius plura affert exempla <sup>(6)</sup>. De his tintinabulis praeter Magium <sup>(7)</sup> videndus est Savaronus ad Sidonium Apollinarem <sup>(8)</sup>, qui inter cetera refert Gothicam Legem, cuius titulus est: *Si quis tintinabulum involaverit de iumento, vel bove.*

## TAB. XIV.

## B A C C H U S.

**B**acchum adolescentem, imberbem, ac venustum vidimus, nunc Senex barbatus nobis apparet, quem pro Silvano temere Venu-  
tius propofuerat. Bacchum certe innuunt racemi pampinis admixti, quibus ipfius caput redimitur. Dextera cornu copiae fructibus refertum tenet, sinistram pallio, quod ab humeris pendet, obvolvit, eaque illud sustentat. Vini cadus forte ad pedes exprimitur, aut utris, aut quid aliud, forte recens additum, vel saltem reformatum. Cur Bacchus modo iuvenis, modo senex repraesentaretur, vide apud Macro-  
bium <sup>(9)</sup> potissimum, & apud Gyraldium <sup>(10)</sup>. Ceterum tam Aegyptiacus Bacchus, quam Indicus, ut Diodorus <sup>(11)</sup> refert, barbam nutriebat. Pausanias refert, simile vidisse signum apud Aeginetas <sup>(12)</sup>:

καὶ γένηα Διόνυσου ἔχων πεποιήται: *Etiam Dionysius barbam gerens exhibitur.*

Observavit id etiam in anaglyphis Arcae Cipseli ita loquens <sup>(13)</sup>:

Διόνυσου δὲ ἐν ἀντροῦ κατακείμενου γένηα ἔχων, καὶ ἐκπώμα χρυσῶν ἐνδεδυνῶς ἔχει ποδῆρη

AMADUTIUS

(1) Hist. Nat. Lib. XVI.

(2) Bonarot. Vitr. Coemeter. pag. 14., Senec. in Oedip. in Dityramb. Anaglyph. ant. Rom. p. 79.

(3) Lib. XVII. Cap. 9.

(4) Num. Carp. pag. 95.

(5) Ibid. pag. 385.

(6) Vid. Num. Carp. pag. 95., & pag. 345., Ursin. in numm. 1., & 2. Familiae Caeciliae, & Mas-  
seum in Gemm. Tom. IV. fig. 90.

(7) De tintinab.

(8) Ad Epist. II. Lib. XXI., Phaedr. Lib. II. Fa-  
bul. 7., Apul. Lib. X., Lucian. in Asin. p. 111.

(9) Lib. I. Saturn. Cap. 18.

(10) Syntag. Deor., Vid. & Natal. Com. Mytholog.,  
Banerium, aliosque.

(11) Diod. Lib. III., & IV.

(12) Lib. II. pag. 140.


(13) Lib. XV. pag. 324.

ποδῆν χιτῶνα . Dionysius autem iacet in antro barbam gerens , & vasculum aureum , indutus talari tunica .

## TAB. XV.

## AMOR.

VENUTIUS

oetae multos Amores , eosque pueros , sine alis , alatosque finxerunt , quorum aliis in manus faces , aliis fagittas , aliis vincula , aliis alia tradebant . Puer noster intonsus Malum punicum dextera gerit , sinistra vero non plane apparet , quid teneat ; si Concha venerea non est , ad florem Mali punici referrem . Veteres per Mala punica concordiam significabant , ut Hebraicarum rerum Scriptores tradunt , ideoque in Veste Sacerdotis erant depicta <sup>(1)</sup> . Quid si Amor coniugalis in hoc Signo innuatur ? Delphinus vero , ut Ovidius <sup>(2)</sup> cecinit , amoris est indicium :

*Quem modo celatum stellis Delphina videbas ,  
Is fugiet visus nocte sequente tuos ;  
Seu fuit oculis felix in amoribus index ,  
Lesbida cum domina , seu tulit ille Lyram .*

Anacreon vero loquens de Disco quodam Venerem exhibente , Amores cum Delphinis ludentes memorat :

Ἐπὶ Δελφισιν χορευτῶς  
Δολεροὶ νέον μέτωπον  
Ἔρως , ἰμπερὶ γελῶντες .  
*Super Delphinibus saltatoribus  
Dolosi iuvenili vultu  
Amor , Himerus ridentes .*

## TAB. XVI.

## AMOR QUIESCENS CUM HERCULIS SYMBOLIS.

VENUTIUS



Morem saepe in veterum Monumentis ob victorias de Diis partas alacrius exultantem demisso arcu , illorumque arma , triumphantium more , circumferentem , vel super ea quiescentem invenies <sup>(4)</sup> . Philippus in Anthologia <sup>(5)</sup> :

Σμυλο-

(1) Roland. Aurig. Hebr. 984.

(2) Lib. II. de Art. amand.

(3) Od. 51.

(4) Vid. Martial. Epigr. Lib. IX.

(5) Lib. IV. Cap. 12.

Σμυλοχαρὲς ἰδ' ἐξάτας, ἰδῶς βριαροῖσιν αἰτῶμοις  
 "Ὅπλα φέρουσι θεῶν νήπη ἀγαλλόμενα,  
 Τύμπανα, καὶ θύρσον Βρομίου, Ζήνῳ δὲ κεράυνον,  
 Ἀσπίδ' Ἐνυαλίου, καὶ κόρην ἡυκομένην.

Idest, interprete Sleidano :

*Aspicis exuvias Divum, ut laetentur Amores,  
 Utque ferant humeris rapta trophaea suis.  
 Tympana cum thyrsō Bacchi, tum fulmina Summi, ac  
 Splendentem galeam, scutaque Martis habent.*

Cernitur saepe Amor in gemmis clavam, fulmen, & aegidem gerens <sup>(1)</sup>:  
 Omnia vel ad Herculem, vel ad Iovem, vel ad Palladem referri singulariter possunt. Romae etiam in Lodovisiis Hortis Martis cernitur Simulacrum, cuius armis proximus Amor adstat <sup>(2)</sup>. Sive igitur ad Herculem, sive ad Iovem symbola haec, sive ad Minervam, vel Martem referre velis, id ipsum confirmabitur, quod Graeci aiebant, Amorem omnes Deos captivos <sup>(3)</sup> in potestatem redegisse; ita ut recte ab Anacreonte apud Clementem Alexandrinum <sup>(4)</sup> θεῶν δουδύζης *Deorum Tyrannus* appelletur.

## TAB. XVII.

## A M O R C A N E N S .

**H**ic quoque elegantissime Amor Deorum victor exprimitur, videlicet Herculis, & Panis, quorum alter per Leonis exuvias, alter per fistulam adumbratur. Amor naturali quodam ocio delectatur, ideoque sedens effingitur, eo quod inertes, ac otiosos praec omnibus maxime capiat. Omnia in Amorem convenire videntur, quae optime a Propertio <sup>(5)</sup> memorantur:

*Quicumque ille fuit puerum, qui pinxit Amorem,  
 Nonne putas miras hunc habuisse manus?  
 Hic primum vidit sine sensu vivere amantes,  
 Et levibus curis magna perire bona.  
 Idem non frustra ventosas addidit alas,  
 Fecit & humano corde volare Deum.*

---



---

 VENUTIUS

*Scili-*

- (1) *Collec. Roman. Antiquit. pagin. 29. vers. 28.*, (4) *Lib. VI. Stromatum. Vid. Beger. Mus. Brand. Tom. I. pag. 183.*, ubi gemmam affert, in qua Amor fulmen, & leoninum gerit coriam.  
 & 89.  
 (2) *Maffei de Statuis pag. 66.*  
 (3) *Lucianus Dialog. Vener. & Lunae.* (5) *Eleg. Lib. II.*



*Scilicet alterna quoniam iactamur in unda,  
 Nostraque non ullis permanet aura locis.  
 Et merito hamatis manus est armata sagittis,  
 Et pharetra ex humero Gnosia utroque iacet.  
 Ante ferit quoniam tuti, quam cernimus hostem,  
 Nec quisquam ex illo vulnere sanus abit.*

## TAB. XVIII.

## VENUS.

VENUTIUS



Licet huiusmodi imagines, ut plurimum ad Venerem *Anadyomenem* dictam referantur; Nos cum capitis mitellam consideramus, & vestem ita suspensam, Venerem potius sese induentem, & ornantem arbitramur. In Nummo Germanicopolitarum Venus adstat comam pectine discriminans, & pone eam Cupido. In Museo Florentino eadem cernitur, cui famulantur Cupidines, quorum unus armillas, seu ornamenta brachiorum offert, alter vas unguentarium ad corpus ungendum, curandumque. Cl. Eques Franciscus Victorius schema vitreum antiquum profert, in quo Venerem exhibet non dissimilibus stipatam ministris, & complura congerit de ornamentis Dearum, Mulierumque <sup>(1)</sup>. Capitis fastigiatum illum ornatum taeniolis retro pendentibus, & crine eleganter collecto, Mitellam quoque dixerunt veteres, quae cum in capitibus Augustarum per saepe observetur, ut in Liviae, Iuliae, Domitiae, aliarumque, facile sub huius Veneris vultu aliqua ex istis latet, & fortasse Livia, cum Veneris facies videatur Mulierem repraesentare primo iuventae tempore iam transacto. Ceterum Venus quoque Mitellam gerit, veluti Dearum insigne, coronae loco. Tribuitur autem haec Veneri, ut Maris Dominae iuxta Musei, aut cuiusvis sint ea carmina de Leandro, & Hero:

Ἀγνώτα, ὅτι νύπρις ἐπιπορεύει ἐς βαλάντιον,

καὶ κρατεῖα Ποντοῖο;

*Ignoras, quod Venus e Mare nata est,*

*Et dominatur Ponto.*

(1) Vid. Gor. Mus. Flor. Tom. I.

(2) In Dissert. Glyptogr. pag. 16., & seq.

## TAB. XIX.

## AMICITIA.



Ecens est hoc Signum, quod Amicitiam praefert, quodque Venutius pro Venere exhibuerat. Exstat hoc ipsum in Aedibus Hortorum in Caelio; quod Cyriaco Matthaeio eorumdem Amplificatori Virginius Ursinius dono dedit, ut monet Inscriptio in lamina aenea, quae sub eodem Signo fixa est, & in qua sic legitur:

AMADUTIUS

VIRGINIVS . VRSINIVS  
CYRIACO . MATTHAEIO  
AMICITIAE . MONVMENTVM  
STATVERE  
ILLVSTRIVS . ME . IPSA . AMICITIA  
NON . POTVIT  
MDCV

Femina haec nuda prorsus, Amicitiam repraesentans crines habet concinnos, & fascia adstrictos; tum leve vulnus in pectore digitis eidem admotis ostendit, ut hinc constet, id esse Amicitiae proprium, ut Amici arcana animi sibi invicem patefaciant. Et si nullus esset locus Amicitiae inter Deos apud veteres Ethnicos, nullaque eidem Aedes, Ara, aut quaecumque res alia ex antiquis Monumentis sacra umquam occurrerit, tamen post Venerem heic nunc ipsam collocare nobis visum est; quandoquidem Venus ab Amicitia saltem amore tenus, tum quoad effigiem haud multum differre videatur, ac simul ut plurimum misere inter amantes utramque confundi contingat, ut proinde Venus ipsa Amica, seu *Ἐταῖρα*, ab Atheniensibus dicta fuerit, & culta quinetiam, quod Amicos, & Amicas iungere crederetur <sup>(1)</sup>.

## TAB. XX.

## MINERVA.



Deas Statuas, quas Rhodiginus Ethicas vocat, quibusque non imagines modo exprimuntur, sed mores quoque, referri haec nostra fortasse poterit; Ex statu enim ipso, gestuque, praecipue vero e vultu, & oculorum coniectu mansuetudini permixta

VENUTIUS

(1) Hesich. in Lex. v. ἑταῖρα

mixta gravitas, qualis sapienti oportet esse, & animus ad cogitandum intentus deprehenditur. Quod Minerva praeesset disciplinis, & ingenuis artibus, *Salutaris* dicta est, eiusque Templum Aristides descripsit in Minervae encomio: Talem potius, quam *Ultricem* ipso aspectu se prodit in hoc Signo. Vestem ad talos demissam Amiculum brevius obteggit, e cuius ora ante pectus reiecta prodit se Gorgonis Caput anguibus horridum. Insigne id fuit Minervae proprium, quod & *Aegis* dicebatur. De ea praeclare Servius <sup>(1)</sup>: *Aegis proprie est munimentum pectoris aereum habens in medio Gorgonis caput: Quod munimentum si in pectore Numinis fuerit, Aegis vocatur, si in pectore hominis, sicut in antiquis Imperatorum Statuis videmus, lorica dicitur. Et paullo post: Hoc autem caput ideo Minerva fingitur habere in pectore, quod illic est omnis prudentia, quae confundit alios, & imperitos, ac faxeas comprobat.*

(1) In *Aeneid.* Lib. VIII. vers. 415.





## C L A S S I S I I

Q U A E C O N T I N E T

## D E O S T E R R E S T R E S .



## T A B . X X I .

## C Y B E L E S .

**S** Edet hic Cybeles turrito capite, & tantummodo tunicata, ca-  
pita mulcens leonum hinc inde adstantium placido vultu. Lu-  
canus eam graphice describit <sup>(1)</sup>:

VENUTIUS

*Hanc veteres Graium docti cecinere Poetae  
Sublimem in curru biugos agitare leones  
Aeris in spatio, magnam pendere docentes  
Tellurem, neque posse in terra sistere terram.  
Adiungere feras; quod quamvis effera proles  
Officiis debet molliri victa Parentum.*

Et Varro <sup>(2)</sup>: Eandem dicunt Matrem Magnam; Quod tympanum habeat, significare esse orbem terrae; quod turres in capite, oppida; quod sedes fingantur circa eam, cum omnia moveantur, ipsam non moveri. Quod ad leones attinet, si fabulam spectemus, nemo ignorat <sup>(3)</sup>, Hippomachem, & Atalantam, eo quod in Luco Matris Deorum, nulla Religionis ratione habita, se se complecterentur, in leones ab ea conversos fuisse, ac currui suo alligatos. Hac autem Statua non tantum Cybelem exhiberi, sed aliquam etiam ex Augustorum uxoribus, verosimile nobis est; & si facies, & capitis cultus spectatur, Iuliam fortasse Augustam. Factum non raro id est, ut observat Cl. Bonarotius <sup>(4)</sup>, praecipue in nummis. Faustina Antonini Pii uxor in numismate Gazae Regis Christianissimi <sup>(5)</sup> Cybelis habitu induta cernitur cum Epigraphe: MATRI . DEVM . SALVTARI, vel AETERNITAS. In nummo Iuliae Piaae <sup>(6)</sup> sub Magnae Matris forma spectatur haec, duobus, aut etiam quatuor leonibus ad currum adiunctis.

(1) Pharsal. Lib. II.

(2) Varr. ap. August. de Civit. Dei Lib. VII. cap. 24.

(3) Vid. Ovid. in IV. Metam.

(4) Numm. Carp. pag. 1.

(5) Numm. 57.

(6) Mediobarb. Numm. p. 209., Patin. Numm. p. 231.

TAB.

## TAB. XXII.

## C Y B E L E S .

VENUTIUS



Alterum Cybelis Simulacrum profero eleganti artificio, cuius facies Faustinae Antonini quamvisimillima est. Vestis ad Deae sedentis pedes belle defluit, oris eiusdem per genua undatim decidentibus. Ipsa leones ore placido, & hianti utrinque affidentes manu mulcet. In Pinacotheca Collegii Romani anaglyphum vidimus, in quo Cybeles alata, & stans mulcet leones duos in pedes erectos, ac Deae vestem amplectentes artificio, quamvis vetusto, & insueto, tamen non ineleganti. Inter numismata maximi moduli Musei Carpinei, modo Vaticani <sup>(4)</sup> elegantissimum illud est, quod in antica parte Imp. Hadriani vultum, in postica Cybelem a leonibus vestem exprimit sine ulla epigraphe. In eo Cl. Illustrator effigiem aliquius Augustae agnoscit, forsan ex consanguineis huius Caesaris. Si ita est, non prius hic honor Augustae illi, quaecumque ea sit, putatur adhibitus, quam Imperator ei concederet Imaginum ius in Ludis Circensibus. Nam in hac pompa hae Imagines ferebantur super Thensas proprio Augustarum vultu, sed Dearum habitu, ac symbolis, ut populi obsequiis, lectisternio, ac supplicationibus colerentur, tamquam Numinum simulacra. In hoc igitur numismate Augusta vehitur in Thensa a quatuor leonibus, tamquam Deorum Mater. Feminis Augustis ut plurimum post mortem habebatur hic honos, qui erat earum velut Apotheosis. Idem tamen aliquando etiam viventibus tribuebatur, ut Svetonius de Agrippina Claudii <sup>(5)</sup> testatur: Et quod mirum est, idipsum sibi adsciverunt etiam Caesares, ut de Heliogabalo refert Lampridius <sup>(3)</sup>, & de Caio ex Philone legimus <sup>(4)</sup>.

(1) Boissar. Mus. Carp. Tab. I. pag. 3.

(2) Sveton. in Vit. Claud.

(3) Lamprid. in Heliogab. cap. 24.

(4) Philo de Legation. ad Caium.

## TAB. XXIII.

## C Y B E L E S.

**C**Ybelem, seu Terram opinati sunt veteres omnium Deorum primam esse, quam ideo & Magnam Matrem, & Deorum Matrem dixerunt. Cum enim omnium altrix Terra sit, tum Dii ipsi, qui a veteribus colebantur, mortales aliquando fuisse, perhiberentur, ac terrae fructibus victitasse, instar mortalium ceterorum, non immerito proinde superioribus nominibus salutabatur. Hinc Statuam hanc videmus Cereris symbolis ornatam, cum gerat dextera manu spicas, & papavera; ad sinistrum vero latus copiae cornu adsit fructibus refertum. Quod Deae capiti turrita Corona insidet, velo superimposito, innuitur, Mundi originem, seu principium parum notum, vel, ut aliis placet, aeternum obscuritatis velo tegi; Terrae autem ambitum coronae instar esse, Urbibus distinctum, & Oppidis. Lateri affidet leo ad Agricolas erudiendos. Consuevere enim leones, ut Solinus ait <sup>(1)</sup>, si per solum arenosum iter faciant, cauda turbare pedum vestigia, ne quod Venatoribus itineris sui relinquunt indicium, quod & Agricolae fementibus iactis faciunt fulcos tegendo, ne semen furripiatur ab avibus. Aliae etiam interpretationes afferuntur e Philosophiae penetralibus deductae, quas tamen ut plurimum antiquitatis studiosi non facile amplectuntur.

VENUTIUS

## TAB. XXIV.

## C Y B E L E S.

**D**iffert hoc Simulacrum a ceteris, de quibus diximus, quod Turris supra peplum est posita: Ceterum & hoc, aequae ac superioris Tabulae Signum spicas, & papavera gestat manu, ut fruges significantur, quae a terra gignuntur, quemadmodum & duo leones pro uno, qui tantum est in superiori, adstantes habet, uti etiam cernere est in duobus prioribus. Turris capiti imposita Regna indicat, divitias, & humanam potentiam. In nummis observavi, capita turrita quandoque tributa fuisse tum Nemesei, tum Fortunae, seu quod una, eademque Dea illae sint, seu quod Magnae Matris administratae, vel dispensatrices habitae fuerint. In Cyzicenorum nummo

VENUTIUS

Cl. Bo-

(1) In Polyfl. Lib. III.



Cl. Bonarotius <sup>(1)</sup> utramque turritam profert, ex hoc arguens Urbem sub Nemese, & Fortunae auspiciis fuisse positam. Ceterum Pindarus Fortunam vocat *φερειπολιν Urbem ferens*, vel uti vertit Amasaeus, *Urbes protegens* <sup>(2)</sup>.

## T A B. X X V.

## C E R E S.

VENUTIUS

**C**eres, quae & Mater Magna, Proserpina, Bona Dea, Flora, Pales dicta est, hoc Signo exhibetur. Ut de Cerere modo loquar (nam de aliis nominibus superius tum diximus, tum & inferius dabitur dicendi locus) primam frumenti rationem, messis, & panis faciendi rationem hominibus demonstrasse dicitur; Antea enim herbis hi, ac glandibus victitabant. Hinc copiae cornu eius Statuis appositum, atque etiam papavera ad abundantiam ab ea partam ostendendam. Itaque Virgilius <sup>(3)</sup>:

*Primâ Ceres ferro mortales vertere terram*

*Instituit, cum iam glandes, atque arbuta sacrae*

*Deficerent silvae, & victum Dodona negaret.*

Et Ovidius de eadem ita scribit <sup>(4)</sup>:

*Primâ Ceres unco terram dimovit aratro,*

*Primâ dedit fruges, alimentaue mitia terris,*

*Primâ dedit leges: Cereris sunt omnia munus.*

Antiquitus Geres dicebatur, ut Cicero testatur <sup>(5)</sup>, quippe quae sibi a gerendis frugibus mutuata nomen fuerat.

## T A B. X X V I.

## C E R E S.

VENUTIUS

**C**eres divinos honores obtinuit; hinc nil mirum, si haec nostra sedet in sella cum suppedaneo, sicut & facem sinistra tenet, capite pinea corona redimito. Pausanias <sup>(6)</sup> refert, Iovem Olympicum suppedaneum habuisse, quem Graeci dixerunt *θρόνον*. Simile

(1) Numm. Carp. pag. 219.

(2) In Hymn.

(3) Lib. I. Georg. vers. 146.

(4) Metamorph. V. vers. 341.

(5) De Nat. Deor. Lib. II.

(6) Lib. V. pag. 307.

le illi erat, quod sub pedibus fuit Herae, vel Cereris extra eius Templum, quod quatuor stadia ab Acefio distabat <sup>(1)</sup>: καὶ ὁ θεῶνος, ἐν ᾧ καθέζονται, καὶ τὸ ὑπόδημα τὸ ὑπὸ τοῖς πόσιν ἐστὶν ἐνθ' ὁμοίως λίθου. *Et sella, ubi sedent, & scamnum, ubi pedes imponunt, ex eodem est lapide.* Homerus <sup>(2)</sup> suppedaneum addit elegantioribus fellis, quas suis Heroibus tribuit, ut Helenae, & Ulyssi, illudque ab eo vocatur θῆνυς, ex quo *Thronus*. Ovidius meo quidem iudicio poetice scamnum vocat <sup>(3)</sup> in illo versu:

*Et cava sub tenerum scamna dedisse pedem.*

Quod ad faces attinet, sciendum, cum his Cererem fingi a veteribus confuevisse, easque manibus gessisse Deae Simulacrum in Arcadia, alterumque in Stiride, ut refert Pausanias <sup>(4)</sup>, quia aiebant, filiam noctu ab ea quaesitam fuisse; Unde Prudentius <sup>(5)</sup>:

*Facem revincta veste praetendit Ceres.*

*Cur? Si Deorum nemo rapuit Virginem,*

*Quam nocte quaerens Mater errat pervigil.*

Hae faces e pineis ramis confectae dicebantur; hinc Pinus Cereri sacra putabatur. At Pinus praecipue Magnae Matri, quae & Ceres fuit, sacra erat, quod feratur Athys pulcherrimus Adolefcens ab ea adamatus in eam arborem fuisse conversus, atque ut Dea significaret, se, Adolefcantis memoriam retinere, pineis ramis coronari voluit.

## I. C. AMADUTII ADNOTATIO

Haec me monere oportet, Signum hoc monumenta impense conquirat, eaque aeternitati do cessisse Museo Vaticano, beneficio CLEMENTIS XIV. P. O. M., qui antiqua Mo-

numenta impense conquirat, eaque aeternitati securitate loci commendat.

## T A B. X X V I I.

## C E R E S.



Liquam ex Augustis repraesentari in hoc Signo sub Cereris imagine, & forsan Agrippinam credimus. Hae siquidem etiam cum viverent, divinos honores affectantes colendas se sub Dearum symbolis praebuerunt. Nam ut Augustus Iovis, sic Livia <sup>(6)</sup>, quae *Stolatus Ulysses* dicta fuit, Iunonis habitu culta est.

*Adiecere sacrum, fieret quo Livia Iuno,*

ut

VENUTIUS

(1) *Lib. V. pag. 307.*

(2) *Odys. d. vers. 136., & p. vers. 462.*

(3) *Lib. I. de Art. amand.*

(4) *Pausan. in Arcad. p. 515., in Thoc. pag. 681.*

(5) *In Roman. vers. 236.*

(6) *Sueton. in Vit. Calig. cap. 23.*

ut ait Prudentius <sup>(1)</sup>, & ante Prudentium Ovidius <sup>(2)</sup>:

*Quum tibi contigerit vultum Iunonis adire.*

Eadem apud Nummographos ornata occurrit Salutis, Pietatis, & Iustitiae symbolis, & Vaillantius <sup>(3)</sup> ita inscriptos habet nummos, ut videre quoque est in numismatibus maximi moduli Vaticanis a me explicatis: ΑΡΤΕΜΥΣ . ΕΦΕΣΙΩΝ, & ΑΙΒΙΑΝ . ΗΡΑΝ. Huius Statua inter Borionianas ex aere elegantissima <sup>(4)</sup> oculis, & rosis in titulo argenteis iuvenilem adhuc speciem praefert. Antoniam Augustam forma, & pudicitia spectatissimam <sup>(5)</sup>, cuius nummi sunt obvii tam Graeci, quam Latini, Gorlaeus in sua Daçtyliotheca, & Angellonius sub Cereris effigie produnt. Agrippina Claudii, quae prima inter Augustas aereos nummos a Senatu obtinuit <sup>(6)</sup>, persaepe Cereris, Venerisque, saepius tamen Palladis insignia gerit <sup>(7)</sup>. Caligula in suo Numismate tres cudi sorores suas iussit Dearum habitu <sup>(8)</sup>, singulas cum cornu copiae, Agrippinam specie Constantiae, Iuliam Fortunae, Drusillam Concordiae, quae postrema a Caio consecrata *Pantea vocata est, & divinis honoribus per omnes Provincias culta* <sup>(9)</sup>. Domitia Domitii Aenobarbi Filia, Domitiani coniux, eiusque repudio fatis nota <sup>(10)</sup> in capite, & calathio spicas praefert <sup>(11)</sup>, Cereris ornamenta, quibus & Lucilla, M. Aurelii promogenita <sup>(12)</sup>, & omnes fere Principes Romanae in numismatibus decorantur. Currus leonibus tractus, & corona turrata, ut iam diximus, Cybelem ostentant, sed designant Pompeiam Plotinam, Traiani uxorem, quam Hadrianus mortuam <sup>(13)</sup> per novem dies atratus luxit, & cui superstiti Basilicam Nemausi, & extinctae Templum in Urbe dicari voluit.

(1) Contr. Symmach. 1.

(2) Ovid. de Ponto Lib. III. Ep. I. v. 145.

(3) Num. Graec. pag. 67., Num. Vatic. Tom. I., Num. Carp. pag. 72., & 73.

(4) Collect. Roman. Antiquit. Tab. XV. 12., Maffei Gemm. Tom. I. Tab. XIII.

(5) Angelon. Num., Maffei de Stat.

(6) Valer. Max. Lib. IV. cap. 3.

(7) Vaillant Tom. I. Imp. Rom. pag. 20.

(8) Id. Num. Graec. pag. 15.

(9) Dio Lib. LIX.

(10) Id. Lib. LXVIII.

(11) Collect. Rom. Antiq. Tab. LXV. 46.


(12) Vaillant Num. Tom. II. pag. 140.

(13) Bonarot. Num. Carp. Tabul. I., Gorlaei Daçtylioth. Tom. I. vers. 211., & in Praefat., Dio Lib. LXIV., & Spartian. in Vita Hadrian.



## T A B. X X V I I I.

## C E R E S.

 Eres, seu Augusta sub Cereris effigie pallio induta cernitur, sinistra truncam facem tenens, dextera papavera ostentans. Palliis etiam Mulieres tam Graecae, quam Romanae utebantur, quae tunicis superimponebant <sup>(1)</sup>: Unde proverbium: *Tunica pallio prior*. Cererem *nigram* veteres appellabant propter vestem videlicet nigram, quam luctu de Proserpinae raptu commota sumpserat. Aiebant item, cum se Ceres in specum abdidisset, diu lucem vitasse; ob id cum omnes, quos terra educat, fructus corrumperentur, & homines passim pestis conficeret, Diis ceteris latebras ignorantibus, Pana per Arcadiae montes inter venandum errantem, cum ad Elaium venisset, ibi Cererem offendisse tali cum ornatu, & vestitu <sup>(2)</sup>; Iovem re a Patre cognita, Parcas misisse, quibus deprecantibus compressa ira, & luctu lenito, placata Ceres fuit. Faces Ceres accendit ad Aethnae ignem <sup>(3)</sup>, quod nihil aliud innuit iuxta Fulgentium <sup>(4)</sup>, quam *quia hoc tempore, idest messis cum lampadibus, idest cum Solis fervore seges ad metendum cum gaudio requiratur*. Cum papaveribus ut plurimum spicae in manu Cereris coniunguntur <sup>(5)</sup>, quia hominibus utramque hanc frugem, tradidit edendam; genus enim papaveris erat apud veteres, ex quo panem conficiebant. Nihilominus si ad Cereris fabulam papavera referre volumus, quae in se vires soporiferas continent, Iuppiter fertur Cereri consuluisse, ut ad leniendum dolorem raptae Filiae papavera fumeret <sup>(6)</sup>. Mythologi vero autumant in papaveribus aliquam inesse analogiam cum Terra tam ob rudem eorum corticem, quam ob dispositionem partium interiorum, quae feminibus repletæ sunt <sup>(7)</sup>.

VENUTIUS

## I. C. A M A D U T I I A D N O T A T I O

Ex vultus lineamentis Marciana Traiani Soror sub hoc Cereris Signo latere videtur.

(1) *Martial. Lib. X., Vid. Bayf. de re Vestiariæ. Capit. XIII.*

(4) *In Mythol.*

(2) *Vid. Pausan. Arcad. Lib. VIII.*

(5) *Theocrit. Idyll. VII. in fin., Scholiast. Theocrit. ibid.*

(3) *Ovid. Lib. IV. Fast. vers. 523., Stat. Thebaid. Lib. XII.*

(6) *Serv. ad 1. Georg.*

(7) *Phornut. Cap. 24.*

TAB.

## TAB. XXIX.

## CERES.

VENUTIUS

**D**Ea inventrix, & Mater frugum cuiuscumque fere generis exhibetur hoc Signo, talari induta veste, & brevi superimposita tunica. Brachia nuda sunt, sed armillis ornata: Sinistra manus spicas tenet, & papavera. Non solum frumenti rationem Ceres monstravit, verum etiam rationem, qua idem per trituram excussum a paleis fecerneretur, ut refert Callimachus in Hymno eidem dicato: Eam ob causam spicae, ac papavera in manibus Imaginum eiusdem spectantur, quae etiam adhiberi consueverant in mysteriis Eleusiniis, & in Templis eidem sacris appensae coronae spicae cernebantur; Unde Tibullus <sup>(1)</sup>:

*Flava Ceres, tibi sit nostro de rure corona*

*Spicea, quae Templi pendeat ante fores.*

Brachia nostrae Imaginis, ut diximus, circumligantur armillis: Hae autem ex auro, vel argento fuerunt, gemmatae item, atque aerae. Sabini aureas armillas brachio laevo deferebant <sup>(2)</sup>; Item & Romani tam Viri, quam Mulieres <sup>(3)</sup>; Graecae Feminae saepe utroque. Festus militum strenuorum insigne armillas fuisse docet, quae eis ab Imperatoribus donabantur, illasque ita dictas scribit <sup>(4)</sup>, quod antiqui humeros cum brachiis armos vocabant, unde quae ab his penderent, arma sunt vocata. De armillis egerunt praeter alios Michael Angelus Causeus <sup>(5)</sup>, Ioh. Baptista Casalius <sup>(6)</sup>, & Cl. Eques Franciscus Victorius <sup>(7)</sup> Amicus noster optimus, aliique non pauci, quamquam breviter, & ut scribendi occasio ferebat.

## TAB. XXX.

## CERES.

AMADUSIUS

**S**Tatuam hanc sub Cereris, vel, ut aliis visum quoque est, sub Florae symbolis, Augustae vultu decoram, & forsan Iuliae Severi Venutius exposuerat. Verum cum eius illustratio a re prorsus divergeret, ac in supervacanea excurreret, piguit nos in Scenam

nunc

(1) Tibull. Eleg.

(2) T. Liv. Decad. 1. Lib. I. cap. 5.

(3) Sex. Aurel. Vict., & de Vir. Illustr., Paull. Diac. Epit.

(4) De Verb. Significat.


(5) In Mus. Roman.

(6) Apud Graev. Tom. IX. pag. 949.

(7) Dissert. Glyptograph. pag. 31.

nunc ipsam proferre, ut eius proinde loco haec paucula nos adnotare maluerimus; praesertim cum non in omnibus adhaerere Venutio nos ipsos modo contingat. Siquidem non Iuliam Severi, sed potius Crispinam Brutii Praefentis Consularis Viri filiam, & Commodi uxorem in huius Statuae vultu conspiciendam exhiberi quibusdam visum est. Hinc etiam factum videmus, ut sub huius Augustae nomine hanc ipsam Statuam in lucem iam emiserit Paullus Alexander Maffei<sup>(1)</sup>, de Cere-  
ris symbolis, quae in sinistra manu sunt, parum sollicitus, quaeque nos nimirum ad Cererem in ea agnoscendam, ac salutandam potissimum adduxerunt, praesertim cum ipsius Crispinae imago nec satis tuto, nec evidenter prorsus se prodatur. Sub Crispinae etiam nomine Montfauconius ipse<sup>(2)</sup> dein protulit ex Maffeiano exemplari. Ceterum in hac Statua crinium ornatu caput insigne est. Sinistrae vero papavera, & spicae insunt, quae inter Cereris insignia numerantur, ut iam superius dictum est. Tandem talari tunica concinne amicta cernitur Dea, seu Augusta, cui tamen superimpositum est pallium, ac de utroque vestis genere nonnulla iam supra<sup>(3)</sup> attigit Venutius. Addimus nos modo, Statuam hanc quinetiam nunc migrasse in Museum Vaticanum laudabili providentia CLEMENTIS XIV. Pont. Opt. Max.

T A B. X X X I.  
C E R E S.

 Statua haec, quae Venutio fuerat Cereris Sacerdos, nobis ipsa Ceres erit; nihil enim, quod aliter suadeat, in ea occurrit. Dea crinium cultu ornatissimo, & succincta veste exhibetur. Dextera manu spicas gerit, vel, si mavis, etiam faces; quandoquidem ex Pausania<sup>(4)</sup> novimus, Cererem a Praxitele manibus faces tenentem exsculptam fuisse; quemadmodum & papavera forte sinistra manu tenet. Ceterum totum brachium dexterum, ac manum simul cum symbolis additum fuisse a recenti Artifice, tum sinistrae manui accessisse papavera, cuique intuenti apparet. Forte vetus Sculptor Statuam hac Iunonem λευκώλεον *candida brachia habentem* expressit, quae dein  
in

(1) Raccolta di Statue antiche, e moderne Tav. CVIII. col. 100.

la XVIII. n. 2. Lib. I. Cap. XII. n. IV. p. 39.

(3) Tab. XXVIII. pag. 23.

(2) Antiquitat. Explicat. Tom. III. Part. I. Tabu-

(4) In Attic. Lib. I.



in Cererem ex symbolis superadditis commutata est. Quot Statuarum metamorphoses, si ita loqui fas est, in Lapidariorum, five falsariorum mangonum officinis per venerandae vetustatis iniuriam, & ad Antiquariae artis opprobrium, incertitudinem, ac somnia promovenda nunc fraude, & avaritia duce peraguntur!

## TAB. XXXII.

## URANIA.

ADU-  
TUS



Grippinam Claudii uxorem potius, quam Germanici, in hac egregia Imagine agnoscere Venutio visum fuerat. Verum cum vultus utriusque Augustae non omnino certus sit, immo cum ipsum abesse ab hoc Signo eruditi nonnulli censuerint, idcirco pro Urania heic nos modo ipsum proponimus; globo praefertim, quem sinistra manu tenet, sic suadente. Siquidem

*Urania Caeli motus scrutatur, & astra;*

ac cum veteres eidem Astronomiam deberi contenderent, ideo globum caelestem tractandum, ac contemplandum ipsi tribuerunt. Sarcophagus Hortorum Matthaeiorum, quem Sponius <sup>(1)</sup> omnium primus, & ex eo Montfauconius <sup>(2)</sup> protulerat, quemque nos etiam inter Anaglypha describemus, exhibet novem Musas, quarum una est Urania globo caelesti instructa. Imago haec nostra, quam nunc exponimus, sedet nobili subsellio, ac veste amicitur elegantissima, fibulisque, seu orbiculis ad sinistrum brachium affabre constricta est. Eius caput ornatum cernitur capillis concinne discriminatis, calamistratisque, ac flosculis interiectis; pedes vero calceis quoque instructi sunt.

(1) *Miscellan. Erud. Antiq. Sect. II. art. IX. pag. 44.*

(2) *Antiq. Expl. Tom. I. Part. II. Tab. LVI. pag. 112.*

C L A S S I S I I I .  
Q U A E C O N T I N E T  
D E O S S I L V E S T R E S .

T A B . X X X I I I .

F A U N U S .

VENUTIUS

**F** Aunus hic cernitur auribus ferinis, uno genu arietinum premens caput. Id utrum spectet ad aliquam Sacrificii rationem, an potius innuat Satyris, & Faunis, utpote vini, Bacchique amatoribus invisos esse arietes, quod vites arrodant, eruditorum iudicium esto. Fauni Dii Silvestres erant. Numae Pompilio, cum ipse alloqueretur Deos Silvarum apud Ovidium <sup>(1)</sup>,

*sic quatiens cornua Faunus ait :*

. . . . .  
*Di sumus agrestes, & qui dominemur in altis  
Montibus.*

Numen autem peculiare Fauni fuerunt apud Romanos, ut idem Ovidius refert <sup>(2)</sup> :

*Idibus agrestis fumant altaria Fauni.*

In Kalendaris tamen nulla fit mentio huius celebritatis, forsan his Idibus recalebant memoriam illius diei, quo multo ante Templum Fauno dicaverant. Factum id fuit circa annum ab V. C. DIX. Ita Livius <sup>(3)</sup>: *Aedes eo anno aliquot dedicatae sunt, una Iunonis Sospitae in Fora Oritorio, vota, locataque triennio ante a C. Cornelio Consule, Gallico bello. Censor idem dedicavit alteram Fauni. Aediles eam triennio ante ex multatitio argento faciendam locarant C. Scribonius, & Gn. Domitius Ahenobarbus, qui Praetor Urbanus eam dedicavit. Idem <sup>(4)</sup>: Ex eorum multatitia pecunia Aedem in Insula Fauni fecerunt. En locus, ubi posita, quod & a Topographis confirmatur, & praesertim a Pub. Victore, qui sic ait: In Insula Aedes Iovis, Fauni, Aesculapii.*

I. C. AMADUTII ADNOTATIO

Caput, quod Faunus genu comprimit, vestre animantium genus silvestri Numini con-  
damae potius est, quam arietis. Hoc sil-  
venientius nemo non dixerit.

(1) *Fastor. Lib. III. v. 112., & seqq.* (2) *Ibid. Lib. II. v. 193.* (3) *Lib. XXXIV.* (4) *Lib. XXXIII.*

## TAB. XXXIV.

## F A U N U S .

VENUSIUS

**E** Legantissima haec Statua Faunum exprimit inconcinne retro col-  
labentem, velut ebrium, artificio tamen non contemnendo.  
**I**nsidens scopulo exuviis ferinis cooperto utrem vini plenum  
manu tenet. Ex caprina pelle utres efficiebantur. Unde Virgilius <sup>(1)</sup>:

*Non aliam ob culpam Baccho caper omnibus aris  
Caeditur, & veteres ineunt profcennia ludi,  
Praemiaque ingentes pagos, & compita circum  
Theseidae posuere, atque inter pocula laeti  
Mollibus in pratis unctos saliere per utres.*

Hic ludus a Graecis *Ascoliasmus* nuncupabatur, aut, ut eum vocat Aristophanis Scholiastes, & Pollux <sup>(2)</sup>, ἀσκόλια. Festus erat apud Athenienses ex eodem Polluce ludi huius dies, qui ludus, qua ratione fieret, breviter innuit Hesychius: Ἀσκολιάζον, ἀλλόμενοι τῷ ἐτέρῳ ποδί. *Qui utre ludit, altero in eum pede insiliens.* Utrum igitur in medio positum, & spiritu, & vino plenum pagani homines ita circumstabant, ut qui lufuri erant, altero in eum pede celeres insilirent, supraque consistarent. Victori praemium fuit vinum, quod erat in utre, ut ait Aristophanes <sup>(3)</sup>; Eorum, qui cecidissent, lapsus effusus omnium risus con-  
sequebatur. Ex eodem praeterea Aristophanis loco habemus, eos, qui ita luderent, larvatos fuisse habitu Satyrorum, vel Faunorum. Quin ut hilarior esset celebritas, aliqui manibus subnixi inversum corpus, & pedes in altum attollebant: Hi *corvitores* dicebantur <sup>(4)</sup>, de quibus Festus. Duos ex his aereos vidi in Museo Capponio Collegii Romani, quorum alter manibus sustinet corpus erectum, alter in arcum re-  
supinat, quemadmodum a Ludionibus, & pueris fit etiam hoc tempore.

## I. C. AMADUTII ADNOTATIO

Aliis Faunus hic dormiens videtur, qui Pont. Opt. Max. in Museum Vaticanum in-  
nunc providentia CLEMENTIS XIV. latus est.

(1) Lib. II. Georg. v. 379. Vid. meam Dissert. de Ascoliasmo inter Dissert. Acad. Etrusc. Tom. V. Diss. 8. pag. 89.

(2) Onomast. Lib. IX. (3) In Pluto. Vid. eius Scholiast. (4) Vid. Fesl. in vers. Lucil.



## TAB. XXXV.

## FAUNUS.

**F**Aunum Pici Filium, vetustissimum Latinorum Regem, Faunorum, Satyrorumque Patrem faciunt Mythologi <sup>(1)</sup>: Vereor tamen, ut recte; qui enim rudiores homines primus ab agresti, & Cyclopea vivendi ratione ad placidiorem disciplinam, cultumque revocavit, & omnis religionis <sup>(2)</sup>, & sacrorum fundamenta iecit, inter beneficos potius, mitesque, quam malignos, & feros Deos esset adnumerandus, cum contra nemo ignoret, Faunos, & Fatuos, & Fatuellos <sup>(3)</sup>, quorum uxores Faunae, & Fatuae, Italis Fatae, ex genere Satyrorum esse, & ex Daemonum malignorum choro, qui homines perterrefacere credebantur <sup>(4)</sup> & atra munia subire. Hinc huiusmodi terrificos, infestofque Deos, & ἀλτήριους per vastos camporum tractus, & lucos errantes rudis sibi finxit antiquitas. Ceterum qui asserunt, Faunum eundem esse cum Graecorum Pane, rem ipsam magis acu tangere videntur. Inter hos exstat Sex. Aurelius Victor <sup>(5)</sup>, cui adhaeret Servius <sup>(6)</sup>, qui eius cultum ex Arcadia ab Evandro in Latium allatum putat <sup>(7)</sup>. Quare Bochartus <sup>(8)</sup> Faunum alium in Latio regnasse, meras esse nugas contendit, atque ab iis confictas, quos latebat, Faunum esse Panem Arcadem. Nostra non inelegans Statua pedum dextera tenet, sinistra fistulam, quam vultu ridenti spectat: Caput auriculas acutas habet, & coronam pineam. Syringae fabula nota est, quae in Fistulam conversa fuit. Solum addam, petulcos, & falaces fictos fuisse Faunos, Satyrosque a Fabularum Architectis.

VENUTIUS

## TAB. XXXVI.

## FAUNUS.

**S**pectatur in hac Statua hinnulea pellis ad humeros circumvoluta; caput pinea corona redimitum, animalculum in altera manu, in altera cyathus; tandem e sinu, quem Nebris efficit, uvae racemi pendentes. Aures acutae, & caprinis similes facile innuunt, hunc

ex

VENUTIUS

(1) Natal. Com. Lib. V. Mythol. cap. 9.

(2) Lactant. de fals. Relig.

(3) Serv. ad Aeneid. VI., &amp; VIII.

(4) Dionys. Halicarn. Lib. V. cap. 3.

(5) De orig. Sent. Roman.

(6) Aeneid. VI.

(7) Id. in I. Georg.

(8) Geogr. Sacr. Lib. I. cap. 33.

ex familia esse Faunorum, & Satyrorum. Ab hirco enim, Hebraice שַׁיִר *Sair*, deducit Bochartus eorum nomen <sup>(1)</sup>. Tam Deo Pani, quam Faunis Pinus sacra est; idcirco hi eius rami aut manibus gerunt, aut capite coronae loco, ut in nostro Signo apparet. Bacchi praeterea comites habentur, nec immerito; Vinum enim ad libidinem homines vehementer incendit. Quamobrem Philoxenes Erethrius, ut Plinius refert <sup>(2)</sup>, cum lasciviam oculis subiicere vellet, tres Faunos pinxit, qui plenis poculis mutuo se ad bibendum invitare viderentur. Hinc Fauni ad Bacchanalia pertinent, atque finguntur ad numeros Dityrambicos saltare, inconcinneque canere, quales in Bacchi, Ariadnaeque pompa graphice descripsit Pausanias in Beoticis, & videre est in praeclaro thoreumate aereo, quod Bacchi triumphum refert ex Raphaelis Urbinae designatione, & est in Museo Capponio Collegii Romani. Quod vero animal illud sit, quod sinistra gestatur, cum trunco sit capite, agnoscere non potest. Scimus Pani, & Faunis Caprum sacrum fuisse, aliud praeterea nullum.

## I. C. AMADUTII ADNOTATIO

Est, qui credat, Signum hoc Silvanum exprimere, quod fructus quosdam in pellis sinu receptos, non autem racemos ostentare videatur; verum apud nos potiora sunt, quae pro Fauno argumenta eruimus tum ex auribus arietinis, quas Silvano nemo umquam tribuit, tum ex pinca corona, quae ut plurimum Fauno aptatur, ut ex Ovidio in *Oenone* eruimus, cum contra cupressu Sil-

vanum ornari, innuat Virgilius I. *Georg.* V. Verum Silvanus non raro cum Iano, Fauno, atque Pane facile confunditur; communibus enim cum istis Diis fungebatur officiis, ac propterea idem fere eorum omnium cultus, eademque fere sacra, quae illis persolvebantur a rusticis. Quare quid iubet, opinandi cuique facultas esto.

## TAB. XXXVII.

## FAUNUS.

VLNUTIUS



X auribus tantum, ridentique vultu hic male mutilatus lapis pro Fauno habetur ab Antiquariis. Latinorum Dii fuere Fauni, nec minus postea Romanorum. Dionysius enim Halicarnassensis id innuit <sup>(3)</sup>: Ἐτύγχανε δὲ τότε τὴν βασιλείαν τῶν Ἀβοριγίνων παραληφὼς φαῦνις Ἄρσος, ὃς φάσιν, ἀπόγονος αὐτῆς μετὰ τοῦ δραστηρίου, καὶ σὺν αὐτῷ, καὶ αὐτὸν, ὃς ἐπιχωρίαν τινα Ῥωμαῖοι δαιμόνιον θυσίαις, καὶ ὡδαῖς γεραίρουσι. *Sifceperat*

(1) *Geogr. Sacra. Lib. I. cap. 8. pag. 444. edit. rec.*

(2) *Nat. Hist. Lib. XVI.*

(3) *Hist. Rom. Lib. I.*

perat eo tempore Regnum Aboriginum Faunus Marte, ut aiunt, progenitus, vir fortis, & prudens; ipsumque, ut indigetem Romani sacrificiis, & carminibus colunt. Cicero quoque<sup>(1)</sup>: Saepe Faunorum voces exauditaë, saepe visae formae Deorum quemvis aut non hebetem, aut impium Deos praesentes esse confiteri coegerunt. Putabant enim veteres, agrestes hos Deos in agris desertis vocem aliquando mittere, aut etiam apparere; Idcirco sacra iis ibidem faciebant agna, vel haedo, ut refert Horatius<sup>(2)</sup>:

*Nunc & in umbrosis Fauno decet immolare lucis,*

*Seu poscat agnam, sive malit haedum.*

Cornua iisdem aliquando tribuebantur, unde *Bicornes* vocati ab Ovidio<sup>(3)</sup>. Caprinae item aures, & pedes; A praedura igitur ungula, qualis esse caprarum solet, & equorum, Cornipedes dicebantur, ut idem ait Ovidius<sup>(4)</sup>:

*Cornipedi Fauno caesa de more capella.*

Quamquam non caprina tantum forma permixti, sed etiam equina Fauni aliquando reperiuntur, sive Etrusci dicendi sint, more a Pelasgis, & Thessalis deducto, sive Latini. Duo sunt in Pinacotheca Collegii Romani; alter aereus, alter graphice incisus in patera, ungula pedum solida, cauda, & auribus equinis: Alios ibidem vidi duos item aereos eadem prorsus forma, sed pedibus humanis. Sunt, qui velint, eos tantum habendos esse Faunos, qui auribus dumtaxat caprinis, aut equinis ab hominum communi forma differunt; reliquos vero Satyros vocent: Non desunt tamen, qui semiferos hos universos omnino confundunt. Ceterum Faunos, Silvanos, Silenos, Panas, & Satyros eiusmodi Deos esse, ac Daemones, antiqui crediderunt, qui post longum aetatis annum senescerent, tamquam terra nati, atque aliquando interirent<sup>(5)</sup>.

(1) *De Nat. Deor. Lib. II.*

(2) *Lib. I. Od. IV. vers. 11.*

(3) *Trist. Lib. II.*

(4) *Fast. Lib. II.*

(5) *Plut. de Orac. defect.*



## TAB. XXXVIII.

## FAUNUS.

AMADULIUS



Ignum hoc de Baccho Venutius noster exposuerat, quod nos in Faunorum familiam possiliminii iure restituimus. Nihil enim moror racemum cum pampino, quem expressum cerere est stipiti, cui dextero cubito Faunus innititur; iam enim vidimus ex Venutio ipso <sup>(1)</sup>, Faunos esse Bacchi comites, & ad Bacchanalia pertinere. Pellis etiam agrestis, quam e dextero humero per pectus ad sinistrum latus protensam intuemur, Faunum haud dedecet, quum ipsum eadem amictum exhibeat etiam Signum alterum, quod Venutius superius <sup>(2)</sup> exposuit. Quod Signum hoc Faunum exprimat, non solum nihil prohibet, verum etiam arietinae aures necessario suadent, quas neminem umquam Baccho aptasse, comperimus.

## TAB. XXXIX.

## FAUNUS.

ARIETINAE



Arietinae aures, quae in hoc Signo se produnt, alium Faunum nobis suadent hoc ipso Signo praefeferri. Venutius noster ad Bacchi imaginem amandaverat, nescio qua potissimum ratione permotus, nisi nobis inducere in animum velimus, cyathum, quem dextera manu tenet, & nebridem ad collum revinctam ipsum inconsulto in hunc scopulum adegisse. Verum quae superius innuimus, facile ab ipso religionem omnem, si quae ob illa ipsum incessisset, eruere funditus poterant. Si plura de Faunis agere esset animus, nil nisi crambes recocta a nobis nunc reponi posset. Quare iuvabit cetera persequi.

## TAB. XL.

## FAUNUS, ET SATYRUS.

VENUTIUS



Raeci Artificis opus exhibemus, in quo Faunus resupinus exprimitur, cui Satyrus e pede spinam evellit. Miro prorsus, & eleganti artificio exstat e vultu Fauni quidem dolor faucium pedem elatum dextera sustentis, Satyri vero intenta sedulitas,

(1) Tab. XXXVI. pag. 30.

(2) Tab. ead.

ne dum spinam educit, dolorem augeat. Corona e pinu, quam huiusmodi Diis sacram diximus, caput Fauno praecingitur, pineis tamen nucibus interiectis. Utris adiacet plenus, cui laevum Fauni brachium innititur. Eo vel Ascoliasmum innuere Artifex voluit, vel potius significare tam Faunos, quam Satyros ex Bacchi familia esse, nimirum *of Διονύσου τεράποντες of Σατύροι, Bacchi Ministri Satyri*, ut Lucianus ait. Varium illorum habitum, formamque descripsit Nonnius <sup>(1)</sup>. Satyrorum diversum genus adnotavit iam doctissimus Scaliger <sup>(2)</sup>. Faunus hic nonster hircinam pellem ante pectus alligatam, & post tergum pendentem sustinet, tamquam tegillum ad imbres arcendos; quoniam cucullum adiunctum habet. Tegillum hoc aliquando fuit ex scirpis, aliquando ex hircina, vel alia pelle. *Cucullionem viatorium* habemus ex Iulio Capitolino <sup>(3)</sup>. Quidam eum fortasse cum *Penula cucullata*, quae Mercurio, & Telephoro tempore hiemis apud antiquos tribuitur, posse confundi credunt, quae etiam villosa erat; Unde apud Homerum *χλαίνας θυλάας*. Sed si id rectius consideretur, tegillum longe a penula distat <sup>(4)</sup>.

## I. C. AMADUTII ADNOTATIO

Praeclarum hoc Monumentum quinetiam Museo Clementino-Vaticano accessit.

## TAB. XLI.

## S I L E N U S .

**P**Aufanias in Atticis ex genere Satyrorum esse Silenos existimat. Praecipuus quidam ex iis singularem celebritatem obtinuit; etenim Bacchi nutritor, & paedagogus fuit, comestator, vinique potor egregius, qui tamen ingenio, ac vaticinandi facultate excelluit, & fistulam, quae pastorale musicum instrumentum est, primus, ut aliqui testantur, invenit. Ceterum foedo corpore magnopere despiciendus: Senex enim, ut a Luciano describitur, simus, calvusque, staturae tenuis, & ventricosus fingitur, qui capite hedera revincto, auribus arrectis, & grandioribus, nimio vino nutans, & tremulus asello veheretur, ut plurimum Satyris stipatus. Hic cernitur stans palliolo partim infra medium corpus transverso, partim supra laevum humerum

VENUTIUS

(1) In *Dionysiac Lib. LXIV. vers. 130.*

(2) *Lib. I. Poet. cap. 17.*

(3) In *Vit. L. Veri.*

(4) *Vid. Bonarot. ad Vitruv. Caemet. Tabul. XVI. pagin. 103., Ferrar. de Re Vest. Part. II. Lib. II. cap. 7.*

merum instrato ad cadum baiulorum more sustinendum. Deus tamen & ipse est habitus, cultusque in Templo apud Aeolos <sup>(1)</sup>. Ad Sileni similitudinem efficta celebrantur quaedam Simulacra, & Sigilla visu deformia, quae paroemiae locum dederunt, dictaque sunt *Sileni Alcibiadis*. Exprimebantur iis Viri doctrina quidem praestantes, sed forma, cultuque corporis turpiusculi, cuiusmodi fertur fuisse Socrates Alcibiadis praeceptor, Vir singulari ceteroquin doctrina, sapientiaque praeditus.

## TAB. XLII.

## S I L E N U S.

VENUTIUS

**P**eculiaris haec Statua Sileni est, cui nudo corpore palliolum tantum ex humero per sinistrum defluit brachium; nam dignus adnotatu pileolus est rotundus, qui non ita facile supra Sileni caput animadvertitur; aperto enim ut plurimum capite eum finxit antiquitas, & favus mellis ad pedes trunco inclusus. Factum id, opinor, ea de causa, quod Silenus cum Satyris melle delectaretur. Hinc Ovidius de eo loquens ita cecinit <sup>(2)</sup>:

*Ut Satyri, laevisque senex tetigere saporem,*

*Quaerebant flavos per nemus omne favos.*

Non solum bibax is erat, sed etiam inter helluones numerabatur, idcirco eundem veteres corpulentum, ventrosumque finxerunt; ex quo etiam fiebat, ut turpior evaderet. De Sileni deformi facie Athenaeus <sup>(3)</sup> de Critobulo Socratis discipulo loquens inquit: *Οἱ γὰρ Κριτόβουλος μαράκιον ἀσῆον γέροντα, καὶ διδάσκαλον αὐτοῦ τὸν Σωκράτην σκώπτα, πολὺ τῶν Σαλπίων αἰσχροῦ λέγων ἦναι. Critobulus autem adolescens urbanus senem, & magistrum suum Socratem irridebat, turpiorem Silenis dicens eum esse.*

## TAB. XLIII.

## S I L E N U S.

AMADUTIUS

**A**cile in errorem Venutium nostrum incidisse, arbitramur, quod Signum hoc *Barbatum Bacchum* inscripserit. Nos quidem potius in ea sententia sumus, de Sileno hoc ipsum Signum esse exponendum. Suadet id praecipue, quod Statuarius ipsum corpulentum, & ven-

(1) Vid. Pausan. Heliac. Lib. I. (2) Lib. III. Fast. vers. 745. (3) Deipnosoph.



& ventrosū finxerit, ut superius Venutius ipse de altero Sileni Signo animadvertit. Neque enim Bacchus ita effingi consueverat, cui potius antiquitas ventris concinnitatem κατ' ἐξοχήν tribuere solemne habuit. Hinc Anacreon Ode XXIX. <sup>(1)</sup> compellans Pictorem, cui Bathyl- lum effingendum commiserat, praeter thoracem, & geminas manus Mercurii, quin & Pollucis femora, quae scitum pusionem undequaque exprimerent, Διοιυσίνου δὲ γαστῆρα Bacchicum nempe ventrem praecipue ipsi commendat, in quo quis non videat, non mediocrem elegantiae partem sitam veteres censuisse, ut ipsum ad rectae conformationis exemplar proponerent? Quare in suis ad hanc Odem adnotationibus recte observat Tanaquillus Faber, remotos a cognitione melioris antiquitatis esse Pictores illos, qui Bacchum γαστῆρα, ventrosū, & do- liarem fingunt. Quod Imago haec racemum sinistra teneat, & dexte- ra scyphum, commode Silenum vini potorem egregium designat, quem- admodum & ipse Venutius superius exposuit.

## T A B. X L I V.

## D I A N A.



Pollinis Soror Diana, vel Luna frequentissime fagittis arma- tur, quia radiis telorum instar emissis, quae longe sunt, iaculatur; δια τὴν ἀφ' ἑσῶν πύργων τῶν ἀκτίνων, uti loquitur Plu- tarchus, vel Phornutus potius, ut observat Aleander <sup>(2)</sup>; Unde ab Ar- nobio <sup>(3)</sup> eleganter Apollo, & Diana *Arcitenentes* appellantur. Notum est, Niobes filios fingi a Poetis, ab Apolline, a Diana vero filias oc- cidas esse. Homerus <sup>(4)</sup> Laodomiam, & Matrem Andromachen ait a Diana fuisse interemptas, & in Odyssæa <sup>(5)</sup> Matrem Ulyssis narrantem refert, sese a Diana non esse interfectam, verum illius desiderio mor- tuam; Clyte uxor Cyzici apud Valerium Flaccum <sup>(6)</sup> queritur, ab ea- dem Diana matrem suam occisam esse. Dianam habes in hoc Signo veste talari indutam. M. Tullius Cicero in Oratione contra Verrem <sup>(7)</sup> Dianae Simulacrum describens de hoc quodammodo loqui videtur: Ita enim dicit: *Signum altum erat, magnum, veste ad talos usque contextum,*  
*facie*

VENUTIUS

(1) Od. XXIX. vers. 33. ad Pictor. de Amasio suo  
Bathyllo.

(2) In Tab. Heliac.

(3) Lib. I.

(4) Iliad. ζ. vers. 205.

(5) Odyss. α. vers. 197.

(6) Argon. Lib. III. vers. 322.

(7) Orat. II.

*facie iuvenili, virginali aspectu, sinistra arcum tenebat, sagittaeque ex humeris pendebant.* Diana oblonga veste habetur etiam in aliquot nummis Coloniae Laodicensis, in nummo Gentis Hostiliae, & in nummis Hadriani, & Faustinae Iunioris <sup>(1)</sup>.

## I. C. AMADUTII ADNOTATIO

Cl. Iohannes Winckelmannius, cuius proditoria caedes Tergeste paucis ab hinc annis perpatrata ad infeliciū Litteratorum album nova appendix existit, in antiquis Monumentis anecdotis ab eo illustratis Vol. II. Part. I. Cap. VII. n. III. pag. 27. ait, Dianam pro-

lixa veste amictam haberi in gemmis, atque marmoribus, inter quae duo etiam Hortorum Matthaciorum Signa recenset. Verum nobis, nonnisi hoc unum, quod modo proponimus, videndum se obtulit.

## T A B. X L V.

## D I A N A.

VENUTIUS



Laudianus Dianam, & Socias ita in Panegyrico Stiliconis <sup>(2)</sup> describit :

*Humeros, & brachia nuda,  
Armataeque manus iaculis, & terga sagittis,  
Incomptae, pulchraeque tamen: sudoribus ora  
Puberulenta rubent; sexum nec cruda fatetur  
Virginitas; sine lege comae; duo cingula vestem  
Crure tenus pendere vetant.*

Dianam veteres venationis Deam appellaverunt, & in eius tutela silvas, ac lucos posuerunt, quod ea ab hominum consuetudine abhorrens ibi vitam in venatione traduceret, quo melius virginitatem servaret. Observanda in hoc Signo mitella capiti Dianae praeter morem imposita. Haec enim Dea crinibus ut plurimum vel sparsis spectatur, vel in nodum religatis; Mitella vero Augustarum potius peculiare est ornamentum; Hinc coniici facile potest, sub Dianae forma Augustae, vultum latere in hoc Signo, cui nomen certum tribuere minime audeo. Observandae quoque caligae soleatae pedibus insertae, quae supra talos adstrictae, & lata lingula supra pedes reiecta superiorem eorum partem totam praeter digitos contegunt <sup>(3)</sup>.

(1) Vaillant. Numm. Famil., & Colon.

(2) Lib. III. vers. 247.

(3) De Caligis erudite egerunt Turneb., Lipf., Balduin., Ferrar., Bonann., Binaeus, & alii complures.

## TAB. XLVI.

## D I A N A .

**S**ignum hoc intactum Venutius noster reliquerat; quare nos ad ipsum describendum accedimus. Huius Signi forma non dissimilis est ab ea, quam in superiori advertimus, nisi id excipias, quod vestis longior est in hoc Signo ad cruris pulpam pertingens, quemadmodum etiam unico cingulo vestis subligatur, quae in super amiculo breviori transverso tegitur, secus ac in superiori videri contingat. Licet hoc in Signo quoque caput mitellam gerat, ad pedes tamen desiderantur caligae, ut superiori penitus assimiletur. Hanc Deam Nympharum more, quo ad amictum spectat, indutam veteres exhibuerunt, & quoniam erat ἰοχέαιρα *sagittis gaudens*, ut eam vocat Hesiodus <sup>(1)</sup>, nudis brachiis utebatur, ut esset ad iaculandum expeditior, quemadmodum ob venationis studium succintam vestem in deliciis plerumque habuit, ne cruribus implicaretur, neve stirpibus, aut spinis inter insequendum feras detenta moras cum praedae dispendio nectere cogeretur. Hinc Ovidius <sup>(2)</sup>:

AMADUTIUS

*Talia pinguntur succintae crura Dianae,  
Cum sequitur fortes fortior ipsa canes.*

## T A B. X L V I I .

## F L O R A .

**F**lora a Graeco verbo χλωρίς etymon suum trahit. Latina vox Flora est, mutata nimirum littera X in alteram F. Recepta tamen in Latium Graeca ipsa vox *Chloris* est, & passim a Latinis usurpata. Plinii Codex Vaticanæ Bibliothecæ <sup>(3)</sup> habet: *Romæ Praxitelis opera sunt Chloris, Triptolemus &c.* In vulgatis est *Flora*. Si Fabulatores audiamus, nupsit Flora Zephyro; Inde eam Chlorin, & Zephyritin scribunt Viri docti. Floræ vestis erat tenuis, & versicolor, ut Ovidius ait <sup>(4)</sup>:

VENUTIUS

*Sic est hæc cultu versicolore decens*

In Glossis versicoloria sunt *πικιλόχροα*. Vestis vero versicolor a Graecis dici-

(1) *Theogon. vers. 14., & 918.*

(2) *Amor. Lib. III. Eleg. I. vers. 31.*

(3) *Lib. XXXVI. cap. 5. Cod. 507.*

(4) *Fast. Lib. V. vers. 123.*



dicitur ἀφ' ὧν ἐθνῆς, unde etiam in Floralibus haec gestari solita, forsitan quod propter florum varietatem ab horum Ludorum nomine non abhorrent. Flora vero non tantum floribus, sed etiam pomis, vel uvis ornabatur, ut ex Columella, aliisque Imaginibus huiusce Deae adhuc existentibus clarissime evincitur.

## T A B. X L V I I I.

## P O M O N A.

---

 VENUSIUS

**C**UM Romani res rusticas praecipue adamarent, ideo iam inde ab initio Urbis Pomonam hortorum Deam coluere. Haec, quam exhibemus, copiae cornu uvis, & pomis referto de more insignitam, ex Alabastrite tota est, capite dumtaxat, & manibus exceptis, quae sunt e Lydio lapide. Narrant Mythologi <sup>(1)</sup>, Vertumnus, qui hac virtute praeditus erat, ut in quas vellet, figuras se verteret, Pomonae amore iamdiu ardentem, edentulae anus simulata facie, & baculo innitentem in hortos intrasse, quos dum oculis lustrat, eos laudat, Virgini adblanditur, & osculatur. Tum singula percurrens, quae hortorum sunt ornamenta, ex iisdem suadendarum nuptiarum arripit occasionem. Cerne, inquit, adserpentes huic frondoso parieti foecundas arbusculas, prunis eximiis, malisque generosis onustas, paxillis tamen, quasi maritis coniunctas dixeris, amico fulcimine sustentatas: quibus si carerent, humi prolapsae sterilescerent. Si hoc vides, cur non ex eo capis exemplum? Hunc Vertumni sermonem ita eleganter exprimit Ovidius <sup>(2)</sup>:

*At si flaret, ait, caelebs sine palmitruncus,  
Nil praeter frondes, quare peteretur, haberet.  
Haec quoque, quae iuncta vitis requiescit in ulmo,  
Si non nupta foret, terrae acclinata iaceret:  
Tu tamen exemplo non tangeris arboris huius?*

Et sane tantum fuit huius sermonis robur, ut postquam Pomona Vertumnus vidit, anilibus instrumentis demissis, in iuvenilem formam redeuntem, illico tacta fuerit, atque, ut ait idem Ovidius, *mutua vulnera senserit*.

(1) Ovidius Metamorph. Lib. XIV. vers. 664. (2) Idem ibid. vers. 772.

## TAB. XLIX.

## P O M O N A .

**P**omonam aiunt ita hortis praefuisse, ut arboribus etiam ad maturos fructus gignendos vires tribueret. Audiamus Ovidium, ubi de Vertumno loquitur <sup>(1)</sup>:

VENUTIUS

*Rege sub hoc Pomona fuit, qua nulla Latinas  
Inter Amadryadas cohiit solertius hortos;  
Nec fuit arborei studiosior altera foetus;  
Unde tenet nomen, non silvas illa, nec amnes,  
Rus amat, & ramos felicia poma ferentes.*

Rustici Pomonae sacra ita peragebant <sup>(2)</sup>. Primum expiabantur fumo sanguinis equini combusti, vituli e matris utero avulsi cinere, cum ea praegnans alterius sacrificii causa immolata esset, & fabae stipula. Postea libis ex musto, & lacte Deae oblatis solemni prece sacrificium absolvebant. Ut plurimum symbola huius Deae eadem sunt, ac Cereris, Florae, Abundantiae. Haec Statua copiae cornu sustinet laeva, dextera pateram, libantium more. Caput discriminatis mirifice crinibus ornatur.

## TAB. L.

## P O M O N A .

**S**ignum hoc plerique ad Floram amandant. Venutius noster ad Vindemiam pertinere existimaverat. Nos vero Pomonam facile iudicamus; atque ad id nos praecipue impellunt poma, quae superexstantia racemis, & pampinis intuemur, quaeque in linteo recepta utraque manu Dea ipsa sustentat. Qui enim Flora censerī potest sine ullo florum vestigio? Vel quid Vindemia commune habet cum pomis, ut ob racemos iisdem immixtos hoc nomine fuerit Signum hoc nostrum salutandum? Quod vero pomis additi sint racemi, nequaquam Pomonae symbola adulterata dixeris, cum uvam, utpote arboreum fructum in pomorum classē recipi nihil prohibeat. Statuae huius caput, & manus e lapide Lydio sunt; reliquum corpus ex Alabastrite.

AMADUTIUS

(1) Lib. XIV. Metamorph. vers. 624.

(2) Varr. de Re Rust.

## TAB LI.

## N A I S .

VENUTIUS



Uod Deae Fontium ornatui essent, innuitur ab Ovidio <sup>(1)</sup>:

*Naiades effusis aliae sine pectinis usu,*

*Pars aderant positis arte, manusque comis.*

*Illa super furas tunicam collecta ministrat:*

*Impediunt teneros vincula nulla pedes.*

Vestitum quidem, qualem spectamus in hac Statua, & in antiquis Nympharum picturis, in quibus brachia detecta, & femora apparent, a rudioribus primis temporibus desumptum suspicor; quod feminae praesertim agrestes caprinas pelles ad lumbos succingerent, nodo ad eas alligandas ex corio crurum anteriorum facto. Merito igitur φαεινομηρίδες appellandae, quo nomine dictae postea sunt ab Ibico <sup>(2)</sup> Virgines Lacaeanae, quod incedentes femora retegerent. Accidebat id autem, quod tunicae partes a lateribus ad imum dissutae motu diducerentur inte se, ut ait Plutarchus <sup>(3)</sup>: τῶν γὰρ ὅντι τοῦ παιθεϊκῶς χιτῶνος αἱ πτέρυγες οὐκ ἦσαν ἀνερῶσται καθοίον, ἀλλ' ἀνεπτύσσοντο, καὶ συνανεγύμνονον ὅλον ἐκ τῷ βαδίζαν τὸν μήρον. Revera virginalis tunicae pinnae inferius non erant assutae, sed diducebantur, & nudabant totum femur inter incedendum. Idem testatur etiam Sophocles <sup>(4)</sup>. In Museo Collegii Romani vidi iconem aeream mulieris pomum manu gestantis, cui non ad latera tantum, sed ante etiam, & retro tunica dissuta est, pinnis undatim decidentibus. Fontes pro Numinibus habitos, ex pluribus Gruterii <sup>(5)</sup>, aliorumque Inscriptionibus colligitur. Hanc tam multiplicem Deorum copiam, &, ut ipse ait, infinitam superstitionis rationem refert, improbatque Cicero <sup>(6)</sup>: Itaque (inquit) & Fontis Delubrum Maso (loquitur de C. Papyrio Masone) ex Corsica dedicavit, & in Augurum precatione Tiberinum, Spionem, Anenionem, Nodinum, aliaque propinquorum fluminum nomina videmus. Nostri Fontis Nympha urnam manibus tenet, in qua larva cernitur ore hiantē, & foramine utrimque producto, ex quo aqua praeterfluat, ut fieri solet etiam hoc tempore.

(1) Fast. Lib. I. vers. 405.

(2) Plutarch. in Parallel. Numae, & Lycurgi.

(3) Ibid.

(4) Ibid.

(5) Pag. 94., & 1072.

(6) De Nat. Deor. Lib. III.



C L A S S I S I V.  
Q U A E C O N T I N E T  
D E O S I N D I G E T E S.



T A B. L I I.

H E R C U L E S.

**H**erculem habes in hoc marmore a duodecimo labore quiescentem, cum aurea poma Eurysthai iussu, interempto prius Dracone pervigili, qui ea servabat, ex Hesperidum Hortis victor abstulisset. Res quidem vulgatiores est, quam ut explicatio-  
ne indigere videatur. De situ hortorum Hesperidum lis est inter Mythologos. Sunt, qui ponunt iuxta Lixon Coloniam a Claudio Caesare deductam; Solinus cum Virgilio eisdem in Mauritania Tingitana fuisse ait apud Antaei Regiam. Plinius in citeriore Africa locat, Claudianus ad Syrtim magnam, & Dritonem fluvium; Et Ptolemaeus <sup>(1)</sup> cum eodem Plinio <sup>(2)</sup> pro comperto habet (quod mirandum est) Hesperidum Hortos fuisse in ore Cyrenaica apud Berenice Urbem. Si quis Fabulam ad Historiam traducere voluerit, meminerit Herculem Phoenicium, vel Aegyptium fuisse Mercatorem; *Ἡρακλῆς* enim Graece, Latine *Hercules* est; *Haro - Kel* vero Phoenicio sermone *Mercator* <sup>(3)</sup>. Hercules igitur, seu Mercator ad Hesperidum regionem penetravit, & poma aurea sustulit, hoc est *oves aureas*, scilicet pulcherrimas <sup>(4)</sup>; *μήλα* enim Graece iuxta Palaephatum, & Diodorum significant tam poma, quam oves; Draco vero ovium Pastoris nomen est ab Hercule occisi. Ceterum ex Graeca voce *μήλα* Hercules ipse *μήλιος*, ut ait Hesychius, vel, ut vertit Gyradius, Pomarius dictus est; pomaque in Boeotia in eius sacris offerebantur una cum tauro (ovem alii fuisse volunt) qui etiam eidem mactabatur. Hercules hic, leonina pelle ante pectus adstricta, & post humeros ad laevum brachium convoluta,

VENUTIUS

(1) *Geograph. Cap. 4.*

(2) *Nat. Hist. Lib. V. cap. 5.*

(3) *Bochart. Geogr. Sacr.*

(4) *Vid. Mythic. tempor. Histor. apud Cleric. Bibliothec. Univers. Tom. I. pag. 245.*

voluta, utraque manu poma tenet Hesperidum Hortis ablata. Imberbis est, qualis inspicitur in Capitolio<sup>(1)</sup>.

## I. C. AMADUTII ADNOTATIO

Venutius modo nos ad aliqua adnotanda invitat, ne in eius verba iurare videamur. Rudbekius vocem Herculis derivat ab *Kar-Kulle*, quod Punico idiomate sonat *ductor agminum*; quamquam haec ipsa vox ab *הרוכל* *Harokel* Hebraeorum, nempe *negociator*, haud multum differre videatur. Aliae tamen de Hercule etymologiae circumferuntur, prout vel historice, vel physice perpenditur; hinc si pro Sole fumatur, quo sensu a Nonno Dionysiac. Lib. XI. *ἄναξ πυρός* *Rex ignis* dicitur, eius etymon ab *הרר* *harac* ardere repeti poterit. Antonius Silla Neapolitanus in Theogonia ipsius commentariis illustrata, & Neapoli nuper edita §. 19. pag. 39., & seq. aliam historiam ex fabula Herculis procudit, ac cum Ioh. Bapt. Vico poma aurea pro tritico, quod fulvi coloris est, quodque ab

Atlante Hercules impetraverat, accipienda contendit. Hoc loci etiam de loco Hortorum Hesperidum idem Silla quaestionem instituit, quam videat, cui vacat. Verum, quae est nonnullorum Litteratorum audacia, ne dicam vesaniam, qui tam egregia somnia aliqua cohonestata eruditione nobis impune mercari praesumant? Et oh nos bonos viros, qui haec etiam ioci causa consuecemur! Tandem monere nos modo oportet, Iohannem Vinckelmannium in eius Monumentis antiquis anecdotis Vol. II. Part. I. Cap. XXIV. §. II. pagin. 78., Statuam hanc nostram Herculi Pancratiasti tribuere, quod eidem sint aures obtusae, ac depressae, quales huiusmodi luctatorum generi, inter quos Hercules, & Pollux censebantur, aptari solemne erat.

## TAB. XLIII.

## HERCULES.

VENUTIUS



Hercules nudus cernitur clavae oleaginae leviter incumbens, & poma Hesperidum manu tenens, hispida barba, & prolixa. Eius Simulacrum erat ut plurimum ingens, ita ut Herculis vires significarentur, ob quas *Melampygos* est dictus, hoc est *chimiater*, quod est magni roboris argumentum. De Cercopibus nota est fabella, qui hoc nomen Herculi indiderunt. De his meminit Herodotus, cum Xerxis iter in Graeciam describeret, dicens eum Asopum fluvium transisse apud dictas Cercopum fedes, ubi erat & lapis, qui Melampygos appellabatur, quod nomen nigrum etiam fontem significat. Sed redeamus ad Herculem. Plerumque nudus spectari solet, aliquando tamen leonina pelle utcumque contectus, cuius ea pars, quae leonis caput cooperuerat, galeae loco Herculi est. Clavam altera manu, altera arcum tenens, aliquando exhibetur non sine pharetra, quae pendat

(1) Bonarot. Numm. Carpin. pag. 81.

deat ex humero. Huiusmodi Simulacrum aeneum erat decem cubitos altum, quod Olympiae visebatur. Fuit etiam apud Lacedaemones Herculis armati Signum, ut ait Pausanias <sup>(1)</sup>. Apollodorus <sup>(2)</sup> refert Herculem ita etiam armatum fuisse, cum pro Thebis contra Minyas pugnavit. Eum vero terribili aspectu fuisse, vel illud fuerit argumento, quod quidam, eodem viso, prae metu in saxum obriguerint <sup>(3)</sup>. Sed haec nimis nota.

## I. C. AMADUTII ADNOTATIO

Apollodorus loco a Venutio nostro laudato ait dumtaxat, Herculem λαβόντα ὅπλα παρ' Ἀθηνᾶς, sumtis a Minerva armis, bellum profectum esse, sed quae arma acceperit, nullibi memorat. Inferius quidem ob rem praecclare gestam refert, Herculem fuisse a nonnullis insignibus donatum muneribus, inter quae recenset *πέπλον πεπλῶν*, sive potius *πέπλον iaculum* (quod a Minerva accepit) ut secundis curis in sua ad Lib. II. pag. 58. appendicula legendum censet Benedictus Aegius Spoletinus, cui adstipulatur Thomas Galeus, & nuperrimus Editor *Collectionis Graecae ex Apollodori Bibliotheca* &c.

Halae impressa Orphanotrophei impensis ann. MDCCCLXIII., quem noluissem ita infensum in sua ad Lectorem Praefatione in Aegium nostrum, Virum eruditissimum, quem sane immerito tam acriter reprehendit, quemadmodum quilibet ipsius editionem, & varias alias, quas habemus ex ipso Aegio, naviter conferens cognoscere facile poterit. Verum & iaculum, & cetera arma, quae ab aliis Diis Hercules accepit, nonnisi post hoc certamen ipsi conlata memorat Apollodorus; Quare ex Apollodoro non liquet, quomodo ad hanc pugnam armatus Hercules accesserit, uti constare contendeat Venutius.

## TAB. LIV.

## HERCULES.

**C**UM tribus leonibus pugnam suscepisse Herculem, veteres fabulantur, eosque clava necasse, qua armatum cernitur nostrum Signum, Lestio scilicet, Heliconio, & Nemaao, quem postremum in silva Nemeae, sive, ut alii volunt, in Themmesio Boeotiae monte apud Thebas invenit. Hunc leonem e Luna cecidisse, commentus est Achilles in Commentariis Arateis apud Angelum Politianum <sup>(4)</sup>, quem cum Hercules clava <sup>(5)</sup>, & iaculis esset aggressus, in speluncam adactum suffocavit, uti Diodorus pluribus refert. Nummi Aegyptiorum sub Antonino Pio percussi universos Herculis labores egregie repraesentant <sup>(6)</sup>; quem semper huius primi laboris gloriatum ostendunt

VENUTIUS

(1) In Lacon.

(2) Biblioth., sive de Deor. orig. Lib. II. cap. 4.

(3) Vid. Suid.

(4) Miscell. Cap. 17.

(5) Theocrit. Idyll. XXV.

(6) Morell. Specim. Rei Numm. Tab. VIII.



dunt leonis exuviae, quibus eum ornatum plerumque veteres voluerunt. Herculis vultus, corpusque ferocitatem eius exprimit, & virium praestantiam, cuius staturam ad quatuor cubitos, pedemque unum extulit Heraclides Ponticus. Aulus Gellius <sup>(1)</sup> Pythagoram scribit ex Olympici stadii spatio Herculis proceritatem emensum esse. Os illi tribuit Poeta Tragicus Ion triplici dentium ordine circumseptum, corpusque omni ex parte villosum, ideoque a Graecis *Μελανόπυγος* est appellatus.

## TAB. LV.

## BELLEROPHON.

ΑΜΑΔΟΥΤΙΟΣ



Enutii nostri oculos effugerat praefens hoc Signum, cuius nos modo expositionem aggredimur. Exhibet hoc Bellerophonem Glauci Regis Ephyræ Filium, ita a Bellerō quodam Corinthiorum Principe, quem e medio fustulerat, appellatum, cum antea a regendis equis Hipponous salutaretur. Cur hic Pegaso equo insidens exhibeatur, accipe fabulam. Referunt Mythologi, ipsum, cum per imprudentiam Deliadem fratrem, sive, ut nonnulli ferunt, Sirenem, aut, ut alii volunt, Alcimenem peremisset, ad Proetum Argos confugisse. Hic cum Stenoboeam Proeti uxorem de stupro illum interpellantem constanter repulisset, repulsæ iniuria, & amoris furore infans mulier apud virum innoxium hospitem accusat. Noluit Proetus illius sanguine violare iura hospitii, sed eum ad Iobatem Socerum cum litteris, quibus ipsius necem eidem mandat, mittit in Lyciam. Iobates in ultionem criminis ipsum ad Chimaeram interimendam mittit, a fera perditum iri arbitratus. Verum Bellerophon Neptuni beneficio nactus Pegasum equum ad Pirenem fontem ipsum conscendit. atque alarum praesidio in altum elatus eminens monstrum sagittis confodit, atque ob id ita Iobatem in sui admirationem rapuit, ut alteram illi ex filiabus Philonoëm cum regni parte uxorem dederit. Quare hic equus recte *πτηνός*, ut Apollodorus <sup>(2)</sup>, & Strabo <sup>(3)</sup> eum vocant, sive *πτεροῦς*, ut Pindarus <sup>(4)</sup>, *alatus* nempe exhibetur. Mirari tamen contingit, cur Chimaeram sub sola leonis forma Statuarius voluerit

(1) *Noët. Attic. Lib. I. cap. 1.*(2) *Apollod. Biblioth., sive de Deor. orig. Lib. II. cap. 3.*(3) *Strab. Geograph. Lib. VIII.*(4) *Pindar. Isth. Od. ξ. 7. ἀντιστροφ. κῶλ. ου.*

luerit conspiciendam, cum, ut ex Apollodoro <sup>(1)</sup> innotescit, haberet  
 πρωτομὴν λέοντος, οὐρανὸν δὲ δράκοντος, τρίτην δὲ κεφαλὴν μέσιν αἰγῶν, *primam*  
*partem leonis, caudam draconis, triplex vero caput medium caprae*, quod  
 & Servius <sup>(2)</sup> asseruit, & Hyginus <sup>(3)</sup>. Hesiodus <sup>(4)</sup> quin etiam ita eam  
 describit:

πνέουσιν αἵμαϊμάκετον πῦρ

Δανὴν τε, μεγάλην τε, ποδῶκεά τε, κρατερὴν τε.

Τῆς δ' ἦν τρεῖς κεφαλαί· μία μὲν, χαροπόιο λέοντος,

ἡ δ' ἑ χιμαίρης· ἡ δ' ἔφριτο κρατεροῖο δράκοντος.

Πρόσθε λέων, ὀπίθεν δὲ δράκων, μέσση δὲ χιμαίρα.

*spirantem terribilem ignem*

*Trucemque, magnamque, pernitemque, validamque,*

*Illius erant tria capita: unum quidem terribilis leonis,*

*Atherum capellae: tertium vero serpentis robusti draconis.*

*Ante leo, pone vero draco, in medio autem capra.*

Ceterum si Homerum, Lucretium, & Ovidium, cuius loca nota sunt, audiamus, abest a Chimaera caput draconis, ut duplex proinde dumtaxat adstrui debeat. Et sane si numismata, & alia monumenta inspiciamus, Hesiodi descriptio haudquaquam recepta occurret, ut potius haec ipsa Chimaeram eo prorsus modo praefereant, quo laudati Scriptores ceteri nobis proponunt. Scilicet in nummo aeneo Corinthiorum, quod praefertim a Nicolao Franc. Haymio <sup>(5)</sup> referri video, habetur in antica parte caput barbatum, ac diademate cinctum, quod ad Bellerophontem spectare vix est dubium, licet in nullo alio hactenus nummo Herois huius caput conspiciendum obvenerit; in postica vero Chimaera duplici capite leonis nempe, & caprae instructa, cuius reliqua pars corporis in draconem, sive serpentem definit, nec tamen eiusdem caput ullibi apparet. Mitto cetera huiusmodi, provocans nunc dumtaxat ad Signum aeneum Chimaerae non aliter conformatum, quod Florentia in Magni Ducis Tablino adservatur, quodque Sebastianus Blanchius <sup>(6)</sup> descriptione adumbravit, quemadmodum aere insculptum Cl. Gorius <sup>(7)</sup> etiam exhibuit. Sed iuvat breviter cetera persequi, quae Bellerophontis fabulam claudunt. Ipse er-

go

(1) Apollodor. loc. cit.

(2) Serv. in IV. Aeneid.

(3) Hygin. Fab. 57.

(4) Hesiod. Theog. vers. 319.

(5) Thesauri Britann. Pars alter., edition. Iosephi Khell

Loyolite, Vindob. ann. 1765. Tab. VII. n. 10. p. 81.

(6) Ragguaglio delle antichità, e rarità, che si conservano nella Galleria Mediceo-Imperiale di Firenze Part. I. In Firenze 1759. pag. 79., e 80.

(7) Mus. Florent. T. I. Stat. Tab. XXXIV. n. 1. pag. 80.

go felici rerum successu elatus dum Caelum evolare nititur, Iuppiter indignatus oestrum Pegaso immisit, adeo ut fessorem excusserit, & in eos campos deiecerit, qui postea ab erroribus suis ἀλλήτοι dicti fuerunt, quod innuit Dionysius Alexandr. <sup>(1)</sup>:

τῆμ' αἶψ' ἰωωου

Ἐς Δι' ἰέμεν' πέσεν ἥρως Βελλεροφόντης.

Κεῖν δὲ καὶ πεδίον τὸ Ἀλλήιον.

Hoc est, ut vertit Andreas Papius Gandensis:

*Iovis aethera cum heros*

*Bellerophon invectus equo delapsus ab alto est.*

*Hic & Alcaei campi.*

Ex quo casu claudus, & caecus factus vitam moestissimus finiit, unde Horatius <sup>(2)</sup>:

*Exemplum grave praebet ales*

*Pegasus, terrenum equitem gravatus*

*Bellerophontem.*

Hanc fabulam Divus Iustinus <sup>(3)</sup> ex depravato Sacrarum Scripturarum sensu elicita tuetur; nam cum in Mosae prophetia expressis verbis designatum non esset, num adventurus ille Filius Dei esset futurus, & utrum pullo vehens mansurus in Terris, an ascensurus in Caelum, Bellerophontis fabulam, quam retulimus, Ethnicos commentos esse, existimat. Alexius Symmachus Mazochius autem Vir sacrarum, profanarumque antiquitatum peritissimus <sup>(4)</sup> ex Iosephi historia, quae in Genesi <sup>(5)</sup> habetur, ortum fuisse Bellerophontis μύθον ingeniose existimat, quod sicuti Proeti uxor Bellerophontem ad stuprum invitavit, & spe frustrata, tamquam de inlata iniuria apud virum suum incusavit; ita Pharaonis uxor *iniecit oculos suos in Ioseph*, & ait, *dormi mecum*, nec eum tamen ad id nefas inflectens apud virum de intentato stupro in-  
simulavit; Et quemadmodum deinde etiam post multas aerumnas Bellerophon a Iobate altera ex Filiabus Philonoe cum Regni parte donatus est <sup>(6)</sup>, ita & Iosepho post carceris poenas Rex Pharao secundas post se partes in Regno detulit, eumque cum Asenethe Putipharis Filia matrimonio iunxit <sup>(7)</sup>. Fallitur tamen doctissimus Mazochius, dum Belle-

(1) Dionys. de Sit. Orb. v. 870.

(2) Horat. Lib. IV. Od. XL. v. 26.

(3) S. Iustin. Apolog. II. πρὸς χριστιανούς.

(4) Spicil. Biblic. Tom. I. pag. 130., & 143.

(5) Gen. Cap. 39.

(6) Homer. Iliad. ζ. vers. 7.

(7) Gen. Cap. 41.



Bellerophontem a Proeto in dimidium regiae potestatis cum Filiae munere vocatum asserit <sup>(1)</sup>, cum Homerus <sup>(2)</sup>, & Apollodorus <sup>(3)</sup> non de Proeto, sed de Iobate id praedicent. Ceterum id iam ante Mazochium adverterat Daniel Huetius <sup>(4)</sup>. Ex iis sane pluribus, quae fabulis praedicantur, quaeque vel ad historiam, vel ad sacra traducuntur, nullum aliud forte exemplum invenire est, quod hoc nostro verosimilius affirmari possit, & cui nos propterea nunc aliquid tribuere visi sumus. Tandem nec illud intactum relinquere possumus, inter Glossaria Theotisca medii aevi, quae ex Schedis San-Blasianis IX. saeculi, cum nonnullis adnotatiunculis I. Sprengii Basileensis edidit Cl. Abbas Congregationis S. Blasii in Silva Nigra, & S. R. I. Princeps Martinus Gerbertius post Itinera Alemann., Italic., & Gallic. <sup>(5)</sup>, recenserit VII. Mundi Miracula ab iis, quae Philo Byzantius a Leone Allatio editus, aliique retulerant, fere prorsus diversa, & quarto loco designari Simulacrum Bellerophontis ferreum cum Arcu suo in Smyrnae Civitate, in aëre suspensum, nulla re innixum, sed quod lapidis Magnetis, qui habetur in arcu, assumptione mirabiliter trahitur, & mensura aequiparata consistit, & cuius ponderis aestimatio est circa V. milia librarum ferri.

## TAB. LVI.

## AES CULAPIUS.



Aesculapium, sive Asclepium, ut Latini etiam Graeca voce dicunt, tamquam magnum Medicinae Deum coluerunt veteres <sup>(6)</sup>. Omittimus hoc loco subtilius quaerere, quid de eo commenti Graeci sunt, quomodo natus, quo genere, quotuplex demum sit (nam triplicem faciunt) & quam varia fuerit antiquitus eius repraesentandi ratio. Satis fuerit dicere, virum aliquem fuisse, Medicinae peritissimum, qui vixit paullo ante Troianum bellum, & ob artis praestantiam inter Deos relatum. Illum Apollinis, & Coronidis Nymphae Filium aiunt, Chirone Magistro, Medicinam didicisse. Reliquam illius historiam, & fabulam pluribus verbis descriptam, & iconibus,

VENUTIUS

(1) *Mazoch. ibid. pag. 243.*(2) *Homer. loc. cit.*(3) *Apollodor. loc. cit.*(4) *Demonstr. Evang. Tom. I. Proposit. IV. cap. IX.*(5) *Typis San-Blasianis ann. 1765. pag. 89., & 90.*(6) *Cicer. de Leg. Lib. II.*

nibus, numismatibusque explicatam videre est apud Montfauconium <sup>(1)</sup>. Haec Statua induta videtur Graecanico pallio, quo ita sinistrum tegitur brachium, ut dexterum exertum, & nudum ad baculum sustinendum adhibeatur, cui serpens circumvolvitur. Ex Philostrato, Hygino, Macrobio, aliisque habemus, Aesculapium in carcerem coniectum fuisse a Minoe Cretae Rege, quia Glaucos filio vitam reddere renuebat. Cum ibi detineretur, & cogitaret, quid agendum sibi esset, dicitur anguis ad bacillum, quem manu tenebat, adrepere coepisse, quo interfecto, fertur alter anguis eodem venisse ore ferens herbam, quam supra Aesculapii caput posuit, deinde fugisse; Ea Aesculapius usus Glaucum ab Inferis revocasse. Hanc igitur autumo originem esse tribuendi Aesculapio baculum serpente implicitum, quem in omnibus fere eius Simulacris modo existentibus videmus, & ob id potius, quam alia de causa angues semper in Aesculapii tutela fuisse habitos.

## I. C. AMADUTII ADNOTATIO

Quoniam Venutius nullam barbae, quam gerit Aesculapius in hoc Signo, & qua in altero sequenti destituitur, rationem reddit, pauca nos modo addenda censuimus. Notus est quapropter locus Dionysii senis, qui abstrahens barbam auream Aesculapii Signo, quod erat in Epidauro, ait non decere donari barba Aesculapium filium, qua careret Apollo Pater, ut narrat Valer. Maximus Lib. I. cap. I. Verum haud male argumentari eos censeo, qui Aesculapium interdum fingi senem ideo existimant, ut innuatur Medicam artem nequaquam esse adolescentium. Hinc Cicero de Officiis Lib. I: *Nec Medici, nec Imperatores, nec Oratores, quamvis artis praecepta perceperint, quidquam magna laude dignum sine usu, & exercitatione consequi possunt*. Sic etiam Ovidius Metamorph. Lib. VI. vers. 28:

*Non omnia grandior aetas,  
Quae fugiamus, habet, seris venit usus  
ab annis.*

Nec aliter Euripides in Phoeniss. v. 532:

*Ἄλλ' ἢ μαρία  
ἔχει λείαν τῶν νέων σοφάτειον.*  
*sed experientia*

*Habet aliquid, quod dicat invenibus sapientius.*

Ceterum baculi, quem Aesculapio tribuit Sardonius IV. 3., Apuleius I. Metamor., tum & Ovidius XV. Metamor. v. 659., rationem etiam vide apud Vossium Idol. IX. 32., & apud alios Mythologos; quemadmodum consuli poterit Thomas Guidotius Anglus, Medicus, qui brevi Opusculo omnia complexus est, quae ad Aesculapii symbola spectant, quaeque de Aesculapio tum Graeci, tum Latini Scriptores pronunciant.

(1) *Antiq. Explic. Tom. I. Tab. II. num. 1. 2. pag. 1.*

## TAB. LVII.

## AESCULAPIUS.



Aesc praclarissima Statua, cuius ad pedes draco decumbit, fere similis illi est, quam descripsit Pausanias in Corinthiacis <sup>(1)</sup>. Quod ad draconem attinet, qui adiungi Aesculapio solet, ita opinatur Festus Pompeius <sup>(2)</sup>: *In Aesculapii, inquit, tutela est draco, quod vigilantissimum sit animal, atque ad tuendam valetudinem aegroti maxima debet esse in Medicis vigilantia*. Alii alias rationes afferunt, inter quas & haec esse potest, quod ut serpens quotannis renovat cutem, ita Arte Medica homo iuvenile robur quodammodo reparat, & pulchritudinem. Quare Martialis de Coma Earini ad Aesculapium <sup>(3)</sup>:

*Tu iuvenile decus serva, ne pulchrior ille*

*In longa fuerit, quam brevior coma.*

Confuevit addi Aesculapio etiam baculus, & quidem nodosus; ut Artis Medicae difficultas significetur. Lauream item Coronam, quam e Pausania <sup>(4)</sup> Festus refert inter Aesculapii insignia; ea enim arbor ad abigenda mala non pauca utilis habebatur. Quamquam vero proluxa ut plurimum barba fingi Deus iste consueverit, aliquando tamen, ut in nostra Statua, imberbis ostenditur, qualem describit Petrus Appianus <sup>(5)</sup>, referens Auximi in Piceno Aesculapii Signum marmoreum hac formae fuisse. Huiusmodi erat apud Phylasios, qui Peloponnesum incolebant, & apud Sicyonios; apud quos sane in vestibulo Templi, quod huic Deo dicatum erat, Aesculapium ex auro, & ebore imberbem fuisse, narrat Pausanias <sup>(6)</sup>.

VENUSTUS

## TAB. LVIII.

## HYGIA.



Hygiae, vel Salutis Simulacrum stantis hic cernitur, in quo serpens brachio advolutus caput protendit ad pateram laeva sustentatam, tamquam lambere eam gestiens. Oblongi crines idcirco fortasse sunt, ut indicent mulierum morem, quae comam huic Deae dicabant, ut puellarem fervarent venustatem, ea ratione, quae

Aescu-

VENUSTUS

(1) Lib. I.

(2) In verb. Aesculapius.

(3) Lib. IX. Epigr. 18.

(4) In Laconic.

(5) Antiquit. Lib. I.

(6) In Laconic.



Aesculapio pueri, ut apud Martialem <sup>(1)</sup> iam vidimus superius. Observat Harduinius, Aesculapium, & Hygiam non esse minorum gentium Deos, sed eundem fortasse fuisse Aesculapium cum Iove, eandem cum Hygia Minervam. Id verisimile est ex Inscriptionibus <sup>(2)</sup>, in quibus Iovi, & Minervae gratiae ab aegris redditae significantur. Porro Minervae Medicae Templum Romae fuit in Regione Urbis quinta <sup>(3)</sup>. Gruterius Inscriptionem refert, in qua sub Minervae etiam tutela capilli mulieris ponuntur, ita <sup>(4)</sup>:

## MINERVAE

## MEMORI . TVLLI

## A . SVPERIANA . RES

## TITVTIONE . FACTA

## SIBI . CAPILLORUM

In antiquorum nummis legimus SALVTI . AVGVST, SALVS AVGVSTA, SALVS . PVBLICA <sup>(5)</sup>. Haec tam honorifica appellatio cum Imperatorum propria esset, Saluti, ut opinor, tribuebatur, cum eorum aliquis valetudinem recuperasset, aut pro eadem tuenda vota Saluti fierent; quamquam ea potest esse ratio vel potior, quod privatam uniuscuiusque, & publicam Salutem in Principibus significabant esse repositam, eamque sibi ab iisdem, tamquam a Diis salutaribus polliceri; Ideoque Augustarum etiam vultum turpi assentatione sub Salutis exprimebant imagine.

## I. C. AMADUTII ADNOTATIO

Nonnulla nunc a nobis necessario adnotanda veniunt; ac imprimis animadvertendum est, caput huius Deae crinibus oblongis, quos & Venutius innuit, ac mitella quinetiam, quae eius oculos effugit, ornatum, recens omnino esse, & trunco adscitum. Tum desiderandum fuisse videbatur, exponi aliqua ratione a Venutio pateram, sive craterem, qui in sinistra manu a Dea sustentatur, & de quo Bonarotius in Numismatibus maximi moduli pag. 82., &

Maffei in Gemmis antiquis To. II. pag. 116. Crater hic ex Polluce VI. 100. μετανιπτῆς dicebatur, qui sane respondere videtur aliquo modo illi, qui in Psalmo iuxta Hebraeos *קַיִן* 116., v. 13., & iuxta LXX. Viros 115. v. 4. dicitur *כוס-וישן* Calix Salutum, in Graeca vero LXX. Virali versione *Ποτήριον σωτηρίου*, & in vulgata Latina Calix Salutaris redditur. Quare apposite veteres Christiani Artifices Divum Iohannem Apost., & Evang. finxerunt manu tenentem poculum cum

(1) Lib. IX. Epigr. 17., &amp; 18.

(2) Gruter. pagin. 122. n. 41., &amp; pagin. 1065. n. 5., Gor. Cl. 1. n. 4.

(3) Sex. Vili., Nard., Donat. &amp;c.

(4) Gruter. pag. 1067. n. 4.

(5) Vaillant in Numm. Imp., Patin. &amp;c.

cum serpe ex eodem erumpente, forte ut innueretur *Calix* iste *salutaris* Regii Psaltis; quemadmodum ad serpentem aeneum a Moyse in deserto erectum, quo omnes sanabantur, quique ex ipso Johanne Cap. III. v. 14. symbolum fuit, & prophetia de Jesu Christo hominum Reparatore, ac Sotere, provocasse Christianos ipsos verosimile est, quod etiam Bonarotius in Vitris Caemeterialibus pag. 13. erudite animadvertit. Ceterum a Phoenicibus ipsis ex fide Philonis Bibli serpentes *ἀγαθὸς δαίμονας bonos Genios* appellatos esse constat, quod nimirum salutiferi

haberentur. Aliam vero Macrobius Saturnal. Lib. I. cap. 20. reddit ipsius serpentis rationem, dum inquit: *Simulacris & Aesculapii, & Salutaris draco subiungitur, quod hi ad Solis naturam, Lunaeque referuntur*. Tandem monemus Gruterianam Inscriptionem a Venutio superius adductam haud probari a Cl. Scipione Maffeo, ut potius *volēdas* vitio laborare eam censeat in Arte Critica Lapidaria Lib. III. Cap. IV. col. 384., cui Sebastianus Donatus Lucensis in To. I. Supplementi ad Thesaurum Muratorianum veterum Inscriptionum locum fecit.

## T A B. L I X. H Y G I A.



Angues apud veteres Sanitatis signum erant; Nam sicut hi, vetustis positis exuviis, innovantur, ita & homines, sanitate recuperata, restaurari quodammodo videntur. Ideo Salus effingebatur ab antiquis Mulieris forma pateram tenentis, penes quam erat anguis, qui eius brachio advolveretur. Sola facies, & manus, imique pedes nudi erant; partes ceterae lanea tunica, & pallio velabantur. Haec fuit Aesculapii Filia: Tres enim hic habuit Filias, Hygiam hanc, Panacaeam, & Aegiam; tres item Filios Iasonem, Machaonem, & Podalirum. Hygiam vero, & Salutem dictam credimus, ut Soter, & Servator dicebatur Pater; quia non solum ad depellendas aegritudines, verum etiam in quibuscumque periculis invocabatur. Aliquando Iuppiter praepositur Hygiae, & Aesculapio, ut apud Gorium <sup>(1)</sup>, quandoque Apollo, qui Aesculapii Pater fuit, ut in hac Inscriptione:

ΑΓΑΘΗ ΤΥΥ . . . . .  
ΣΜΙΝΘΕΙ ΑΒ . . . . .  
ΑΩΝΙ ΚΑΙ ΑΕΛΙ  
ΠΙΩ ΣΩΤΗΡΙ  
ΚΑΙΜΟΖΥΝΕΙ  
ΤΑΙΣ ΚΑ ΦΛΩ  
ΡΩΝΙΟΣ ΜΑ  
ΚΡΙΝΟΣ ΚΟΥ  
ΠΑΤΩΡ ΕΚ ΤΩΝ  
ΙΔΙΩΝ ΑΝΕΘΗΚ . . . .

---

VENUTIUS

(1) *Inscript. Donian. Cl. I. num. 83. pag. 24.*

*Quod felix, faustumque sit.*

*Smintheo Apol-  
lini, & Aescula-  
pio Salutari,  
& Consanguine-  
is Diis Cl. Flo-  
ronius Ma-  
crinus Cu-  
rator de  
suo posuit.*

Hic vocem *καίμοξυνάις* legendam esse ducimus x' *αίμοξυνάις*, quippe potuit per incitiam Quadratarum K irripere pro X, ut sensus sit, *Diis Consanguineis*, puta *Saluti*, aliisque Aesculapii Liberis. Aliter tamen hanc vocem interpretatur Cl. Praeful Dominicus Georgius Amicus noster <sup>(2)</sup>, qui hanc Inscriptionem eruditissime commentatus est.

#### I. C. AMADUTII ADNOTATIO

Graecam hanc Inscriptionem nos heic retulimus ad fidem exemplaris, quod ab erudito Viro Iosepho Torellio Veronensi, curante Guidone Vio Monacho Camaldulense, ex autographo ipso diligenter exscriptum, nobis Vir Cl. Ianus Plancus Ariminensis, CLEMENTIS XIV. P. M. Archiater extra ordinem pro sua in nos humanitate committer communicavit; quamvis tamen Venutii nostri interpretationem sartam testam servaverimus, cum ab eadem sane haud a nobis esset discedendum, ut qua ratione hoc monumentum ipse adduxerit, facile constaret: ea enim immutata, idem prorsus a re sua alienum videretur, ut inferius patebit. Verum ad marmoris ipsius fidem confugiendum nobis fuit, cum unumquodque huius Inscriptionis exemplar, quod refert Cl. Praeful Dominicus Georgius loc. superius laud., Muratorius in novo Thesouro veterum Inscriptionum pag. LXXXIV. n. 9., Maffei in Museo Veronen. pag. XXXVI. n. 3., Iosephus Bartholius Cimeliarcha Regius in Marmoribus Taurinensibus Part. I. pag. 222.,


ac tandem Venutius in Mss. schedis, longe & linearum ordine, & litterarum forma differre videremus. Quoniam vero hanc Inscriptionem heic protulit Venutius ob quartam lineam, ubi legitur *KAIMOEYNEITAIΣ*, qua voce ipse Deos Aesculapii *Consanguineos* designari cum Auctore Marmorum Taurinensium censuerat; nos propterea heic advertimus, aliter eandem lineam a Muratorio exponi, qui *Mosynitas Deas* in eandem invexit, & quas proinde, tamquam Numina quaedam a Mosynis antiquis Graeciae Populis peculiari honore exulta habuit. Muratorii sententiae accessit Maffei, qui Epichorios Deos, vel Deas, quarum appellatio *Μοσύνιττε* a Mosyna Phrygiae olim Civitate, ibidem designari existimavit. Nos vero quamquam interpretationem, quae *Consanguineis Diis* indulget, non improbemus omnino; tamen cum ex Ethnicorum Theologia constet, *ἀναιμόνας*, idest *sanguinis expertes*, ut loquitur Homerus Iliad. ε. v. 341., Deos habitos fuisse, quos proinde male quis *αίμοξυνάις sanguine coniunctos* appellaret; tum

ne

(1) *Vid. Dissert. Domin. Georg. in Opusc. Calogerianis primae Collect. Tom. XV. pag. 157.*




ne marmoris fidei vis inferatur, ac praeter necessitatem Quadratarius inscitiae, vel oscitantiae infimuletur, qui X inculpserit K, ut superius Venutius innuit, potius Muratorii, & Maffei summorum Virorum sententiae adhaerendum censemus, qui Graeca Numina Topica ea voce designata voluerunt; quod eo verosimilius efficitur, quod Inscriptio haec ex Troade advecta certo perhibeatur. Supervacaneum modo esset Georgii interpretationem, quam relicit ipse Venutius, nos heic oppugnandam pluribus aggredi, qui *Consubernales Deos* ibidem expressos putavit, cum nemo non videat, quam anxie, non aliter ni-

mirum, ac sutor, qui alutam dentibus protrahat, urgendum sit etymon, ut *Moxyntae* a *σύν-  
ραμι*, vel a *σύνρα* , ut Georgio lubet, repetantur. Tandem monendum a nobis est, hoc ipsum Hygiae Signum ex Hortis Matthaeiis aere caelatum adductum fuisse a Wibrando Geoffio Anglo in Libro, quem Amstelodami anno 1710. patrio idiomate edidit, & cui titulum fecit *Het Kabinet der Statuen*, p.60. Ceterum a Prototypo parumper recedit, quod ibidem Dea craterem dextera manu, serpentem sinistra tenens exhibeatur, quod est omnino contra ipsius Monumenti fidem, ut ex nostro exemplari, quod accuratius sane est, patebit.

## TAB. LX.

## A M A Z O N.

VENUTIUS

 Anc Statuam si quis vel leviter contempletur, facile intelliget pertinere ad Amazonem. Nonnulla habemus apud Auctores de cultu Amazonum; Nonnulla quoque ad eam rem pertinentia attingit Arrianus <sup>(1)</sup>, sed breviter admodum; Nec multo in his diligentior est Strabo <sup>(2)</sup>. Verumtamen qualis earum cultus fuerit, utcumque ex numismatibus, & aliis monumentis cognosci potest. Habitu virili ornatas Amazones exhibet numisma depromptum e Thesauro Caroli Patinii <sup>(3)</sup> a Thyatirenis, & Smyrneis percussum; in eo duae effigies spectantur; Una quidem Mulieris capite turrito, veste autem talari, quae *ποδνῆς* dicitur, eratque feminarum propria; hanc Thyatirae Genium esse, Patinius interpretatur: Altera autem viri armati cum pelta Amazonia, & bipenni, quae Smyrnaeorum insigne fuit. Sub hac effigie latere Amazonem idem Patinius peltae, & bipennis argumento coniicit, nec vanam esse hanc eius coniecturam, alius maioris moduli nummus aereus eodem prope typo, & sub eodem Magistratu percussus arguit, in quo Amazon solito virili habitu spectabilis exhibetur, quemque Morellius <sup>(4)</sup> delineavit ex reconditis Goltzii cotypis. Ceterum & in aliis nummis Amazones cultu virili insignes videre est, ut in nummo Caracallae, qui in Regia Gaza adservatur. Non desunt tamen

(1) *Lib. VII. de Alexandri Expedit.*  
(2) *Lib. II.*

(3) *Patin. Numm. Select.*  
(4) *Specimen Rei Nummar.*

tamen nummi, in quibus Amazones veste ad talos demissa, & plane muliebri amictae spectentur, ut in Macrini numismate apud Tristatum <sup>(1)</sup>. Maxime vero id perspicuum est ex nostra praeclarissima Statua, ad cuius similitudinem expressa ea videri potest, quae in Cime-lio Regio <sup>(2)</sup> conspicitur. Sed & baltheo praecinctas fuisse, liquet ex nono, sive ut alii malunt, sexto Herculis labore, per quem Hippolytae earum Reginae baltheo, quo nullus in orbe pulchrior, potitum fuisse comperimus. Praeterea cothurnis usas locus Plutarchi in Pompeio confirmat. Ad id referendum duco anaglyphum illud in urna sepulcrali, quae in Museo Capitolino adservatur, peltarum, & cothurnorum in Amazonum strage refertum. Nostra Statua cothurnos non habet, sed vannum ad latus, peltam, & galeam ad pedes: Papillam habet exertam, arcum laeva tenere videtur, quae omnia Amazonum propria sunt, & explicantur a Petro Petito in sua Dissertatione de Amazonibus <sup>(3)</sup>.

## I. C. AMADUTII ADNOTATIO

Haec a nobis quaedam adnotanda nunc sunt, quae & a Venutio praetermissa novimus, & quae ab eo attingi haud etiam potuerunt. Ac primum quidem advertimus, in parte superiori plinthis, cui haec Statua insitit, haberi hanc Epigraphem, quam omnium primus vulgavit Ioh. Winckelmannius Vir Cl. in Vol. II. Parte IV. Cap. V. pag. 242. veterum Monumentorum anecdotorum, quaeque ita legitur:

TRANSLAT. DE. SCHOLA. MEDICOR  
Scilicet antiquitas in Porticibus praesertim fuit locus, & statio quaedam, instar litterarii Iudi, in quem Philosophi, aliique etiam facultatibus instructi homines convenire consueverant, ut publicis disputationibus, & colloquiis exercerentur. Huiusmodi siquidem Scholam in Porticibus Octaviae fuisse, ex Plinio Lib. XXXVI. cap. 5. facile deprehendimus, quemadmodum Scholam Medicorum in Exquilis fuisse novimus. Nec defunt vetera monumenta, quae nobis litterarios huiusmodi caetus repraesentant. Unum habes in Suburbano Albano, quod instructissimum omnium

tum veterum, tum recentium elegantiarum Armamentarium merito censetur, & in quo nimirum cernitur Musivum exprimens conventum VII. Medicorum, quos in Schola coactos dixcris, non secus ac in codice Bibliothecae Viennensis Saec. VI., iussu Iulianae Aug. descripto, qui Dioscoridis opera continet, & in quo scilicet ope Picturae quadratae, aureum fundum habentis, VII. Medici quinetiam una conserti, & suo nomine instructi exhibentur. Prioris Monumenti typum habes a Winckelmannio adductum loc. cit. Vol. II. num. 185. ; alterius vero imaginem consule apud Petrum Lambecium in Commentario de Bibliotheca Caesarea, Vindobonensi Lib. II. Cap. VII. §. IV. p. 135. B. editionis, quam recentior adornavit Adamus Franciscus Kollarus Vindobonae anno MDCCCLXIX., quemadmodum apud Montfauconium in Palaeographia Graeca Lib. III. Cap. II. pag. 197. huiusmodi Picturae explicatio ex Lambecio ipso petita haberi etiam poterit, etsi ibidem Picturae ectypus desideretur. Ex aliis etiam antiquis Monumentis

(1) *Hist. Aug. T. I.*(2) *Beger. Numm. maxim. modul. Regis Calliar.*(3) *Pag. 141., & seq.*

mentis discimus, huiusmodi Scholas Statuis fuisse instructas; inter quae memorare iuvabit Inscriptionem Monasterii Alexiani in Monte Aventino, quam post Smetium Ord. prim. pag. 12. n. 6., & Guterium pag. 169. n. 5., ceterosque adduxit Vir Cl., & laudati Monasterii Antistes spectatissimus Felix M. Nerinius in Historicis eius Monumentis de Templo, & Coenobio superscripto Cap. XXII. n. IV. p. 348., & in qua Ti. Claudium Secundum Coactorem cum duobus aliis SCHOLAM CVM. STATVIS. ET. IMAGINIBVS. ORNAMENTISQ. OMNIBVS. sua impensa fecisse legimus; ut nunc praetereamus alteram Inscriptionem C. Avilii Licinii Trofii Curatoris a Gruterio pag. 170. n. 3. adductam, qua insuper ab A. Fabio Xantho ipsius Avilii Scholam Signis, & marmoribus de sua pecunia ornata fuisse edocemur. Ceterum de Statuarum translationibus agemus in Sylloge Inscriptionum, ubi de hac Epigraphe sermo redibit, ne heic in re aliena nimis immorari nunc videamur. De hoc nostro Amazonis Signo rursus verba facit Winckelmannius loc. laud. Vol. II. Part. II. Cap. XVIII. pag. 184., ubi ipsum inter VII., quae Romae sunt, Amazonum Signa recenset, ac ibidem merito se mirari ait, cur Paulo Alexandro Maffeo dextera mamma orbata haec nostra Amazonis Imago visa fuerit, dum in eius Statuarum egregia Collectione Fig. CLX. pag. 202. ipsam adduxit. Siquidem vetera omnia huiusmodi Viraginum, monumenta eas utraque mamma insignitas praefereunt, licet una tantum exerta appareat, instar Dianae, cui ex Callimacho in eius Hymno ver. 213. γυμνὴ δὲ παρὲν φαίνεται μαστήρ, nuda semper conspiciebatur mamma. Si Venutius hanc nostram levi, unaque veste (ob quam Amazones apud Euripidem in Hecuba ver. 933. Μονόπεπλοι audiunt) amictam, vestemque cingulo, quod a Polluce Onomast. Lib. VII. segm. 68. σωστής dicitur, sursum protractam monuisset, integriorem, pleniorumque huius monumenti explanationem praebuisset. Ex Maffeo autem, quem supra laudavimus, attulit hoc Signum acre caelatum etiam Montfauconius Antiq.

Expl. To. IV. Par. I. Tab. XIV. n. 2. pag. 2. Insuper illud monere nos oportet, Signum hoc ipsum nunc in novum Vaticanum Museum invecum fuisse beneficio CLEMENTIS XIV. P. O. M. Ceterum alteram, quae Amazonis vulgo dicitur, Statuam consulere poteris, si lubet, apud eundem Maffium loc. cit. Tab. CXXIX. pag. 120., quae in Aedibus Caesiis in Civitate Leonina designatur; sed quae tamen a nostra habitu, ceterisque ornamentis plurimum differt, ut potius Iunonis Reginae censenda sit ex ipsius etiam Maffei sententia. Habes & apud Montfauconium loc. cit. n. 4. aliam imaginem forte Hippolites Principis Amazonum ex Tablino Iustiniano Romae, & duas alias Amazonum formas ex gemmis ibidem; quemadmodum & Amazonum pugna consuli poterit ibidem Tab. LXXI., & LXXII. Tum Montfauconius ipse in To. IV. Supplem. ad A. E. Lib. I. Cap. VI. §. III. Tab. X. n. 2. pag. 16. addert gemmam, quae apud Ficoronium exstabat, in qua exprimitur Amazon gestans humero sagaridem, sive bipennem, & in inscriptione instructa sic:  $\overset{\Delta}{\Theta}$ , nempe  $\overset{\Delta}{\Delta}\theta\lambda\phi$

pugna, quod nempe Amazones semper pugnis, ac certaminibus gauderent. Verum cum transacto Autumno anni MDCCCLXXI. Cortonae effem una cum Cl. Praefule Stephano Borgia a secretis Sacrae Congregationis de Propaganda Fide, vidi in Museo Coratio sive eandem Ficoronianam, sive alteram similem gemmam, in qua exertis litteris legebatur  $\overset{\Delta}{\Theta}$ , nempe

$\overset{\Delta}{\Delta}\theta\lambda\alpha\rho\tau\eta$ , una nempe Amazonum, quae sane lectio mihi, ceterisque verosimilior visa est, quamquam littera  $\Theta$  pro T ibidem proferret, quod tamen in antiquis monumentis haud mirum accidit. Vide & Amazonum ad Troiam pugnam, & Panthesileam ab Achille occisam in Museo Florentino Vol. II. Tab. XXXII., & Achillem, qui eandem morientem sustinet, Tab. XXXIII. n. II., & III., ubi n. I. imago Amazonis bellatrix etiam conspicitur. Tandem apud Laur. Begerium Mus. Brandenb. T. III. p. 318. habetur ipsarum Regina Hippolyte Theseum fugiens.

CLASSIS





Iohanni Winckelmannio <sup>(1)</sup> Melpomenes Tragoediae Praefidis Simulacrum visum fuerat, nunc nos sub Pudicitiae nomine insignem Statuam proferimus. Caput siquidem recens additum est, nec illud sane vel Sabinae, vel Faustinae, aut etiam Liviae vultum exprimere ulla ex parte videtur; quemadmodum etiam nec multo validum argumentum esse videtur, quod pro adstruenda Melpomene ex cothurnis, quibus instructi Statuae huic nostrae pedes adsunt, petit Winckelmannius; Quandoquidem non ita Tragoedorum proprii erant cothurni, quin alii etiam interdum illis calcearentur. Commode siquidem ex Etymologico magno discimus, hunc calceum mulierum proprium fuisse: *Cothurnus, muliebri calceamentum quadrilaterum figura, quadrans utrisque pedibus* <sup>(2)</sup>. Tum etiam prodit Iuvenalis, mulierum infectator acerrimus, quasdam earum, quas parcius natura breviores, contractioresque efformaverat, iisdem usas esse, ut altius attolerentur; qui si tum ab ipsis subducerentur, dimidia sui parte minores, humilioresque videbantur; Sic enim ipsas proinde subfannat <sup>(3)</sup>:

*Si breve parvi*

*Sortita est lateris spatium, breviorque videtur*

*Virgine Pygmaea, nullis adiuta cothurnis.*

Quapropter quid mirum, si cothurnis instructi muliebri huic Statuae pedes aptantur? Tum si Imperatores quinetiam cothurnati in publicum aliquando prodierunt, ut de Caligula praesertim Svetonius <sup>(4)</sup> prodidit, cur non eorum Uxoribus (quarum forte aliquam hoc Signum olim praeferebat, cum antiquo capite, quod nunc abest, donabatur) placuisse interdum credamus hoc calcei genus induere sive ad iuvandam corporis staturam, sive in regii generis ostentationem? His adde, Melpomenem, quae conspicienda venit in celebri Musarum Sarcophago Hortorum Matthaearum, quem Sponius <sup>(5)</sup> omnium primus, & Montfauconius <sup>(6)</sup> ex eo vulgaverat, quemque nos etiam inter Anaglypha proferemus, nudis pedibus exprimi, sed pro eius indicio larvam sinistra, dextera clavam tenere, ut in nummo Familiae Pomponiae apud Fulvium Ursinum <sup>(7)</sup> cernitur. Ceterum magni artificii Statua haec est;

(1) *Monumenti antichi inediti* Vol. II. Part. I. Cap. VII. num. II. pag. 26.

(2) Vid. Argol. ad Panvin. de Ludis Circens. Lib. II. cap. 19., Pinell. ad illum; Casal. de Urb., ac Imper. Roman. splendor. Part. II. cap. 7.

(3) Sat. VI. vers. 504.

(4) In Calig. Cap. 52. num. 2.

(5) *Miscell. Erud. Antiq. sect. II. art. IX. pag. 44.*

(6) *Antiq. Explic. To. I. Part. II. Tab. LVI. pag. 112.*

(7) In Nummis Famil. Roman.

est; corpus enim totum eleganti veste obvolutum tegitur, caput velo, ut proinde ex hoc ipso corporis habitu, qui Pudicitiae mire convenit, Imaginis huius titulum, nomenque mutuari satius duxerimus. Diadema vero, quod capiti superimpositum est, nihil moramur, cum caput, ut diximus, recens adscitum fuerit; etsi non ignoremus diadema ornatum in nummis haberi Faustinae Iunioris caput, ut baccatum, ac margaritis concinne distinctum ibidem etiam diadema ipsum apparet, quod & in capite Statuae huius nostrae conspicitur. Quod ad Pudicitiam pertinet, ut plurimum sedet haec Dea peplo, sive flammeolo vultum obnubens, ut verecundiam, & pudorem exprimat; quod in nummis Herenniae Etruscillae, Lucillaeque praesertim observatur <sup>(1)</sup>. Tandem monendus a nobis Lector est, Statuam hanc inter vetera Monumenta Musei Clementino-Vaticani nuper fuisse adscitam.

## TAB. LXIII.

## FORTUNA.

VENUTIUS



Fortunam, quam esse putarent antiqui, & cuius potentiae, praecclare agnoscimus ex Petronio Arbitro <sup>(2)</sup>:

*Ac tali voluerim Fortunam voce lacessi:*

*Rerum humanarum, divinarumque potestas,*

*Fors, cui nulla placet nimium severa potestas,*

*Quae nova semper amas, & mox possessa relinquis,*

*Ecquid Romano sentis te pondere victam?*

*Nec posse ulterius perituram extollere molem?*

Hac vana opinione ducti ita res suas omnes ab ea pendere arbitrabantur, ut dixerit Plinius <sup>(3)</sup>: *Toto quippe mundo, & locis omnibus, omnibusque horis omnium vocibus Fortuna sola invocatur, una nominatur, una accusatur, una agitur rea, una cogitatur, sola arguitur.* Idcirco, ut ait Lactantius <sup>(4)</sup>, *Simulacrum eius cum copia, & gubernaculo fingitur, tamquam haec & opes tribuat, & humanarum rerum regimen obtineat.* Etsi vero tanto in honore Fortuna ubique esset, & Statuis eidem positis, amplissimisque Templis exstructis tantopere coleretur, non defuere tamen ex ipsis Ethnicis, qui eam merito irri-

derent.

(1) *Vaillant. Num. To. I.*

(2) *Satyric. cap. VIII. num. 15.*

(3) *Lib. II. Cap. 7.*

(4) *Divin. Institut. lib. III.*



derent. Praenestinum eius Templum cum adisset Carneades, quid de eo ille sentiret, ita refertur a Cicerone <sup>(1)</sup>: *Carneadem Chionmachus scribit dicere solium, nusquam se fortunatiorem, quam Praeneste, vidisse Fortunam.* Et magis aperte Iuvenalis <sup>(2)</sup>:

*Nullum Numen abest, si sit prudentia; sed te  
Nos facimus, Fortuna, Deam, caeloque locamus.*

## I. C. AMADUTII ADNOTATIO


Alia plura nota lippis, & tonsoribus prosequitur Venutius noster, quae nos consulto omittimus. Benemerentiorum sed tamen ipse se legenti praeuisset, si eorum vice huiusce Signi exposuisset ornatum. Quare id nos breviter praestabimus. Stat Dea duplici cornu copiae utraque manu insignita, quod sane Fortunae convenit, unde Prudentius Lib. I. contra Symmachum innuit

*Formatum Fortunae habitum cum divite cornu.* Dion Chrysostom. Orat. VI. ait cornucopiae ideo Fortunae tribui, ut per ipsum designatam haberemus τὴν τῶν ἀγαθῶν δόσιν, καὶ εὐδαμονίαν, bonorum donationem, & felicitatem. Verum illud cornucopiae, quod dextera manu gerit, recenter appositum est, cuius loco (ne duplex symbolum inaniter repetitum habeamus) fortasse navis gubernaculum antea exstare poterat, ut in ceteris Fortunae Signis advertitur, quo eandem navigationi praeesse, vel rerum humanarum regimen gerere, innotesceret. Lactantius Lib. Divin. Instit. III., qui est de falsa sapientia, Fortunae Simulacrum cum copia, &

gubernaculo effictum fuisse, testatur; qualis est illa in quibusdam nummis ab Augustinio, & Oudaanio recensitis. Cernitur in capite Modius, qui Abundantiae symbolum praedicatur, quique velo superinducto obtegatur, quod dein ad talos fere protenditur, & cuius limbus sub sinistro brachio recolligitur. Modius enim fertilitatis insignis est, ut patet ex nummo ΜΗΤΡΟΠΟΛΕΙΩΝ de prompto ex Museo Wildeo, etsi Ioh. Vaillantius in nummis Coloniarum, ac Municipiorum sub imagine Fortunae Genium loci contra ceteros nummorum expositores recognoverit. Ceterum Polum etiam in capite effictum quis dicere posset, quandoquidem Bupalus, ut narrat Pausanias Lib. IV., Fortunae Signo, quod pro Smyrnacis efformavit, Polum capiti imposuit cum Amalthaeae cornu in sinistra manu. Longa demum veste ad pedes usque amicitur, quae cingulo alligatur infra ubera, quae sane magnitudine satis insignia exhibentur, ut per ea Fortunam, quae Mammosa dicitur, praesefexi non inepte quis dixerit,

## TAB. LXIV.

## FORTUNA.

 Ornu Copiae hic quoque Fortuna sustinet, ac praeterea gubernaculi capulum. Pausanias in Messenicis <sup>(3)</sup> Homerum Poetarum primum mentionem Fortunae fecisse in Hymno Cereris, in quo Τύχην ipsam, & reliquas Oceani Filias cum Proserpina

VENUTIUS

(1) Cic. Lib. II. de Divinat. (2) Satyr. X. v. 366. (3) Lib. IV.

pina ludentes inducit. Oceano igitur prognatam Fortunam veteres crediderunt, quinetiam unam ex Parcibus, unde Pausanias in Achaïcis <sup>(1)</sup> inquit: Εγὼ μὲν οὖν Πινδαροῦ τὰ τε ἄλλα πείθομαι τῇ ᾠδῇ, καὶ μοιρῶν τε εἶναι μίαν τὴν Τύχην, καὶ ὑπὲρ τὰς ἀδελφὰς τε ἰσχυράν. *Facile autem mihi Pindarus in suis canticis cum alia multa persuadet, tum vero unam esse Parcarum Fortunam, & quidem potestate Sororibus antecellere.* Haec vero ea fuit, quam Lachesim, hoc est Sortem Graeci dixere. Nostra Statua sedens vestem supra genua collectam, & sinuosam habet, quasi bona, & mala, quae impertitur hominibus, gremio contineret. Duas Fortunas excogitarunt veteres, bonam, & malam; huic aduersa omnia, illi prospera quaeque adscripserunt: Bona candido vultu, mala atro pingebatur. Pindarus, & Plutarchus eandem duo gubernacula moderantem commenti sunt. Pausanias in Messenicis <sup>(2)</sup> scribit, Bupalum omnium primum Fortunae Statuam Smyrnae finxisse globum capite sustinentis, manuque Amaltheae cornu, quod frequenter observatur in gemmis <sup>(3)</sup>. Hac figura innuebatur Fortunae id esse munus, largiri, & adimere divitias, quas copiae cornu repraesentat, ac penes eam esse administrationem rerum humanarum, quas suo arbitrio dispensaret <sup>(4)</sup>.

## TAB. LXV.

## ABUNDANTIA.

AMADUCCIUS



Enutius noster Signum hoc Florae, vel Cereris nomine designaverat. Verum dum facilius duplici proposito nomine rem pertingere credit, neutrum assequitur. Nos tamen ad Abundantiam revocamus, quam potissimum ex eo recognoscimus, quod cornu copiae laeva manu sustentet, dextera vero gerat papavera. Fortunae quinetiam concinne succedit Abundantia, quae ex Statii Scholiastae <sup>(5)</sup> fuit *Fortunae Ministra*; ut proinde & Symbola communia utrique fuerint. Ac si Porphyriionem audiamus ad illud Horatii in carmine saeculari <sup>(6)</sup>, ubi dicitur:

*Apparetque beata pleno*

*Copia cornu,*

*quasi corporalem Deam heic accipiendam esse Copiam intelligemus; utique rerum omnium Abundantiam, cui proinde cornu copiae mire conveniat. Abundantiae typis nihil frequentius in nummis; cernitur enim*

(1) Lib. VII.

(2) Lib. IV.

(3) *Causae Mus. Roman. To. I. Sect. II. Tab. XXVII., & seqq.*

(4) *Vid. Lactant. Instit. Lib. III.*

(5) *Thebaid. Lib. IV. vers. 106.*

(6) *Carmen Saeculare pro Imperii Rom. incoluntate v. 59.*

enim haec Dea praefertim in nummis Nervae Traiani <sup>(1)</sup>, tum & Traiani Decii, Gallieni, Carini, Tetrici, aliorumque Impp., ut apud Vaillantium <sup>(2)</sup>, & Montfauconium <sup>(3)</sup> videre est. Nec etiam Signa huius Deae desiderantur, quae apud Caesariacum <sup>(4)</sup>, tum apud Montfauconium ipsum <sup>(5)</sup> ex eodem, quaeque etiam in nupera Neapolitana editione Banierianae Mythologiae <sup>(6)</sup> consuli poterunt. Paullus Alexander Maffei <sup>(7)</sup> Signum Abundantiae pariter habet, quod in Aedibus Altempsianis collocat. Insuper in Lugdunensi Sancti Stephani sacra Aede imaginem Opis, vel Abundantiae sub barbaro apud vulgum nomine *Ferrabo* ad Saeculum usque XVI. perstitisse fertur, ut ex Cl. Martino Gerbertio <sup>(8)</sup> didicimus. Tandem Abundantiae effigiem pictam cernere est in Picturis Herculanensibus <sup>(9)</sup>, si Academicorum illorum coniecturis fane verosimilibus, ac eruditis fides adhibenda est. Sane in horum monumentorum plerisque Symbola, quae diximus, quaeque huic nostro Signo adesse videmus, ut plurimum occurrunt, cornu copiae nimirum, ac papavera, quibus interdum spicae accedunt. Nec Signis dumtaxat, nummis, ac picturis Abundantia exprimebatur, verum, etiam digna habita est, quae Templis donaretur. Huius rei argumentum habes apud Virum Cl. Scipionem Maffei <sup>(10)</sup>, qui vulgavit longam quamdam Inscriptionem Graece loquentem, quam in Isthmo Corinthiaco observavit Sponius, & in cuius linea XIX. habemus ΤΟΥΣ ΝΑΟΥΣ, ΤΗΣ ΕΥΕΤΗΡΙΑΣ, ΚΑΙ ΤΗΣ ΚΟΡΗΣ, nempe *Templa Abundantiae, & Proserpinae*, quae, ut ex eadem Inscriptione eruitur, instauravit P. Licinius Priscus Iuventianus Athletarum Ludorum Isthmicorum Pontifex perpetuus. Verum ad Signum nostrum revertamur. Quare indutam in eo nunc videas hanc Deam eleganti stola ad plantas fluente, ac multis rugis, ac plicis constrictam, quam dein coopertam habes decore fane amiculo, aut palla iisdem plicis, quin & limbis praeclare distincta. Venutius praeterea existimaverat, sub huius Signi vultu latere Augustae imaginem, ac forte Iuliae Severi Coniugis, quam tamen nos aegreprehendimus, dum e nummis ad hanc oculos convertimus.

(1) *Regum, & Imperat. Romanor. Numismata &c.* cura Caroli Ducis Croyiaci, & Arschotani &c. a Biaco incisa, & illustrata ab Alberto Lubeno, & Laur. Begero. Colon. Brandenburg. 1700. Tab. XXXIV.

(2) *In Nummis Impp.*

(3) *Antiq. Expl. To. I. Part. I. Tab. CXCIX. n. 5. usque ad 9.*

(4) *Museum Roman. To. I. Sect. II. Tab. XXX. pag. 74.*

(5) *Ibid. Tab. ead. num. 4.*

(6) *La Mitologia dell' Ab. Banier tradotta in Italiano da D. Maria Maddalena Ginori ne' Pancrazi. To. III. In Napoli 1757. Lib. III. Cap. VII. Tav. 47. pag. 251.*

(7) *Raccolta di Statue ant., e moder. Tav. CXXII. col. 115.*

(8) *Iter Alemannic. pag. 30.*

(9) *Tom. IV. Tav. XVIII. pag. 89.*

(10) *Museum Veronen. pag. XXXIX.*



C L A S S I S V I  
Q U A E C O N T I N E T  
D E O R U M S A C E R D O T E S  
E T  
M I N I S T R O S .

~~~~~

TAB. LXVI.

C A M I L L U S P U E R .

VENUSIUS



Nonnulli putarunt Ganymedem hoc Signo marmoreo exprimi ;  
at nobis magis lubet Camillum in Sacrificiis Ministrum in  
eo agnoscere. Ovidius eum videtur innuere in illo versu <sup>(1)</sup> :

*Stat Puer, & manibus lata canistra tenet .*

Hunc Puerum communi consensu Litterati suspicantur , quem Graeci  
*παῖς ἀμφιβάλῃ* vocant , Latini *Camillum* , idest Puerum paratum ad im-  
peria , quae mandarentur , obeunda . Ceterum Camilli nomen autumant  
ex Etruria in Latium advectum : At ego potius crederem deductum ex  
illo ligneo vase in Sacrificiis usitato , quod forsan Puer hic marmoreus  
in manu gerit , quodque *Camella* scilicet dicebatur . Hinc Ovidius <sup>(2)</sup> :

*Dum licet, apposita, veluti crateri, Camella,*

*Lac niveum potes, purpureamque sapam.*

Marraccinus Marfus legit *Canella* ; Tu legito, ut est in vulgatis . Ca-  
mella vas erat ligneum, in quo lactis potio infundebatur, frequenter in  
sacris adhibitum ; unde nil mirum, si Puer , qui craterem ferebat , Ca-  
melli , vel Camilli nomen adquisiverit . De hoc vase audiendus est Pe-  
tronus <sup>(3)</sup> : *Eunotheca mensam veterem posuit in medio altari, quam vivis  
implevit carbonibus, & Camellam vetustate ruptam pice temperata refecit ;  
Et statim: Tum clavum, qui detrahentem secutus cum Camella lignea fue-  
rat, fumoso parieti reddidit .* Hoc vasis genus Polluci <sup>(4)</sup> est *σκαμίλλα* ,  
quod proprius accedit ad Camillum .

I. C. AMADUTII ADNOTATIO

Non heic dissimulabo , nonnullos Puerum  
hunc censuisse longe ab aris , ac templis ef-

se ablegandum , quod chlamyde indutus ha-  
beatur , non autem succinta veste amictus ad-  
spi-

(1) *Festor. Lib. II. v. 649.*

(2) *Ibid. Lib. IV. v. 778.*

(3) *In Satyrico .*

(4) *Onomastic. hac voc.*

spiciatur, ut Camillus alter occurrit in aenea Statua apud Cauasium in Mus. Roman. To. II. Tab. XLVI., tum etiam in altero Signo apud Equitem Maffei in Stuarum Collectione Tab. XXIV. col. 24., & apud Montfauconium in To. II. Supplementi ad Antiq. Explicat. Lib. I. Cap. V. n. III. p. 15. Tab., quae primae succedit, ac tandem in Signo, quod item Camilli praedicatur, quodque existat in Mus. Capitolino etsi tamen Camillus hic etiam nonnullis incertus sit, ut & mulier apparuerit; quemadmodum insuper succincta veste, quae tamen a veterum more parum recedit, amictus prostat Camillus Puer (& quidem hic etiam incertus) apud Cl. Franc. Ant. Gori in Museo Florentino To. III. Tab. C. pag. 110., quem etiam a Sebastiano Blanchio, ubi de Statuis in Tablino Mediceo adfervatis pag. 93., descriptum videas; nec nisi succinctus tandem occurrit in To. IV. Picturarum Herculanensium Tab. XIII. pag. 65. Siquidem etiam egregia Traiani Columna, antiqua numismata, ac plura anaglypha exhibent Camillum, qui Pontifici, vel Flamini Diali sacra facienti ministrat, amictum brevi veste, ac more ministrantium succincta, cui etiam caput nudum est, nulloque ornamento revinctum, ut etiam a Raphael Fabretto in Syntagmate de Columna Traiani Cap. VI. pag. 159. naviter observatum est. In Museo Kircheriano quin etiam adfervatur marmoris fragmentum, in quo Camillus brevi tunica, & quidem suc-

cincta indutus est, cuius caput, brachia, genua, ac pedes etiam nudati sunt; sicuti e collo utrinque ante pectus pendet infula maior, quae Sacerdotum nostrorum Stolum aemulatur, & dextera simpuvium, laeva pateram gerit, ut ad sacra proficisci, comitante Thurario ministro, videatur. Ceterum si numismata alia consulantur, non semper Camillus Puer succinctus occurrit, quin praetexta indutus etiam habeatur, quam tributam sane Sacerdotibus, ceterisque sacrificiorum Ministris vetera monumenta testantur. Scilicet Iacobus Gutherius agens de veteri Iure Pontificio Lib. II. Cap. 13. nummum profert, in quo adstat L. LENTVLVS FLAMEN MARTIALIS, ut eius epigraphae doceatur: capite praetexta obiecto; quemadmodum etiam in Signo Iulii Caesaris, quin & in altero Neronis, tamquam Pontificum Maximorum, inferius adducendis manifeste advertitur. Iuxta Flaminem vero in laudato nummo adstat Camillus Puer, ipsius Flaminis instar, eadem ornatus praetexta, lituum insuper dextera gerens, baculum, seu virgam sinistra. Quare si vestis succincta non ita Camilli propria est, quin alia quandoque ornatus occurrat, forte nec chlamys, qua in hoc Signo nostro donatur, dedecere Camillum poterit; Quamquam si hoc vestis genere eundem excludi quis censeat, Chlamydatum, ac ignotum Puerum etiam inscribi per nos liceat.

## T A B. L X V I I.

## B A C C H A N S.

**P**Rodit una e Bacchantibus pampinis, & uvae racemis coronata, talarique tunica, cui pellis hircina superiniecta est, eleganter induta. Sinistra superiorem vestem, tamquam palliolum leviter retrahit ab altero latere, ut vas uvis plenum, quod dextera sustinet, melius appareat. Videtur mihi hoc factum illud repraesentari, quod ab Anacreonte <sup>(1)</sup> describitur:

VENUTIUS

Πο-

(1) *Od. L. ὅς Διόνυσον.*

Πότον ἄσoron κομίζων

Γόνον ἀμπελείου τὸν εἰνῶν

Πεπεδνημένον γ' ὁπώρας

Ἐπὶ κλημάτων φυλάσσαν.

*Poculum curas abigens portans*

*Progeniem vitis vinum,*

*Involutum uvis*

*In palmitibus reservans.*

Bacchanalia ex Aegypto in Graeciam Melampus invexit <sup>(1)</sup>. Antiquissimum fuit Graecorum Festum, & simul Atheniensibus solemne, ut ab illo ante Olympiades tempus computarent <sup>(2)</sup>. Ea tertio quoque anno celebrabantur; Aliaque fuerunt rustica, alia urbana. Rustica in agris agebantur mense πυνεψιών. Octobri, vel, ut alii putant, Ἀνθεστηριών. Novembri, ut qui ex peregrinis, aut rus colentibus propter asperitatem hiemis Athenas ad urbana Bacchanalia pervenire non poterant, impia celebritate nequaquam carerent. Urbana mense Ἐλαφβολιών. Februario fiebant. In hac pompa praeibant Bacchantes <sup>(3)</sup>, pampinea Corona ornatae, ferinisque pellibus cinctae; sequebantur alii Silenorum, alii Satyrorum, alii Panum habitu, partim Asinis insidentes, partim hircos ad sacrificium ducentes. Fercula subsequebantur, ac primum vas aquae; Deinde Virgines κανέφοροι, qualos capite ferentes primitiarum plenos. Postea φαλλοφόροι erant, turpe hominum genus; Iterum ἱθυφάλλοι, muliebri veste induti. At cur cetera non taceam, quorum Christianum Virum oblivisci decet, non meminisse? Inverecundam celebritatem diligenter descripsit Lilius Gyraldus, Natalis Comes, & Matthaeus Aegyptius <sup>(4)</sup>. Eam disponebat Archon cum Curatoribus: Ος δ' Ἀρχων διατίθησι μὲν Διονύσια, καὶ Θαιγήλια μετὰ τῶν Ἐπιμελῶν. Archon disponit Bacchanalia, & Thargelia cum Curatoribus <sup>(5)</sup>.

(1) Herodot. in Enterp.

(2) Diodor. Lib. I.

(3) Plutarch. de Isid., & Osirid.

(4) Syntagm. Deor. Gr.

(5) Tollux Onomast. Lib. VIII. Vid. Demost. Orat. 1. in Phil.



## TAB. LXVIII.

## B A C C H A N S.

**E**N altera e Bacchantium choro floribus redimita, quae praeter talarem tunicam lupinam quoque pellem, seu, si velis, hircinam ante pectus praecinctam habet, vestis instar brevioris. Manus, quae desideratur, Thyrsus fortasse; altera uvae racemum complectitur. A mulieribus ut plurimum curabantur Bacchi sacra, praesertim apud Graecos; nam antiquissima illa Dionysia ἀρχαῖα, & μέλαινα dicta penes Athenienses quatuordecim feminae procurarunt. Creabantur autem a Rege sacrorum, nimirum a Cive aliquo optimo, Populi suffragiis hisce peragendis sacris praefecto, cuius uxor, utpote Regina, praeerat ceteris γεραίς Matronis, debebatque Civis Atheniensis esse, non peregrina, spectatae pudicitiae, & quae virgo nupsisset <sup>(1)</sup>. Haec sacra non tantum solis committebantur mulieribus, sed ἄρρητα erat, *arcana* nempe, nec maribus adeunda, nec evulganda. Ad graphice describendam nostram Bacchantem optime convenire videtur hoc loco quoddam Anacreontis, ut creditur, Tetraстichon, alicui profecto subscriptum olim Anaglyphico operi Bacchas exhibenti tres, cultu non multum a nostra dissimiles, ut ex ipso Epigrammate facile constat. Hem illud <sup>(2)</sup>:

Ἡ τὸν θύρσον ἔχουσα Ἑλικωνίας, ἡ δὲ παρ' αὐτὴν

Ξανθίππην, Γλαυκὴ δ' ἡ σχεδὸν ἐρχομένη

Ἐξ ὄρεως χωρεῦσι, Διονύσιον δὲ φέρουσι

Κισσὸν, καὶ Σαφυλὴν, πύονα, καὶ χίμαρον.

*Quae Thyrsus gerit, est Heliconias, altera vero post eam*

*Xanthippe, Glauce autem, quae prope venit.*

*E monte simul redeunt, Baccho autem ferunt*

*Hederam, & uvam, vinum, & anniculum caprum.*

## TAB. LXIX.

## B A C C H A N S.

**S**ignum hoc Venutius noster duplici, eoque diverso titulo insigniverat, ut ipsum pendere animi, innotesceret, an illud pro Flora, vel pro Pomona exponeret. Verum nos nil, quae utramque ostendet, in hoc Signo deprehendimus; Quin potius multa cernimus, qui-

VENUTIUS

AMADUJUS

(1) *Ad hoc argument. Orat. Demosth. in Ver.*

(2) *Ex Anthol. Graec. Lib. IV. Anacreont. Epigr. IV.*

quibus id ipsum Bacchantium Choro accenseamus. Caput floribus, & foliis nonnullis redimitum cernitur, quod Bacchantibus praeter pampinos, & racemos, quin & hederam in usu fuisse, constat ex superiori Signo floribus circa caput ornato, quod Venutius illustravit. Dextera manu coronam gerit, quae tamen recens addita est solita mangonum licentia; Et quam heic expressit caelator, diversa est ab ea, quam in prototypo cernimus. Fortasse in votis fuerat Artifici coronam vitigineam, ad pampinorum vitis similitudinem contextam effingere, qua Bacchus ornabatur. Horatius id innuit <sup>(1)</sup>, dum ait:

*Dulce periculum est,*

*O Lenae, sequi Deum,*

*Cingentem viridi tempora pampino.*

Sinistra autem manu tibiam gestat, quae *sacrifica* a Plinio <sup>(2)</sup> dicitur, cum in sacris, quae Diis solvebantur, introducta esset, quam constat etiam in Dionysiacis adhibitam fuisse. Non defuere olim mulieres, quae tibias inflarent, quae proinde *Tibicinae* audiebant. Quare quid vetat, Bacchantes tibiis usas fuisse? Quin etiam Alexander ab Alexandro <sup>(3)</sup> testatur, Bacchantes ad sonum tibiae (quam ipsae fortasse inflabant) cum lasciva gestikulatione compositis modis psallere consuevisse. Tandem Baccha haec nostra tunicae superimpositam habet pallam, duplici cingulo uno aliud succedente substrictam, ne ita decurtata ad talos pertingat, & interiorem vestem occultet.

## TAB. LXX.

### B A C C H A N S.

AMADUTIUS



Uolubet pignore contendere paratus essem, neminem fore, cui vel in somniis Signum hoc de Minerva exponi posse videatur. Nihilominus Venutius noster in hac fuit sententia, ut id ipsum huic Deae tribuere non dubitaverit. Putat primo in huius Signi capite, quod tamen recens additum est, cerni galeam, quae quantum a galearum forma abludat, quisque, cui solum adire lubeat genuinum alterum Minervae Signum vere galeatum, quod Classe prima <sup>(4)</sup> recensuimus, deprehendere facile poterit. Quare nos potius capiti imposi-

<sup>(1)</sup> *Od. III. 25. 18.*

<sup>(2)</sup> *Lib. XIII. 17.*


<sup>(3)</sup> *Genial. Dier. Lib. VI. cap. 19.*

<sup>(4)</sup> *Class. I. De Diis Caelestib. Tab. XX. pag. 15.*

positam mitram, quae erat mulierum capitis tegumentum, arbitramur. Dein existimat in sinistra manu hastam antiquitus existisse. Verum qua fide, & quo sponse id nobis mercatur? Quidni, si Thyrsum, potius gestasse, Bacchantium more, quis dixerit? His accedit, quod huius Signi ornatus nil commune, habet cum Minerva. Quis enim umquam hanc Deam crine fluxo, etsi recenti Artificis manu addito, Bacchantium instar, advertit? Ast vestis quoque a Minervae gravitate abhorret. Videas enim hanc parum excedentem cruris medium, & delicatori quadam concinnitate fluentem, quam strophium circa lumbos circumdit, & in qua deinde breves manicae, & supra cubitum desinentes conspiciuntur. Haec omnia ita liberius quoddam, & mollius vestienti genus praeferunt, ut severam, & compositam illam in rebus omnibus Minervae consuetudinem non parum dedecere videantur, quin potius ad Bacchantium morem propius accedere potiori ratione quis affirmaret. Tandem in hoc Signo pedes soleatos, sive calceatos habemus, atque hos ipsos calceos ad tibiā usque pertingere, perspicue cernimus, ut iam olim consuevisse nemo est, qui ignoret <sup>(1)</sup>.

## TAB. LXXI.

## SACERDOS CERERIS SACRIFICANS.

 Legantissimum hoc Signum Mulierem velatam exprimit sella indumentem, quae dextera pateram tenet, ad pedes autem duas arculas habet, quarum prope unam bos cernitur, prope alteram sus. Enimvero sus tribuitur Cereri, tamquam propria ejus victima, quod Deae gratum esset spectaculum, si inimicus mactaretur, qui non solum segetes vastat, sed & terram rictu effodiens semina devorat. Idcirco Ovidius ait <sup>(2)</sup>:

*Prima Ceres avidae gavisa est sanguine porcae.*

Cereris Sacra muliebria quidem Romae fuerunt; nec tamen unica, quae a feminis peragerentur. Graecae originis superstitio haec fuit, sed a Romulo ipso recepta, & per feminas Sacerdotes <sup>(3)</sup> abstemias celebrari solita. Non vulgaris est vetus Inscriptio paucis ab hinc annis in Antiatii reperta, nunc in Museo Veronensi <sup>(4)</sup>, in qua habetur

CLA-

(1) Vid. Baldin. de Calceis.

(2) Ovid. Fastr. Lib. I. v. 349.

(3) Fabrett. Apolog. ad Grinov. pag. 6.

(4) Maffei Mus. Veron. pag. 82. n. 2.



CLAVDIA . ATTICA  
 ATTICI . AVG. LIB. A . RATIONIBVS  
 IN . SACRARIO . CERERIS . ANTIATINAE  
 DEOS . SVA . IMPENSA . POSVIT  
 SACERDOTE . IVLIA . PROCVLA  
 IMP. CAESAR . DOMITIANO  
 AVG. GERMAN. X̄T. COS

Insuper Cereris publicam Populi Romani Sacerdotem exhibet Inscriptio altera apud Gruterium <sup>(1)</sup>:

CASPONIA . P . F  
 MAXIMA  
 SACERDOS . CERERIS  
 PUBLICA  
 POPVLI . ROMANI  
 SICVLA

Quid, si haec in nostro expressa sit Marmore?

#### I. C. AMADUTII ADNOTATIO

Quidam nobis auctores fuerunt, ut in hoc Signo Tellurem potius expressam prodere-  
 mus, quod scilicet a dextero latere tympanum eidem adsit, modium autem a sinistro. Verum quis non novit, haec etiam communia Cybeli, quin & Cybelem, & Tellurem promiscue accipi, tum quae utrique conveniunt, facile etiam aptari Cereri, utpote quae ab ipsis etiam parum differat? Ceterum velum, quod capite gerit, & patera, quam dextera manu sustinet, Sacrificantem indigitat. Nec defuit, qui Suovetaurile, sive Solitaurile sacrificium in hoc Symplegmate repraesentari exillimaret; Sed cum huiusmodi sacrificium ex sue, tauro, & ove constiterit, ovis autem heic desideretur, tum & Sacerdos mulier sit, ut praeteream Suovetaurilia a Servio Tullo instituta ad Martem pertinere, & a Cenforibus, cum

Lustrum conderent, celebrari solita in Campo Martio coram omni Romana militia, facile proinde opinionem hanc etiam explodi, nemo non videt. Vide, si lubet, Suovetaurilia expressa in anaglypho elegantissimo apud Sponium *Miscellan. Erudit. Antiquit.* Sect. IX. num. XVIII. pag. 310., ex quo argumenti accessio ad nostram sententiam, te etiam iudice, fiet. Tandem monemus, Gruterianam Inscriptionem *Casponiae Maxima* suspectam esse Cl. Maffeo in *Arte Critica Lapidaria* Lib. III. Cap. IV. col. 318., qui magnis ob singularitatem indigere ait patronis, & adsertoribus, ut recipiatur. Ceterum apud Fabrettium *Inscript. Domest.* Cap. IV. n. 524. pag. 312. exstat Inscriptio posita FLAVIAE . AMMIAE . SACERDOTI . CERERIS.

(1) Pag. 308. num. 4.

C L A S S I S V I I .  
Q U A E C O N T I N E T  
C O N S U L E S .

T A B. LXXII.

L. I U N I U S B R U T U S .

**N**onnulli autumant, elegantissimum hoc Signum Poetum Ar-  
riae Virum repraesentare, sed rerum antiquarum periti L. Iu-  
nium Brutum esse putant, capite nudo, calvoque, ac tristi  
facie. Toga nullo concinno ordine disposita; manus, & digiti inter se  
conferti, instar hominis, cui aliquid triste acciderit; calcei vero simpli-  
ces antiquo more. Hic L. Brutus ex antiquissima Iunia gente regio do-  
minatu populum Romanum liberavit; ac clarissimus, & postremus suae  
gentis fuit, si Dionysio <sup>(1)</sup> credimus, qui nullos reliquisse filios supersti-  
tes tradit; Licet tamen Cicero <sup>(2)</sup> M. Brutum Caesaris interfectorem  
Bruti huius gentilem appellet. Hic quidem duos habuit filios, qui Titii  
Iunii ambo dicti sunt, sed a patre propter coniurationem de reducen-  
dis in Regnum Tarquiniis securi percussi sunt. Hoc igitur Signum,  
quod vultum exhibeat cogitabundum, ac tristem, manus autem, &  
amictum, ceteraque omnia ad moerorem composita, Bruti esse opina-  
mur propter filiorum necem luctu squallidi. Hic cum bellum pro Pa-  
tria cum Tarquiniis, & Latinis gereret, in acie ab Arunte Tarquinii  
filio occisus est <sup>(3)</sup>.

I. C. A M A D U T I I A D N O T A T I O

Henricus Brulacius in *Museo Odeſcalchio*  
To. I. Tab. XXI. pag. 27. adducit L. Iu-  
nii Bruti imaginem ex amethyſto; Tum  
altera eius effigies conſuli poterit inter Sto-  
ſchianas Gemmas, quae etiam ex eis numi-  
ſmate expreſſa eſt Genevae a Iohanne Daſ-  
ſerio, & eius Filiis numiſmatum Caelatori-  
bus. Vide horum Numiſmatum Expoſitio-  
nem num. 6. pag. 7. Aſt nulla vultus ſimi-  
litudinem inter eas imagines, & Signum hoc

noſtrum deprehenditur. Alii tamen, quos  
heic nunc veterum Monumentorum diudi-  
candorum coepit cacoethes ( ſic enim, ut  
ſolſtitialis herba, vel ut fungi erumpere ſo-  
lent, unica hora apud nos nunc enaſcitur  
ineruditus vulgus Antiquariorum ) in ea ſe  
eſſe ſententia affirmant, ut hoc in Signo  
Caius Marius Arpinas exprimat, quod ni-  
mirum Signo altero marmoreo Capitolino,  
quod C. Marii dicitur, reſpondere videatur,  
Verum

(1) *Antiq. Roman. Lib. V.*

(2) *Tuſculan. Quaeſt. Lib. IV.*

(3) *Dionyf. Lib. IV., & V., Liv. I., & II., &  
alii.*

Verum Venutius noster, Caium Marium in Tabula XCVIII. haberi censuit, ut mox videbimus; licet nos Poetam potius ibidem expressum ostenderimus. Ceterum nos, qui neutris credimus, quique huiusmodi Monumentorum incertitudinem probe novimus, quam nulla umquam argumenta adimant, vel imminuant, facile ab omni definitione heic nos temperamus. Quare vel hoc in Signo haberi velint L. Iunium Brutum, vel Caium Marium, cum alter, Regibus exactis, & adserta libertate, Regum insignia, fascēs scilicet, & secures ad Consulium imperium primus traduxerit, cumque alter septies Consul summo Populi studio creatus fuerit, semper mihi optime consultum arbitrabor, qui huic Signo in Consulium Classe locum fecerim. Non desunt tamen perplura Monumenta tum vetera, tum etiam recentia apocrypha, quae vel Caium Marium referre, vel ad eius honorem pertinere multi ex Antiquariis censuerunt, quaeque nos nunc, ne ea ignorasse videamur, tum ut eorum incertitudo magis pateat, summatim referre curabimus. Designavimus iam Signum, quod in Museo Capitolino profat, quodque ad C. Marium spectare aiunt. Eius quidem ectypum habes a Petro Servio Spoletino Medico Romano in Libro, cui titulus: *Iuveniles Ferae, quae continent Antiquitatum Romanarum Miscellanea*, Romae 1611. Cap. I., ubi de Togae virilis fumendae tempore, pag. 8. Sed elegantioris formae dein exhibuit Praeful Cl., ac eruditissimus Iohannes Bottarius in Museo Capitolino To. III. Tab. L. pag. 106. Duo etiam Capita Aedium Barberinarum, tum & Hortorum Ludovisorum, ac Signum etiam Hortorum Viminalium Perettiorum, nunc Nigrinorum, quae in Museo Capitolino laudantur, Mario tribuuntur; ast qua fide, nescio. Brulaeus quinetiam in *Museo Odescalchio* To. I. Tab. XXV. pag. 31. Caii Marii effigiem adducit ex Camaeo, quod ex Achate est, tum alteram quoque profert Nicolaus Galeottius Loyolita ibidem ex Protome, quae ex Achate pariter est, Tab. XLVII. pag. 54. Barberiniam vero Protomen exhi-

bet Causeius in *Museo Romano* To. I. Sect. II. Tab. LV. pag. 105. Vide etiam Caii Marii caput in Plutarchii operum editione a Dacierio exornata, & inter Numismata a Ioh. Dasserio, & eius Filiis Genevae incisa n. 40. pag. 30. Ioh. Faber vero in eius Commentario in *Imagines Virorum illustrium Fulvii Ursinii* num. 88., licet ad imponenda nomina facile adducatur, de Capitolino Signo tamen multum addubitat ob serinium, quod ad illius Signi pedes est, quodque Senatorum, ac Philosophorum, non autem Consulium, inter quos fuit Caius Marius, proprium censet, quod tamen nemo eidem concedet, cum etiam Consulibus serinia convenirent, ut ad Tabulam sequentem ostendemus. Ioh. Fridericus Schoepperlinus in suis *Nummis antiquis rarioribus, & attritis e Tabulis Cronagelianis &c.* Onoldini ann. MDCCCLVII. num. XXXIV. recenset C. Marii numisma cum hac epigraphe: C. MARIVS. VII. COS., in cuius averfa parte legitur: VICTORIA. CIMERICA. Ast ectypus non datur, licet huiusmodi nummi haud infrequentes in Museis occurrant, qui tamen apocryphi censendi sunt. De Marii Nummis cum capite Neptuni, & cum epigraphe C. Marius. C. F., ac tandem a tergo cum biga, ubi habenas regit hippocampus, ac delphinus anchoram custodit, vide Antonium Augustinum Dialog. XII. Neque heic praetereunda Trophaea, quae Caii Marii ob devictos Cimbros esse existimavit Famianus Nardinius, alique plures, quaeque nunc in Capitolii area spectantur. Verum deinde Alexander Donatus Lib. V. cap. 10., Ioh. Petrus Bellorius in *Fragmentis Vestigii veteris Romae* Tab. IX. p. 43. quartae Romanae editionis a nobis adnotationibus, & VI. Tabularum anecdotarum Appendice auctae, Franciscus Ficoronus in *Vestigiis antiquae Urbis* Cap. X. pag. 42., alique, quos mitto, in ea fuerunt sententia, ut bina illa Trophaea Traiano Augusto potius essent accensenda, quod nimirum exstarent in Castello Aquae Martiae in Exquilis ab eodem Traiano restituae; quemadmodum etiam contendere non dubitarunt, eadem referre Ger-



Germanorum, Dacorum, & Sarmatarum arma, de quibus Germanico, & Dacico bello Traianus triumphavit. Trophaea haec etiam in duobus Traiani aeneis nummis secundae formae conspiciuntur, quae tamen ad duas ab ipso relatas victorias, Dacicam unam, Parthicam alteram referuntur, ut & *Dacicus*, & *Parthicus* in iisdem nummis Traianus ipse salutetur, ut nos ad Bellorium loc. cit. adnot. ( 68. ) etiam advertimus. Nihilominus Ioh. Winckelmannius in Monumentis antiquis anecdotis To. I. Tractat. praeliminar. Cap. IV. pag. XCIV. contra receptam omnium opinionem Domitiano Trophaea haec cum nonnullis aliis tribuenda contendit ope cuiusdam Inscriptionis, quae exstabat in veteri loco, ubi eadem cubabant, & ex qua intelligere est, Trophaea haec Domitiano a Liberto, cuius nomen exesum erat, fuisse posita. Legitur haec Inscriptio apud Gruterium pag. 1022. n. 5., & rursus emendatior p. 1084. n. 5., tum & apud Fabretium de *Columna Traiani* pag. 108., qui de Trophaeis hisce fuisse discessit, sed ut tamen integrum cuique esse velit sentire, ut lubet. Quare Winckelmannius eadem Trophaea condita putat, auctoritate eiusdem Inscriptionis, post Dacicam victoriam de Deceballo Rege relata, ex qua tot honores in Domitianum manarunt, teste Xiphilino in Domitian. pag. 217. At Cl. Marchio Scipio Maffei in *Arte Critic. Lapid.*, quam alias laudavimus, Lib. III. Cap. IV. col. 386., & seq. hanc Inscriptionem Gruterio a Celfo Cittadinio communicatam inter

suspectas amandat, dum ait: *Quid ad Trophaea faciat Cittadini titulus, non video, etiam si ob quaestionem de Marii, aut Domitiani, aut Traiani Trophaeis pluries allatus, & memoratus a Fabretto de Columna Traiana; neque enim de Germanis inscribitur, sed illo, ut genuinus sit, Libertus quidam Domitianum Aug. Germanicum honorat.* Tandem ne quid intactum ex Marianis Monumentis relinquamus, memorare etiam iuvabit Ariminensem nostram Inscriptionem, quam, ut ceteros mittam, retulit Gruterius pag. 436. n. 3., & in qua C. Marii gloriosa omnia facinora exponuntur, licet & haec ipsa *vobis* vitio laboret, non solum Maffei iudice in *Arte Critic. Lapid.* Lib. III. Cap. IV. col. 338., sed etiam, nobis ipsis adstipulantibus in nostra ad Cl. Ianum Plancum *Epistola, qua Inscriptiones nonnullae Ariminenses a falsitatis nota, quae eas Scipio Maffei inuulerat, vindicantur*, p. 37. & seq., quae quidem Epistola cusa est anno MDCCCLXVII. in To. VII. Miscellaneorum Lucensium. Quare si parum adeo fidendum memoratis his omnibus Caii Marii Monumentis, quid mirum, si & Imaginibus eiusdem nulla etiam fides a cordatoribus habeatur? Quis enim certo novit, eius effigiem perpetuo aliquo monumento olim fuisse commendatam, ut ad nos quoque modo perlatam comminisci liceat? Quod de Caii Marii effigie solum certum est, traditur dumtaxat a Cicerone, ac Plutarcho, qui vultum austerum eundem habuisse affirmant.

## TAB. LXXIII.

## C O N S U L .

**S**enatoris alicuius, vel Consularis Viri effigiem hanc arbitror. In Statua hac duplex vestis apparet, Tunica nimirum, & Toga. Totidem in usu apud Romanos vestes fuerunt; prima, quae interior, intercula, & subucula dicta est; altera, quae exterior, vel superaria. Tunica angusta fuit olim, & brevior, ac sine manicis, & soluta; Cinctus postea additus est, quod ad lumbos adstringeretur, & mani-

VENUTIUS

manicae appositae. Quae ad pedes Statuae apparet in basi, Cistula est: In hac forma oblonga, & rotunda libelli servabantur, in primis volumina, quorum unum cernere est in sinistra manu huius Statuae. Hinc Iuvenalis <sup>(1)</sup>:

*Iamque vetus Graecos servabat Cista libellos.*

Vocabantur etiam *Capsae*; apud eundem Iuvenalem <sup>(2)</sup>:

*Quisquis adhuc uno partam colit asse Minervam,*

*Quem sequitur custos angustae venula Capsae.*

Qui vero pueris ingenuis ad ludum euntibus libros portabant, *Capsarii* dicebantur, ut interpretatur Ulpianus <sup>(3)</sup>. Nostra Capsula maiuscula est, & clave obserata, vinculo quodam etiam, seu fascia ad latera pendente, ut commodius manu circumferri posset. Ad Capsas huiusmodi, & claves respexit fortasse Horatius <sup>(4)</sup>, cum librum suum in lucem publicam prodire cupientem his verbis adloquitur:

*Odisti claves, & grata sigilla pudico.*

Quomodo libelli, seu volumina intus in Capsa fuerint dispositi, patet ex Sponio <sup>(5)</sup>, & Arringhio <sup>(6)</sup>, aliisque.

#### I. C. AMADUTII ADNOTATIO

At non solum *Cistae*, & *Capsae* locumenta voluminum, & librorum dicta olim fuerunt, verum etiam *Scrinia*. Hinc Horatius Lib. II. Epist. I. vers. 112:

*Et prius orto*

*Sole, vigil calamus, chartas, & scrinia posco.*

Tum & Martialis Lib. I. epig. 67. vers. 5:

*Secreta quare carmina, & rudes curas,*

*Quas novit unus, scrinioque signatas*

*Custodit ipse virginis pater chartas.*

Tandem dicebantur etiam *plutei*, *armaria*, *loculi*, in quibus acta Principum, & Reipublicae asservabantur, ut proinde *Scrinium* hoc ad pedes nostri Consulis hoc nomine quodammodo eidem convenire videatur. Quare hinc quoque factum est, ut praesertim a *Scriniorum* nomine Viri huiusmodi, qui *Capsis* ad pedes instructi sunt in Statuis, *Scriniarii*

dicti fuerint. Praeter Signum illud marmoreum, quod superius apud Sponium designavit Venutius, quodque ad pedes habet *Scrinium* cum hac Epigraphe: *CONSTITVTIONES. CORPORIS. MVNIMENTA*, ac praeter alia *Scriniorum* schemata ibidem allata, habetur quinetiam inferius Sect. IX. n. VIII. pag. 312. Statua altera togata, & laureata, manu libellum aliquem gestans, ad cuius pedes *Scrinium* est, in quo epistolae, & libelli servabantur; Quae omnia etiam a Montfauconio proferuntur *Antiq. Explic. To. III. Part. 1. Tab. VII. num. 3., & 4. pag. 32.* Insuper Paullus Alexander Maffei in *Statuarum Collectione Tab. CXXXI. pag. 122.* profert Statuam *Scriniarii*, quae est in Aedibus Maximorum ad Columnas, quamque etiam ex eodem exhibuit Montfauconius ibid. Tab. VI. n. 3. pag. 30. *Scriniarii* Signum habes quoque

(1) *Satyr. III. v. 206.*

(2) *Satyr. X. v. 116.*

(3) In *L. Si Collectaneus* 11. de *Mammis vindicta*.

(4) *Lib. IV. Ep. XX. v. 3.*

(5) *Miscell. Erud. Antiq. Sect. VI. pag. 216.*

(6) *Rom. Subterr. To. II. pag. 165.*

que apud Cl. Ant. Franc. Gorium in *Museo Florentino* To. III. Tab. LXXXIV. pag. 87., & seqq., cuius expositionem etiam vide apud Iosephum Blanchium in *Descriptione veterum Monumentorum Tablini Medicei* Part. I. p. 86. Tandem Signum alterum ex Graeco marmore Viri toga egregie complicata induti, & Scrinium ad pedes tenentis detectum est hoc anno CIOCCCLXXI. in summo Montis Albani iugo, ubi Templum Iovi Latiali sacrum fuit, ac ubi Feriae, quae Latinae dicebantur, a Romanis, aliisque Latii populis celebrari consueverunt; quarum Monumenta quaedam ibidem pariter anno CIOCCCLXV., licet in fragmenta redacta, in apricum prodierunt, quae ab Odericio Loyolita in eius *Sylloge veter. Inscript.* n. LXXXIV. pag. 231., sed parum accurate, neque integre etiam edita sunt. Signum hoc, licet capite orbatum, tum Fragmenta

ipsa Feriarum Latinarum nuper providentia Ssmi D. N. CLEMENTIS XIV. in Vaticanum Museum ab ipso conditum translata sunt. Consulibus fuisse hoc Signum, ut & nostrum Matthaeanum, non dubito; cum etiam Consulibus Scrinia convenirent, quidquid sentiat Winckelmannius, & Faber ante ipsum, ut supra vidimus. Albano siquidem Signo insuper favet Domus Consulum, quae erat in Monte Albano, nimirum eo loci, ubi nunc palatium exstat, quod & loci vicinitas, situsque ostendit, tum inter alia fasces Consulares vivo lapidi incisi prope ipsum Monasterium Franciscanorum, circa quod cryptae, nymphaea, fontes, & aquaeductus mirabili opere excisi spectantur, ut etiam fidem facit Vir Cl. Lucas Holstenius in *Adnotationibus ad Ital. Antiq.* Cluerii pag. 180. His etiam nimio calamo indulgere, felicitas temporum suadet.



• de Cl. Orsini Scul.



C L A S S I S V I I I .  
Q U A E C O N T I N E T  
I M P E R A T O R E S E T A U G U S T A S .

~~~~~

T A B. L X X I V.

C. I U L I U S C A E S A R .

VENUTIUS

**I**ulius Caesar hic fortasse repraesentatur habitu sacerdotali, & capite praetexta velato. De ea meminit Spartianus in Hadriano <sup>(1)</sup>: *Natali suo ultimo, cum Antoninum commendaret, praetexta sponte delapsa caput ei operuit. Caput enim praetexta in Sacrificiis opertum erat. Audiamus Quintilianum <sup>(2)</sup>: Ego vobis allego etiam illud sacrum praetextatum, quo Sacerdotes velantur, quo Magistratus. Romae Pontifex Maximus caeremoniarum, ac religionum omnium erat arbiter; Hinc Sacerdotium illud tenuit Iulius Caesar, qui omnia sibi vindicare cogitaverat <sup>(3)</sup>. Deinde Augustus, Tiberius, ceterique Imperatores. Nam ut primum quisque ad Imperium evectus erat, amictus ei pontificius offerebatur a Pontificibus, & continuo ei titulus Pont. Max. tribuebatur <sup>(4)</sup>. Summa erat eorum auctoritas; nam omnes lites sacras iudicabant inter privatos pariter, & Magistratus, ac Sacrorum Ministros: Leges etiam ferebant de Sacris, quae nondum scriptis erant mandata, aut quae usu tantum recepta fuerant, si digna viderentur, quae legibus sancirentur. Inde Vitellius Pont. Max. XV. Kal. Augusti de Caeremoniis publicis edixit <sup>(5)</sup>. Nonnulli ex Imperatoribus reperti sunt, qui munia Pontificum ipsi obirent: Domitianus enim officio Pontificis Maximi est functus <sup>(6)</sup>: Eodem & Hadrianus; cum ceteri Imperatores titulo contenti rem negligenter. Sacrificium quoddam proprium, ac peculiare Pontifici Maximo describitur a Prudentio <sup>(7)</sup>. Alexander Severus quoque accepit praetextam, cum Sacra faceret, sed loco Pontificis Maximi, non Imperatoris <sup>(8)</sup>.*

TAB.

(1) Spart. in Hadrian. c. 1.

(2) Declam. 311.

(3) Ex Dion. in vit.

(4) Mid. Mazzol. in diss. ad Num. Mus. Pisan.

(5) Tacit. Lib. XVIII., & Sueton. Lib. VII. c. 1.

(6) Plin. Ep. II. Lib. IV., Bellor. num. XII. Caesar., Spart. in Vit.

(7) In Hymn. Roman. Martyr. (8) Spartian. in Vit.

## TAB. LXXV.

## C. IULIUS CAESAR.

**S**ignum hoc inter Heroes ignotos numeraverat Venutius noster, & dubie, timideque simul in eo Hadrianum repraesentari suspicatus fuerat. Verum temere nimis id pronunciavit Venutius, quandoquidem Signum hoc nostrum Virum exhibet sine barba, quam tamen *promissam* Hadriano tribuit Spartianus in eius vita; quemadmodum etiam eadem donatus in nummis conspicitur, praesertim in iis, in quibus mulieri γενικήν dexteram porrigere cernitur. Dio etiam observavit Hadrianum primum fuisse Imperatorum, qui barbam promissorem nutriverit, cuius causam hanc tradit Spartianus, *ut vulnera, quae in facie naturalia erant, tegetet*. Barbam etiam eidem promissam obiicit Iulianus in Caes. vocans ipsum βαβῆαν ἔχοντα ὑπὸν ἀνδρα σοβαρόν. *Longam habentem barbam virum mobilem*. Quare etiam factum est, ut Theodorus Haseus<sup>(1)</sup> arbitratus sit, secundum partes multas, quas Spartianus Hadriano tribuit, & praesertim quoad barbam, similem eundem fuisse Christo Servatori nostro, cum Damascenus in Epistola ad Theophilum Imp.<sup>(2)</sup> Christum vocet γενεάδα μέλανα ἔχοντα, *nigram barbam gerentem*. Haec eo spectant, ut pateat, nequaquam in hoc Signo repraesentari posse Hadrianum, ut suspicatus fuerat Venutius noster, ob barbae defectum, qui in hoc Signo cernitur, & a quo abhorruisse Hadrianum, iam vidimus. Hinc nos potius Signum hoc I. Caesaris faciem praeferre, opinati sumus, ut quisque numismata conferens effigiem eius gerentia, & Signum hoc nostrum facile cognoscere poterit. Nudus Heroum more Caesar hic exhibetur; dexteram manum protendit, sinistra globum gerit, ut orbis imperium, quod obtinuerat, ostendat, quemadmodum etiam in aliis Imperatorum Signis cernere est.

AMADUTIUS

(1) *Dissertationum, & Observationum Philologicarum Sylloge*. Bremae 1731. *Disputat. de Stat. Haemorrhoidae* Par. III. §. 20. pag. 415.

(2) *Vid. Combess. Manipulum RR. Constantinopol. pag. 110. & seqq.*

AMADUTIUS



Enutius noster hoc in Signo repraesentari Claudium Imperatorem opinatus fuerat. Nos tamen ipsum a vero longe aberrasse contendimus, ac proinde numismatum fide innixi Signum hoc Augusto restitimus. Quare nunc nos advertimus, Augustum exhiberi in hoc Signo sedentem, Iovis, & Deorum more feminudum, globum tenentem dextera, hastam, vel sceptrum sinistra, ad innuendam scilicet Imperatoris divinae similem vigilantiam in Orbis terrarum cura, quem nimirum altera manu, tamquam globum, complectitur. Hinc evincitur, Signum hoc Augusto positum fuisse, postquam apotheosis honores consequutus est, quibus insignendorum Imperatorum etiam viventium, mos, & consuetudo ab ipso Augusto inuenta est. Hinc etiam factum postea est, ut licet vultu proprio, habitu tamen divino exsculperentur, & colerentur Deorum more aedibus erectis, Sacerdotibus, & pulvinaribus attributis. Videas etiam in hoc Signo multa eorum, quae de Augusto adnotat Svetonius <sup>(1)</sup>, scilicet *formam eximiam, & per omnes aetatis gradus venustissimam, tum vultum tranquillum, serenumque, oculos claros, ac nitidos, capillum leniter inflexum, supercilia coniuncta, mediocres aures, nasum & a summo eminentiorem, & ab imo deductiorem, ac tandem staturam brevem, quae tamen commoditate, & aequalitate membrorum occuleretur*. Ceterum supercilia in hoc Signo, ut in aliis omnibus, disiuncta conspiciuntur, quod forte Sculptores eo consilio fecerunt, ne quid a virili dignitate, & accurata vultus conformatione absonum inducerent; quamquam & Theocritus <sup>(2)</sup>, & Coluthus in Helena, ac Dares in Briseide coniuncta supercilia commendaverint. At Aristaeetus <sup>(3)</sup> Amicae suae Laidi disparata supercilia attribuit. Vid. Cl. Winckelmannium in Tractatu Praeliminari ad Monumenta antiqua anecdota <sup>(4)</sup>, qui etiam censuit <sup>(5)</sup> ex veteribus Augusti Signis nonnisi duo tantum nobis superfuisset, quae genuina haberi possint, quorum unum adservatur in Museo Capitolino <sup>(6)</sup>, in quo navis rostrum

(1) In eius Vit. cap. 79.

(2) Idyl. VIII. v. 72.

(3) Epist. I.

(4) Tom. I. Cap. IV. pag. LV.

(5) Ibid. Cap. IV. pag. CX.

(6) Raccolta di Statue del Cav. Maffei Tav. XVI. pag. 17., Mus. Capitol. To. III. Tav. LII. pag. 109.



strum advertitur, quo nempe victoria navalis Aëtiaca ostenditur; Tum ipse iuvenis apparet, & thorace amictus, ut, florente Republica, Viri fortes exhiberi consueverant. Alterum vero ab ipso censetur, quod olim erat in Aedibus Verospianis, non autem Rondininiis, ut idem ait, quodque nunc ad Moschos clanculum properans provide ab exilio revocavit, & in Museo Vaticano collocari iussit CLEMENS XIV. P. M., quem antiqua ipsa Monumenta vindicem, & conservatorem, nisi sensu carerent, nunc habere quodammodo gloriarentur. Id in eo peculiare est, ut caput numquam a collo disiunctum fuerit, quod in antiquis Statuis rarissimum est. Provectior aetate in hoc Signo Augustus videtur, ac nudus est Heroum more.

## T A B. L X X V I I.

## O C T A V I A N U S A U G U S T U S.

**I**mperator, qui heic pallio indutus cernitur, ac laurea coronatus, quique sinistra volumen, dextera pateram gerit, incerto Imperatoris sacrificantis titulo inscriptus fuerat a Venutio nostro; Ac dein ipse oris effigiem perpendens ad Claudium Imperatorem referri posse, arbitratus est. Nos vero ex oris effigie ipsa, quam habemus in nummis, Augustum heic exhiberi, opinamur. Sententiae nostrae calculum addit, quod Signum hoc antiquitus in prospectu Aedium Horti in Caelimontio, Obelisci aream versus collocatum sit post Signum Iulii Caesaris, quod superius adduximus<sup>(1)</sup>; ut proinde ex hoc ordine, quem heic servatum, neque etiam intermissum in ceteris Signis, quae subsequuntur, advertimus, argumentum non leve sumamus, etiam eos, qui olim Signorum huiusmodi concinnae dispositioni praeerant, chronologicam Augustorum seriem ob oculos habuisse, ac propterea, postquam Signum hoc nostrum Augustum ipsum praeferre agnoverunt, statim secundum post I. Caesarem locum ei tribuendum censuisse. Iam supra advertit Venutius<sup>(2)</sup>, Augustum quoque Sacerdotium obtinuisse, omnesque dein, qui eidem in imperio successerunt. Quare non abs re in hoc nostro Signo Augustum intuemur gestantem in dextera manu pateram, sacrificantium more, ut supra innuimus. Calceati pedes in hoc Signo advertendi sunt,

AMADUTIUS

(1) Tab. LXXIV. (2) Tab. eadem pag. 74.

tum insuper monendum, Signum hoc ipsum cessisse nunc Museo Clementino-Vaticano.

## TAB. LXXVIII.

## OCTAVIANUS AUGUSTUS.

AMADUTIUS



Tertium, ac postremum Augusti Signum exponimus, quod Traiano a Venutio nostro falso tributum, eidem, ad quem spectat, laudata Svetonii descriptione, & numismatum fide suadente, restituiamus. Nudus stat ipse, dextera elata sceptrum tenens, sinistra gladii, vel pugionis capulum. Singulare fuit, ac proprium Romanorum Imperatorum pugione, & gladio accinctos incedere. Svetonius de Vitellio ait <sup>(1)</sup>: *Tunc Vitellius solum a latere pugionem Consuli primum, deinde Magistratibus, ac mox Senatoribus singulis porrigens*. Domitianus <sup>(2)</sup> pugionem pulvino subdere solitus erat. Svetonius saepe memorat gladios, & pugiones, tamquam arma Imperatorum peculiaria, quae numquam ab iis ponerentur. Neronem <sup>(3)</sup> vero ita armatum fuisse ex eo apparet, quod cum audisset venisse iussu Agrippinae nuncium Agerinum, gladium, dum mandata perfert, abiecit inter pedes. Pugionem <sup>(4)</sup> *paramerium*, aut *parazonium* vocant Graeci. Martialis de Parazonio loquens ita illud laudat <sup>(5)</sup>:

*Militiae decus hoc, & grati nomen honoris,*

*Arma Tribunitium cingere digna latus.*

Dio <sup>(6)</sup> tali gladio praecingi *παράζωνος* appellat. Sceptrum igitur, & gladius, quae Augustus in hoc Signo gestans conspicitur, imperii insignia rapraesentant, etsi gladii quidem capulus solum appareat, qui ornatissimus omni tempore fuit, ut patet ex Claudiano loquente de Arcadio, & Honorio <sup>(7)</sup>:

*Gestatosque patri capulis radiantibus enses.*

(1) Sveton. in Vitell. cap. 15.

(2) Idem in Domit.

(3) Tacit. Histor. Lib. XIV.

(4) Bulenger. de Imp. pag. 406., & I. Lips. de Mi.

lit. Rom. Lib. III. dial. 3.

(5) Lib. XIV. epig. 32.

(6) Lib. LXVIII. pag. 778.

(7) Lib. II. de Laud. Stilic.

## TAB. LXXIX.

L I V I A .

**S**UB Feminae velatae nomine, quae vel Pudicitiam, vel Pietatem praeferebat, Signum hoc exponit Venutius, quod nos numismatum fidem sequuti Liviae tribuimus, illi nempe, quae Drusilla, & Iulia etiam dicta fuit, Livii, seu Iulii Drusi Calidiani Filia, Augusti quarta Uxor, Tiberio Neroni, cui prius nupta fuerat, adducta. Femina superba, sed mirae sagacitatis, & prudentiae fuit <sup>(1)</sup>. Eadem dicta quoque fuit Augusti Filia, quod, Svetonio <sup>(2)</sup> teste, Augustus moriens Tiberium, & Liviam *heredes reliquit, eosque nomen suum fere iussit*, quod etiam Spanhemius <sup>(3)</sup> optime demonstravit. Hinc pariter factum est, ut per adoptionis iura in novam familiam inserta Iulia salutata fuerit. Quod simul Augusti Coniux, & Filia dicta sit, confirmatur Velleii <sup>(4)</sup> testimonio, qui iisdem temporibus floruit, quique asserit Liviam *Augusti Coniugem, & transgressi ad Deos Sacerdotem, ac Filiam* fuisse. Duo etiam nummi, unus Mediobarii <sup>(5)</sup>, & alter Gori <sup>(6)</sup> afferri possent, in quibus Diva Iulia *Augusti Filia* inscribitur, nisi cum Harduino <sup>(7)</sup> in ceteris vix amplexando nummos, quin & lapides, in quibus Iuliae nomen reperitur, non ad Liviam, sed solum ad Iuliam Augusti Filiam, & Tiberii Coniugem referre liceret. Ceterum multis ex nummis, atque marmoribus constat, post Augusti Coniugis mortem quandoque Liviam, quandoque Iuliam indiscriminatim appellatam fuisse. Sed ad Signum nostrum redeamus, quod quidem recte convenit cum Livia. Cum enim illud Pietatem exhibeat potius, quam Pudicitiam, facile ad eandem ipsum pertinere arbitramur; propterea quod plurium Antiquariorum opinio ferat, nummum quemdam, in quo legitur PIETAS, Liviae esse tribuendum <sup>(8)</sup>, quemadmodum & alios, in quibus habetur SALVS, & IVSTITIA. Verum ut aliquid de huius Signi ornatu attingamus, advertimus, heic exhiberi feminam duplici veste amictam; Interior quidem ita ad talos pertingit, ut tamen pedes cum soleis conspiciendos sinat; superior vero paullo magis decurtata est ob

AMADUTIUS

(1) Tacit. Annal. Lib. I.

(2) In Augusti. cap. 102.

(3) De Usu, &amp; praest. Numism. Dissert. XI. pag. 273.

(4) Hist. Lib. II. Cap. 75. num. 3.

(5) Num. Imper. pag. 53.

(6) Columbar. Liviae pag. XXII.

(7) Hist. Aug. ad ann. Christi XIV.

(8) Vaillant de Num. Imp. To. I., &amp; Patavol. Scr. August. &amp;c.



ob eiusdem limbum supra sinistrum humerum reiectum, ita tamen, ut ante pectus sinum efficiat, ex quo dextera manus se prodit. Sinistra autem manus eandem vestem crispando sustinet, ut ipsa inferne protensa ad vestis oram sese conspiciendam praebeat. Caput eadem superiori veste velatum cernitur, ut Pietatem decet, vel Sacerdotem, cuius munus erat adstare sacrificiis, quae sine velo peragi nefas erat. Hunc ritum innuit Virgilius <sup>(1)</sup>:

*Et positis Aris, iam vota in littore solves,*

*Purpureo velare comas adopertus amictu.*

Ceterum Carolus Patinius ad Svetonium <sup>(2)</sup> profert nummulum aereum rarissimum, quo insuper cultam videmus AIBIAN, ut HPAN Iunonem, & IOYAIAN, ut ΑΦΡΟΔΙΤΗΝ Venerem.

## T A B. L X X X.

### C A I U S C A L I G U L A.

AMADUIUS

**I**nter ignotos Heroes Signum hoc retulerat Venutius noster, & dubie simul Traiano Imperatori tribuerat. Nos vero numismatum praesidio, quae genuinos vultus Imperatorum praeferunt, Caligulae tribuendum censuimus. Sed & eius descriptionem, praeter numismata, dedit Svetonius in eius vita <sup>(3)</sup>, dum ait: *Statura fuit eminenti, pallido colore, corpore enormi, gracilitate maxima cervicis, & crurum, & oculis, & temporibus concavis, fronte lata, & torva, capillo raro, ac circa verticem nullo, hirsutus cetera.* Nec omittenda etiam Senecae de eodem expositio <sup>(4)</sup>: *Tanta illi, ait, palloris insaniam testantis foeditas erat, tanta oculorum sub fronte anili (Lipsius legit simili) torvitas, tanta capitis destituti, & emendicatis capillis aspersi deformitas: Adice obsessam fetis cervicem, & exilitatem crurum, & enormitatem pedum.* Tum alibi <sup>(5)</sup> solum Caii vultum inter horribiliores cruciatus adcenfet. Insuper Plinius <sup>(6)</sup> adnotat in eo *oculos rigentes*; Quorum multa hoc in Signo quisque deprehendet. Nudus praeterea heic ipse adstat, ensis capulum dextera manu fortasse gerens, sinistra pone dorsum remissa. Quod hic Imperator, sicut & plerique alii, nudus exhibeatur, vel id tribuendum Artificis industriae, qui

(1) Aeneid. Lib. III. v. 405.

(2) In Aug. fl. pag. 116.

(3) Cap. 50.

(4) De Constant. Cap. 18.


(5) Lib. III. de Ira.

(6) Lib. XI. Cap. 37.

qui artem, qua in scalpendo valebat, optabat ostendere, vel ex eo repetendum, quod quemadmodum Heroes viribus, & corporis habitudine commendabantur, ita detectis artibus effingi consueverint; ac posrema ratio ea esse posset, ut Imperatores se Semideos proderent; quemadmodum & iam in vivis haberi, & coli volebant, praesertim vero post assequutos apotheosis honores, quibus Deorum caetui sociari opinabantur; Dii siquidem nudi efformari solebant, ut & superius innuimus, quod propter naturae praestantiam vestibus nequaquam indigerent. Praeterquam quod de Caligula nostro praedicatur, eo vesaniae progressum, ut divinam sibi maiestatem etiam vivus assereret, & Statuam suam Hierosolymis adorandam in Templo collocari iusserit <sup>(1)</sup>. Romae etiam Templum sibi aedificavit, in qua Simulacrum eius stabat aureum iconicum, quin & Simulacris Numinum, inter quae illud Olympici Iovis, capite dempto, suum imponi mandavit <sup>(2)</sup>. Ceterum cum in Senatu multi censuissent post eius mortem abolendam Caesarum memoriam, & templa diruenda <sup>(3)</sup>, Statuas ipsius quoque deiectas fuisse certum est, ut putavit etiam Patinius in Svetonium. Quare quae reliqua nunc sunt Caii Signa, in pretio haberi decet.

## TAB. LXXXI.

## TIBERIUS CLAUDIUS.

 Raianum hoc in Signo expressum putavit Venutius; Verum, nos ex oris lineamentis, quae Signum hoc commune habet cum Claudii effigie in nummis insculpta, argumentum duximus, quo idem hoc Signum Claudii nomine inscriberemus. Eius quinetiam descriptionem habes apud Svetonium in eius vita <sup>(4)</sup>, ubi sic ait: *Auctoritas, dignitasque formae non defuit; nam & prolixo, nec exili corpore erat: & specie, canitieque pulchra, opimis cervicibus. Tum addit eidem poplites minus firmos, spumantem rictum, humentes nares, & caput tremulum.* Ast Imperator noster Gladiatoris forma effectus, tamquam ad pugnam stricto gladio expeditus videtur. Brevi insuper chlamyde, seu paludamento indutus cernitur, quae ad dexterum humerum Romano more fibula adstringitur, cum Graecanico ad sinistrum

AMADUTIUS

(1) Hieronymi Megiserii Theatrum Caesar. Lentiis ad Istrum ann. 1616. pag. 13.

(2) Sveton. in eius vit. cap. 22.

(3) Sveton. in eius vita cap. 65.

(4) Cap. 30.

id fieret, ut admonet etiam Fabrettius <sup>(1)</sup>; tum & laevo brachio circumvolvitur ad eam corporis partem ab hoste tuendam. Nudus denique cernitur, Athletarum more, robustaque corporis firmitate, cuius etiam testem habemus Svetonium ipsum, qui Claudium *prolixo, nec exili corpore* fuisse affirmat, ut supra vidimus. Multos Romanos Imperatores gladiatorii ludis usque ad insaniam operam navasse, passim in vetustis Auctoribus legimus. Idem etiam Svetonius <sup>(2)</sup> testatur, Claudium huiusmodi ludis impense delectatum fuisse. Etsi vero multi Imperatores gladiatorios ludos in deliciis habuerint, atque etiam exercuerint, non idcirco verosimile est, eos tali quoque forma fingi voluisse; Sed eos potius Athletis similes exsculptos ab antiquis crediderim, ut eorum aliquod egregium innuerent facinus, aut corporis robur, & habitudinem ad pugnandum ostenderent.

## TAB. LXXXII.

## CLAUDIUS DOMITIUS NERO.

AMADUTIUS

**S**ignum hoc intactum Venutius reliquerat, ac proinde ad eum exponendum nos eiusdem vices expleturi accedimus. Neroniani vultus egypti, quos habemus in nummis, ansam nobis ad ipsum Neronem in hoc Signo detegendum praeberunt. Accedit quinetiam Svetonii <sup>(3)</sup> descriptio, quae sic se habet: *Statura fuit pene iusta, corpore maculoso, & foedo, sufflavo capillo, vultu pulchro magis, quam venusto, oculis caesis, & hebetioribus, cervice obesa, ventre protecto, gracillimis cruribus, valetudine prospera.* Tum addit: *Circa culum, habitumque adeo pudendus, ut comam semper in gradus formatam, peregrinatione Achaica etiam pone verticem summisserit.* Ceterum in hoc Signo Imperator dexteram manum elatam habet, in qua sceptrum conspicitur; Sinistram autem brachium inflexum ventri super umbilicum adhaeret, manu dein in pugnum contracta. Nudus, ut plerique eorum, quos usque adhuc expendimus, quique etiam subsequuntur, exhibetur. Idem Svetonius testatur <sup>(4)</sup>, Neronem citharizandi studio impense tactum fuisse. Hinc Nero Citharoedus cerni poterit in eleganti Ficoroniana Imaguncula apud Causeium <sup>(5)</sup>. Quae de Nerone habentur, ita quisque com-


<sup>(1)</sup> *Inscript. Domest. Cap. V. pag. 400.*<sup>(2)</sup> *Ibid. cap. 21.*<sup>(3)</sup> *In eius vit. cap. 51.*<sup>(4)</sup> *Ibid. cap. 22.*<sup>(5)</sup> *Mus. Roman. To. I. Tab. LVIII. pag. 107.*



comperta habet, ut narrationem nostram nequaquam desiderent. Signum hoc nostrum praeterea ita simplex est, & nudum, ut quod insuper a nobis addendum sit, nihil suppetat.

## TAB. LXXXIII.

## CLAUDIUS DOMITIUS NERO.

 Quantum a pietate, & clementia distat impietas, & crudelitas, tantum quoque abest, ut Signum hoc Antoninum Pium exhibeat, ut putaverat Venutius, cum potius repraesentari ab ipso Neronem, numismata omnia, quae ipsius effigiem praeseferunt, tum crinium cultus aperte suadeant. Duo in Hortis ad Caelium eiusmodi Signa plane similia prostant, quorum unum restauratum fuisse, animadvertimus. Quare nunc observamus, Neronem heic exhiberi laureato capite, & crine concinno, quem scilicet ipse in gradus formatum, & pone verticem submissum gestare post Achaicam peregrinationem consuevisse, superius ex Svetonio innuimus. Insuper caput ipsum praetexta velatum est, sacrificantium more, quemadmodum dextera manu pateram gerit, sinistra volumen, quae omnia ad Imperatorum, & Pontificum munus simul pertinere, perspicuum est. Cistulam, seu capsam Librorum cernimus ad ipsius pedes. Altera huiusmodi clausa videri potest apud Sponium <sup>(1)</sup>, prope quam Praeceptor est docens, non longe autem a puero, qui adstat docendus, conspicitur fasciculus libellorum, seu voluminum, quorum unum puero Praeceptor tradit ex parte explicitum. Cum vero Romae Magistratus, & Caussidici plerumque ostentationis causa magnos voluminum fasciculos secum deferrent in Forum, hinc Iuvenalis <sup>(2)</sup> eos notat, tamquam haberent *magno comites in fasce libellos*. De huiusmodi Cistulis, sive Scriniis superius etiam diximus <sup>(3)</sup>.

AMADUTIUS

<sup>(1)</sup> Spon. Miscell. Erud. Antiq. pag. 229.<sup>(2)</sup> Satyr. VII. v. 107.<sup>(3)</sup> Class. VII. Tab. LXXXIII.

## FLAVIUS DOMITIANUS.

AMADUTIUS



Enutii nostri oculos effugerat Signum hoc, cui nos Domitiani nomen indidimus adducti formae similitudine, quam eius numismata ostendunt, tum a descriptione, quam tradit Svetonius <sup>(1)</sup>, qui eum fuisse ait *statura procera, vultu modesto, ruborisque pleno, grandibus oculis, verum acie hebetiore*, ut nunc mittam cetera, quae mox persequar. Quare nudus stat Imperator noster, pallio tantum ab humero post tergum pendente, quod dein sinistro brachio exceptum sustinetur. Caput Capillamento adscititio decorum cernitur, quo Domitianus utebatur, ut deformitati, quam, teste eodem Svetonio, ei calvitie afferebat, consuleret. Dextera manu ensis capulum, sinistra vaginam gerit. Ad pedes adstat Martis Thorax, qui non ita obuius in Signis advertitur. Iam alibi vidimus Martem ipsum forte sub aspectu Lucii Veri Imperatoris <sup>(2)</sup>, aut alterius, ut propterea hinc constet, decus, & robur sibi ipsis Imperatores mutuari ab huius Dei symbolis consuevisse. Si pedes perpendas, id vitii in iisdem deprehendas, quod notavit Svetonius <sup>(3)</sup> ipse, dum digitos restrictiores Domitianum habuisse, scripto prodidit. Quamvis heic ipsum in marmore expressum habeamus, tamen ex eodem Svetonio scimus, Statuas sibi in Capitolio non nisi aureas, & argenteas poni permisisse <sup>(4)</sup>.

## TAB. LXXXV.

## NERVA TRAIANUS ULPIUS.

VENUTIUS



Tatua haec, quam illustrandam aggredimur, & quae ad Traianum pertinere videtur, civili cultu ornata est sine laurea, tantummodo dextera volumen, sinistra globum tenens. Hic quidem globus mole parvus imponi dexterae solebat priorum Imperatorum; ut videri potest in nummis Augusti, Claudii, Traiani, aliorumque <sup>(5)</sup>. Idem mos servatus est in Statuis, ut cuicumque licebit animadvertere, qui Pinacothecas Romanorum Procerum adeat. Verum Gordiani aevo idem

(1) *In eius vit. cap. 18.*(2) *Class. I. Tab. X. pag. 8.*(3) *Loc. cit.*(4) *Ibid. cap. 13.*(5) *V. d. Vaillant Numm. , & Bellor. Num. XII. Caesar.*

idem globus tam in nummis, quam in Statuis amplior est effectus, quandoque victoriola super imposita; quod posteriores Imperatores longo tempore servaverunt. Toga, & tunica communi usi sunt optimi Imperatores, ut Traianus, Hadrianus, & Antoninus. At Alexander Severus apud Lampridium <sup>(2)</sup> gemmas calceamentis, & vestibus fustulit, quibus usus fuerat Eliogabalus, veste alba contentus, & non aurata, penulis, togisque communibus. Tacitus togas, & tunicas easdem adhibuit, quibus usus fuerat privatus <sup>(3)</sup>. Calcei Caesari Dictatori fuere purpurei, aut rubri <sup>(4)</sup>, quod a ceteris Imperatoribus servatum fuit, quamquam nonnulli gemmas apposuerint; Tam horum, quam Magistratum, & Patriciorum postea altiores, Consulum vero etiam inaurati <sup>(5)</sup>. Demum calcei Imperatorum interdum crepidae, aut soleae fuisse, quas Graeci vocant ὑποδήματα, quia habenis, seu loris adstringerentur pedi, & cruri.

## I. C. AMADUTII ADNOTATIO

Habes sane in hoc Signo, in quo Traianus sedens effingitur, τῆς πολιᾶς αὐτοῦ τὸ γαῦρον, ἢ τὸ σεμνοπρεπὲς τοῦ προσώπου, canitiæ dignitatem, vultusque gravitatem, ex qua, teste Dione in eius vita,

illum agnoverunt Agareni, etsi omnibus imperii insignibus nudatus esset. Signum hoc modo ceteris Vaticani Musei ornamentis, quae CLEMENTI XIV. P. O. M. accepta referri debent, accessit.

## TAB. LXXXVI.

## MARCIANA AUGUSTA.



Venutius noster singulare hoc Signum ad Cererem Reginam re-  
tulerat, verum nobis, qui potius vultus similitudines, quam  
symbola ab imperitis mangonibus addita moramur, Marcia-  
nam Traiani Sororem heic expressam haberi visum est. Constat eius no-  
men ex Arcu Triumphali Anconitano, testibus Occone <sup>(1)</sup>, aliisque An-  
tiquariis, necnon ex quibusdam numismatibus argenteis apud eosdem.  
Haec tandem inter Divas relata est, quemadmodum eundem honorem  
obtenuit post mortem etiam eius Filia Matidia. Papavera, & spicae Ve-  
nutio in causa fuerunt, cur Cererem heic agnosceret, quemadmodum ob  
sceptrum Reginam insuper eandem salutavit. Verum symbola haec re-  
center adfuta conspiciuntur ab audaci, & imperito Artifice, quem fa-

AMADUTIUS

ne,

<sup>(1)</sup> In vit.<sup>(2)</sup> Euseb. in vit.<sup>(3)</sup> Sueton. in vit.<sup>(4)</sup> Cassiod. Lib. XVI.<sup>(5)</sup> In Num. Imp.



ne, ut & alios similes, quibus nunc haec Urbs abundat, iure legis Corneliae de falsis coerceri, ac castigari identidem vellem. Infuper male ab Operis descriptum, atque caelatum fuit hoc Signum, cum alternaverint Symbola haec ipsa, quae in utraque manu exhibentur; Quae enim in Tabula aenea habet dextera, in Marmore gerit sinistra, quemadmodum quae in sinistra manu Tabula praefert, Marmor in dextera repraesentat.

## T A B. L X X X V I I.

## S A B I N A A U G U S T A.

VENUTIUS



Nostra non vulgaris Statua praeter capitis mitellam ei valde similem, quam gestat supra caput Sabina Augusta Hadriani Uxor, ut ex eius nummis agnoscitur, strophio, seu fascia pectorali circumcingitur. Haec adhibebatur ad papillarum tumorem comprimendum. Hinc Catullus <sup>(1)</sup>:

*Nec tereti strophio lactantes vineta papillas.*

Non tantum palliis, sed & palliolis mulieres utebantur, quae perbreve operimentum fuerunt, ut in nostro Signo videre est. Iuvenalis <sup>(2)</sup> mulieres palliolatas memorat, dum ait:

*vel Dorida nullo*

*Cultam palliolo*

Item Martialis <sup>(3)</sup>:

*Hanc volo, quae facilis, quae palliolata vagatur.*

Demum nostra Statua soleas habet. Solea obstragula non habebat, sed tantum quibusdam ligamentis, sive ligulis, quas ansas vocabant, superiori pedis parti obvinciebatur. Plautus in Casina <sup>(4)</sup>: *Si effexis hoc, soleas tibi dabo*. Propertius:

*Profilit in laxa nixa pedem solea.*

## I. C. AMADUTII ADNOTATIO

Heic monere oportet, frustra nos in Hortis Caelimontanis, & in Aedibus ad Circum Flaminium Signum hoc, quod Sabinae Hadriani Uxori Venutius tribuit, exquisivisse. An perierit, vel alio allatum sit, nos quidem plane latet. At Paulus Alexander Mas-

seus in eius Statuarum Collectione Tab. CVII. pag. 99. sub Sabinae nomine adduxerat Signum aliud Matthaecianum, quod nos sub Pudicitiae nomine Tab. LXII. prodire volumus. Et quoniam calamus in manu nobis nunc est, addere etiam liceat nonnulla, quae

strophio

(1) Epigr. LXIII. 65.

(2) Satyr. III. v. 94.

(3) Epigr. Lib. IX. 33. 1.


(4) Aët. III. Scen. 5. v. 63.

strophium a Venutio memoratum plenius illustrent. Anacreon Ode XX. vocat strophium *ταύραν*, & Pollux VII. 65. τῶν μαζῶν τῶν γυ-  
ναϊκῶν ζῶσμα, *mammarum muliebrium cin-*

*ctum*. Apuleius *Metam.* II. rubeum describit: *Et*  
*russa fasciola praenitente aliuscula sub ipsas pa-*  
*pillas succinctula*. Et Virg. *Aeneid.* Lib. I. v. 492:  
*Aurea subnectens exertae cingula mammae.*

## TAB. LXXXVIII.

## A N T I N O U S.

Uamquam nullus locus Antinoo inter Augustos sit, si dignita-  
tem spectes, tamen nunc per nos heic recte collocandus ve-  
nit, quod omnes numismatum illustratores ipsum post Ha-  
drianum statuunt, quodque etiam ipse Iosephus Blanchius in descriptio-  
ne Tablini Medicei <sup>(1)</sup> Antinoi Protomen alteri, quae Hadrianum re-  
fert, succedere voluerit. Quare nos Signum hoc ipsum, quod sub  
ignoti Herois nomine exposuerat Venutius, & in quo tamen primo ob-  
tutu Antinuum quisque facile deprehendat, commode heic post Sabinam  
Hadriani uxorem adducimus. Siquidem nemo est, qui ignoret,  
Iuvenem hunc e Claudiopoli Bithyniae Urbe Hadriano carissimum  
fuisse, qui dum Nilum cum Imperatore navigaret, navi excidit, &  
submersus est magno cum eius dolore, qui ipsum propterea Statua,  
Templo, & Ludis honoravit <sup>(2)</sup>. In eius etiam honorem nummi per-  
cussi sunt, quorum unum refert Patinius <sup>(3)</sup>. Petrus Lambecius <sup>(4)</sup> re-  
fert, quosdam censuisse, Hadrianum prope Salisburgum Antinuum suum  
in aere reliquisse, licet ipse Statuam illam aeneam inventam in ruinis  
Municipii Solvensis potius in honorem Tiberii Barbii Titiani, qui fuit  
Decurio Aemonae, & cuius Inscriptionem adducit, erectam velit. Ce-  
terum Gruterius <sup>(5)</sup> Statuam quamdam pulcherrimi operis olim in Carin-  
thia sitam in Monte Sanctae Helenae, translataeque Salisburgum An-  
tinoi Genium expressisse scribit. Pausanias <sup>(6)</sup> vero testatur, Templum  
eidem apud Mantinenses fuisse erectum, divinosque honores sancitos.  
Tum Bithynios ipsos Templum Civi suo struxisse, probat rarissi-  
mus nummus maximae magnitudinis in Museo Braccasio a Cl. Fabret-  
tio <sup>(7)</sup> observatus; cui accedit alius non minus praeclarus, ac fere si-  
milis

AMADUTIUS

(1) Part. I. pag. 120.

(2) Sex. Aurel. Victor, Spartian., & Xiphil. in Hadrian.

(3) Thes. num. antiq.

(4) Commentar. de Biblioth. Caesar. Vindobon. Lib. II.  
Cap. VIII. col. 395. edition. Vindobon. Cl.  
Kollarii ann. 1769. Vid. & Nicolaum Mey-

rium in Comment. de Statuis, & Colossis Ro-  
landinis edit. 2. Halae Magdeburg. ann. 1729.  
pag. 28.

(5) Inscr. antiq. pag. 989. n. 3.

(6) In Arcad. Lib. VIII.

(7) Inscr. Domest. Cap. VI. pag. 462.

milis olim in Museo Carpineo <sup>(1)</sup>, nunc Vaticano existens; Quemadmodum in nummo etiam apud Trifanum <sup>(2)</sup> Antinous aperte Deus enunciat. Divinum tandem cultum eidem asserit singularis quoque maximi moduli nummus Christianae Svecorum Reginae ab Hostilio Marcello eidem pudendo Numini attributus, quem vide apud Fabretium <sup>(3)</sup>. Praeter hoc Signum duo alia huic simillima quinetiam prostant in Hortis Caelimontanis, quaeque omnia proinde eundem exhibent nudum, palliolo dumtaxat a sinistro humero pendente, quod dein excipit sinistrum brachium, dum dexterum femori eleganter innixum tenet; Quemadmodum ibidem duae etiam eiusdem Protomae habentur, quas altero Tomo horum Monumentorum proferemus. Cl. Winckelmannius in eius Tractatu Praeliminari ad antiqua anecdota Monumenta <sup>(4)</sup>, quae saepe laudavimus, Antinorum referre contendit Signum illud, quod in Capitolio est, quodque in Museo Capitolino <sup>(5)</sup> sub Aegyptii Idoli nomine Cl. Praeful Ioh. Bottarius edidit, qui etiam duo alia Signa eiusdem cinaedi ibidem <sup>(6)</sup> dedit. Antinorum quinetiam exhiberi asserit Winckelmannius in duobus Signis ex Numidico marmore, quae Tubere (ubi olim erat celebris Hadriani Villa) ante Episcopales Aedes prostant, quaeque in laudata a nobis saepe Statuarum Collectione a Maffeo adornata <sup>(7)</sup> consuli poterunt. Tum ipse Maffei attulit ibidem <sup>(8)</sup> praeclarum, ac famigeratum illud Antinoi Signum, quod nunc in Cavaedio Vaticano conspicitur. Insuper infigne Antinoi caput colosseum ex Pario marmore Winckelmannius <sup>(9)</sup> adducit, quod est in Hortis Tusculanis Mondragonis Burghesiorum, ac tandem ibidem <sup>(10)</sup> etiam profert Anaglyphum quantivis pretii Antinorum repraesentans, quod est in Suburbano Albanio, quodque etiam ante ipsum Venutius noster illustraverat <sup>(11)</sup>; qua de re consuli etiam poterit Ioh. Chrysofomus Scarfoius in eius *Observationibus criticis* in Venutium <sup>(12)</sup>. Postremo tandem memoranda etiam nunc est ingens, ac praestantissima Antinoi Protome, quam Fridericus Marcellus Lantes S. R. E. Card.,

& Por-

(1) *Vid. Num. Carpin. Tab. I.*

(2) *To. I. pag. 547.*

(3) *Loc. cit.*

(4) *Cap. II. pag. XXII.*

(5) *To. III. Tab. LXXV. pag. 145.*

(6) *Tab. LVI., & LVII. pag. 115.*

(7) *Tab. CXLVIII. col. 140.*

(8) *Tab. III. col. 3. Vid. Aldrov. Stat. pag. 116.*

(9) *Monum. antichi inediti To. I. num. 179. Vid. To. II. Par. III. Cap. XIV. pag. 235.*

(10) *To. I. n. 180. Vid. To. II. ibid. pag. 235., & seqq.*

(11) *Borioni Collect. Antiq. Roman. Tab. IX.*

(12) *Venetiis per Modestum Fentium ann. 1739. Observ. VI. in n. IX. pag. 8., & 9.*



& Portuensis Episcopus nuper dono dedit SS<sup>mo</sup> D. N. CLEMENTI XIV., qui dein ipsam inter cetera Cimelia, quibus nunc mirifice ditescit Museum Vaticanum a se nunc conditum, reponi voluit.

## TAB. LXXXIX.

## ANTONINUS PIUS.



Enutius noster hoc in Signo Septimium Severum agnoscendum esse, falso sibi persuaferat. Quare nos solita numismatum fide innixi id ipsum Antonino Pio asseri certo posse arbitramur. In hoc sane elegantissimo Signo Imperator veste militari Romana, quae similis Graecae est, amictus cernitur, tamquam ex bello victor. Victoria siquidem, quam ipse de Britannis, Mauris, Germanis, Dacis, Iudaeis, Graecis, & Alanis reportavit, clarum ei peperit nomen <sup>(1)</sup>. Thorax ergo, quem gerit, griphybus, aliisque minusculis exornatur. In medio thorace praecinctus est zona. Retro pendet chlamys, seu palludamentum. Eo calceamenti genere utitur, quod medio crure tenuis pertingit, & quo ima pedis pars non obtegatur. Hoc calceamenti genus *campagus* vocabatur, quod sane in heroica veste saepe observatur; siquidem eo praecipue utebantur Imperatores in triumphis, ac pompis solemnibus, in quibus nimirum exquisitior ornatus ad splendoris ostentationem parabatur. Auctor est Dio <sup>(2)</sup>, Iulium Caesarem iisdem calceis usum fuisse altioribus, & rubri coloris, qui mos ad reliquos Imperatores posteriori aevo processit; Unde Corippus Iustini Iunioris imperialem habitum describens sic ait <sup>(3)</sup>:

*Purpureo surae rutilant fulgente cothurno.*

*Augustis solis hoc cultu competit uti.*

Gladium, seu parazonium insuper sinistra tenet, cuius lamina tegitur vagina, & versus Imperatoris pectus convertitur; sceptrum vero dextera gerit. At Signum hoc Eques Paullus Alex. Maffei <sup>(4)</sup> antea protulerat, atque ex eo dein exhibuit Montfauconius <sup>(5)</sup> in quo sane ex-

AMADUTIUS

(1) *Ins. Capitol. in Antonin., & Sex. Aurel. Vict. in Epitom.*

(2) *Lib. XLIII. pag. 234.*

(3) *Lib. III. 3.*

(4) *Raccolta di Stat. Tav. CV. col. 97.*

(5) *Antiq. Explic. To. IV. Part. I. Tab. II. n. 3. Lib. I. Cap. VII. n. 3. pag. 20.*

primi Antoninum Pium Aug. iidem censuerunt, ut proinde mirari fubeat, Venutium ab eis discessisse, ut supra vidimus.

## TAB. X C.

## M. AURELIUS ANTONINUS.

VENUTIUS

**S**imulacrum Colosseum inter admirandas Urbis Statuas connumeratum ad M. Aurelium potius, quam ad L. Verum pertinere arbitramur. Heroum more Imperator nudus stat, pallio tantum ab humero post tergum pendente ad aliquam Chlamydis similitudinem. Virtus bellica M. Aurelii hoc Simulacro videtur ostendi, qui non fortunae indulgentia, sed meritis ad Imperium euectus est. Ex ipsa Simulacri forma, elataque manu videtur alloqui Milites; forsitan cum Parthicam expeditionem pararet. Capitolinus<sup>(1)</sup>: *Misso L. Vero ad bellum Parthicum, ipse Marcus omnia, quae ad bellum erant necessaria, Romae posuit & ordinavit, & disposuit.* Quid si ad Germanicam expeditionem Imperatoris alloquutio pertineat? Idem Capitolinus<sup>(2)</sup>: *Fratre post quinquennium reverso, in Senatu egit Marcus, ambos necessarios dicens bello Germanico Imperatores; Et paullo post: Contra Germanos res feliciter gessit.* De iis vero triumphavit, praecipue vero de Marcomannis. Ad huius belli apparatus cum, exhausto Aerario, pecunia deficeret, ne gravis esset Provinciis, supellectilem omnem suam privatam, & Palatinam in Foro, auctione facta, vendidit; bellum tum virtute, tum felicitate transegit; dein triumphavit, ac veluti Heros est habitus.

## I. C. AMADUTII ADNOTATIO.

Statua haec Colossea, quam haec illustrat Venutius, prodita iam fuerat a Paulo Alexand. Maffeo in saepius laudata Statuarum Collectione Tab. CVI. col. 99., quam tamen Lucio Vero ipse attribuit. Ceterum ipse etiam facile novit, huius Statuae vultum multum recedere a descriptione, quae est apud Capitolinum in eius vita, & apud Victorem in Epitome, ut proinde Artifex ab ipso ibidem assentationis arcessatur. Videas siquidem praesertim in hoc vultu barbam crispam, & intexam, & plane philosophicae den-

sitatis, qualem Arnobius M. Antonino attribuit, & qualem insuper in nummis eiusdem cernimus, qui XV. Tribunitiae potestatis notam gerunt, quique proinde XV., ac postremo imperii sui anno cusi sunt. Verumtamen caput recens additum est, quemadmodum & truncus multis in partibus reparatus cernitur. Nihilominus inter praeclara Monumenta recenferi meretur hoc Signum, quod Graeci operis sane est, & quo nudus exprimitur (pallio dumtaxat a sinistro humero ad dorsum reiecto) Imperator noster, ut

(1) In vit. cap. 8. (2) In vit.

ut nudus quinetiam habetur in Signo Tablini Medicei Florentiae, de quo consule Blanchium pag. 52. Nudi siquidem Imperatores sculpebantur, Deorum more, praesertim post Apotheosim, sicut etiam ob id Statuae colossae, ut haec nostra, eisdem erigebantur, ceteris quamlibet insignibus viris *ισομέτεροι*, uti observat Casaubonius ad Spartianum in Aelio Vero cap. 7., & Cl. Alexius Symmachus Mazochius,

*Quem nunc emeritae permensus tempora vitae*

*Secreti pars orbis habet, mundusque piorum,*

in *Spicilegii Biblici* To. II. pag. 229., quod quidem ex eo profectum putat, quod cum heroicis temporibus praecipua formae laus in proceritate, ac mole corporis sita esset, ideo Deos tunc Poetae, & Homerus praesertim giganteae staturae fingerent. Postremo tandem Romae impense carus fuit M. Aurelius, ac proinde, teste Capitolino in eius vita, *sacrilegus indicatus est, qui eius imaginem in sua domo non habuit; hodie in multis domibus Antonini Statuae inter Deos Penates consistunt*. Hinc nil mirum, si Imperator noster nudus, ac colossus Deorum more in hoc Signo expressus fuerit.

## T A B. X C I.

## A N N I A F A U S T I N A .

**I** Gnotam Feminam Signum hoc inscribens Venutius facile, ac cito se ab omni difficultate, quin & labore expediverat. Nos tamen numismata, quae Faustinae Iuniori M. Aurelii uxori cusa sunt, prae oculis habentes, facile ab ipsis ad eandem in hoc Signo detegendam opem, ac lumen accepimus; Quemadmodum etiam vultus similitudo plane convenit cum altero huius Augustae Signo, quod sub Pudicitiae symbolo exstat in Aedibus Capitolinis, & a Maffei in sua Statuarum Collectione adducitur <sup>(1)</sup>. Cernitur quapropter Augusta in hoc Signo, quod nos proponimus, tunica, pallaque induta, capillis panniculo coopertis. Huiusmodi capitis tegumentum reticulum appellabatur, quo mulieres ad capillos colligendos utebantur. Hinc Varro <sup>(2)</sup>: *Et quod capillum contineret, dictum reticulum*. Ipsum memorat etiam Iuvenalis <sup>(3)</sup>:

AMADUTIUS

*Reticulumque comis auratum ingentibus implet.*

Cicero redimiculum appellare videtur <sup>(4)</sup>: *Haec Civitas mulieri redimiculum praebeat, haec in collum, haec in crines*. Ceterum non solum marmoreis Signis Annia Faustina honorata est, sed & aureis, & argenteis, ut testis est Capitolinus in vita Antonini, ubi sic ait: *Tertio anno imperii sui Faustina uxorem perdidit (Antoninus), quae a Senatu consecrata est, delatis Circensibus, atque Templo, & Flaminicis,*

*& Sta-*

(1) Tab. XVII. col. 18.

(2) De Ling. Lat. Lib. IV. 29.

(3) Satyr. II. v. 96.

(4) Aët. II. in Verr.



*Et Statuis aureis, atque argenteis, cum etiam ipse hoc concefferit, ut imago eius cunctis Circensibus poneretur.*

## TAB. XCII.

## L. AURELIUS COMMODUS.

AMADUTIUS

**S**ignum hoc Heroem simpliciter inscripserat Venutius noster: Nos tamen facile arbitramur, in hoc ipso Signo Commodum Imperatorem, dum iuvenilis esset aetatis, expressum haberi; quandoquidem hac etiam iuvenili forma cernitur in nummis, in quibus una cum Annio Vero eius Fratre frequenter occurrit. Neque etiam Signa alia defunt, quibus hic Iuventutis Princeps exprimitur; siquidem annorum XII. habetur in Signo Tablini Medicei, ut testis est Blanchius in eius Descriptione <sup>(1)</sup>. Nudus stat Commodus in Signo hoc nostro, Heroum more, ut saepe diximus, palliolo dumtaxat a collo ad dorsum pendente, quod fibula supra dexterum humerum alligatur, ac dein in sinistrum brachium reicitur. Dextera manu sceptrum tenet, sinistra ensis capulum. Nudus ipse incedere etiam consueverat, cum gladiatorios ludos exerceret, ut testatur Herodianus <sup>(2)</sup>. Idem etiam affirmat, ipsum Simulacro illi Colosseo, quod Romanis venerabile erat, quodque Solis effigiem praeferebat, capite dempto, suum imposuisse <sup>(3)</sup>. Xiphilinus quoque asserit, Populum Romanum eidem Statuam auream mille lib. pondo collocasse <sup>(4)</sup>.

## TAB. XCIII.

## L. AURELIUS COMMODUS.

AMADUTIUS

**M**Aurelium Antoninum nunc heic nobis in scenam produxerat Venutius noster, cui forte causam dedit altera equestris, sed aenea, mirabilisque Statua eidem erecta, quae nunc in area Capitolii conspicitur. Ast Eques Maffei pluries laudatus in sua Statuarum Collectione <sup>(5)</sup>, ubi hoc Signum adducit, Hadrianum potius referre existimat, cuius equus Borysthene, & eius Inscriptio adeo celebris est <sup>(6)</sup>, ut nihil a nobis addi nunc oporteat. Nos vere neu-

trum

(1) Part. I. pag. 138.

(2) Lib. I. cap. 15.

(3) Id. ibid.

(4) In Compend. Dion.

(5) Tab. CIV. col. 96.

(6) Vid. apud Petr. Cassendum in vita Peirescii; in Collection. Pisaur. oranium Poemat. To. VI. pag. 285., apud Nic. Meyerium de Stat., &amp; Coloss. Rolandinis pag. 30., &amp; apud alios.

trum sequuti tum ex nummis, tum ex aliis antiquitatis monumentis plura, ac potiora argumenta eruimus, quibus L. Aurelium Commodum equestri hoc Signo exhiberi opinemur. Equo ferina pelle instrato infidet heic Commodus militari sagulo, & paludamento indutus, dextera vero hastam, quae nunc deficit, aut iaculum, sagittamque tenet, forte ad belluam confodiendam. Scimus enim ex Herodiano <sup>(1)</sup>, in deliciis fuisse Commodum cervos, damas, item & cornigera alia, leones quinetiam, pantheras, aliaque id genus nobilissima animalia iaculis confodere. Hinc etiam apud Laurentium Begerium <sup>(2)</sup> cernitur in Achate Eques cursu in pantheram iaculum vibrans, ac sine stapedibus, antiquo more equitans, cuius facies Commodus respondet. Duo quinetiam praeclara Venationis Anaglypha in Aedibus Matthaecianis habentur, in quibus Imperator equo insidens exprimitur, qui ab aliquibus Commodus, ab aliis Gallienus dictus est; Quod nos sane alibi expendemus, cum haec Monumenta illustranda occurrent. Cum vero Statuae erigerentur interdum in ipsius animalis honorem, si quando impense desideratum, dilectumque ab aliquo fuisset <sup>(3)</sup>, nunc sane non imprudenter omnino quis diceret, equum, cui Commodus infidet, non alium esse, quam Prasinum illum, cui idem Imperator aureum Simulacrum fecerat, & de quo ita Capitolinus <sup>(4)</sup>: *Illi passas uvas, & nucleos in vicem hordei in praesepe ponebat, sagis fuco tinctis coopertum in Tiberianam ad se adduci iubebat. Mortuo sepulcrum fecit in Vaticano.* Ceterum constat etiam, consuevisse Artifices Heroibus equos adiungere, vel ut expeditionem exprimerent, vel ut ornamento prospicerent. Hinc manarunt nomina ἡρωεύς, ἡρωελάτης, ἡπιοχάτης, ἡπιοχόμηνς, & similia, quae ab Homero Heroibus tribuuntur, quibus eorum vel nobilitatem, vel virtutem designat. Pindarus <sup>(5)</sup> etiam Heroes ἡρωοδόμοις equorum domitores appellat, non solum ut eorum peritiam, industriadque in agitando equis, sed etiam ut vim, & robur ipsorum significet. Statuae equestres quidem dedicari consueverant, vel ob victorias in ludis, ut patet ex Plinio <sup>(6)</sup>, vel ob ludorum editionem, ut ex Gruterii Inscriptione <sup>(7)</sup> eruitur, ubi legitur: OB. INSIGNEM. EIVS. EDITIONEM. MVNERIS.... PLACVIT. EQVESTRI. STA-

(1) Lib. I. cap. 15.

(2) Thesaur. Brandenburg. To. I. pag. 125.

(3) Vid. laudatum Meyerium loc. cit. pag. 29., &amp; seq.

(4) In vit. Commod. cap. 6.

(5) Nem. IV. 48.

(6) Hist. Lib. XXXIV. cap. 5.

(7) Pag. 440. n. 1.

STATVA .... ORNARI., vel ob militarem virtutem, ut docet Iustinus <sup>(1)</sup>, dum ait: *De exercitu Alexandri CXX. equites cecidere, quos Rex..... Statuis equestribus donavit*; vel tandem ob merita in Rempubli-  
cam, ut ex Doniana Aquileiensium Inscriptione <sup>(2)</sup> discimus, in qua  
Viro erga eorum Remp. optime merito poni videmus STATVAM .  
EQVESTREM . AVREAM . IN . FORO . A . C . ALVIO . POL-  
LIONE . QVO . MAGIS . ETIAM . CETERI . AD . BENEFA-  
CIENDVM . IN . REPVBICA . PROVOCENTVR; Quemadmo-  
dum etiam non ob aliam forte causam Statuam aeneam ab Hercula-  
nensibus promeritus est M. Nonius Balbus, cuius celebris est Inscr-  
ptio, quam Marcellus Venutius <sup>(3)</sup>, alique attulerunt. Verum ut ad  
nostrum Commodi equestre Signum redeamus, sciendum est, nonnullos  
ex vulgaribus Antiquariis id recenti scalp-  
ro elaboratum censere, cum-  
tamen opus, quod a nobis attente oculis undequaque lustratum est,  
antiquitatis notas praeferat, licet quid novi etiam ob restorationem,  
quam tulit, ostendere alicubi videatur.

## T A B. X C I V.

## M. AUR. BASSIANUS ANTONINUS CARACALLA.

ANADULUS

**R**urfus Venutius noster M. Aurelium Antoninum nobis obiece-  
rat, quem perperam tamen se in hoc Signo agnoscere opina-  
batur, cum omnia oris lineamenta ad Caracallam potius per-  
tinere videantur. Imberbis quidem heic Caracalla ostenditur, cum ipse  
imperium iuvenili aetate obtinuerit, natus nimirum XXIV. annos; li-  
cet quod sine laurea conspiciendus nobis praebeatur, facile persuadeat,  
heic ipsum nobis iuniorem exhiberi, tanquam solum Caesar renuncia-  
tus. Hinc in nummo ΦΙΛΙΠΠΟΠΟΛΙΤΩΝ *Philippopolitarum* in Thracia,  
quem parvi moduli exhibet Cl. Erasmus Froelichius in Appendicula  
ad Nummos Urbium Graecarum, quos Vaillantius edidit <sup>(4)</sup>, cernitur  
caput nudum Caracallae cum epigraphe solo Caesaris titulo insignita Κ. Μ.  
ΑΥΡ. ΑΝΤΩΝΕΙΝΟC *Caesar Marcus Aurelius Antoninus*. Insuper heic nu-  
dus heroum more Caracalla conspicitur, palliolum super humerum ge-  
stans

(1) Iustin. Lib. XI. cap. 6.

(2) Inscr. Class. I. 84.


(3) Descrizione delle prime scoperte dell' antica Città  
d'Ercolano &c. Part. II. cap. VI. pag. 95.(4) Vid. Erasmi Froelich e S. I. de Familia Vaballathi,  
& eiusdem Appendiculas duas ad Numismata a  
Vaillantio edita, curante Iosepho Khehl e S. I.  
Vindobonae 1762. Append. II. n. LXII. pag. 94.



stans, & globum manu tenens ad orbis terrarum imperium designandum. Refert Capitolinus <sup>(1)</sup>, Macrinum Imperatorem duas equestres Statuas, toridem pedestres habitu militari, & duas sedentes civili vultu Caracallae posuisse. Nonnulla huius Augusti Capita, seu Protomae habentur etiam in Aedibus Farnesianis Transiberinis, in Museo Capitolino, & in Suburbano Albanio, quae quidem satis elegantes sunt, etsi, artibus iam prolabantibus, effectae sint. Ceterum multum discriminis advertitur inter antiqua Monumenta, quae Caracallam iuveni, & quae propecta aetate exhibent, siquidem teste Spartiano <sup>(2)</sup>, *vultu etiam truculentior factus est, prorsus ut eum, quem puerum scirent, multi esse non crederent.*

## TAB. XCV.

## P. LICINIUS GALLIENUS.

 X numismatum comparatione quis non videt Gallieni effigiem hic repraesentari? Valeriani Imperatoris hic Filius fuit omnibus Imperatoriis artibus a puero instructus; Augustus etiam a Patre appellatus multa bene gessit in imperii initio; Sed Patre <sup>(3)</sup> a Sapore Perfarum Rege postea capto, omnibus lugentibus, ipse laetatus est, quod, excusso paternae subiectionis iugo, vino, libidini, & popinis tradere se totum posset. Anno tandem imperii XV. Aureoli fraude <sup>(4)</sup>, contra quem profectus erat, a suis interfectus est prope Mediolanum natus annos L. Thema natalitium hic Imperator idem sumpsisse videtur, quod Augustus, & Vespasianus; in nummis <sup>(5)</sup> enim, quos percussit, Centaurus sagittas emittens apparet cum epigraphe: APOLLINI. CONSERVATORI. AVGVSTI. Ex quo nonnulli putant, Gallienum, expeditione in Orientem suscepta, hoc signum Sagittarii, quasi thema suum protulisse, & Solem, & Apollinem in eo signo expressum sibi tutelarem Deum significare voluisse. Eo regnante, XXX. Tyranni variis in locis exsistere, qui rem Romanam misere perdiderunt.

## I. C. AMADUTII ADNOTATIO

An Venutius noster recte de hoc Signo, quod Gallieno tribuit, coniecerit, prorsus ignoramus; quandoquidem in perlustrandis omnibus Mattbaecianarum Antiquitatum Monumentis nobis hoc Signum haudquaquam conspicendum occurrit. Quid autem de eo evenerit, nos pa-

riter latet. In Delicio Albanio suburbano existat Gallieni Protome elegantissima, quae indicio est, bonas Artes nondum ea aetate prolapsas, ut censuerat Ficoronius in Observationibus in Diar. Ital. Montfauconii p. 14. Vid. Winkelmannium laud. saepius Tract. Prael. Cap. IV. p. CI.

(1) In vit. Macrin.

(2) In eius vit.

(3) Sex. Aurel. Victor. in Valer.

(4) Id. in Gallien. (5) Vaillant, & alii.

C L A S S I S I X.  
Q U A E C O N T I N E T  
R E G E S B A R B A R O S .

T A B. X C V I.

M I D A R E X P H R Y G I A E.

VENUSIUS

**I**N nummo, quem refert Sponius <sup>(1)</sup>, caput Midæ cernitur cum pileo, cuius vertex in anteriorem partem flectitur, & cum epigraphe: ΜΙΔΑΚ. ΒΑΣΙΛΕΥΣ. Idem observari potest in Hadriani nummo <sup>(2)</sup> cum epigraphe: RESTITVTORI. PHRYGIAE, & in aliis Iliensium nummis, in quibus Aeneas exhibetur hoc tegumento cooperatus. Quin & Ulysses hoc modo pileatum animadverti in nummo Gentis Mamiliæ. Bocchum Numidiæ Regem vulgo appellant hanc satis praeclaram effigiem, eo quod vultus, manusque sint ex nigro marmore, cum reliquum corpus ex quadam alabastrite praegrandibus maculis notata constet. Nos quidem ad aliquem ex Barbaris Regibus potius Orientalibus, quam Africanis hoc Signum pertinere ducimus; Nam in numismatibus Iubæ Mauritaniae Regis aliud capitis tegumentum videre est; Pileum vero, qui in hoc Simulacro est, ad Phryges, Parthosque <sup>(3)</sup> spectare arbitramur. Deus Lunus in nummis Phrygiæ Urbium hoc insignitus pileolo aspicitur, item Paris Priami Filius ut plurimum <sup>(4)</sup>. Cetera vestimenta omnino illis similima sunt, quibus braccatos Barbaros observamus indutos in Arcu Triumphali Constantini, in Aedibus, & Hortis Farnesiis, & Columnensibus, & in Capitolio. Quis iste noster sit, nescimus. Paris, vel Priamus esse nequit, cum eorum alter nimis sit iuuenis, alter vero nimis senex. Ceterum Midam potius, quam alium quemlibet heic haberi suspicamur. Ad tempora Traiani, Hadriani, vel Antoninorum sculptura referri potest. Habitus proprius est nonnullorum Asiae Populorum: Eo indutus incedebat Manes <sup>(5)</sup> Haeresiarcha, cum in Romano imperio novam effutiret doctrinam, ut illum descri-

(1) *Miscell. Erud. Antiq. Selt. IV. pag. 130.*

(2) *Vid. Ursin., & Fabrett. Inscr. domest. n. 144., & de Column. Traian. pag. 379.*

(3) *Vid. Morell. Specim. Rei Numm.*

(4) *Beger. in Tab. Iliac.*

(5) *De Cange Gloss. l. 19. c. 13.*

describit Diodorus <sup>(1)</sup>. Hae caligae dicebantur *Saraballa*, atque a Ter-  
tulliano *Sarabara*.

## I. C. AMADUTII ADNOTATIO.

In Tablino Mediceo, ut ex Blanchio disci-  
mus Par. I. pag. 88., existat Signum huiusmo-  
di, quod ipse Midæ nomine inscribere ausus  
est. Phrygii hominis vultus cernitur in lapil-

lo inter *Gemmas antiq. litteratas* Franc. Fi-  
coronii Par. II. Tab. III. Fig. II. pag. 74.,  
quarum illustrator Nicolaus Galeortius ad  
Midam pertinere coniectando opinatur.

## TAB. XCVII.

## PTOLEMAEUS REX AEGYPTI.

**H**Anc Statuam diademate, ac scepro insignitam nonnulli ge-  
neratim ad aliquem ex Ptolemaeis Aegypti Regibus referunt.  
Ego vero, si divinandi locus datur, ex numismatibus ad  
Ptolemaeum Cleopatrae Selenae Virum, ac Mauritaniae Regem referen-  
dum censerem, qui a Caligula ob splendidiorem purpuram, qua indu-  
tus ad Theatrum accesserat, interfectus est.

VENUTIUS

## I. C. AMADUTII ADNOTATIO.

Pergit Venutius adnotare nonnulla de riti-  
bus Statuarum dedicandarum, quae sane tan-  
tum abest, ut opportuna, ut ipse ait, cen-  
seamus, ut ea ipsa inopportuna potius, ac re-  
secanda quinetiam nos modo duxerimus.  
Quod ad Ptolemaeorum Signa, Capita, alia-  
que Monumenta pertinet, in ea sumus opi-  
nione, ut cum Joh. Winckelmannio in Tract.  
Praelim. ad Monum. antiq. anecdota Cap. IV.  
Sect. II. pag. LXXXIII. nihil ad ipsos ea-  
dem spectare existimemus. Forte intorti ca-

pilli, quibus donantur Ptolemaeorum capita  
in nummis, quique & in hisce marmoreis  
Imaginibus conspiciuntur, ansam dederunt,  
ut ipse ait, ad Ptolemaeorum nomen eisdem  
tribuendum. Incerti Ptolemaei Protome ad-  
fertur a Laur. Begerio in *Thesauro Branden-  
burgico* To. III. pag. 326. Ceterum nullum  
rarius, quod Ptolemaei nomine gaudet, Ca-  
put adest, quam aeneum illud, quod in De-  
licio Albano extra Portam Salariam adser-  
vatur.

(1) In *Ant. Archelai* pag. 69.



C L A S S I S X.  
 Q U A E C O N T I N E T  
 M I S C E L L A N E A.  
 T A B. X C V I I I.  
 P O E T A.

AMADUTIUS

**S**ignum hoc de Caio Mario Venutius exposuerat, de quo nos quidem ad Tabulam LXXII. <sup>(1)</sup> verba fecimus. Ast nos modo heic nullum certum virum ex facie nobis ignota prorsus deprehendentes, ex habitu tamen, ac symbolis, quae se produnt, Poetam heic repraesentari existimamus. Caput huius Imaginis calvum est, facies gravis, & seria, aetas provec̃ta, ac toga, ex qua manus exerta cernitur, perbrevis est, ut caligas conspiciendas praebat. Sinistram manu, & medico digito anulum gerit, ut & moris erat antiquitus <sup>(2)</sup>. Statuas ipsas insignitas fuisse annulis, docet Plinius <sup>(3)</sup>, qui ait Numae, & Servii Tulli Statuas in Capitolio anulum habuisse, quod confirmatur a Cicerone <sup>(4)</sup>, qui ex statu, amictu, annulo, & imagine Scipionis Africani Statuas esse colligit & quae ad Opis, & quae ad Pollucis Aedem positaerant. Cycnus, sive Olor ad pedes adstat, qui cum Appollini dicatus esset <sup>(5)</sup>, cumque, ingruente fatali momento, voce, cantuque praecipue praestare perhibeatur <sup>(6)</sup>, facile nobis argumento fuit, Poetam heic nobis indigitari. Quod Poetis erectae Statuae fuerint, patet ex eo, quod Africanus prior Q. Ennii Statuam sepulcro suo imponi, clarumque illud nomen, immo vero spoliū ex tertia Orbis parte raptum, in cinere supremo cum Poetae titulo legi voluerit <sup>(7)</sup>. Poetarum Statuae etiam in Bibliothecis statuebantur; ac proinde ipsas in Bibliotheca Apollinis fuisse, tradit Plinius <sup>(8)</sup>. Hinc Iuvenalis <sup>(9)</sup> sic Telesinum Poetam compellat:

*Ut dignus venias bederis, & imagine macra.*

Nec

(1) Pag. 69., &amp; 70.

(2) A. Gell. Noct. Attic. Lib. X. cap. 10., &amp; Macrobi. Saturnal. Lib. VII. cap. 13.

(3) Hist. Nat. Lib. XXXIII. cap. 1.

(4) Epist. 1. ad Attic. Lib. I. Vid. &amp; Ioh. Kirchmann. de Annul. cap. 2.

(5) Apul. Florid. pag. 829., &amp; Cic. Tuscul. Quaest. Lib. I.

(6) Aelian. Var. Hist. Lib. I. cap. 14., Rhodig. Antiq. Lect. Lib. IX. cap. 5., Themisth. Orat. VI. pag. 164., &amp; alii.

(7) Meyer Commentar. de Statuis, &amp; Colossis Rolandinis. Halae Magdebur. ann. 1739. pag. 13. Libellus XXXVIII. 56.

(8) Epist. I. 13. (9) Satyr. VII. c. 29.

Nec aliud innuere voluit Persius <sup>(1)</sup>, cum ait :

*Illis remitto , quorum imagines lambunt*

*Hederæ sequaces .*

Huius etiam rei testimonium esse poterit Rustici cuiusdam Epistola ad Eucherium, quam edidit Cl. Sirmondus in adnotat. <sup>(2)</sup> ad Sidonii Epist., ubi haec habentur : *Sed dum haec tacitus mecum revolveo , occurrit mihi , quod in Bibliotheca studiosi saecularium litterarum puer quondam , ut se aetatis illius curiositas habet , praetereundo legissem . Nam cum supra memoratae aedis ordinator , ac dominus inter expressas lapillis , aut ceris discoloribus , formataeque effigies vel Oratorum , vel etiam Poetarum , specia- lia singulorum autotypis epigrammata subdidisset Esc. , ut nunc , quae longius subdit Rusticus iste , praetereamus , qui quidem epigramma etiam refert , quod Virgilii imagini subiectum legebatur . Virgilii Statua etiam Mantuae a multis retro saeculis habebatur , quam quia Carolus Mala- testa Ariminensis , victis , fugatisque apud Mantuam hostibus , ut de Poetis quoque triumpharet , evertere , & deturbare non dubitavit , multa in se infensa scripta concitavit <sup>(3)</sup> . In Monasterio Casinensium Caesena- e , ut habetur in *Itinere Italico* Mabillonii <sup>(4)</sup> , exstabat marmoreo monu- mento apposita quondam Inscriptio in honorem Auli Lucretii Historici , & Poetae , cui ob excellentiam ingenii Statua concessa , & in aprico illo Monte , nunc Deiparae sacro , dicata dicitur , quam & Aldus Ma- nutius Iun. <sup>(5)</sup> , & Gruterius <sup>(6)</sup> attulerunt , sed qua *inter omnia spuria nihil sit ineptius* , ut Gruterius ipse monuit <sup>(7)</sup> . At Cl. Claudiano Impp. Arcadius , & Honorius effigiem in Foro Traiano posuerunt cum epigra- phe , in qua nempe sic legitur : STATVAM . IN . FORO . DIVI . TRAIANI . ERIGI . COLLOCARIQVE . IVSSERVNT <sup>(8)</sup> . Habes qui-*

(1) In Prolog. v. 5.

(2) Epist. X. Lib. II.

(3) De diruta Statua Virgilii T. V. V. eloquentissi- mi Oratoris Epistola . Ex Tugurio Boni sub Apolline . In To. III. Amoenitat. Litterar. Ioh. Georg. Schelhornii inter Memorabilia D. Raym. de Krafft pag. 225. habetur : Leonardi Aretini in Carolum de Malatestis propter derogationem Statuae in memoriam Maronis factae Invektiva . Hanc ex Ms. Krafftiano , forte Auctori coaeva , quod videretur inedita , totam ibidem inseruit Schelhornius . Tum in Bibliotheca Paul. Lips. adservatur Petri Pauli Vergerii Invektiva in Carolum de Malatestis , qui Virgilio , & cunctis

Poetis detrahebat . Vid. Ioach. Fellerium in Ca- talog. eiusdem Biblioth. pag. 296. Consule tan- dem Cl. Hesselii Epist. de celebrando Natali Maronis , Mabillon. Mus. Ital. To. I. pag. 207. , & Ioh. Albert. Fabricium Bibl. Latin. in Virgilio .

(4) Iter Ital. To. I. pag. 41.

(5) Orthograph. v. Caesena .

(6) Inscript. antiq. pag. 432. n. 2.

(7) Ibid. ad calc. inter Corrig. , & Animadv. pag. 7. col. 1. Vid. & Mabillon. Mus. Ital. To. I. pag. 42. , & Fabricium Bibl. Latin. in Lucretio .

(8) Barth. Adversar. Lib. XLIX. cap. 1. , & 19. , & Gruter. pag. 391. n. 5. Vid. & Fabricium in Claudiano .

quinetiam apud Gruterium <sup>(1)</sup> Inscriptionem Oppidi Hisconii in Regione Ferentana, ex qua discimus, Plebem universam Hisconiensium **STATIVAM. AERE. CONLATO. DECREVIT. L. Valerio. L. F. Pudenti**, qui cum esset annorum XIII., Romae certamine Iovis Capitolini, lustro sexto, claritate ingenii coronatus est inter Poetas Latinos omnibus sententiis Iudicum. Suas insuper effigies Poetae Graeci habuerunt, ac praesertim divinus Homerus, cuius Statuae nimirum Athenis quoque in Arce servabantur <sup>(2)</sup>, quas recensere nimium foret.

## TAB. XCIX.

### HISTRIO.

AMADUTIUS

**S**ignum hoc, quod duplex erat in Hortis Matthaeianis ( quandoquidem utrumque nunc cessit novo Vaticano Museo, quod ex munificentia CLEMENTIS XIV. P. O. M. excitatur ) praeterierat Venutius noster. Quare nos ad illud illustrandum modo accedimus, ac primo quidem monemus unum ex Signis hisce iamdiu allatum a Sponio <sup>(3)</sup>, etsi Antonius Franc. Gorius, ut infra videbimus, nullam huiusmodi Histriionis, seu Pantomimi imaginem ab Antiquariis adductam pronunciaverit. Sponianum Signum unum esse ex nostris facile censemus, quod quidem, ipso teste, Romae effossum est anno MDXCII. in Quirinali retro Sanctae Susannae Aedem. Scilicet utrumque exhibet Histriionem supra basim sedentem, eiusdemque angulo dextera manu innitentem. Utrumque quinetiam caput habet floribus, & vittis coronatum <sup>(4)</sup>, quod longo capillitio inferne crispato obtegatur; tum larva eius facies obtegatur, quae est ore admodum patulo, seu ut vox clarior ex ore emitteretur, seu ut auditorum risum excitaret, cum ob id & oculi admodum aperti conspiciantur. De Larvis huiusmodi consulendus Agellus Mariscottius, Ioh. Bapt. Pacichellius, Eph. Henr. Bergerius, Nicolaus Boindinius, ac omnium nuperrimus Franciscus Ficoronus. Insuper pallium sinistro humero utrumque sustinet, quo ad dexteram destituitur, quodque solutum est, ac breve, cum ad genua tenus tantum pertingat; siquidem, ut adnotat Donatus <sup>(5)</sup>, *Servi Comici amictu exiguo conteguntur, paupertatis antiquae gratia, vel quo expeditiores agant.*

(1) *Inscript. antiq. pag. 332. n. 3.*

(2) *Haymii Thesaur. Britann., interprete Alqvio Comite Christiano &c., Vindobonae 1763. To. I. pag. 207.*

(3) *Miscell. Erud. Antiq. Sect. IX. num. 1. pag. 312.*

(4) *Vid. Caroli Tuschalii Coronar. Lib. V. cap. 5., & Lib. IX. cap. 1.*

(5) *In Fragment. de Trag., & Com.*



agant. Sinistrae manus digito, qui index dicitur, anulum gestare videtur, cuius pala interne conversa est ad palmam, ut illud, quod de Gygis annulo praedicatur, credas renovari <sup>(1)</sup>. Histriones donatos fuisse annulis, ex eo patet, quod Sylla Roscium Comoedum eo honore affecerit <sup>(2)</sup>, & Decimum Laberium Mimum Iulius Caesar <sup>(3)</sup>. Licet anulus digito, qui minimo est proximus, gestaretur, ut ad Tab. XCVI. superius adnotavimus, tamen indici quoque tributus est aliquando <sup>(4)</sup>, ut & in hoc nostro Signo advertitur. Quare annulus, quo index ornabatur, a Graecis *νογίαν* peculiari nomine dicebatur <sup>(5)</sup>. Caligis barbaricis praeterea, ut Mimus magis ridiculus appareat, crura induta conspiciuntur, & pedes calceis, qui & lemniscis alligantur; tum pes pedi superimponitur. Non absimili modo exprimitur Davus in antiqua Terentiani Cod. Ms. Vaticanae Bibliothecae Pictura; cum barbaris nempe calceamentis, & ore quinetiam, oculisque multum apertis. Winckelmannius <sup>(6)</sup> insuper de hisce Signis Matthaeianis verba faciens adnotavit caligas ad pedum talos pertingentes, quas *subligacula* vocari ait, ut nimirum ex Cicerone <sup>(7)</sup> patet, qui ad rem nostram perapte pronuntiavit: *Scenicorum quidem mos tantam habet vetere disciplina verecundiam, ut in scena sine subligaculo prodeat nemo*. Alterum Signum, & quidem persimile edidit Ant. Franc. Gorius, quem supra laudavimus, in *Austario ad Disceptationem Dominici Georgii de Locatoribus Scenicorum* <sup>(8)</sup>, quod ita describit: *Perraram, atque oppido insignem perlubet heic adferre imaginem ex aere faberrime factam antiqui Pantomini, cui similem nec video adlatam in Opere Cl. Ficoronii de Personis Scenicis, nec apud alios, ni fallor, egregios Antiquitatum Interpretes. Ea huiusce magnitudinis olim exstabat Florentiae in Museo pulcherrimo Iohannis Nardii Viri eruditissimi &c. Quam elegans sit imago haec Pantomini, haud satis facile explicari potest. Cernimus eius caput inter vittas rosis (ut reor forsitan aureis intextis) coronatum. Pantomimorum coronae, quam ornatae essent, quoque artificio, quibusve ornamentis compositae, hinc perspicue colligimus. Vultum persona rectum habet pallenti biatu, quo vox maximo sonitu ad spectatorum aures perveniret. Pallio ornatur, sedetque in basi, qua specie &*

Comoe-

(1) Cicer. de Officiis Lib. III. cap. 3.

(2) Macrob. Saturnal. Lib. II. cap. 10.

(3) Sveton. in vit. Iulii cap. 39. num. 3.

(4) Plin. Hist. Natur. Lib. XXXVII. cap. 1.

(5) Polluc. Onomast. v. 16.

(6) Monument. antichi inediti Vol. II. Part. IV. Cap. IX. num. II. A. pag. 254., e 255.

(7) De Officiis Lib. I. cap. 45.

(8) Symbol. Litterar. edit. Florent. Vol. II., cit. Dissert. Cap. XI. pag. 185.

*Comoedi quoque in Gemmis sculpti, & in aereis Signis apud eundem Ficoronium occurrunt praesertim in laudato opere Tab. XVIII., XXVII., XXXVII., in quibus quandoque bases ipsae coronis circumcinguntur.* Praecipua discrimina, quae intercedunt inter imaginem Gorianam, & nostras, in eo praesertim sunt, quod nostrae marmoreae, illa aenea, tum nostrae larvam habeant ore angustiori, & annulum in indice sinistrae manus gerant, qui in altera desideratur. In ceteris & vestis, & cultus, & totius corporis conformationibus vix unam ab alteris distinctam agnosceres. Histrionibus quidem Statuae concessae sunt, ut de Mnestere Histrione Dio Cassius testatur <sup>(1)</sup>, cui nimirum Messalina Aug., quae ipsum etiam ad concubitum per Claudium Virum suum callide coegit, ἀνδρῶν τὰς ἐπιμήσατο, Statuas fecit. Huic addi etiam potest C. Iulius Bathyllus Aug. Libertus, cuius meminit Phaedrus Conlibertus in Fabulis <sup>(2)</sup>, & cui Statuam cum Inscriptione iam antea positam, tum inter cetera Monumenta Columbarii Liviae hac dein aetate inventam tradit Franciscus Ficoronius <sup>(3)</sup>. Ceterum per haec Signa nostra, quae nunc illustravimus, Ars Mimica exprimi etiam potuisset, non autem peculiaris homo ullus ex Histrionum grege. Histrionum vero Etruscorum figurae habentur in parvis Sigillis ex aere, quae vidimus in Museo Coratiano Cortonae, & quorum ectypum etiam habes in edito *Museo Cortonenfi* <sup>(4)</sup>, praeter alia quinetiam, quae alibi occurrunt.

## TAB. C.

## GLADIATOR.

AMADUTIUS

**D**E hoc Signo omnino filet Venutius, in quo cum nos nullam effigiem, quam numismata praeseferant, deprehendamus, ex ipso coporis habitu, quem exhibet, eidem Gladiatoris commune nomen indidimus. Novum non est Gladiatoribus Statuas decretas fuisse, qui mos etiam apud Athenienses obtinuit, qui, si quem Athletarum victorem designabant, Statuam illi obnixo genu cum scuto, porrecta hasta, impetum excipientem effinxerunt, eo quod Chabrias Miles Agesilai hoc statu impetum excipere docuit, & victor fuit <sup>(5)</sup>. De Ro.

(1) *Historiae Roman. Lib. LX. cap. 22. edit. Reimar.*  
Vol. II. pag. 959.

(2) *Lib. V. Fab. VII.*

(3) *Maschere Sceniche Rom. 1736. Cap. V. pag. 36., & seqq.*

(4) *Tab. XVIII., & XIX. pag. 26.*

(5) *Alexand. ab Alexand. Genial. Dier. Lib. IV. Cap. XII.*

Romanorum consuetudine nihil est, quod dicam; huius enim testis sane locuples est, ut ceteros mittam, nobilis illa Gladiatoris Statua, quae est in Hortis Burgheis in Monte Pincio, & quae etiam in Museo Capitolino adservatur, etsi Ioh. Winckelmannius (qui nimio novitatis, & critices studio abstractus omnia fere antiqua Romana Monumenta suis spoliavit nominibus, ut nova inderet) neutram Gladiatorem referre contendat. Hanc enim vel Praeconis, vel Buccinatoris effigiem censet <sup>(1)</sup>, illam vero insignis Bellatoris iconem asserit <sup>(2)</sup>, qui in alicuius Urbis obsidione strenue se gesserit, ut proinde Statua, qua ipse arrecto capite exprimeretur, donari meruerit. Sed quis non videt Litteratissimum Virum, (cui sit terra levis) inanes auras captantem, & amplexantem τὴν σκιάν ἀντὶ τοῦ σώματος, umbram sc. pro corpore? Ceterum indubiam de hac re fidem faciet praeterea etiam Demetrius egregius ille Pancratiastes Statua olim donatus, cuius Inscriptionem in basi repertam in Foro Traiano e Graeco in Latinum vertit, & refert in sua *Gymnastica* Hieronymus Mercurialis <sup>(3)</sup>. Gladiator hic noster dextera manu ensis capulum tenet, vaginam sinistra. Supra dexterum humerum impositum linteum habet, quod per dorsum transiens ad sinistrum latus producit, ut dein pudenda contegat. Putat quapropter Mercurialis <sup>(4)</sup>, eos, qui nudarentur in gladiatorio certamine, usos fuisse subligaculis, ut verecundiae confulerent, probatque historia Orsippi cuiusdam ab Eustathio, & Pausania relata, qui ideo victoriam amisit, quod ipsi subligacula decidissent. Insuper Clemens Alexandrinus id laudis Athletis tribuit, quod numquam in arenam sine subligaculis prodirent <sup>(5)</sup>. Quin Dionysius Halicarnas. <sup>(6)</sup> memoriae prodidit, colligi ex Homero apud priscos illos Athletas turpe habitum fuisse nudos certare; primum autem omnium Olympiade XV. Neanthum Lacedaemonem Olympiaco stadio decurrentem totum corpus denudasse, retentis tamen campestribus subligaculis: Feminae quoque gladiatrices iisdem utebantur, quae cuiusmodi essent, videre quis potest in Statua muliebri aerea, quae in Museo Kircheriano adservatur.

(1) Monumenti antichi inediti Vol. 1. Trattat. Prelim.  
Cap. IV. Seff. II. pag. LXXI.

(2) Ibid. Cap. IV. pag. XCIII., & XCIV.

(3) Lib. I. cap. 12.

(4) Lib. I. cap. 6.

(5) De Paedagog. Lib. III. cap. 9.

(6) Antiq. Roman. Lib. X.



## TAB. CI.

## GLADIATOR.

VENIUS



Iberum aliis esto, cuius sit hoc Simulacrum decernere. Ego quidem, quantum assequi coniectura possum, ad aliquem in gladiatorio ludo praestantem non gravate retulerim. Fuit iis etiam honor, qui eiusmodi certamen exercerent, quamvis infimae fortis hominibus, si viribus, & arte ceteris antecellerent. Non desunt enim aerae icunculae Gladiatorum, Athletarum, atque adeo Ludionum, & eorum, qui servi personam in scena egerant, quorum exstare memoriam veteres voluerunt, nisi forte animi gratia comparatae eae sunt, ut in fictis personis haberent prae oculis eas Artes, quae cum vere exercerentur, summa eos voluptate affecerant. De Statuis non idem facile dixerim, quae certe, maiori delectu habito, praestantibus plerumque in Republica Viris poni consueverant. Magnus earum numerus tum Romae, tum alibi fuit. Imperatoribus nisi eorum permisso excitari non poterant: Libera Republica, auctoritas accedebat Senatus, vel Populi, cum eae ponerentur. Ceterum privati Statuas privatis aliquando erigere soliti, quorum arbitrio interdum relictum fuit, ut locum eligerent. In aliis Civitatibus Corpora, sive Collegia, vel alia hominum genera, quibus in publicum aliquid decernendi potestas nulla fuit, ponendae Statuae facultatem petebant a Magistratu.

## I. C. AMADUTII ADNOTATIO

Pugilis, seu Athletae Signum prostat etiam in Tablino Mediceo, de quo Blanchium consule Part. I. pag. 52. Corporis nuditas, &

robore artuum id Blanchio praecipue suaserunt, quae sane etiam in Signo hoc nostro manifeste se produnt.

## TAB. CII.

## FEMINA VELATA CUM PUERO.

VENIUS



Nter varia capitis tegumenta, quibus olim mulieres utebantur, ut liquet ex Statuis, Capitium est, ita dictum, quod caput velaret; Flammeum deinde, sive Flammeolum, quod genus veli fuit, quo novarum nuptarum caput tegebatur. Appellatum autem Flammeum est, quod a Flaminica, hoc est Flaminis Uxore primum deferri

ferri solitum sit, eratque coloris lutei. Lucanus de Martia iterum nubile (1):

*Lutea demissos velarunt flammea vultus.*

Plaga praeterea, quae tegmen grande lineum erat (2), quale fortasse est, quod spectatur in hac Statua; quemadmodum etiam plaga olim Vestales Virgines operiebantur. Puerulus ad Feminae latus praetexta indutus Bullam manu gerit, quae insigne fuit praetextatorum Puero- rum, praefertim si aurea: Libertinis enim fuit scortea. Haec e collo ante pectus gestari solebat, tamquam Pueros a fascino tueretur (3). Utrum autem rotunda ea esset, an cordis formam referret, ut videtur haec esse, quae manu gestatur a Puero, ambigunt non pauci. Rotundae sunt, quas videmus in Statuis, ut & aurea illa CATVLVS inscripta, quae servatur in Museo Chisiano. Amuleta vero aliquot posteriorum temporum, mole tamen multo minora, quam Bullae olim essent, cordis figuram, vel frondis referunt. Pileolus vero, quo Puer obtegitur, rotundus est; hac vero forma eum fuisse, scribit Divus Hieronymus ad Fabiolam. Gerebant hunc Pueri ad aeris intemperiem vitandam, ut & galerum, qui a galea dicitur. Quare inter hunc, & pileolum aut nullum intercessisse discrimen, aut parvum videbitur; rotunda enim galea est, ut & forma pileoli.

#### I. C. AMADUTII ADNOTATIO.

Non desuit, qui nobis auctor esset, ut Galeriam Faustnam in hoc Signo agnoscere- mus. Sed quid Faustinae Aug. commune cum Puero, etsi quae forte eiusdem vultus linea- menta heic quoque qualicumque casu depre- hendi contingeret? Ast humilis, & mode- stus habitus obnuptae huius Feminae, quae eleganti quodam capitis motu Caelum suspi- cit, quaeque dexteram manum in sinuoso velamenti recessu receptam habet, ac fini- stram manum erectam ad genam admovet, eaque vultum ipsum sustentat, huiusmodi qui- dem est, ut tristem, ac supplicem eandem praeferebat. Ad Feminae latus qui astat Pue- rulus, praetexta indutus, & rotundo pileo- lo in capite insignitus, aliquid etiam certe significat. Hinc fuit, qui censuerit, Signum

hoc votum, seu donarium fuisse, quod Ma- ter pro Filii incolumitate Diis Salutaribus ob- tulerit, se ipsam proinde, & puerum in ima- gine exhibens. Quapropter macer puer in vultu cernitur, tum praetexta accurate ami- citur, quam alii penulam temere existimant, quae arcta erat, non sinuosa, ac ad cruris medium, non ad pedes pertingens, ut apud Auctores de re vestitaria veterum discere est. Insuper pileum, seu birrum habet, quo ca- put obtegitur, & quo sane utebantur pueri, ut hinc pileus Hesychio τὸ ἐφήβων φόρημα *gest amen epheborum* audiat, ad aeris intem- periem arcendam iuxta utilissimum Ascræi praeceptum Lib. II. Oper. v. 543: κεφαλῆφι δ' ὑπερθεῖν πῖλον ἔχον ἀσηκτον, ἵν' ὕατα μὴ καταδύνη. *Supra caput vero pileum habe-*

to

(1) *Lucan. II. 361.* (2) *Baysius de Re vestiar. Cap. XIX.* (3) *Vid. Ficoron. della Bolla d'Oro.*

to elaboratur, ne aures humefiant. Quod practer faciei maciem birrus quinetiam in capite infirmæ valetudinis signum præferebat, vel ex eo patet, quod numquam Romani caput operirent, nisi Saturnalium, vel spectaculorum aperto caelo editorum, vel itineris, aut morbi etiam tempore. Hoc insuper innuit Ovidius *de Arte amandi* Lib. I. vers. 737:

*Arguat & macies animum, nec turpe putaris  
Pileolum nitidis imposuisse comis.*

Nec aliud portendit, quod apud Artemidorum Lib. I. cap. 22. *Oneirocrit.* legitur: *Ἐρπια δὲ αὐτῶν τριχῶν ἔχον, ἰσθμὸς μακρὰς, & φθῆσιν προαργέουσι.* Lanæ pro capillis habere longos morbos, & tabem significat. Hinc etiam factum censemus, ut puer Telephorus, qui inter Numina Salutaria censetur, cucullari veste, seu cucullata lacerna, quæ aegrorum statum designat, semper indutus in veterum monumentis occurrat. Talis est, quem habes apud Sponium *Miscellan. erudit. antiqu.* Sect. IX. pag. 312. n. III., ad pedes nimirum Statuæ Aesculapii, quam ex eodem Sponio protulit & Montfauconius *Antiq. expl.* To. I. Tab. CLXXXVI. n. 6. pag. 286., tum ex Equite Paullo Alex. Maffeo rursus exhibuit ibid. Tab. CLXXXVII. n. 2. pag. eadem. Alteram similem Telephori imaginem ex Foucaultio consule ibid. Tab. CXCI. n. 1. pag. 292. Tum Telephorus ipse inter Aesculapium, & Hygiam eodem vestimenti, & pilei genere indutus habetur in *Gemma ex Iasp. r.* apud Cl. Gorium *Mus. Florent.* Vol. I. *Gemmar. antiqu.* Class. IV. Tabul. LXVIII. n. VIII. pag. 134. Tandem, cum elapso Octobri anni MDCCCLXXI. Perusiae essem una cum Cl. Praefule Stephano Borgia Patrono, & Amico incomparabili, vidi in Museo olim Montemellinae Gentis, nunc vero Borgiae illius Urbis patriciae parvum Signum ex aere pueri Telephori penula induti, & pileolum in capite gestantis, quod utpote adscititum ligamento ad collum adnectebatur, ut per eum & aperiri, & obtegi caput eiusdem pueri, instar mobilis operculi, ad libitum posset. Ad infirmæ valetudinis in-

dicium referri etiam possunt calcei, quibus pedes pueri in Signo hoc nostro undique obteguntur, cum solis sandaliis, quæ imas tantum plantas muniunt, puerorum pedes eleganter induti in veterum monumentis occurrant. Nunc vero observanda venit figura illa cordiformis, quam puer noster manu gerit, quamque ad Bullam, veterum puerorum ornamentum, amandat Venutius. At Bullarum omnium veteres formæ, quæ & apud Sponium *Miscell. erudit. antiqu.* Sect. IX. pag. 299., & ex eo apud Montfauconium *Antiq. explic.* To. III. Part. I. Tab. XXXVII. pag. 70. occurrunt; tum illa, quam gerit Bacchus iuvenili facie expressus supra operculum insignis Cistæ Mysticæ aeneæ, quæ inter cetera præclara Cimelia Musei Kircheriani adservatur, quæque pro Vase ad ficitii cuiusdam Macolnii apothecum temere ab illius Musei Praefectis usque adhuc accepta est (Vid. Epistolam nostram in *Ephemericibus Florentinis* ann. MDCCCLXV. n. 16. col. 249., & seqq.); ac tandem celebris illa ex auro, in qua CATVLVS scriptum legitur, quæque in Museo Chisiano nunc prostat, perfectam rotunditatem præferunt, nec ulla adhuc inventa est antiqua Bulla, quæ ad cordis figuram accedat. Non ignoro quidem, Cl. Montfauconium in *Palaeographia Graeca* Lib. VI. ad Prolog. pag. 378. cordiformes Bullas etiam censuisse, ut alios praeteream, qui forte Macrobiï auctoritate adducti in hanc sententiam descendere non dubitarunt; Ipse enim *Saturnal.* Lib. I. cap. VI. sic ait: *Nonnulli credunt ingenuis pueris attributum, ut cordis figuram in Bulla ante pectus annexerent, quam inspicientes ita demum se homines cogitarent, si corde praestarent.* At Macrobius non asserit quidem, cordis figuram Bullam fuisse donatam, sed ait in Bulla cordis figuram expressam fuisse, quod sane quid diversum censi debet, neque hoc sane est huiusmodi, ut per ipsum cetera Scriptorum, & monumentorum testimonia, quin & nominis ipsa similitudo, & ratio negligantur. Quare Folium herbae cuiusdam palustris potius censerem, quod puer noster manu



manu gestat, quandoquidem id etiam verosimilius sit, quod non annulo, sed pediculo adnexa in marmore figura illa cordiformis conspiciatur. Huiusmodi foliis nimirum aegri utebantur ad muscas abigendas, dum interim grato viriditatis refrigerio fruebantur; quamquam nec muscariis carerent veteres, quae instar foliorum cordiformium conficta erant, quaeque in conviviis potissimum adhibebantur. Hinc multae Etruscarum Feminarum imagines in operculis Ossuariae huiusmodi instructae sive foliis, sive muscariis occurrunt, & praesertim apud Cl. Gorium in *Mus. Etrusc.* Vol. III. Class. III. Tab. IV. n. 1. pag. 151., ut nimirum per huiusmodi convivalem ornatum innuerent, apud Elysios hilarem vitam perpetuo se agere, & gratissimis epulis pasci; nec calices ipsi, quos Etruscis in manibus sunt, aliud innuunt, ut praesertim videre est in Urna illa Etrusca pulcherrima, quam Tuderti in Palatio Centumvirali pluries vidi, dum apud doctissimum illius Urbis Episcopum Franciscum M. Pasinium Ariminensem hospitater, & quae certamen Pelopis cum Enomao repraesentat, licet ab imperito Pictore in pugnam Amazonum deformatam exhibeat Cl. Gorius in *Mus. Etrusc.* To. I. Tab. CXXXV. Apud Bonarotium quinetiam in observationibus historicis in Numismata maximi moduli pag. 445. exstat Anaglyphum quoddam exprimens Bacchi triumphum una cum puero tabelli instar hederæ folium manu gestante. Tum veterem Gemmam profert Leonardus Augustinus in Gemmis antiquis Part. II. Fig. 52., in qua cernitur Hermaphroditus stipatus Amoribus, quorum unus canit lyra, alter syringæ calamos inflat, ac tertius denique folio, tamquam flabello auras movet, & somnum conciliat. Duas alias similes Gemmas habes etiam apud Gorium *Mus. Florent.* Vol. I. *Gemm. antiq.* Class. IV. Tabula LXXXII. n. IV., & V. pag. 158., & 159. Tandem apud Montfauconium *Antiq. explic.* To. II. Tab. CXVIII. n. 2. pag. 184. cernitur puer cum folio ad Venerem adsans. Nec defunt alia Etrusca Monumenta, in quibus

folia maiora arborum conspicienda occurrunt, quibus tamquam donariis suorum defunctorum Manes, quasi Diis similes onorabant, quemadmodum nimirum cernere est in Urnis Guarnaccianis apud laudatum Gorium in *Mus. Etrusco* Vol. III. Class. III. Cap. 13. Tab. XXV., & XXVI. Nemo enim ignorat, veteres singulis Diis arbores, & plantas dedicasse, & iuxta eorum Aras, & in eorum manibus posuisse. Hoc divinitatis argumentum alia Etruscorum Monumenta testantur, quae ab eodem Gorio loc. cit. Vol. I. Tab. CLXI. ad CLXIV. pag. 315., & seqq. proferuntur, quaeque nos consulto praetermittimus. Non omittendum tamen in Urnarum Etruscarum operculis sculptas Feminas passim haberi flabella gestantes, quae folia arborum latiora imitantur, quaeque idem Gorius inter divinitatis notas referendas non inepte existimat. Quare haud nos alucinari posse censemus, si figuram illam cordiformem, quam puer noster manu gerit, non Bullam, sed folium potius nominemus. Ceterum ne donarium pro pueri salute Signum hoc nostrum statuamus, nec pauca, nec exilia sane prorsus obitare nobis videntur. Comperitum siquidem in primis est, vetera Deorum Tempia plena fuisse donariis, votivis tabellis, inscriptionibus, & eorundem etiam Numinum Signis, quibus nempe Templum ipsum dicatum erat. Ea nempe Ethoicis alte superstitione infederat, ut censerent in Deorum imaginibus, ac simulacris rite consecratis praesto esse, & habitare Deos ipsos, ut ex Arnobio Lib. VI. *adversus Gentes* discere licet; ac proinde dum Signorum huiusmodi numerus excrefcebat, simul etiam augeri Numinum ipsorum & nova, & grata habitacula arbitrabantur. Quare haec cultus ratio, quae pro gratiarum actione ut plurimum perolvebatur, peragi haud poterat dedicatione Statuae, quae ipsum dedicantem, vel voti compotem factum exhiberet; cum potius sanatae solum aliquae corporis partes figulina arte confictae Templis Deorum appendi consueverint, ut sunt donaria illa, quae hoc incunte Saeculo Nemi ad Templum

Dianae in fundo Frangipanorum effossa sunt, quae ex Praenestinis, ubi olim Fortunae Templum erat, innotuerunt, quaeque, ut cetera mittam, quadraginta, & amplius ab heinc annis in Luco Sacro Pifaurentium inventa sunt, inter quae hominum nulla, sed Deorum dumtaxat, & praesertim pueri Telephori cucullati Signa aliquot parva prodierunt. Nec minoris sane nobis erat difficultatis, quod Priscilla iam morituta apud Statium *Silvar.* Lib. V. Eleg. I. v. 189. Abascantio Viro suo suaderet, ut pro se in Aedibus Iovis Capitolini aureum Signum non quidem se ipsam, sed exprimens potius Domitianum Aug., magnum illud assentatorum Numen ex voto dedicaret, dum ait:

*Da Capirolinis aeternum sedibus aurum,*

*Quo niteat sacri centeno pondere vultus*

*Caesaris, & propriae signet cultricis amorem.*

Ast nihilominus fieri etiam posset, ut & ipsius dedicantis Statua identidem ex voto posita olim fuerit; quandoquidem ex Pausania in *Phocidis* Lib. X. pag. 620. discimus, in Templo Apollinis Delphici inter ipsius donaria abstulisse Neronem *πεντακοσίας βεῶντε ἀναμύξ...* ἢ ἀνθρώπων εἰκόνας χαλκᾶς, quingentas nempe Deorum promiscue, & hominum imagines aeneas. His nunc etiam accedit elegans illud Etrusci Pueri Simulacrum ex aere, in Agro Tarquinienfi effossum, quod a Praefule amplissimo Franc. Carrario altero in Curia Innocentiana Indice dono datum CLEMENTI XIV. P. O. M. cessit Museo Vaticano, quodque nuper aenea Tabula expressum, & a Viro Cl. Joh. Bapt. Passerio praeclara edita Dissertatione illustratum, votum pro ipsius salute Diis perfolutum erudite contendit, dum & eiusdem pueri iconem Simulacrum ipsum praeferre non inverosimiliter existimat. Duo alia insuper huiusmodi Puerorum Simulacra, quorum unum sedens, alterum stat pedibus erectum, habentur in Museo Gratiano Perusiae, & in Museo Coratiano Cortonae. An vero qui mos in Graecia, & in Etruria obtinebat, inter Romanos etiam invaluerit, ut idcirco Signum nostrum pro anathemate accipi possit, cum nostrum praesertim non aeneum,

nec parvum, ut illa, quae diximus, sed marmoreum sit, & procerum, non ego facile statuerim. Neque etiam dissimulabimus, aliis insuper visum esse, Signo hoc praeferre Matronam Romanam sub Pudicitiae, vel Pietatis symbolo, prope quam adstet Filius, aut etiam Servus puer libertate donatus, quod sane ex pileo, quem capite gerit, conlici facile possit; quandoquidem pileus praecipuum Signum sit libertatis, ut ex nummis pluribus, qui hac inscriptione *Libertatis*, vel *Libertatis publicae* notati sunt, apparet, in quibus nimirum dextra pileum, sinistra hastam, in aliis cornucopiae, aut corollam tenens Libertas ipsa conspicitur, quales sunt nummi Claudii, Galbae, Vitellii, Nervae, Hadriani, Antonini, Pii, Gordiani, & aliorum. Atque hinc etiam manat, quod nummus Bruti perrarus cum pileo inter duos pugiones sit excusus, quo nempe patria in libertatem vindicata significatur, ut etiam aperte affirmat Dio Lib. XLVII. Hinc & proverbium ad pileum vocare, scilicet ad libertatem, quod de servis praedicatur. Ad hoc item pertinet Persii vers. 82. Sat. V: *Haec mera libertas, hanc nobis pilea donant.* Vide quinetiam Georgium Wolfgangum Wedelium in *Propemptico inaugurali de Nummis pileatis* pag. 5., aliosque passim, quos mitimus. Tandem nec illud intactum relinqueamus, quod & aliis visum est, in hoc nempe Signo nostro Matrem, & Filium iam vita functos exhiberi, aut potius Filium dumtaxat, quem proinde nec flabellum, quod Somnum, utpote Mortis fratrem, vel potius imaginem, ut vocat Cicero in Lib. I. *Tusculanar. Quaest.*, inducere videatur, nec folia illa arborum, quae supra diximus, tamquam mortuorum donaria, & divinitatis cuiusdam symbola dedeant. Cui vero ex hisce opinionibus, quas omnes in tanta rei ambiguitate in medium nunc proferre optimum duximus, magis tribuendum sit, videat, qui vel nobis doctior, vel qui animosior esse possit; ac si singulae displicent, meliores, quibus & nos erudiamur, candidus impertiat.

TAB.

## TAB. CIII.

## F E M I N A P A L L I A T A.



Mitram, seu Mitellam nostrum gerit marmoreum Signum, cui si nomen aliquod tribuendum esset, Sabinam fortasse Antiquarii dicerent. Mitra Matronarum caput ornat, ut ait Varro. Ea primum usas opinor Virgines Lidas, deinde vero Moeonias. Virgilius de Paride <sup>(1)</sup>:

*Moeonia mentum mitra, crinemque madentem.*

*Subnixus.*

Postea autem ad Aegyptias, Phrygias, Syriasque pervenit, inde ad Etruscas, & Latinas. Ea videtur fuisse aliquando floribus, aut etiam lapillis contexta, ac filo circumligata, ut ad occiput, vel sub mento adstringeretur; unde nomen quidam accepisse putant ἀπὸ τοῦ μίτου, hoc est a filo, sed inanes plerumque sunt huiusmodi etymologiae. Decidebant vero ex eadem fasciolae quaedam, quae φύλλα dicebantur, quod foliorum instar penderent. Has Virgilius videtur significare, cum ait <sup>(2)</sup>:

*Et tunicae manicas, & habent redimicula mitrae.*

Tunica, quae in hac Statua interior est, ad imos usque pedes demissa a Graecis ποδήρης dicitur, a Latinis talaris; eadem fortasse est, ac recta, ut vocat Plinius <sup>(3)</sup>, quam simul cum toga pura accipiebant Tirones, & novae Nuptae. Ast id controversum admodum est, & incertum.

## I. C. AMADUTII ADNOTATIO

Nos, qui prototypum ipsum expendimus, nullum in eo Sabinae Hadriani uxoris speciem deprehendimus; quin potius lineamenta quaedam, licet non omnino exstantia, Messalinae quintae Claudii Coniugis apparere visa sunt. Ast vero caput superadditum cernitur, quod an antiquitus huic Signo superimpositum fuerit, non ego is sum, qui vadimonium facere audeam. Fuit vero, qui Sapphus imaginem in hoc Signo haberi contenderet, quod iconi alteri, quae Romae in Aedibus Capitolinis est, quaeque eidem tri-

buitur, assimilari censeret. Sed nimis incertum hoc erat, ne Signum hoc tam facile praestantis Poetriae nomine insigniri posse arbitraremur; quamquam & illud ob stare videtur, quod Signum hoc nostrum nimis procerum sit, ne Feminae pumilioni, qualis erat Sappho, convenire possit. Sic enim de ea Ovidius *Heroid. Epist. XV. v. 33*:

*Sum brevis, at nomen, quod terras impleat omnes,*

*Est mihi: mensuram nominis ipsa fero.*

De ea haud iuvat nunc nos verba facere, cum

(1) *Lib. IV. Aeneid. v. 216.* (2) *Lib. IX. v. 616.* (3) *Hist. nat. Lib. VIII.*



cum praesertim de ea fufius egerint Cl. Academici Herculanenſes in Tom. I. Aeneorum Monumentorum adnot. 3. ad Tabulam XXXVII. pag. 32., ubi aeneam Protomen, in qua ipſam agnoſcunt, illuſtrant. Aſt praeter ea, quae ipſi recensent, addemus, haberi Romae in Suburbano Albano Hermam Sapphus nomine recenti ſcalpro inſcriptam, ut & aliam, quam innuimus, in Aedibus Capitolinis. Tum Nicolaus Franc. Haymius *Theſaur. Britannic.*, interprete Comite Aloyſio Chriſtianio Mediolanenſe, edit. Vindobonen. ex officina Krauſiana an-

ni MDCCCLXIII. Tom. I. Tab. XIII. n. 2. pag. 145. inter Virorum illuſtrium Numiſmata unum adfert, in cuius antica parte cernitur caput muliebre ſingulari ornatu, quod ipſe Sapphus nomine inſcribit; in poſtica vero cernitur Miles ſtans cum haſta, & ſcuto; in area tandem littera E, quam primum elementum cenſet Ereſiae Urbis, in qua, ut & Mitylene nata dicebatur, quaeque idcirco in huius Feminae, & Civis clariſſimae memoriam nummum etiam cudendum curaverit.



CLASSIS XI.  
QUAE CONTINET  
STATUAS IACENTES.

TAB. CIV.

FIG. I.

SILENUS.

**S**ilenus hilari vultu, capite hedera coronato, iacensque cernitur, palliolo indutus, laeva uvae racemum exprimens in vasculum. Silenum iacentem perbelle descripsit Virgilius inquiring (1):

VENUTIUS

*Pergite, Pierides. Chromis, & Mnasyllus in antro*

*Silenum Pueri somno videre iacentem,*

*Inflatum hesterno venas, ut semper, Iaccho.*

Coronatum exhibere Silenum veteres solebant, ut idem Virgilius testatur (2):

*Serta procul tantum capiti delapsa iacebant,*

*Et gravis attrita pendebat cantharus ansa.*

Haec autemserta e racemis uvae erant, aut ex hedera. Vas illud an-  
fatum in hac Statua, supra quod racemus exprimitur, facile cantha-  
rus est, qui erat Bacchi, eiusque cohortis poculum. Eo Marius post  
Cimbricam victoriam ad Liberi Patris imitationem in mensa utebatur,  
ut refert Plinius (3). In elegantissimo marmoreo Cantharo Vulfinii adser-  
vato in Bacchica pompa Silenus insculptus est a Pueris, & Nympha  
fertis vinctus (4), velut ebrius. Hinc in Eleorum Templo in Graecia  
prope Sileni Statuam erat altera Ebrietatis, quae vini cyathum ei por-  
rigebat (5).

(1) *Eglog. VI. v. 13.*

(2) *Id. ibid.*

(3) *Lib. XXIII. c. 11., Macrob. Saturn. Lib. V. cap. 20.*

(4) *Leonard. Adami Hist. di Bolseno To. II. Lib. IV. pag. 215.*

(5) *Pausan. in Eliacis Lib. I.*

## TAB. EADEM.

F I G. I I.

F L U M E N.

VENUTUS



Fluvius iacens cernitur ima tantum corporis parte velata pallio, barba proluxa, capite frondea corona redimito, dextera gubernaculi capulum tenet, in sinistra an vasculinae pars sit, an aliud quidpiam, non satis apparet. Antiquissimus apud Idololatrias fluviorum cultus fuit, quod ii tamquam omnium divitiarum datores haberentur, ut constet ex veterum Theologia<sup>(1)</sup>, quae praecipue circa Fluvios versabatur. Populi eorundem accolae, ut quantum ipsis deberent, ostenderent, & innuerent praeterea locum, quem incolebant<sup>(2)</sup>, nummos suos Fluminum imaginibus signare consueverant. Hae urbium simulacris aliquando adiacentes cernuntur, ac ipsae etiam Urbes, Deorum instar, capite turrato in iisdem exhibentur. Exstant plures huiusmodi nummi apud Antiquarios. Quamquam vero Aelianus referat<sup>(3)</sup>, nonnulla Flumina a quibusdam populis exsculpta Taurorum effigie, tamen alia memorat humano vultu efficta. Fluviorum imaginibus gubernaculum frequenter apponebatur, praecipue si navigabiles essent. Ex arboribus etiam, vel herbis eorundem propriis, aut corona Fluvio, aut gestamen fiebat. Statius Ismenum fluvium describens<sup>(4)</sup>:

*ceciditque soluta*

*Pinus adulta manu, demissaque volvitur unda.*

In hoc nostro Signo, nisi quidpiam huiusmodi est, quod sinistra tenet, urna deficit, quae fere semper Fluviorum erat sustentaculum, seu pulvinar. Virgilius de Inacho loquens<sup>(5)</sup>:

*Caclataque amnem fundens Pater Inachus urna.*

Et Statius<sup>(6)</sup>:

*In laevam prona nixus sedet Inachus urna.*

Cum nullum peculiare symbolum adsit in hoc nostro Signo, divinari non potest, quem potissimum Fluvium in eodem expressum artifex voluerit.

(1) Max. Tyrius Serm. 38.

(2) Apud. Morell. Spec. pag. 77.

(3) Variar. Hist. Lib. II. cap. 3.

(4) Theb. Lib. IX. v. 410.

(5) Aeneid. Lib. VII. v. 792.

(6) Theb. Lib. II. v. 218.



## TAB. CV.

FIG. I., ET II.

## AMORES QUIESCENTES.



Mor, ut recte conicit Isidorus <sup>(1)</sup>, ideo alatus pingitur; quia nihil amantibus levius, nihil mutabilius invenitur. Puer pingitur; quia stultus, & irrationabilis Amor. Bupalus hic, & Athenidis pater fuit; sicut legimus in Aristophanis Scholiaste, qui alas addit Amori <sup>(2)</sup>. Magnum Cicero, quemadmodum Lactantius refert <sup>(3)</sup>, audaxque consilium suscepisse Graeciam dixit; quod Cupidinis, & Amorum Simulacra in Gymnasio consecrasset: adulatus est Attico, cui haec scribit, & blande irrisit, meo quidem iudicio, hominem familiarem; non enim illud magnum, aut omnino consilium dicendum fuit, sed impudicorum hominum perdita, & deplorata nequitia, qui liberos suos, quos erudire ad honesta debuissent, his imaginibus ad turpitudinem paulatim allicerent. Huic incommodo Romani, ut obviam irent, Cupidinem in Gymnasiis medium inter Mercurium, & Herculem collocabant <sup>(4)</sup>, vel horum honestabant insignibus, quasi id vellent innuere, Amorem cum virtute, ac ratione debere esse coniunctum. Athenaeus scribit <sup>(5)</sup> veteres Philosophos sensitse, Amorem esse Deum gravem, & ab omni turpitudine alienum; quod vel ex eo intelligi potest, quod praecipue eum cum Mercurio, & Hercule copularint, quorum ille eloquentiae, hic fortitudini praeesset, ex quarum virtutum societate amicitia, atque amor exsistat, necesse est. Nostra haec elegantia Signa Amorem dormientem, quem *Leitacum* nuncupabant, ostendunt. Huius Statua in Veneris Erycinae Templo visebatur; is autem inversam faciem tenebat, usque dum extingueretur. De hoc Ovidius meminit <sup>(6)</sup>, atque refert, ad eius Templum omnes eos Amantes confluxisse, qui amatarum rerum memoriam deponere cupiebant.

VENULIUS

(1) Origen. Lib. VIII. cap. XI.

(2) Apud Schol. Aristoph. in Avibus impress. Basil. 1597. pag. 391.

(3) Lib. 1. Instit.

(4) Mercurial. de Art. Gymnast.

(5) De Dipnosoph.


(6) Lib. 1. Amor.

## TAB. CVI.

FIG. I., II., ET III.

## SOMNI, ET MORTIS GENII.

VENUTIUS

 Omnum Ethnici finxerunt Mortis fratrem, utriusque vero Matrem Noctem esse; quod per similitudinem, & quamdam rerum connexionem dormientes mortuis comparari possint, aequè in obscuro iacentibus utrisque <sup>(1)</sup>. De Orode a Maxentio occiso ait Virgilius <sup>(2)</sup>:

*Olli dura quies oculos, & ferreus urget*

*Somnus; in aeternam clauduntur lumina noctem.*

Somnum fratrem Mortis appellat magnus Homerus in Iliade <sup>(3)</sup>, & utrosque gemellos nuncupat <sup>(4)</sup>. Pausanias Noctis imaginem, & filiorum eius, Mortis, & Somni describit <sup>(5)</sup>, quae imago apud Eleos spectatur in Templo. Somnus erat alatus, ut ait Albius Tibullus <sup>(6)</sup>:

*Postique venit tacitus furvis circumdatus alis*

*Somnus, & incerto somnia nigra pede.*

Ex duobus Geniis in Anaglypho insculptis Fig. I., & II. alter, qui facem inversam, & coronam gerit, Mortem repraesentat; alter vero dormiens cum copiae cornu forsan papaveribus referto Somnum exprimit <sup>(7)</sup>. Papaver Somno dicatum erat, ut omnibus palam est <sup>(8)</sup>. Hos Pureos pulcherrimos pingebat antiquitas; eosque describit Pausanias in Cypseli monumento, ambos inversa face armatos, corollisque vel dissolutis, vel pendentibus <sup>(9)</sup> a placida quiete avocari recusantes; ex quo Mors *Somnus aeternalis* nuncupatur <sup>(10)</sup>. Mus, seu lacerta ad Pueri dormientis pedes Fig. III. cernitur. Lacerta Sauri Scalptoris fuit emblemata <sup>(11)</sup>. Praxiteles Apollinem puberem scalpsit insidentem sagittae, per quam lacerta subrepat <sup>(12)</sup>. Mures vero & ipsi sacri erant Apollini, & Dianae, aliisque Diis, ex quo Apollo *Smintheus* appellabatur <sup>(13)</sup>. Quid si ad

(1) Catull. Epigr. V.

(2) Aen. Lib. X. v. 745.

(3) Iliad. Lib. XIV.

(4) Iliad. Lib. XVI.

(5) In Eliac. Lib. V.

(6) Lib. II. Eleg. I.

(7) Vid. Bellor. Sepolcr. de' Nasoni &c.

(8) Vid. Dissert. VII. Dormient. Eq. Francisci Viſto-

rii pag. XI. edit. Roman. 1741.

(9) In Eliacis.

(10) Fabrett. Inscript. domest. Cap. III. pag. 124., & Cap. V. pag. 381.

(11) Vid. Iunium de Pictura veterum.

(12) Pausan. in Eliacis.

(13) Idem loc. cit.

fi ad inane, ac puerile quoddam oblectamenti genus animal fuit adpositum; ut in aliis consimilibus imaginibus fieri solitum a puerorum parentibus, ostendit Fabrettius <sup>(1)</sup>? Ludicra enim eiusmodi in puerorum praefertim monumentis apponi solebant <sup>(2)</sup>.

## I. C. AMADUTII ADNOTATIO

Cum ob duo, ac tria etiam Signa in una Tabula ab Operis imperite descripta, nostrae methodo, qua singula per Classes disposuimus, vis inferetur, facile in hoc consilium venimus, ut ad peculiarem Classem Signa haec iacentia promiscue reduceremus; quamquam & id absolum nihilominus occurreret, ut duo Anaglypha in postrema Tabula conspicienda veniant, quibus nullus inter Signa locus esse debuerat. Sed quid faceres, cum novis sumptibus parcendum, illisque, quae iam parata erant, insistendum esset? Huiusmodi Somni, seu Mortis imagines plures quidem occurrunt inter veterum Monumenta. Habes nempe Signum Somni marmoreum, quod Romae in Aedibus Vincentii Victorii Canonici collocat Paullus Alex. Maffei, ac in eius Statuarum Collectione refert Tabula CLI. pag. 144. Somnus quinetiam ex Marmore Romano sub forma Pueri iacentis, cui sub sinistro brachio cernitur caput leonis, in sinistra manu papavera, lacerta ad pedes, quique dexteram manum super caput habet, & alis instructus est, exstat apud Montfauconium *Antiq. Explic.* To. I. Tab. LXXIX. Lib. VI. Cap. I. n. II. pag. 215. Tum Signa duo antiqua Cupidinis leoni indormientis, quorum alter corollas manu sinistra tenebat, vidit Iacobus Tollius in Caesarea Pinacotheca Vindobonensi, atque alterius ex his egyptum etiam dedit Tollius ipse in Epistola Itineraria III. edit. Amstelodami typis

Francisci Halmae anno MDCCC. pag. 72. Insuper Somni figuram cernere est sub specie Pueri incubantis super spoliolum leonis, & sinistra manu papavera gestantis, quae lacerta petere videtur, una cum litteris ad dexterum latus expressis sic:

O. V.  
A. R.  
N. M.

apud Arnoldum Drakenborchium in Sillii Italici *Punicorum* editione ab ipso peracta Traiecti ad Rhenum anno MDCCCXVII. ad Lib. X. pag. 518. Praeterea in Rainieriorum Villa laxae aedificata, & eleganter ornata, quae est in Agro Meldulensi, in Iugo nempe, quod Saltum dicunt, duo millia passum supra Petram Apollii, inter cetera antiqua Cimelia multi pretii, quae ibidem adservantur, exstat Cupido Sarsina aduersus, Lunensi e marmore, dormiens, admodum venustus, papavera bina sinistra manu gestans, cui lacerta pedem dexterum mordet, ut fidem facit Vir Cl. Hieronymus Ferrius Longianensis, & Faventinorum Rhetor in eius latina Epistola, quae legitur in Ephemeridibus Litterariis Florentinis anni MDCCCLXIX. n. 47. col. 745. Tandem Vir Cl. Marchio Scipio Maffei in *Museo Veronensi* pag. CXXXIX. n. 1., 2., 3., & 4. exhibet elegantia Anaglypha cum Pueris inversas facies tenentibus; quorum qui signatur n. 3., in face inversa coronam insuper gerit. Haec sane omnia apprime cum nostrorum Monumentorum symbolis convenire, nemo non videt.

(1) Fabrett. loc. cit. (2) Buonarroti *Vetri Cemiterial.* pag. 189.



ABSOLVTVM . EST . VOLVMEN . I. VETERVM . MONVMENTORVM  
QVAE . SVNT . IN . AEDIBVS . ET . HORTIS . CAELIMONTANIS . MATTHAEIORVM  
ROMAE . IN . TYPOGRAPHIO . ZEMPELIANO . APVD . MONTEM . IORDANVM  
KAL . APRILIS . ANNI . A . CHRISTO . NATO . CIOCCCLXXII  
AC . III. PONTIFICATVS . SSMI . D. N. PAPAE

C L E M E N T I S , X I V

QVI . MVLTIS . ANNIS . VIVAT . FLOREAT . IMPERET

*Tom. I. Class. I. Tab. I.*










*APOLLO Citharoedus*




III.



APOLLO  
*Citharoedus*
















VI.




APOLLO SAGITTARIUS





VII.




APOLLO





VIII.







APOLLO ET MARSYAS













MERCURIUS











*Bacchus Asino insidens*









*Amor*








*AMOR quiescens cum Herculis symbolis.*







*Amor Canens*



XI III.



VENVS





XIX.




AMICITIA





XX.



MINERVA



*To. I. Class. II. Tab. XXI.*



CYBELES





XXII.



CYBELES











CYBELES











XXVZ





XXVII.



CERES






XXVIII.



CERES





XXIX.



CERES





CERES

M. Dorello scul.





XXXI.



CERES






XXXVII





*To. I. Class. III. Tab. XXXIII.*








XXXIV











XXXVI.



FAVNVS





XXXVII.



FAVNVS





XXXVIII.



FAVVS



XXXIX




FAVNVS






XL.




FAVNVS, ET SATYRVS

Franc. Masoni Sculp.











XLII.







XLIII.



SILENVS





XLII



DIANA



*XLV.*



DIANA





XXXXVII



*Diana*






XLVII.



FLORA



XXXX/III.



*Pomona*





XLIX.




POMONA











NAÏS





To. I. Class. IV. Tab. LII.







LIII.



HERCULES











BELLEROPHON





LVI.






LVII.









HYGIA









LX.



AMAZON





To. I. Class. V. Tab. LXI



PUDICITIA





LXII.



TVDICITIA



LXIII.



FORTUNA





LXIV.



FORTVNA





LXV.



ABVNDANTIA



*Tom. I. Cap. 5. Tab. LXVII.*



*CAMILLUS PUER*





LXVII.



BACCHANS

Phil. Horden sc.





LXVIII



BACCHUS



LXIX.



BACCHANS







BACCHANS

*Alcibiades del. Scul.*





LXXI.



*SACERDOS CERERIS SACRIFICANS*




*To I. Class. VII. Tab. LXXII.*







LXXIII.



CONSVL





*Tom. I. Class. VIII. Tab. LXXVII.*



I. CAESAR



LXXV








LXXII



OCTAVIANUS AUGUSTUS





LXXVII.



OCTAVIANVS AVGVSTVS



LXXVIII.



AUGUSTUS AVGVSTVS





LXXIX



LIVIA





LXXX.



CAIVS CALICULA



LXXXV



TIBERIUS CLAUDIUS





LXXXII.



CL. DOMITIUS N. 10





LXXXIII.



CL. DOMITIVS NERO



LXXXIV



FLAVIUS DOMITIANUS





LXXXV



*NERVA TRAIANVS VLPIVS*





LXXXVII.



MARCIANA AVGVSTA



LXXXVII.







LXXXVIII



ANTINOVS





LXXXIX.




*Antoninus Pius*

*M. J. G. J. sc.*









XCI.



ANNIA FAVSTINA





*XCII.*



*L. AURELIUS COMMODUS*









XCIV.




*M. Aur. Bassianus Antoninus Caracalla*





XCV



LICINIVS GALLIENVS



Tom. I. Clas. IX. Tab. XCVI.




J. M. H. f.





XCVII.




PTOLEMÆUS REX AEGYPTI





To. I. Class. X. Tab. XCVIII.



POETA



XCIX.



HISTRIO











CI.



*GLADIATOR*



CII.



FEMINA VELATA CUM PUERO





CIII.



FEMINA PALLIATA






*Class. XI.*

*Tab. CII.*

*Fig. I.*




*Silenus*

*Fig. II.*



*Fluvius*






AMORES QUIESCENTES

F. M. S.






*Fig. I.**Fig. II.**Fig. III.**Somni et Mortis Genii*









SPECIAL  
OVERSIZE 85-B  
2759  
V.1



